



BIBLIOTECA NAZ.

XVII

A

44

NAPOLI

1-166

59. 16

BIBLIOTECA NAZ.
Vittorio Emanuele III

XVII

A

44

NAPOLI



VINDICIÆ
S. ROM. IMPERII
ET

VICINÆ EUROPÆ,

ADVERSUS

REGUM GALLIÆ
CAPETINORUM
ORIGINES,

NOMINE

GASTONIS JOANNIS
DUCIS ESPERNONII,

A

LUDOVICO ROGERIO
DE PRADES

NUPER
IN LUCEM EDITAS.

ANNO 1686.






THESIS PRADIANA,
VINDICIARUM OBJECTUM.
GENEAL. CAPETINÆ
PART. II.

SUB

HUGONE CAPETO.

JE soutiens, que les Roys predecesseurs de
nostre Roy Louys le grand, ont esté con-
servés de masle en masle, jusques aujour-
d'uy dans les mesmes estats, que les François
ont subjugué, dans le cinquiesme siècle de la
reparation de nostre salut, & que les heri-
tiers imaginaires de l'Empereur Charlema-
gne doivent rendre hommage, au legitime
successeur de l'Empire François, comme à
leur souverain.



Ad Lectorem.

PAucis te volo, Lector
 Amice. Vindiciarū quas
 vides, causa hæc est, quòd
 Ludovicus Rogerius Pra-
 dius, novissimus Galliæ Historio-
 graphus, non contentus, fallacī
 domūs Capetinæ stemmatologiā,
 sub nomine Gastonis Joannis Esper-
 nonii Ducis, civibus suis os sublevif-
 se, Regemque putidis assentationi-
 bus & viro ingenuo indignis pal-
 pāsse, ut ostenderet ingenium etiam
 animosque exteris ludificandis ac
 lacessendis feroculo superesse, ausus
 sit, quā confidentissimè statuere,
Regum suorum hodieq; esse, quid-
quid seculo æræ Christianæ quinto

Præfatio.

Francorum armis succubuerit. Cudatur hæc faba, tum palàm atque apertè in Germaniam Cisirhenanam omnem, ut ne vel Belgæ Fœderati vel Helvetii dictum sibi non putent: tum per solitas Gallorum argutationes, unà cum cœtero Imperio nostro in circumjectos latè per Europam vicinos. Nec pseudopyra jactari, ipsa his proximis lustris sub aliis coloribus feralis docuit experientia. Dum igitur inducias nacti, tempestatem seriùs ocyus redituram, verbis in vicennium conjuratam credere nuper jussi sumus, & arma nostra Orienti compescendo obversa sunt: nil esse putem quod vetet, jura interim partium ventilare, futuræq; cum Galliâ paci (an bello?) præludere. At verò, cum quæ Pradius Regi suo admeti-

Præfatio.

metitur in exteros jura, vel familiæ & sanguinis titulo, vel regni cui præest, privilegio venire necesse sit: ut quæ adversum nos torquere fatagit tela, extorqueamus: res ipsa ostendi postulat, & Capetinam propaginem Merovingiæ stirpi falsò insertam, & apud Gallos alia potius omnia, quàm regnum vetus Francorum superesse. Utrumque hoc libro agere constitui. Præmitto autem, quæ scriptioni claritatem allatura videbantur, cœpti occasionem, causæq; statum, opinionum etiam, quæ Capetinorum origines distraxere, elenchum, tum genealogiarum, quales Prædix substituit, Summarium historicum. Inde nonnulla circa primævam Francorum remp. præcognoscenda subjunxi, in quibus si diffusior fui, quàm pro-

Praefatio.

compendio cœteri operis congruum videri queat : dandum id fuit nobilissimi populi originibus, inter tot etiam scriptores, qui illustrandas sumpserant, ne nunc quidem satis pro exigentiâ, nedum pro dignitate excussis. Adhæc vero etiam scriptori lucem atq; ordinem non fugienti nihil, supervacaneum ducendum erat, quod lectorem etiam in modico levare idoneum; ac si qua alia, certè genealogica tractatio distinctionem claritatemq; requirebat. Ista quidem capitibus quinque prioribus absolvuntur. Dehinc verò opus ipsum genealogicum distenditur, cujus capitibus novem proximis genealogiam Pradianam evertimus. Triâ inde postrema prætensiones Gallicas examinant, & modernum Gallia

Praefatio.

liae regnum , à regno Francorum
vetere ac genuino alienum omni-
nò, quippe seculo demum nono ex-
ortum demonstrant. Hæc, mi
Lector, scripti hujus ratio & œco-
nomia est; juxta quam & hoc te
ignorare nolim, non aliud genea-
logiæ Capetinae à Pradio editæ
exemplar pro hâc scriptione mihi
sub manibus fuisse, quam quale
annis abhinc quinque Sebastianus
Cramoisius dedit. Quæ enim
priorem istam editionem, Pradio
alibi indice, triennio subsequuta
est altera, eam quidquid niterer,
videre hætenus non licuit. Cre-
do, quòd vel in patriâ suscepto-
res non inveniret infelix partus,
nascendo denatum esse, aut luci
sponte renuntiâsse. Commodum
verò, quæ ibi prioribus addita con-

Praefatio.

tineri accepimus, Pradius corpori
suo historico per compendium in-
seruit; quod satis fuit, ut ne sic
quidem fatum suum hîc
effugeret.



SYLLA-



SYLLABUS CAPITUM.

- I. **O**ccasio Vindiciarum & status causæ.
 - II. Variæ circa origines Capetinas sententiæ exponuntur.
 - III. Pradii systema genealogicum exhibetur.
 - IV. Brevis persecutio historica majorum, qui Hugoni Capeto à Pradio seu jure, seu injuriâ tribuuntur.
 - V. Originis, & primævi systematis, & incrementi
- A s . Fran-

SYLLABUS CAPITUM.

*Francorum nonnulla huc
pertinentia delibantur.*

VI. *Sigebertus Francorum Su-
periorum Transrhenensi-
um, & Ripuarianorum Rex,
Merovæi posteritate ex-
cluditur.*

VII. *Mundericus Perduellis ex
Sigebertina juxtâ & Me-
rovingia progenie rele-
gatur.*

VIII. *Quid de Bodegisilo Duce
sentiendum?*

IX. *S. Arnolphus cum poste-
ris à masculâ Merovin-
giorum progenie remo-
vetur.*

X. *Childebrandus I. aut Pi-
pini*

SYLLABUS CAPITUM.

*pini filius non fuit, aut
spurius fuit.*

XI. *Non liquet Nebelongum II.
filium fuisse Eccardi.*

XII. *Non liquet Nebelongum
II. patrem fuisse Roberti
Fortis.*

XIII. *An ab identitate magi-
stratum gestorum, nec
non possessionum priva-
tarum, similitudine no-
minum tum priorum,
tum patriorum, ad iden-
tatem familiae, à Pradio
recta fiat illatio.*


XIV. *Quod reliquum est Pra-
dianae causationis, refel-
litur.*

XV. *De*

SYLLABUS CAPITUM.

- XV. *De prætensionibus Gallicis
in genere.*
- XVI. *Fura Merovingiorum in
Capetinos non sunt con-
tinuata titulo familiæ.*
- XVII. *Fura Merovingiorum non
sunt continuata in Cape-
tinos titulo regni, quod
tenent Gallici.*





I.

Causa & occasio Vindiciarum.

DEcimus nunc mensis
vertitur, ex quo in histo-
riam Galliaë, autore Ludo-
vico Rogerio Pradio, non
ita pridem vulgatam incidi-
in quâ cum origines Pipini Brevis Fran-
corum, & Hugonis Capeti Galliaë occi-
dentalis Regum evolverem, Munderici
eiusdam Franci mentio se intulit, Gre-
gorii Turonensis curâ, non alio nomine
ad posteros deducti, quàm quòd in Theo-
dericum I. Austrasiaë Regem, Chlodovæi
filium perduellionis reus malè periisset.
Quò magè miratus sum, quòd autor cir-
ca regum suorum gloriam in hâc genealo-
giâ etiam cum aliorum injuriâ tam ope-
rosus, eundem Mundericum perduellem,
ex

ex sententiâ quidem Gastonis Joannis
Espernonii ducis inter Capetinae feliciter
hodie in Galliâ Occidentali regnantis fa-
miliæ genearchas, in filium quoq; Chlo-
derici notissimi parricidæ, nepotem verò
Sigeberti Francorum superiorum Trans-
rhenensium & Colonienſium seu Ripua-
riorum Regis, Merovæi deniq; pronepo-
tem nullâ necessitate, sed nec ullis ido-
neis vel tabulis vel testibus erigere susti-
nuisset. Cupidus itaque rei tam novæ
pernoscendæ, Ducis, quam laudabat ge-
nealogiam regiam, frustra diu apud no-
strates inquisitam, è Galliâ tandem ami-
corum operâ nactus sum, qualem nobis
annus hujus seculi octuagesimus typis
Cramoisianis dedit, unde vix quintus de-
cimus hodie dies est, quòd ad me perlata
sit. Deprehendi verò eam curâ itidem
Pradii non modò in lucem datam, sed &
argumento operis, & brevi variarum cir-
ca origines Capetinas sententiarum re-
censione, proœmii loco illustratam. Cùm
& ista & opus ipsum avidè perlustrarem:
reperi seriem genealogicæ deductionis,
haud illam quidem inconcinnè edolatam,
sed

sed impar cœteræ industriæ veri studium,
 & ex adverso assentationum copiosam
 penum. Quæ verò inprimis animum ad-
 miratione defixum tenuit, pagina fuit
 partis secundæ nona & sexagesima supra
 centesimam, quam oppidò consultum
 Pradio fuisset, pro prælo spongiæ subji-
 cere. Illic enim in hæc verba proruit:
 (a) *Probros foret tertiæ Regum nostrorum*
familiæ, autorem generis laudare (Caro-
lum M.) regni alieni usurpatorem, avo
etiam paterno (Carolo Martello) spurio
editum: Rex noster Ludovicus Magnus,
magno Merovæo suas debet origines, tra-
duce Childebrando Burgundiæ Duce, Pipi-
ni (Crassi, seu Heristallii & Audacis) Du-
cis filio legitimo. In me recipio demon-
strandum, quòd regibus ejus decessoribus per
mares de generatione in generationem sar-
ta teclæ manserint ea omnia, quæ seculo re-
paratæ salutis quinto, Francorum armis
subacta; quodq; imaginarii illi Carolini
hæredes (Austriacos Principes intelligit)
legitimo imperii Francorum (Gallorum
putà regni) possessori, ceu Principi suo
autocratori homagium præstare teneantur.

Quæ dicta, cùm ritè æstimanti, nonnisi multiplices & concatenatæ infaniæ injuriæq; videri jure queant, eòq; scuticam mereantur; opus est, ut heic loci conceptis solenniter verbis profitear, cum Illustrissimo Espernonii Duce nihil mihi quidquam contentiosi intercedere. Prædium compello, quem unum tam insulsi sermonis fabrum, non modò quòd approbando, edendo, illustrando, dedicandoque suum fecerit, sed etiam, quòd inurbanitas ipsa dictionis, & insolentia ac petulantia assertionis plebem oleant, agnoscere possum, non virum principem, principibus natum, aulæq; innutritum, ac domi forisq; celebrem; imò ne sanum quidem hominem, sed causæ quam tuendam atq; ornandam suscepit, & hîc & ali-bi persæpe proditorem; quod tùm nunc è vestigio, tùm suis locis multipliciter evictum dabo.

Res enim sic se habet: Jacobus Chiffletius Archiater Belgicus, Hispaniæ advocatus, aliquot abhinc lustris multis in eo fuit, ut duo potissimùm probata redderet. Inprimis Carolinam omnem progeniem

geniem masculinam, è rebus humanis jam pridem sublatam. Deinde proximos Carolinis successores atq; hæredes per fœminas superesse Austriacos Principes. Jure ne ista, an secus, & quo successu? quoniam ad nostram hanc causam parùm attinent, alii viderint. Pradio satis esse debebat, allegâsse, & quod ad rem erat, siquidem poterat, idoneis argumentis evertisse. Verùm tanti fuit, undecunq; arreptâ occasione, Regem suum inanissimis palpationibus prensare, ut nullâ decori, nullâ honesti curâ, id etiam alienâ, quin, parùm dixi, in recessu propriâ Regis contumeliâ agundum duxerit.

Nam quod ex relato operis genealogici fragmento inter alia se ob oculos fert, tanquam palàm non esset, quàm sanctis sponsalibus ipse etiam Chlodovæus M. prodierit, Carolo Martello sui seculi prodigio natales oggerit vitiosos. Carolo M. ejus per Pipinum Brevem filium nepoti, avi natales eosdem probro objicit. Quod quid aliud est, quàm nævis paternis insultare? Paternis inquam.

Per Martellum enim (ut homo loquor) nisi stetisset, Europâ universâ Saracenorum furiis objectâ, de ipsa etiam Ecclesiâ actum fuisset. Poterat de Martello, illud, Felix culpa! (ut ne profanum sit hoc usurpare) quodammodo jactari. Carolum autem Magnum quis ignorat, omnium, quotquot Christianus orbis tulit Principum, fuisse longè maximum, & ne Constantinis quidem, nedum Theodosiis posthabendum? Regnum is Francorum ex modico gloriæ potentiæque ad summum evexit. Petri sedem in Italiâ ab interitu vindicavit. Fidem in Galliâ adversus hæreses stabilivit, in Germaniam potissimùm intulit, unde dein per Pannoniam Sarmatiamque & Septentrionem propagata est. Nec habere Carolo majorem Galli (quatenus quidem ad ipsos pertinet) unquam, nec, mihi crede, quidquid satagant, habebunt. Hic verò ut Ludovico XIV. probrum sit, si inter majorum imagines referatur, cui unquam sano in mentem, nedum in buccam venit? Rahab quòd Israelitarum triadi salutis fuisset, vitæ antea-

ctæ

Ætæ maculam adeò eluisse visa est, ut Christus ipse inter majores eam suos computari probo non duxerit. Et Martelli nepotisq̃ue, patriæ verè patrum ingentia facta, toti Ecclesiæ, & per hanc universo orbi salutaria, tantum non potuisse pertendamus, ut elutâ maculâ culpæ alienæ, Galliæ modernis Regibus, (quibus, nisi per ipsos, ubi regnarent, non esset) sine probro majores assignari nequeant? Vereor paulò dehinc vel Christi familiam præ Capetina, Pradio similisque farinæ genealogis & assentatoribus ac basiliolatris nihili futuram; qui ipsi tamen inter hæc probrum non putant, Regum suorum majoribus abominabiles parricidas & perduelles, carnifici devota capita, ultro & contentiosè admodum, ac per fraudes ac fabulas innectere.

Ut verò hoc non urgeam, superesse tamen etiamnum hodiè per Germaniam Principes magni nominis, tùm dignitate, tùm, parùm abest, & potentiâ Regibus haud impares, quin & ex eorum sanguine in Septentrione magnum clarere Regem.

Regem, qui omnes circa genus suum masculino etiam traduce, per Bernardum Pipinumq; Italiæ Reges à Carolo M. pariter atq; Martello deducendum ultro ambitiosi sunt, ignorare non poterat Pradius, qui tantam sibi penum veteris novæq; historiæ comparâsse videri vult. Quod igitur probrum per averfationem sanguinis Carolini à Regibus suis amoliri nititur, id hoc ipso in istos petulanter ingerit. Et mitius forsitan aliquid, quàm cujus Dantem damnavit, meruisse sibi videbitur?

Huic nobili Poëtæ Florentino, specie ut refelleretur, reapse ut circa natales Gallia Regum ampullandi campum præberet, producendo ac lacerando paulò antè operam, sed infelicitè dederat Pradius. Ille enim cùm à Carolo Valesio Welficæ factionis per Hetruriam Duce ipse Gibeïlinus civitate pulsus esset, doloris impatientiam in carmina effuderat, officii erga natales Hugonis Capeti nequaquam pro dignitate retinentia. Ista tamen vel inter eruditos paucis nota, Pradius & extare alicubi, & ubi extent, dignus

dignus, qui imprudentiæ mercedem ferat, evulgavit. Etsi enim Dantis causam meam non faciam, gnarus, circa reges non nisi reverenter versandum: probari tamen non potest, regiæ causæ nullâ necessitate misceri, quæ passim ignota, eoq; etiam innocua, hoc ipso tamen, quòd perstringantur, noscendi pruritum lectori movent; lecta verò utcunq; damnata, sine tacito tamen risu vel ideò non transeunt, quòd fuerit aliquis, qui malè feriatì ingenii luxuriem etiam in Reges exerere ausus sit. Malè igitur eo facto regiæ dignitati, malè quam in Dantem parabat, ignobili vindictæ litavit, pessimè verò omnium sibi consuluit Pradius. Dantem enim cum patriâ infamiter (hoc falsè quidem) ejectum oggerit, inprimis brutum in manes fulmen, impotentis animi indicium, umbrarum insectator torquet. Pro honestissimo enim ostracismo esse potuit relegatio, quæ non à iudice, sed ab hoste, non à legitimo Principe, sed ab exoticâ vi, non legibus, sed armis, non crimini plectendo, sed ob fidem partibus servatam

irro-

irrogata. Vellet profectò Christianissimus Galliae Rex, nullus ambigo, ita in se animatos cives suos omnes, ut quoties ei cum Romanâ Curiâ, quod absit, litem armatâ intercedere contingeret, cum Dante patriam, quàm fidem legitimo Principi semel dicatam, mutare mallent. Quòd verò hunc etiam helleborum magè quàm plagas meritum, velut pro tribunali Prætor edicat Pradius: crediderim, ut nobilis eras ille, ut è primoribus suæ civitatis, ut vel ipsis Gallis non dissimulantibus, è ducibus suæ factionis, hoc est cordatus & vir, nec Pradio tantùm, sed quovis alio minorum gentium undiq; superior: crediderim inquam, baculariam, quam à Pradio tulit salutem, si hunc diem vixisset, fustuariâ salute redhibiturum fuisse. Sed bonum factum, quòd Pradius, qui ne provocatus quidem ullâ injuriâ in magnos Principes, quin etiam in Regem ipsum suum, Dante non minus contumeliosus est, hâc operâ ipse sui fulminis bidental, quid meritus sit, pronuntiaverit. Et hoc erat, quod Dantem volebam.

Nam velint nolint Galliæ Reges, jam pro Dante Pradium habent, quo calculum ferente, probum quod Carolo M. genitos manet benè magnum, unà cum aliis ut subeant necesse est. Perinde enim est natalium vitium per foeminas, an per viros in sanguinem influat. Tametsi enim Christianissimi Reges, quo de sanguine Caroli M. per mares in se ducto glorientur, nequaquam habeant, eoque Pradius consilio haud illepido, (vulpeculam Æsopicam imitatus, poma, quorum copia non fiebat, aspernantem) fastigium, quò eos elevare nequit, contemptibiliter habeat : foeminas tamen Carolino sanguine profatas, domui Capetinae multipliciter insertas esse, qui ausit inficias ire, risum etiam pueris debet. Ut enim de affinitate cum Austriacis, Carolinorum per foeminas progenie, toties contracta nihil dicam : nuper admodum duplici affinitate ex unâ domo Germanicâ, in Ludovici XIV. domum illata, Carolinum sanguinem Capetino immixtum esse, aut saltem credi, quivis propè de trivio novit. Ex priscis
si alia

si alia omnia deforent, id tamen unum pro omnibus foret, quòd Ottonis majoris, Saxoniae Ducis, uxor eademque Hauduidæ (hæc verò ipsam Hugonem Capetum peperit) proavia, Ludovici sive Germanici, sive Francici filia, Carolinæ prosapiae germen, Reges Galliae Capetinos, nullo excepto omnes, posteris suis annumeret. Deniq; si tanti erat sanguinem vitiatum (qui tamen mille jam nunc annorum legitimo defluxu, per medios tot traduces intemeratos, depuratus videri poterat) natalibus regiis arceri: cur hodieque principibus regii sanguinis in Galliâ, generaturis si per fata licuisset, filios, qui aliquo casu, quem superi averterint, thronum Galliae premere potuissent, uxores haud meliori quam Martellus sydere natas, domum deductas vidimus? Pradii arbitrato, probrum inde in regiam familiam derivatum intolerabile est, eoque ipse etiam in Reges suos contumeliosus, & quod dixi, causæ suæ proditor est. Ipsius hæc edictio est, non mea. Ego manum abstinco.

Illud verò novum prorsus atq; inauditum est, Carolum M. tantum non integris novem post fata seculis, Pradio cuidam impuro calumniatori regni alieni usurpatorem audire, non Chilperici quidem Merovingici, à patre Pipino, è folio ad cucullum relegati, aut alterius cujuspiam de mascula Chlodovæi stirpe, superstitis miseratione, sed studio obscuri cujusdam Childebrandi, quem vix Pipini Heristalli undecunq; natum filium, nedum legitimam sobolem, conjecturis assequi satis possumus. Indignum facinus! clarissimos viros, reipublicæ Christianæ pariter ac Francicæ Gallicæque verè liberatores, ac intentati communis exitii statores, non modò jam olim à Childebrandi istius supposititiis nepotibus folio in posteris suis, sed nunc quoq; ab eorundem aulicis parafitis, & mercenariis assentatoribus famâ everti, ac lacerari! Tanti stetit Childebrandos illos ac Nebelongos, (si quidem Capeti progenitoribus accensendi sint) & Robertos atque Eudones, cuculos in nido, serpentes in sinu fovisse! Fas sit justo dolori veri aliquid effundere, quando

Galli scriptores in tantorum virorum publicæ salutis vindicum regumq; nostrorum manes, vel per calumnias atq; mendacia grassari ludum putant.

At parùm erat futilibus conjecturis Capetinos Merovingiis inseruisse, nisi è fundamento tam nihili etiam maxima hodie bellorum momenta, quies & salus Europæ, ac fortuna omnium, quos pessima sua fors Gallis vicinos fecit, suspenderentur. Quorsum enim ista Achillei nescio quid spirantia pertinent? *In me recipio demonstrandum, quòd regibus decessoribus ejus (Ludovici XIV.) per mares de generatione in generationem sarta tecta manserint ea omnia, quæ à Francis seculo quinto armis subacta, &c.* Quorsum inquam, nisi ut denuntient, Ludovico XIV. ceu regum Merovingiorum sero nepoti ac successori, in eadem omnia, quæ Merovingiorum quondam, sive in Galliâ sive extra eam fuere, aut possessionem, aut si minùs hanc, certè titulos justos ac prætensiones legitimas, hodieq; superesse, proinde ut primùm occasio viresq; tulerint, iis vindicandis operam dare, non posse.

posse modò jure Christianissimum regem, sed & (quod ante annos haud multos irruptioni in Belgium prætexuit) quò conscientia suæ & honori, regioque officio consulat, teneri? Cur verò seculum tantummodo quintum metam statuatur prætensionum Gallicarum Pradius, prætermissio in speciem, quod secutum est ævo, curiosioris indaginis fuerit. Putem eò spectare, ne in Germanorum illos, qui in Orientem vergunt, Septentrionisq; unà habitatores, Italos etiam, classicum nimis intempestivè detonaret. Quidquid sit, si vel ad literam soli quinto seculo institeris, cis Rhenum Germanica omnia, hoc est, non ea modò, quæ vel per pacta, vel per usurpationem in Gallorum possessionē transierunt, sed & Helvetia, & Belgii Hispanici reliquæ, & Belgii Fœderati potiora, & quidquid reunionibus Gallicis precariò hætenus exemptum est; trans Rhenum verò Suevia omnis & Bavaria, & Franconia, & Hassia cum tractu Rhenano usq; in Frisios, utpote illo jam ævo Francis annumerata, si Pradio fides est, Capetinorum regum jure optimo maxi-

mo, etiam in hunc diem erunt patrimonium. Quin imò ut condignum patellæ operculum respondeat, unà cum *imaginariis Caroli M. hæredibus* Ludovico Magno, Autocratori nimirum suo, siquidem jus reddere & salvi esse cupiant, homagio præstando tenentur. Ulteriora autem Germaniæ, & viciniæ nostræ pars potior, cum Italis, ut quæ seriùs ocyus, seu pleno jure, seu restrictâ subjectione Francorum itidem facta sunt, novâ argumentandi ratione alibi exhibendâ, ut primùm rei patrandæ faventior aura præsentem modestiam excusserit, eodem denique luto hæere deprehendentur. Nunc enim suppresso in tempus consilio Polyphemi beneficio reservata sunt. Tàm enormes autem prætensiones, & quidem regulis jurisprudentiæ novæ & stabiliendo per Europam dominatui natæ instructas, nemo hætenus melioris notæ è Gallis tueri sustinuit, sed è rabularum quos vocant forensium grege aliqui tantùm, de illorum sordibus, qui inter homines (cum Poëta loquor) uti muscæq; culicesq; pedesq; pulicesq;

licesq; odio, & malo, & molestiæ, bono
usui sunt nulli. Princeps nunc tandem
ex alio vitæ instituto Pradius tam hone-
stæ provinciæ nomen dare veritus non
est.

Isthæc igitur sunt, quæ animum hisce
vindiciis, ut adjicerem, perculere meum.
Ast cum duo se exhibeant velut summa
controversiæ capita; alterum, jurene Ca-
petinorum majores per virilem propagi-
nem, ut Pradius tuendum suscepit, ad
Merovæum pertineant: alterum numne
seu pertinere illuc, salvâ veritate dari pos-
sit, seu non possit, iisdem juris inde quid-
quam in illa, quæ præter Galliam occi-
dentalem, quinto post Christum natum
seculo Francis addicta fuere, hodienum
veniat: ipsa etiam hujus tractationis se-
ries ita instituenda est, ut priore loco in
genealogiæ, qualem Pradius exhibet,
pondus ac veritatem sedulus scrutator
inquiram; deindè verò clarum ut faci-
am, nihil vel eo nomine, vel undecunq;
demum Galliæ regibus in quæquam, quæ
Francorum ullo ævo fuere juris esse,
præterquam in illam Galliæ partem, quæ

post excessum Ludovici Pii, Cæsaris in notissima regni Francorum divisione Carolo Calvo obtigit, aut quorum postea legitimis pactationibus aliunde Gallia ista incrementum fecit.

Enimverò, ea Principibus nostris abundatq; domi generis celsitudo atq; nobilitas, ut suâ forte contentis, procul invidiâ, quæ neminem nisi vilitatis suæ conscium urere solet, parùm curæ sit, quibus Diis Galli regnatricem apud se domum consecrent. Per nos licet, paternum genus cum Alexandro Macedonum ad Herculem, maternum ad Achillem, utrinque ad Divos majores referant, modò ne fraudi id nobis fiet. At verò fabulosos regibus affingere ortûs, velut ingenii quodam lusu & ostentatione, nec deindè modò, quod invidi solent, & Prædus non dissimulat, cœteros præ illis velut Manios terræ filios ducere: verùm etiam serios vicinorum in jugula & libertatem fabulis superstruere titulos: id verò inquam ferri non potest, & huic scriptioni meæ luculentissimam defensionem præbebit. Hujus istam mihi tractandi ratio-

rationem præstituo, intra palæstram, quantam Pradius dimensus est, ut me contineam, nequaquam illuc abduci me passurus, ut quod ex nostris alii faciunt, incertas Capetinorum origines, certo definire calculo, quòd nec hujus argumenti, neq; adeò opus est, meum faciam. Acturus enim illud unice sum, ut aut falsa omnino esse, quæ nobis ceu æternæ cujusdam veritatis effata, magniloquis suis genealogicis præconiis inculcare Galli non desinunt, aut summum, non nisi intra cujusdam probabilitatis aut possibilitatis cancellos cohiberi ostendam, quæ proinde nisi apud tyrannos ac robustos regnorum venatores, hoc est, communes humani generis hostes, & juris fidei q; gentium eversores, ad turbandam vicinorum quietem, momentum præstare nullum queant. Illuc denique annitar, ut dimissis persæpe, quæ aliunde sumi poterant armis, ea ferè in adversarium torqueam, quæ ipse nobis suppeditat, palàm faciens, pugnantia loqui, & quæ hinc in argumenti structuram sui improvidè captat, illinc eidem quàm po-

rentissimè adversari. Ita efficiam, ut, quæ inprimis efficax est refellendi ratio, suo se laqueo induat, & se spiculis configat.

(a) *Il seroit honteux à la troisième race de nos Rois d'estre sortie d'un usurpateur, dont l'ayeul paternel estoit bastard; & nostre Roy Louys le grand, qui possede aujourd'huy le plus fleurissant Empire de toute l'Europe, doit sa veritable origine au grand Merovee, par le duc Childebrand, Duc de Bourgogne, fils legitime du Duc Pepin. Et je soutiens, que les Roys ses predecesseurs ont esté conservés de masle en masle jusques aujourd'huy dans les mesmes états, que les François ont subjugués dans le cinquieme siecle de la reparation de nostre salut, & que les heritiers imaginaires de l'Empereur Charlemagne doivent rendre hommage au legitime successeur de l'Empire François, comme à leur souverain.*



II.

Varia circa origines Capetinas sententiæ exponuntur.

Isthæc pro rei exigentia prælocutus ad
opus ipsum nunc accingor. Id quò
distinctius exeat, primùm hoc agendum
putem, ut quæ ante Pradium circa origi-
nes Capetinas genealogos in diversa tra-
xerunt sententiæ, eas paucis hoc loco ex-
hibeam. Ita enim & Pradio collibuit,
nequaquam inutili exemplo. Ex iis ve-
rò ut antiquitatis ita & ordinis primas
fert, quæ Robertum Fortem, Hugonis
Capeti proavum è Saxonibus accersit.
Agmen ingens scriptorum, veterum jux-
tà & recentiorum huic nomen dedit, quin
etiam ea ipsa regnum aliquot seculis in-
ter scriptores sola obtinuit. Dux & au-
tor præficitur Aimoinus, qui sic infit:
(a) *Obsistit primò eorum (Normanno-
rum) sævis conatibus Robertus Andega-
vensis comes, Saxonici generis vir, cui per
id locorum à rege summa rerum delegata
erat.* Aimoini vestigia legit ejus conti-

nuator in hæc verba: (b) *Supererant autem duo filii Roberti, comitis Andegavorum* (qui fuit Saxonici generis vir) *senior ex his Odo dicebatur, Robertus alter. His Ivo Carnutensis, (c) & Guilielmus Calculus Gemmeticensis (d) seculo duodecimo subscribere, intra tamen Aimoini verba se continentes. Urspergensis autem Abbas eodem ævo primus ultrà pro-
 vectus, & definire Saxoniam illam, & patrem etiam Roberti adjicere ausus est, Witikindum quendam Saxonem, & Roberti avos præter Aimoini fortasse mentem, è virili Saxoniae ducum prosapia repetere. Quibus verò Gallorum ab istâ sententiâ divortium postea facere visum fuit, illi & Aimoinum & assecclas eò deceptos voluerunt, quòd Hugo Capetus ob matrem Havidam Saxonem, Saxonici generis famam (quod credere nî fallor videri potiùs volunt, quàm seriò credunt) tulerit, unde dein Saxonicae originis assertores, Robertum etiam proavum Saxonem fuisse, sibi persuaferint. Verùm & insolitum semper fuit filiorum genus ex matribus, aut avorum ex nepotibus æsti-*

æstimari, & Aimoinus ejusve continuator Capeto coævus ignorare non poterat, istene solus, & per matrem quidem, an verò & majores ejus eâdem famâ censi fuissent. Aliud igitur voluisse scriptorem, quando Robertum Saxonici generis nobis dedit, quàm quod verborum moderna acceptio objicit, haud fortassis ex vano conjicitur, quod & mox è transitu perstringemus.

Isti porrò sententiæ pro Saxonibus facienti ætate proxima est, quæ Capetinos Merovingiis addicit; quam tamen qui tuentur, nequaquam uno tramite incedunt. Alii enim Theodemirum quendam in medium statuunt, nullibi quantum ego quidem conjectando assequor, præterquam in Trithemii cerebro (cui pari ut fœcunditate sic fide, Hunibaldum illum fabularum parentem totum deberi, cum Vorburgio suspicamur) natum notumq; qui deinde Lazium atq; Münsterum sequaces fortitus est. Alii Albericum Chlogionis supposititium filium, alii Childebertum Theodeberti II. Austrasiæ atq; Burgundiæ regis nothum, exitio,

quod à Chlotario II. eum manebat fugâ, & vel latebris, vel ignoto vitæ exitu subductum, stabiliendæ sententiæ suæ adsciscunt; quorum omnium adstipulatores Pradius enumerat.

Tertia Jacobi Chiffletii est, quam idem Pradius causâ nescio quâ, albo suo inferre dignatus non est. Is verò Robertum Judithæ Imperatricis, quam è celeberrima Welforum Aldorfenium seu Agilolfingiorum prosapia Ludovicus Pius Imperator uxorem duxerat, ex fratre nepotem facit. Operosus fuit in tuendâ hâc genealogiâ Chiffletius, ideoq; & illud nobis antea recensitum Aimoini testimonium eleganter in rem suam vertit, asserens, (& hætenus quidem ex vero) Aimoini, aut continuatoris ævo, Germaniam Transrhenanam, quod in eâ & tunc, & antea dudum reges è Saxonica domo rebus præfuisent, à Gallis livore ductis passim (per contemptum fortasse, utve re Francorum excidisse videretur) vocitatum fuisse Saxoniam, ejusq; habitatores Saxones, sine discrimine omnes, non aliter atq; nunc etiam, ut pridem,
ab

ab unâ suâ parte Germani omnes Gallis per errorem Alemanni audire coguntur. Confirmat hoc suum assumptum Chiffletius iis argumentis, quæ omnes Blondelli arietes quantumcunq; ferociter contrâ promotos confringant. Nam vel unius Sigeberti Colonienſis exemplo (ut alia taceam, quæ manu nequaquam parcâ congeſſit) tutus eſt, qui Francorum rex omnium ſcriptorum, etiam Gallorum calculo, ſed finibus latè per Germaniam Transrhenanam diductis cùm fuerit, Aimoino tamen eidem (c) rex Saxonum diſertè nominatur, cùm Germanorum dicere voluiſſet. Ejusmodi igitur monumentis compluribus Chiffletius perſuaſus Robertum Saxonici, hoc eſt, Germanici generis virum Aimoino, & qui huic ante Urſpergenſem concinuere autoribus, dictum hand ſine omni fundamento arguit. An verò pari felicitate in assignandâ eidem Agilolfingiâ domo verſatus ſit, hujus loci diſquiſitio non eſt. Illud tamen dixerim, hand mediocriter de regibus Chriſtianiffimis meritum eſſe, qui eos Agilolfingiis ſive Guel-

phis vix alteri cuicunq; genti, antiquitatis & nobilitatis palmâ cedentibus, sententiâ suâ primus intulerit.

Sequitur dehinc illorum cohors, qui Capetinam gentem cum Carolina eodem omninò stipite progeneratam tenent, & ipsi tamen in autore communi commonstrando per diversa labentes. Alii enim Clodulpho duci, dein Episcopo, S. Arnulphi filio natum tribuunt Martinum, eiq; Childebrandum, huic autem Theodericum, quem Saxoniae ducem, Witi-
kindi M. generum eadem operâ constituunt. Alii Hugonem Carolo M. ex Reginâ pellice genitum. Alii Bernardo Italiae regi, magni Caroli ex filio Pipino nepoti, filium, ut fortè fuit, Pipinum alium, beneficio Ludovici Pii Veromanduorum comitem, & ex eo nepotes Herbertum, de cujus natalibus res utcunque certa est, & Robertum Fortem, qui meritò ab aliis expungitur, largiuntur. Alii Hugonem Lotharii Lotharingiae regis ex Waldradâ filium spurium, Lotharii Caesaris nepotem, Roberti ejusdem genitorum
rem

rem prædicant; qui omnes, per nos licet, suo sensu abundant.

Deniq; Bouchetius ante hos circiter triginta annos in lucem prodiit, qui à Pipino Heristallio seu Crasso regionum inter Mosam, Oceanum & Arduennam, nec non Franciæ primævæ, cujus nunc pars potior Franconia dicitur, duce, Plectrudi Agilolfingia repudiata uxorem superinductam asseruit Alpaidem, ex quâ Carolum Martellum & Childebrandum filios tulerit legitimos, illum regum Carolinorum, hunc Capetinorum progenitorem. Childebrando enim Nebelungum Madricensem comitem, huic Theodebertum filium jungit, Theodeberto autem Robertum, & huic alterum Robertum, illum de quo lis est Fortem. Præterea majores Pipini enumerat Ansegisilum patrem, S. Arnolphum avum, & istud quidem nemine impugnante. Proavum verò Arnoaldum Bodgisum, sive Buggisum, abavum Ansbertum senatorem, Chlotarii alicujus generum, atavum Ferreolum, ex Arvernæ proceribus, idem Bouchetius vitâ Clodulphi du-

cis

cis atque Episcopi, aliisque documentis haud vulgaribus nixus, cum statuit, contradictores atq; censores, & Pradium & alios experitur acerrimos.

Recenset præter unam Chiffletianam, pariterq; reprehendit has omnes sententias Pradius discursu procemiali secundo; & Bouchetianam illam aliquamdiu non vulgo tantum in Galliis receptam fuisse, verum celebres etiam adstipulatores, eosdemq; partim additissimos propugnatores Sanmarthanos fratres, Tennevrium, Blondellum, Labbeum, aliosq; narratam, unà testis est. Nec minus auctorem ibi ab ingenio & eruditione insigni commendat. Putem tamen hoc frigidum cataplasma viro mox hinc inde per cæteram genealogicam deductionem variè lacerato, nequaquam satisfecisse. Nos verò his omnibus calculo nostro nec addicimus quidquam, nec demimus, contenti retulisse. Perinde enim ad institutum nostrum est, undecunq; majores Capetini cæteris scriptoribus nascantur; cum in eo maximè versemur, ut Pradii turgidum fastum retundamus, ejusque
genea-

genealogiam nihili convincamus, quòd studio, quo fertur, gloriæ Capetinorum super omnia exaltandæ, injuriam in externos cum tumore & arrogantia stratioticâ, illaudabili facinore præ cæteris conjunxerit. Pœnam inde debet autor, suo more modoq; tractandus.

(a) *Histor. miracul. St. Benedicti, lib. 2.*

(b) *De Gest. Francorum, lib. 5, c. 41.*

(c) *Epist. 41.*

(d) *Hist. Normann. l. 8. c. 26.*

(e) *De gest. Franc. l. 1. c. 18.*

III.

Pradii systema genealogicum exhibetur.

NOvissimus igitur agmen claudit Pradii, illâ quæ huic operæ materiem præbet, genealogiæ regiæ historiâ. Nam & ipse Carolinos juxta & Capetinos reges ejusdem soli plantas venditat, à cæteris tamen omnibus in eo maximè diversus, quòd ambas Merovingicæ radicis

cis furculos velit. Inficias autem ire nequit, si quid inest doctrinæ suæ splendide novitatis, eo maximè Bouchetio, quantumcunq; dissimulet, & malè gratias habeat, teneri. Nam eundem quem ille Childebrandum Pipini ducis filium, quod caput erat, sententiæ suæ fulcrum substituit, quem confidentiore ausu eò erigere, & qualibuscunq; argumentis statu-
minare, nisi præ aliis Bouchetio in mentem venisset, per Pradium quidem arbitror, ædificii illa ingens specie moles adhuc informis jaceret. In eo tamen mox à Bouchetio divertit, quòd hic quidem Childebrandum pariter ac Martellum Pipino ex Alpaide justâ uxore natum benignè scripserit; Pradius autem Alpaidi dotem atq; tabulas, justæq; uxoris nomen unquam uspiam fuisse perneget, Martelli unius matrem eam mordicus teneat, Childebrando natales legitimos per Plectrudem Agilolfingiam æquè ac Drogoni & Grimoaldo legitimis Pipini filiis tribuat. Childebrando exinde iterum cum Bouchetio Nebelongum filium addicit quidem Pradius, sed quem pro
Madri-

Madricensi Augustodunensium comitem pertendat. Dehinc etiam Nebelongo Theodebertum filium, & ex eo Robertum quendam nepotem, Aganæ Bituricensis maritum pariter cum Bouchetio concedit, ut tamen Roberti Fortis genitores fuisse inficietur. Theodebertus ex adverso fratrem natu majorem sociat Childebrandum secundum, Eccardi cujusdam, & hunc Nebelungi secundi patrem, quo demum Robertus Fortis, Hugonis Capeti proavus, felici fidere prodierit, Et hæc quidem Capeti majores ad Pipinum usq; ducem attinent.

Jam verò, quod ad illos facit, qui Pipino altiores sunt, in patrem ejus Ansegisilum avumq; Arnolfum Pradius cum Bouchetio coincidit. Hoc enim per solida illius ævi documenta dubitatione exemptum est. Nuptias verò Ansberti Ferreolo senatore Arvernico nati cum Blitilde Chlotarianâ sobole, & inde genitum Arnoaldum Arnolphi patrem penitus averfatur; quin etiam succensere videtur Andreæ Chesnæo, (a) quod is viri probi officio functus, quæcunq; sub

manum

manum venerant antiquitatis graphica monumenta, judicium, quod decebat, lectori relinquens, candidè, ut profitebatur edidisset, unàq; cum illis schediasmata nonnulla, quibus nuptiæ Ansbertinæ eatenus steterant, vulgâset, nullâ ut queritur Pradius curâ, *quid in recessu haberent*, &c. Enimverò nimis hic prodit forex, ut meritò suspicari liceat, suppressisse hoc in opere genealogico non pauca, quæ sententiæ suæ convellendæ idonea agnoverat, quando Chesnæo vitio vertere audeat, quòd in supprimendis ejus generis documentis, hæud satis vafriciei exercuisset. Id verò quàm sit veritati justitiæq; litare, mecum quisq; æquus arbiter judicet. Verùm consent istæ nuptiæ, nec ne, nostrâ quidem parùm refert.

Sistebat ergò in S. Arnolfo Pradius cum historiâ suâ genealogicâ primæ editionis ante hoc quinquennium publicata, hætenus tamen, ut eundem virili Mervingiorum stemmate profatam frivolis quibusdam conjecturis jam tùm pronuntiaret. At verò in historiâ Galliæ regum,
quæ

quæ genealogiam editionis primæ quadriennio post secuta est, magnum quid præstitisse sibi videtur, quando Bodegisilum quendam ducem & Mundericum, & Chlodovicum, & Sigebertum aliquoties jam nobis memoratum, Ripuarianum, seu mavis, Colonienfium Francorum, ac Transrhenensium, & notissimum Merovæum Salicorum regem, inter proavos ejus cooptat, & lectorem, eâ de re fusiùs doceri cupidum, ad alteram historiæ suæ genealogicæ editionem ablegat, cujus tamen copia facta nobis hæcenus non est.

Hoc igitur tramite gradientibus genealogiæ Capetinæ series, Pradii fide, lineâ rectâ masculinâ hunc in modum effingenda est.

1. *Merovæus*, Francorum Salicorum rex, qui excessit è vivis juxta Pradium anno 449. verius anno 455. aut sequente.
2. *Sigebertus Claudus*, Francorum Ripuarianorum & Transrhenensium rex. Periit circa annum 412.

3. *Chlodericus Parricida*, Sigeberti filius; periit mox post patrem.
4. *Mundericus Perduellis*, Chloderici filius; periit circa annum 528.
5. *Bodegisilus*, Dux.
6. *S. Arnolfus*, natus secundum Pradium circa an. 580. veriùs circa annum 570. vel antè; denatus secundum eundem anno 631. verisimilius circa annum 641.
7. *Ansegisilus*, seu *Ansegisus* à Sicario confossus circa an. 647.
8. *Pipinus Heristallius*, qui & *Crassus* & *Audax*, Plectrudis maritus mortuus an. 714.
9. *Childebrandus I.* Pradio cum posteris comes Augustodunensis, qui obiit circa an. 754.
10. *Nebelongus I.* eâdem Pradii fide comes Augustodunensis.
11. *Childebrandus II.* qui vixit adhuc an. 827. comes Augustodunensis.
12. *Eccardus*, comes Augustodunensis, fato functus circa an. 885.
13. *Nebelongus II.* comes Augustodunensis, qui vixit adhuc an. 879.

14. *Robertus Fortis*, comes Augustodunensis & Andegavensis; cecidit in prælio adversus Normannos anno 866. vel 867.
15. *Robertus 2.* periit an. 922.
16. *Hugo Magnus*, Dux Francorum; obiit an. 956.
17. *Hugo Capetus* extrusâ progenie Carolinâ in regem sublevatus.

(a) *Gen. Part. 2. sub S. Arnolfo. André du Chesne sans en examiner la consequence, a fait imprimer quelques pieces, &c.*

IV.

Regum, ducumque & comitum Francorum, qui à Pradio Hugoni Capeto seu jure, seu injuriâ majores dantur, historica brevis persecutio.

SEquemur nunc Pradium ducem, & priusquam ipsam disceptationem ingrediamur, quos Hugoni Capeto aptat majores

maiores, historicâ exegeſi, ſuccinctâ illâ quidem, ſed propoſito noſtro accommo-
dâ ex ordine illuſtrabimus.

1. Merovæus, Rex Francorum.

Quibus majoribus, quâ domo ortus ſit Merovæus, veterum nemo ſecurâ fide tradidit. Veriſimile eſt, antiquâ, ſeu ducali, ſeu regiâ Francorum ad Iſalæ Luppiæq; flumina colentium ſtirpe factum, ſeu Chamavi fuerint iſti, ſeu, quod malim, Anſibarii, ſeu populorum uterq;. In Gallia ſtabilem cum Francis ſuis pedem fixit primus, cùm anteriorum & noviffimè Chlogionis conatûs irriti ſemper fuiſſent. Eas tamen ſedes non ingratiis Romanorum, ſed operæ adverſùs Attilam navatæ pretium amicâ conventionem ſub annum 450 tuliffè videtur. Prælio Mauriacenſi contra Attilam, utcunq; id Pradio diſpliceat, interfuit, luſtrumque inde unum in vivis adhuc extraxit. Vulgus hiſtoricorum, cui Pradius haud obſcurè calculum adjicit, Francis univerſis regem præfuiſſe prodit, ſed nullo fundamento. Rex fuit gentis unius, alteriusve
è plu-

è pluribus, quæ Francico nomine veniebant. Dux autem earum omnium, quæ cognomine Saliorum celebrabantur, Francorum inquam, qui infra Bructeros, hoc est, infra ducatum Montensem, & Chattos, usq; in Frisios, inter Rhenum atq; Visurgim illo ævo supererant. Filium, de quo constet, genuit Chilpericum.

2. *Sigebertus Rex,*

Qui Merovæo filius, Chilperico frater, à Pradio nequidquam tribuitur. Hujus de rebus Gregorii Turonensis (a) & Epitomatoris (b) & Aimoini (c) beneficio hæc ad nos perlata sunt. Fuisse Francorum Colonienfium regem, vetulum, atq; ex vulnere, quod in conflictu Tobbiacensi ab Alemannis tulerat, claudum. Receptum ab eo hospitaliter S. Furseum Hybernum, cui indulserit, ut in Saxoniâ (ita dictam Aimoino Germaniam Transrhenanam ex hoc etiam loco didiceris) cœnobium conderet, quod adeò omnium apud nos inter Rhenum atq; Danubium facile primum fue-

rit. Filium præterea ei fuisse Chlodericum, à quo Chlodovæi fraudibus inducto, cùm fines regni circumiret; intermeridiandum in sylva Buchoniâ (hæc Thuringiam Hassiamq; distinguit) oppressus sit. Discimus hinc etiam regnâsse apud Francos Ripuarios hoc est, illos qui inter Rhenum, Mosam Mosellamq; usq; in Treviros & sylvam Arduennam confederant, tùm & apud eos, qui trans Rhenum in adversâ Colonia Agrippinæ ripâ habitabant, Bructeros & Chattos, seu Hassos inferiores, usq; ad Lônâ fluvium. Rursum etiam apud Hassos superiores, quos sylva Buchonia perstringit, cùm objectis ad Rhenum Moenumq; Nassoviis, Rhinicoviis & Wetteraviis. Quæ quidem iis, quos allegavimus testibus, quod satis sit, fulciuntur. At stetisse sub ejusdem imperio populos etiam, qui Moeno Nicroq; clauduntur, quiq; Franconiâ hodiernâ incolunt, tùm Treviros ipsos, cum Mediomatricum forsan portione, id non nisi conjectando meum fecerim.

3. *Chlodericus Parricida.*

Non aliâ re insignis, quàm quòd à Sigeperto patre copiis, Chlodovæo adversum Visigothos auxilio missis dux præfectus, quodque patris fata spe mansuræ Chlodovæi operâ successionis nefando parricidio maturaverit; cujus deinde iustâ talione, sed quam ab alio, quàm Chlodovæo, sceleris paulò minùs, quàm manifesto suatore, irrogari decuerat, pœnas dederit.

4. *Mundericus Perduellis.*

Chloderico Parricidæ filium jungit Mundericum perduellem Pradius. Crediderim non aliâ magis causâ, (cœteræ enim omnes vacillant) quàm quòd dignum malo corvo ovum reperisset. Insurrexit verò is dominandi libidine, adversus Theodericum Austrasiæ regem, Chlodovæi M. filium, quem bello Thuringico periisse fama tulerat, falsò regum (quod Pradium decepit, aut aptiùs, quo decipi de industriâ voluit) consanguineum se asserens, traxitq; in eandem insaniam Arvernæ plebem. Sed exercitu

Theoderici gnaviter incumbente, ut se in munitum, ut tunc, castrum Victoriaci (d) recepit, & vis in eum parùm efficax visa fuit: dolo Aregisili à rege subornati, indè abstractus, atq; à militibus confosus est, postquàm ultionem rabidæ in modum feræ ab Aregisilo ejusq; sequacibus ingenti carnificum sumpsisset. Filios habuisse ipso apud Gregorium Turonensem teste discimus; quí quales fuerint, quidve cum iis actum sit, historiæ silent. Prædius autem post mille ducentos propè annos Gundulphum fuisse & Bodegisilum, illum Tungrorum Episcopum, hunc alicubi inter Francos ducem, pro suâ perspicacitate primus apprehendit. Periit Mundericus ex Vorburgii computu circa annum 528. qui scil. Theoderici regnantis quartus decimus fuit.

s. Bodegisilus.

Hunc unà cum fratre Gundulpho post patris infelicia fata curâ Chlotarii Sueffionum regis educatum, deinde inter procures Theodeberti II. Austrasiæ regis

magno

Regum, &c. histor. brevius persecutio. 41
magno loco fuisse, Pradius idem magister
docet, nitens per omnia vitâ Gundulphi,
quam scriptor Arnolpho, Bodegisili se-
cundùm Pradium filio, dedicavit. Id quàm
rectè, investigabimus.

6. S. Arnolfus.

Scriptor vitæ S. Arnolfi (e) coævus pla-
nè, imò quod ipse de se prodit, sancto
admodum familiaris, *satis alto ac nobili*
inter Francos loco natum ait; quod sanè
regios ortûs non sapit, etsi plus coævo
modernus Pradius hîc sapere velit. Rei
publicæ admotus est, promovente Gun-
dulpho sub Theodeberto II., Austrasiæ re-
ge. Apud Chlotarium deinde Secun-
dum, universæ Franciæ regem (haud du-
biè, quod ei post Theodeberti & Theo-
derici regum Austrasiæ tragicos exitûs,
in conciliandis Austrasiorum adversùs
Brunichildem & Theoderici liberos no-
thos, animis utilem operam navasset)
magnâ gratiâ floruit, & postquam ex Do-
dâ conjugè filios Clodulphum & Anfegi-
sum suscepisset, Metensem Ecclesiam po-
stulatus præsul cum aulâ commutavit, an

communicavit ? Inde in eremum Vosagi montis secessit, ubi diem extremum sanctè clausit, anno seculi septimi primo post trigesimum, quod Pradium velle diximus, vel quod propius verò, primo post quadagesimum.

7. *Ansegisus.*

Sive Ansegisilus, S. Arnolphi ex Dodâ uxore filius natus minor, Beggæ, quæ Pipini majoris, sive Landi Aultrasie inter Mosam, Oceanum & Arduennam ducis filia fuit, maritus, ex quâ prolem unicam, de quâ constat, genuit Pipinum, quem sæpe diximus, Crassum. Interiit manu sicarii Gundoini, anno 647. ut Galli computant, quem tamen diutius superstitem fuisse, Vorburgius Sigeberto Gemblacense in testem vocato (f) tenet. Vetus apud Francones traditio est, nec testibus destituta, Caroli Magni majores Franconie duces claruisse. Cui si sua constat autoritas, primum ex iis illuc proVectum crediderim Ansegisum hunc ipsum; quæ tamen alterius loci tractatio est.

8. *Pipinus.*

Ansegisi & Beggæ filius, S. Arnolfi & Pipini Landi ex filio filiâq; , Grimoaldi vero Majoris domûs Austrasiæ, ex sorore nepos; ab habitu corporis Crassus, ab habitu animi Audax, ex loco demum in Tungris, ubi plusculum habitare consueverat, Heristallius cognominatus. Edictum fuisse superstiti etiamnum in vivis S. Arnolfo avo, neq; id diu post annum seculi septimi trigesimum, suo loco ostendam. Principium ejus operum, atq; adeò specimen indolis fuit, quòd patris interfectorem Gundoinum in sinu Galliæ abditum, ipse de partibus Transrhenanis uno stipatus famulo adventans, primæ adhuc juventutis flore tinctus, manu propriâ, unâq; familiam trucidaverit. Partâ hâc paterni interitus ultione feliciter suis restitutus, Audacis cognomen tulit. Inde factum est, ut paterni amici, duces ac optimates Francorum gratulaturi victoriam, cum convenerint, ejus etiam fidei se committentes. Id verò indicio est, & magnâ jam tùm fuisse po-

C 4

tentiâ

tentiâ trans Rhenum, eamq; haud dubiè paternâ successionē cretam. Accessit deinde Grimoaldi avunculi interitu vacuefactus Pipini Landi avi materni ducatus infra Mosam. Quem secuta est Francicorum optimatum sub rege Neustrio, & factione Gallicâ oppressorum ad eum fugâ, quorum restitutioni fortiter insistens, post varium Martem, rege tandem ipso & regiâ potestate, citra nomen tamen regium, potitus est. Quare per omne Francorum regnum ex eo pro arbitrio omnia gessit. Uxorem duxit Ple&rudem Agilolfingiam, Hugoberti primi, Bavarix ducis, filiam, quod Bavarix annales testantur (g) nec Pradius diffiteatur. (h) Liberos inde mares tulit Drogonem & Grimoaldum. Ille à patre pro potestate Campanix Burgundiæq; dux renunciatus est, & mortem cum vitâ commutavit anno 708. superstite filio legitimo Arnolfo tùm puero (qui anno 723. à Carolo Martello patruo cæsus est) & Hugone, Lutetix aliarumque diocesium Episcopo. Grimoaldum verò pater Majorem domûs Dagoberto II. regi circum-

cum dedit. Sed & is paucò ante patris extremum diem anno 714. ficarii scelere nefariè extinctus est, relicto ex pellice Theobaldo filio notho. Plestrude effœtâ pellici operam dedit Alpaidi Pipinus, unde filium Carolum Martellum sustulisse extra controversiam est. Huic & Drogoni & Grimoaldo fratrem, qui superaddunt Childebrandum, Alpaidem matrem tribuunt historici usque ad Prædium omnes. Iste unus primusq; & novissimus, fœdo adulandi pruritu Plestrudem matrem legitimosq; natales ei largitur. Quàm id ex vero, ordine suo discutiemus.

Pipinus Crassus anno salutis 714. Jupilliæ febris tandem consumptus est, octogenarius aut eo major. Post obitum vidua Plestrudis nepotem ex Grimoaldo nothum, quem memoravimus, Theobaldum in præfecturam Palatii sublevat, ejusq; nomine Rempubl. ipsa gerit. Carolum Martellum privignum ingentis spei, ut speciei juvenem carceribus mancipat. At Franci muliebris imperiū haud diu patientes recalcitrant.

Carolus vinculis eximitur, & aliquamdiu cum rege & Majore domûs Raginfredo; quin & cum novercâ & nepotibus colluctatus, tandem omnibus superior factus, universam Franciam sub rege solus tenuit, eò felicior, quod potentiam immensè auctam, in posteros, illustriorem futuram transmiserit.

9. Childebrandus I.

Veluti natura Carolum Martellum progenitorem fecit regum Franciæ Carolinorum: ita naturam malè æmulatus Prædus, hunc Childebrandum, incertum an Pipini filium, regum Capetinorum factorem facit. Ejus memoria nisi per Frædegarium, seu mavis Continuatorem hujus, & pretio quidem emptâ, aut certè emendicata ad nos durâisset: magno utique rei historicæ dispendio intercidisset. Ter tamen omninò etiam Fredegarius heroëm suum produxit, tripliciq; facie; nunc Germanum Martelli, & ab eo militum agmini adversùs Sarracenos præmisso impositum; nunc avunculum Pipini Brevis, ejusdemque in expeditione Bur-

Burgundicâ comitem; deniq; scribendæ historiæ autorem. Dux scriptori audit priore utroq; casu, postremo autem Comes tantum; ut necias utri accedendum, nisi quod illic à nudo militum ductu honoratus videatur. Ab industriâ etiam tepidè laudatur. Et quis credat historicum Meccœnati suo frigidâ laude minus aliquid præstare potuisse? Pradius autore suo liberalior esse satagens, Augustoduni comitem, ducem verò Burgundiæ designat. Cui si credere fas est, Childebrandus anno 755. è vivis excessit, cum eodem autore patre, quem statuit, Pipino orbatu adhuc in cunis ageret, quod suo loco reposcam. Idem verò Pradius ei filios tribuit Theodericum & Nebe-longum. Ab illo stirpem comitum Barcinonensium, seu Marchionum Hispanici limitis propagatam dicit, filiumque tribuit S. Guilielmum, & ex eo nepotem Bernardum Camerarium, qui turbis inter Ludovicum Pium ac filios per crimen cum Juditha Imperatrice imputatum obtentui fuit. Ex Bernardo autem isthoc pronepotes Guilielmum alterum & Bern-

ardum alterum, qui cum patre perdulionis rei, malè perierunt.

10. *Nebelongus I.*

Hic Fredegario filius Childebrandi & à solo historiæ continuandæ studium nec alio deinde nomine, quod de tantorum regum profatore mireris, scriptori commendatus. Progenitor enim regum Clovisii, & comes Augustodunensis & pater Childebrandi II. ac Theodeberti Pradii, etsi nullis asserti fulcimentis causam facientibus esse jubetur. Durum in annum 755. aut ultrà.

11. *Childebrandus II.*

Hunc pari autoritate Pradius comitatus creat Augustodunensem, Matisconensem, Cabillonensem & Morivensem, virum obscurum, & ad rem nihil conferentem diplomate Dionysiano. Ex scriptoribus qui se luci hætenus credere ausi sunt, nemo ejus meminerit, præter Eginardum nemo laudatur; ita tamen, ut nescias istum Childebrandum, Nebelongi filium, Childebrandi I. nepotem, an alienum videri.

luc

luerit. Nec enim aliud Eginardo autore discimus, quàm quòd inter copias à Ludovico Pio, Bernardo comiti Barcinonensi adversùs Sarracenos submissas, unà cum Abbate Elizachar, & Donato comite, magistratum Childebrandus quidam gesserit. Filii tribuuntur Theodericus & Bernardus.

12. Eccardus.

Eccardum Pradius Augustodunensibus, Matisconensibus, Cabillonensibus, & Morivensibus, velint, nolint, comitem obtrudit, idq; instrumentis, quæ nihil ejus, quidquam loquuntur. Eidem vicissim pariter invito filios Nebelongum II. Theodericum, Eccardum alterum & Richardum attribuit. Uxores fuere Albegondis & Richildis. Obitus incertus dies, nec tamen annum 885. excessit.

13. Nebelongus II.

Hunc Pradius à Carolo Calvo agri modicâ parte alicubi auctum rebus Burgundiæ superioris componendis, & ne solum quidem, delegatum, eidemque Carolo,

nunc munifico S. Dionysii benefac
 nunc inter partes litigantes judici
 ævi more testem vel assessorem, mu
 nicè prædicat, nugas meras & quisq
 (ac dubium quidem an ad unum
 demq; Nebelongum pertinentes) pr
 bus magnis venditat, pari scil. ju
 ac fide, quâ etiam comitem facit A
 stodunensem, Altisiodorensem, & V
 nensem, prætereaque Eccardi filium
 Roberti Fortis, & Theoderici, &
 dramni, Ademari, ac Adalelmi pa
 In vivis egit adhuc anno 871.

14. *Robertus Fortis.*

Quàm hic, falsè à Pradio in alicuj
 belongi filium, Eccardi nepotem d
 mitur: tam constat verè Hugonis C
 proavum fuisse. Saxonica, hoc est,
 manica stirpis virum nominat Aimo
 Hugoni coævus. Sive advena ipse
 patre è Germanis advenâ, in Galli
 tus, rebus Caroli Calvi haud semel
 ti fuit, in flore ipso, si Pradio adsti
 mur, juventutis. Ducatûs ei Neu
 cura inter Ligerim & Sequanam,

cum belli ductu adversus Normannos piratas, à Carolo Calvo commissâ fuit, cujus deinde liberalitate comitatum etiam Augustodunensem consecutus est, brevi tamen gaudio, ut possessione; quippe à Bernardo limitis Hispanici Marchione vi mox extortum. Cecidit vir fortissimus magno Galliæ luctu, ut clade, in prælio cum Normannis ad Ligerim. Filios superstites admodum pueros reliquit Eudonem & Robertum, quorum utriq; dein adversus Carolum Simplicem regium Galliæ diadema per factiones obvénit. Et Eudo quidem à Caroli Crassi depositione, quæ in annum 889. incidit, annis novem præfuit.

15. Robertus Rex.

Augustodunensis Comes, Robertus iste, & Andegavenfis Neustriæq; ad Ligerim Marchio, malis avibus ut artibus, anno 922. contra Carolum simplicem, fratris exemplo rex à seditiosis proclamatus, anno insequente manu Caroli Antagonistæ, os quo pejeraverat lanceâ trajectus occubuit, Filium reliquit Hugonem Magnum,

Magnum, tùm juvenem, patre meliorem, quia minùs ambitiosum.

16. Hugo Magnus, sive Albus,

Prælio, quo pater malè perierat, superstes & victor, Rudolphum Burgundiæ partium præsidem, exercitui paterno rebellibusq; regem adscivit, sub quo Carolus Simplex ærumnis & carceris squallore tandem interiit. At Rudolpho postmodum è vivis sublato, Simplicis filium legitimumque successorem Ludovicum Transmarinum meliore consilio rebus imponit. Decessit anno 956. Ex Havidâ Henrici Aucupis nepte, Ottonis M. filiâ inter cœteros liberos tulit Hugonem Capetum.

17. Hugo Capetus Rex.

Avo quàm patri similior; quippe quam hic Galliæ restituerat Caroli M. posteritatem, ipse ejecit. Anno enim 987. mox à Ludovici Ignavi obitu in regem levatus est, adversùs Carolum Ludovici patrum, Lotharingiæ inferioris, hoc est, regionum inter Mosam, Oceanum & Ardu-

Arduennam ducem, quem jura omnia
successorem nuncupabant, quemq; præ-
ter fas repudiatum, captum quin etiam,
& vinculis mancipatum tandem carcer
consumpsit. Fratres Hugoni fuere, Ot-
to & Eudo Henricus, Burgundiæ duces;
filius etiam præ aliis Robertus Pius rex,
ex quo Capetina domus processit, quæ
exinde in hunc usq; diem haud interruptâ
serie res Galliæ occidentalis moderata
est, magnâ felicitate, si hanc regnantium
è commodo metiaris. Cœterà enim po-
pulus avitâ Francicâ libertate usq; ad eò
his regibus excidit, ut fataliû propè man-
cipiorum hodie exemplum esse queat;
cùm ex adverso Franci orientales, hoc est,
Germani, libertatis civilis incrementum,
magno gradu in singula secula fecissent.

Hanc genealogicam seriem ita scru-
tando persequemur, ut prætermis-
sis, quæ ad causam pressè non faciunt,
ea modò sub examen vocemus, quæ
vel eversa onnimodè, vel ad meram ali-
cujus verisimilitudinis tenuitatem reda-
cta, Capetinos titulis, quos in ea omnia,
quæ Merovingiorum quondam fuisse, à
suis

suis fabricari patiuntur, quiq; nudis verisimilitudinibus nixi, nil nisi grande ludibrium sanis omnibus debent, exuant. Hoc enim ipsum lectores apprimè monitos velim, non aliâ magis intimâ causâ, tam invisos esse Pradio, cos omnes, qui vel Childebrando I. vitiosos, vel Martello fratri justos tribuunt natales, quique Ansberti nuptiis, ac Arnolfi Arvernicas origines, aut Chiffletii Welficam, regibus Christianissimis tam gloriosam assertionem tuentur, quàm quòd iis stantibus, orbi, quòd unicè satagit, nunquam persuaderi satis posse, probè noverit, jam tùm à Chilperici detonfione, è Merovingiâ domo, nec superfuisse legitimam progeniem, nec etiamnum superesse aliam, præter Childebrandi posteros Capetinos. Ad hos enim jam inde solos Francorum veterum jura omnia, nullo seculorum lapsu, si Diis placet, neq; ullâ inter gentes cognitâ ratione imminutâ, imminuive aptâ derivare constituit; quæ deinde, ut primùm per socordiam nostram licuerit, quâ data porta, prorsus, quod jam cœptum est, in vicinorum, Germa-

Germaniæ inprimis, exitium porro eruptura sint.

Ita verò rem aggrediemur, primùm ut Sigeberto Francorum Colonienfium regi Merovæum patrèm, deinde Mundericum nepotem, Munderico autem Bodegifilum, huic S. Arnolfum filios falsè tributos, eripiamus. Dehinc nullo documento per Pradium constare evincemus, S. Arnolfum regiis Francorum originibus editum. Childebrandum quoq; primum Pipino Craffo filium aut omnino nullum, aut non legitimum fuisse luculenter demonstrabimus. Exinde ostendemus Nebelongum II. nec filium Eccardi, nec Roberti Fortis patrem ritè comprobatum. Tot modis concussâ & everfâ Pradianâ hâc in nostram perniciem conflâtâ machinâ, illa deniq; etiam redarguemus & summovebimus, quæ extra genealogicas rationes, asserto statuminando adversarius assumpserat.

- (a) *Hist. l. 2. c. 4.* (b) *cap. 26.* (c) *l. 1. c. 18.* (d) *Vitry en Parthois.* (e) *Extat in actis SS. Benedictinorum Mabillonii.* (f) *Demonstrat. Histor. ad an. 659.* (g) *Adlz-*

(g) *Adlzreiter Hist. Bav. ad an. 645. & 646.* (h) *Hist. P. I. sub Dagoberto II & Geneal. P. I. sub Pipino, & Proœmii pag. 6.*

V.

Originis, & primævi systematis, & incrementi Francorum nonnulla huc pertinentia delibantur.

ANtè verò quàm in isthæc penitiùs nos insinuemus, sunt nonnulla ad origines Francorum, veteremq; Remp. & incrementum gentis pertinentia, & inter tot antiquitatum nostrarum scrutatores, non æquè omnibus pro dignitate excussa; quæ tamen prælibata huic tractationi lucem afferre eximiam possint, Et Francorum quidem nomen Tacito incognitum, non diu tamen post ejus ævum invaluisse persuasum cum plerisq; habeo. Gentes, quæ illo celebratæ, Germanicæ omnes fuere, & earum, quæ primas tenuêre, Chatti, Bructeri, Chamavi,

mavi, Ansibarii, Cherusci, Chauci, Eri-
fii, Tacito cæterisq; illius ætatis Geo-
graphis, historicisq; non cognitæ modò
sed & sedibus inter Lonam, Rhenum,
Visurgim fluvios, & Oceanum, sic satis
distinctè descriptis, haud mediocri cla-
ritate ad posteros commendatæ. Hoc
ipso impudentiæ mendaciûq; convincun-
tur, qui secutis seculis è Pannoniâ, aut
è palude Mæotide, ipsaq; etiam Phrygiâ
nostras in oras deductos fabulantur po-
pulos, quos jam tum sub Christi nativi-
tatem Augusto Cæsare Rheni nostri ac-
colas, & quod Tacitus disertim asserit,
Germaniæ indigenas fuisse, apud omnes
in confesso est. Sed & Gallorum quo-
rundam protervia stolidaque ambitio &
vanitas unâ retunditur, qui Francos è
Galliis in Germaniam transgressos, cùm
Merovæi sociorumq; & posterorum au-
spiciis Gallias subegissent, non novas sibi
peperisse, sed avitas recuperâsse sedes
comminiscuntur.

Porro qui Francos à primâ origine
gentem fuisse unam, corporeq; uno ci-
vili stetisse autumant, oppidò multum
fallun-

falluntur. Immanis hæc hallucinatio est, quamplurimam iis omnibus, qui Francorum è primævâ conditione decedenda sunt, caliginem, & ineluctabiles errores inducens. Nullo id prorsus antiquitatis condigno adminiculo, vel verisimile quidem reddi potest. Prisci Romanorum scriptores unanimiter in a potius omnia abeunt. Et tamen ii sunt ex quibus quidquid in hac quæstione solidi expectari potest, hauriendum est. Rerum enim Francicarum scriptores domesticæ etiam primævi illi Romanis hæc paulò sunt recentiores, tum verò, si, quæ ex ipsis saniores sunt, penitus inspiciantur, in neutram partem flectunt. Potest certè quàm sollicitè Gregorius Turonensis subactioni Galliarum è rerum Francicarum scriptoribus proximus, calcem libri secundi, indagaverit, ut quamne regi uni Franci universi ante Chlodovæi tempora subfuerint, necne. Et tamen non invênit, quod tutò definiret. Hunibaldicæ autem fabulæ, quibus nihil in omni historiâ putidius reperias, usq; adeò nullâ sunt vetusta

aut pretio, ut meritò suspiceris, ejus, qui primus iis publicatis chartam commaculavit, Trithemii, quod jam diximus, partum esse. Apud cunctos igitur hodiè politioris historiæ sectatores, nullo partium studio præoccupatos receptum est, Francorum systema ab incunabulis societatem fuisse plurium populorum, domi propriis singillatim legibus, propriâq; republicâ viventium, at societate seu bellicâ tantum, seu arctiori aliquâ connexorum. Crediderim bellicam fuisse, quæ tametsi nonnunquam in illud fœderum genus exundaverit, quod offensivum nostro usu dicimus: ferè tamen intra defensivi naturam se continuerit. Est enim alicubi unam Francorum partem reperire, cæteris quiescentibus nunc Romanis militantem, nunc arma in eos ferentem. Sed & aliquando sibimet adversatos esse Francosprehendimus. Facit etiam huc Alemannorum è proximo exemplum, pari societate è diversissimis gentibus coalitorum. Adeò enim hi non fuere unâ communi civitate connexi, ut Ammia-

nus Marcellinus, Chonodomarium, Serapionem sive Agenarichum, Westralpum, Urium, Urficinum, Suomarium, Hortarium, Gundomadum & Vadomarium, novem uno tempore reges totidem distinctis regnis inter eos præfuisse autor sit, eorumque nonnullis etiam regnorum terminos, per diversos regionum sitis trans Rhenum designet. Quorum aliis in Romanos hostiliter irrumpentibus, alii spectatores manebant, alii pacis inter belligerantes proxenetas agebant. Similis fuit & Saxonum compages, quam notum nunc est, Anglis, Vitis, Frisiis & specialiter sic nominatis Saxonibus distinctissimis inter se gentibus constituisse. Sed nec Ostrogothorum, nec Visigothorum gens initio una fuit, quos Gepidæ, Tervingi, Taiphali, Alani Germanici (erant enim, iiq; potiores huius nominis etiam Sarmatici) Trutungi, Astringi, Peucini, Rugi, aliiq; distinguebant. Imò fuit seculum, quo omnes Germanicæ nationes, à Rheno & à Danubii fontibus, usq; ad ostia, & Pontum Euxinum, sexomnino systematibus, Ostro-

Ostrogothorum, Wisigothorum, Alemannorum, Thuringorum, Saxonum & Francorum absorbebantur, etsi gentes propè innumeræ essent. Ita igitur & cum Francis actum fuit, ut reges ante Chlodovæum plures simul apud se regnantes constanter numeraverint, tametsi fortassis, ut latitudine terrarum, sic numero Alemannicis inferiores. Indicio huic rei non illud solum esse potest, quòd Tacito de Germanis sua ad posteros mandante, gentes, è quibus hoc systema deinde concrevit, diversis prorsus civitatibus adhuc describerentur, quas ante Chlodovæum Magnum in unam coaluisse, nec illius, nec secuti ævi scriptores meminere, nec tam citò coalescere, Germanorum libertas tùm, & gentium ipsarum inter se dissidia patiebantur: verùm etiam, quòd regum ducumve uno tempore imperantium diversitas, gentium ipsarum diversitatem velut digito commonstret; quorum qui sua nomina ad nos transmisere, sunt Esatech & Genebaldus sub Imperatoribus Probo & Diocletiano, Ascaricus & Radagisus sub

Constantio & Constante, Marcomirus, Sunno & Genebaldus alius sub Theodosio I. Chlogio & Theodemirus sub Theodosio II. & Valentiniano III. scriptoribus fide dignis ab oblivione vindicati. Eòdem etiam pertinet Regalium Francorum apud quosdam historicos plurali numero facta commemoratio. Deniq; etiam regum à Chlodovæo, quod postea referemus, trucidatorum multitudo id ipsum irrefragabiliter testatur, qui profectò, aut quorum genitores, nisi sub Francorum in Gallias ultimam irruptionem domi jam tum regna singuli peculiariter possedissent, quorum viribus Merovæi ductum secundaverant, prospici nil potest, cur Merovæus singulis in Galliâ totidem regna condi, ipse scilicet, quod adversarii volunt, rex omnium tulisset, maximè cum ex ejus posteris non fuisset, in comperto sit. Commutatam hanc volunt systematicam cum civili societatem multi Gallicarum juxta & Germanicarum rerum scrutatores anno seculi quinti vel quarto decimo, vel vicesimo; tum scil. quando Pharamundo omni-

um

um Francorum regimen commissum sit. At nihil eo ferè incertius, ex omni antiquitate ad nos perlatum est. Romani enim Pharamundum novère nullum, nisi perperam eò referre velis, quòd in Prosperi Chronico, quod Eusebiano annexum, tenuis ejus notitia velut transluceat, quæ tamen ipsa, dubium quâ manu adjecta sit, ut taceam non in omnibus exemplaribus si rectè memini, reperiri. Ex Francis scriptoribus paulò antè nobis memoratus Gregorius Turonensis, & antiquitate, & judicio ac fide cæterorum facilè princeps, ejus ne nomen quidem prodidit. Quidquid sequens ævum de eo circumtulit, Epitomatori Gregoriano debetur, qui trecentis ferè post Pharamundum, si quis fuit, annis, indubie præter auctoris, cui contrahendo operam dabat, hæcce chartæ impegit: *Tunc defuncto Sunnone & accepto consilio in unum primatum eorum, unum habere principem, petierunt consilium Marchomiro, ut regem unum haberent, sicut & cæteræ gentes. At ille dedit eis consilium, & elegerunt Faramundum*

dum filium ipsius Marchomiri, & le-
verunt eum super se regem crinitum. At
si modò ad eas, quæ hæc proximè ante-
cefferunt fabulas, quas idem scriptor de-
dit, de bello Alanico, & tributo libera-
litate Valentiniani Cæsaris remisso, &
migratione à Tanai fluvio ad Rhenum,
& Priamo atque Antenore Trojani san-
guinis regibus, & quæ ejus generis alia
sunt, oculi flectantur: dabit se obviam,
quanti autor de antiquitatibus populi
sermocinans faciendus sit, & patebit,
Pharamundi historiolum commenti Tro-
jani appendicem esse. Accedit, quòd
defuncto Sunnone de rege eligendo con-
siliium Francis captum esse asserat. De-
functi autem cùm placidum mortis genus
innuere videatur, & Sunno fratris Mar-
comiri vincula ulcisci cupiens fata sibi
gladio suorum accelerârit: possit & hoc
argumento esse, scriptorem in iis, quæ
Chlogionis Gallicam expeditionem præ-
cefferunt, admodum hospitem fuisse. Si
hoc levius fortasse videatur: illud nescio
quî conciliari possit, quòd à nece Sun-
nonis Pharamundum solio levatum affir-
met.

Origines Francorum delibantur. 65

met. Occubuit enim Sunno seculo quarto necdum exacto. (a) Pharamundi autem electionem qui antiquissimam faciunt, septendecim minimùm annis posteriorem agnoscunt. Labat igitur & hîc Epitomatoris fides. Quid verò, quòd etiam Marcomiri consilium expectitum, & inde copia filii in regem eligendi facta sit? Marcomirus enim, quàm ante, tàm post Sunnonis interitum, cùm isthæc inter Francos agerentur, procul patriâ exul & in carcere languebat. Et ut ab illo regis creandi copiam sibi fieri petierint, cujus in odium fratrem Sunnonem sustulerant, quis credat? Superfunt in eam rem adhuc nobiles Claudiani versûs :

Regia Romanus disquirit crimina carcer.

*Marcomirus Sunnoq; docent, quorum
alter Hetruscum*

*Pertulit exilium; cùm se promitteres
alter*

Exulis ultorem, cecidit mucrone suorum.

Patet igitur fabula, nec ei sanandæ lex illa Salica, titulo quem fronte ostentat,

D ;

Pha-

Pharamundæ sanctionis quidquam facit, quæ quod legis latorem attinet, eodem in vado hæret, totq; etiam aliàs implexa est modis, ut qui incertissima ista ratione certâ definire quærat, nihilo ferè plus agat, quàm ut det operam, quâ cum ratione frustra sit. Quamobrem etiam Pradius in historiâ Galliæ in hanc sententiam totus concedit, ac Pharamundi regnum, commentî meri damnat. Quin si omnia Epitomatoris daremus, aliud tamen inde nihil legitimâ consecutione exprefferis, quàm illam quidem Francorum partem, sive unâ tantum gentem, seu pluribus concretam, quæ Sunnonis ductum secuta fuerat, regi se subjecisse Pharamundo; cæteras juris alieni nequaquam factas. Patet hoc vel inde, quòd abrogatam Marcomiro inter suos potestatem, neq; hîc, neq; alibi usquam legere sit. Nec sanè etiam, qui filium constituere nutu suo regem poterat, se potius solio inferre neglexisset, inprimis si (quod utiq; oportebat, ut Pharamundus omnium Francorum rex esset) si inquam propriâ sede ut filio suam pararet,

raret, abeundum fuisset. Marcomirianis igitur Francis cum Sunnonicorum consilio nihil commune intercessit, atq; adeo saltem duas inter Francos civitates inter se diversas agnoscere jam est. Ego autem, ut quod sentio, in summam conferam, Pharamundum omnimodè non abnuo. Sed ne Marcomiri quidem filium fuisse inficior. Chlogionis quoque patrem ferre possum. At omnibus Francis imperâsse ut credam, locupletiora postulo fidei documenta. Si quis conjecturis locus est, Isalæ circumjectis Chamavis sponte expetitum præfuisse existimo. Marcomirum verò patrem Ansibariis ad Isalæ fontes, & Luppiam usque in Chattos & Bructeros imperâsse. Huic apud Ansibarios, (Pharamundo alibi jam regni adventitii potito) filiorum alterum, seu Merovæus noster is fuerit, seu eodem nomine, nostri pater, successisse verisimile duco. Præterea alterutri, vel utriq; divisim adhæsisse etiam positos à tergo populos Saxonici juris, necdum fortasse tùm factos, Dulgibinos, Chatuarios aliosve arbitror. At qui supe-

riora Germaniæ Transrhenanæ inter Rhe-
num & Visurgim tenebant, Bructeros &
Chattos, Mellobaudis, inde Edabechi
ductu usos, persuasum mihi est, & huic
vel proximè, vel interjecto alio subordi-
natum è Francorum regibus illum, cujus
obitus schismati inter filios locum præ-
buerit, altero Attilæ, altero Romano-
rum auxiliis se committente. Quorum
qui ætate major, ferre queo, Sigeber-
tum Colonienfium deindè regem fuisse,
atq; adeò in ista quidem tempora, pace
Pharamundæ Monarchiæ, Francorum
societatem in diversos sui juris populos
distinctam perdurasse omninò teneo.
Quòd verò rerum Francicarum scripto-
res, à Chlogione, pars etiam à Phara-
mundo ad Chlodovæum ita persecuti
videantur populi gesta, tanquam uno at-
que eodem in regno alter alterum exce-
pisset: id partim ignorantia vetustatis
& systematis inter Francos socialis, quod-
que crederent, Chlogionis irruptioni
cum Merovæi pacifico transitu connexi-
onem fuisse, partim verò ideò factum
esse crediderim, quòd ad Merovæum
ejusq;

ejusq; posteros idem ille ductus bellicus, qui Chlogionis fuerat, pervenerit; qui, quòd deinde in regium imperium abiverit, à primis illis scriptoribus, jam tum à Pharamundi ac Chlogionis ævo ejusmodi imperium fuisse creditus sit.

Fines Francorum primitivos circumscripsere à meridie Lona amnis, ab Oriente & Occidente Visurgis ac Rhenus; Septentrionem Oceanus clausit. Nonnemi tamen inferiorem Visurgim in Chaucos usq; majores & Cheruscas Transwiseranos excessisse videntur.

Quidquid sit, ea facies diu non constitit. Jam tùm enim seculo quarto vix dimidiato Saxones Chauciam non modò ad utramq; Visurgis ripam, sed & Frisiam tenuere, oram videlicet maritimam, ab Albi ad Rheni ostia, usq; ad eò omnem, ut etiam Francorum Saliorum partem per ea loca colentem, sedibus avitis emoverint. Transiere tùm seu vi, seu spontaneis fœderibus à Francis ad Saxones, Chauci majores, minores, & Frisiorum utrumq; genus, & supra Chaucos minores, quod putem, cœteræ etiam ad-

verso Visurgi, usq; in Chattorum confinia nationes. Desierunt etiam tunc Franci maritimis expeditionibus celebrari, succenturiatis in eam gloriam Saxonibus. Quâ ratione tum quidem Francis præter Hassiam inferiorem & Westerwaldiam, & Montensem ducatum, & Cliviæ Geldriæq; Transrhena-na, & Transisalaniam Zutphaniamque, & Westphaliæ hodiernæ partes occidentales, nihil reliqui fuisse consequitur. Ex quibus, qui loca inferiora tenebant, Chamavorum, & Ansiberiorum (quod hi Romanis ex adversâ ripâ vicini notissimiq; essent, aliiq; à tergo Franci, quoties Gallias communi consilio incurre-rent, horum fortasse ductu uterentur) nomenclaturâ distincti erant, Saliorum quoq; cognomen, ab Isalâ flumine sortiti videntur. Qui verò oppositum Ubiis littus accolebant, Montensis ducatus & Westerwaldiæ coloni, Bructeri erant, & eorum à tergo usq; ad Visurgim superiorem Chatti. At Franci cladem à Saxonibus inflictam, aliunde, nescio an non cum fœnore, annis non adeò

adeò multis exactis compensârunt. Macrianus enim Alemannorum rex sub Gratiani & Theodosii imperio, præter patrum, cui præerat regnum, trium etiam regum sociorum suorum ditiones in se unum collegerat, Hortarii videl. & Suomarii, (quorum uterque è regione Moguntia, alter Moeni dextrum latus, alter sinistrum tenuerat) tùm ab eorum tergo Hariobaudi fratris, unde à Rheno in Nariscos usq; , quibus Burgundi tùm contermini degebant, latè dominabatur. His autem ferox viribus Macrianus, Mellobaudem Francorum superiorum regem ducemve sibi conterminum, seculo quarto ad finem vergente, (credo, quòd is paulò antè Romanorum stipendiarius, socius, atq; exercitus dux, quadraginta quinq; Alemannorum millia, haud procul Argentorato, non nisi quinque milibus cladi fugâ subtractis protrivisset) laceffere ausus est, secundo primùm Marte, dein versâ aleâ inter angustias montium & impedita sylvarum deprehensus, ac cum omnibus copiis deletus. Silent hîc historiae, quæ cladem secuta sint.

Verùm Alemannorum nomen exinde ad Rheni ripam Moguntiae adversam audiri desiit. Franci contra seculi quinti initio Wandalis atq; Alanis irruptionē in Galliā molientibus, quippe Romanorum socii, iisdem in locis ac in conspectu Moguntiae diu se ac fortiter objecerunt, nec nisi strage acceptā transitum (quem Moguntiae excidium, Wormatiaeq; obsidum S. Hieronymo deplorata exceperunt) mediā hyeme liberum dimittere coacti sunt. Neq; pōst multò etiam Bructerorum nomen eatenus infra Lonam depressum ad Nicrum amnem, & è regione Vangionum emerfit. Imò Aufonius poëta consulq; Romanus, Macriani infortunio, Francorumque victoriæ planè coævus, tùm primùm, ac si rectè computamus, anno Maeriani cladem proximè secuto, *Franciam Suevis mixtam* cecinit, verbis tantùm non clarissimis indicans, tùm primùm Francorum dominium, Suevorum seu Alemannorum parti indūctum, indeque Franciam Suevis mixtam surrexisse, ubi paulò ante Suevia & Alemannia simplex fuerat. Ex quibus

quibus testimoniis tutò concludendum videtur, Mellobaudem Francorum Bructerorum, forsan & Chattrorum regem, aut horum certè socium belliq; ducem, Macriani à se internecione deleti regnum omne, victoriæ fructum tulisse. Et tum quidem fines Francorum per pagum Rhennensem, seu Rhinicoviam, & Hassiam superiorem ac Wetteraviam, & Stradamontanam ad Nicrum usq;, quæ quondam Rhinicovia superior, & Teutonico nomine Obrinca illa veterum fuisse videtur, perq; universam hodiernam Franconiam promotos, eâdem fide tenendum videtur. Dubium proinde esse nullum potest, Franconiæ modernæ primitus conditæ gloriam Mellobaudi ejusq; adversus Macrianum & Alemannos victoriæ deberi.

Nobilitavit ista rerum haud contemnenda conversio annum 378. quam deinde per intervalla cædes Mellobaudis (anno 383.) ac direptio Galliæ à Francis, Marcomiri & Sunnonis, & Genebaldi ductu intentata, (anno 387.) eorumque à Naño & Quintino accepta clades, Quin-

tini vicissim in Germaniam transgressi occidio, tùm iterum Arbogastis irruptio in eandem (*an.* 389.) deinde Marcomiri Galliam denuò infestantis, quam retulimus, captivitas & exilium, (*an.* 397.) & Sunnonis cædes, seculo quarto jam expirante secutæ sunt. Et hæc quidem postrema, simul & Rhenus à Quintino & Arbogaste infra Coloniam Agrippinam trajectus, demonstrant, isthæc quæ ab anno 387. per decennium inde contigerunt, ad Francos inferiores spectâsse. Quinti verò seculi initia excepit Wandalorum in Gallias jam enarratus impetus, à Francis (Edabecho si bene conjicio rege aut duce) æstatem integram ad anni finem usq; cohibitus (*an.* 406.) tùm bellum inter Francos Wandalosq; & horum socios in Gallias translatum (*anno* 408. & *seqq.*) ultioq; ab hoste, tandem in Hispaniam rejecto multimodè sumpta. Inter quæ Treviri ab iisdem Francis, in Romanorum potestatem recepti (*anno* 411.) mox versis auspiciis hostiliter juxta alias civitates direpti. Franci inde Galliæ, quas Wandalis extortas retine-

re

re parabant, civitatibus à Castino exuti sunt. (an. 414.) Isthæc autem, quæ seculum quintum tulit, existimaverim omnia Francis superioribus tribuenda, iisdem videl. qui bellum pro Romanis adversus Wandalos suâ in ripâ auspicati, in Galliâ profecti fuerant. His deinde anno eodem 414. à quibusdam subicitur apud inferiores Pharamundus, solo ferè nomine notus. In Galliâ sanè vestigium sui reliquit nullum. Hunc circa annum 425. diem suum obiisse plerique tenent. Nam Chlogio seu filius ejus, seu aliunde lectus successor, Dispargo, sive Duysburgo in finibus Thoringorum (quid si Tencterorum?) Romanorum tum fortè reliquo adhuc in Transrhenanis castello, eorum ex numero, quæ Valentinianus Major Rheno muniendo ex utraque ripâ restauraverat, per stratagema potitur, sedemq; regni sui eò transfert. Dein Rheno superato per Tungros sylvamq; Arduennam ad Somonam usq; flumen penetrat. Verùm anno 428. ab Aëtio Romano duce & Majoriano ingenti clade mulctatus vestigia relegere cogitur

gitur. Quam belli diversam aleam
 donius Apollinaris eleganti carmine p
 secutus est. Loquuntur hæc on
 Chlogionem Francis inferioribus,
 est, Chamavis & Ansibariis, sive Sal
 cœterisq; ab horum tergo Francis,
 regem, seu belli ducem, sive etiam in
 regem, hinc belli ducem, fuisse. Su
 riores enim, Bruëteros nempe Chatto
 huic expeditioni inimixtos, nec mon
 umenta vetera indicant, neq; aliunde c
 ligere est.

Non possum hîc ex transitu non
 tare Gallorum quorundam putidum co
 mentum & vanitatem, quâ ut nati
 vappam aliquam honoris concilie
 Pharamundum, & Chlogionem, & M
 rovæum Saliorum illi coloniæ, quæ
 dum antea in Galliâ sedem fixerat Rom
 nis servitium debens, reges expetite
 ac serie non interruptâ ad Chlodovar
 usq; & posteros ejus præfuisse asseru
 Ita enim inde retunduntur, quòd, sic
 dem autoris sui, qui Gregorianus E
 tomator est, fidem, quâ solâ Pharam
 dus stat, salvam velint, inficias ire
 que.

queant, Sunnoni eum sublectum esse regem ; hunc verò disertè constet trans Rhenum imperâsse. Quin etiam inde ea sententia erroris convincitur, quòd priusquam in Gallias concessisset Chlogio, Transrhenanum Romanorum limitem sui juris faciendum, inde verò exploratores in Gallias mittendos, ac tandem Rhenum cum exercitu trajiciendum duxerit.

Quidquid ejus sit, malè suâ expeditione Alemannos & Burgundos, & Visigothos, qui jam Romano in solo, & in ipsâ etiam Galliâ confederant, æmulatus cum Francis suis Chlogio adversæ fortunæ, juxta plerosq; annis haud paucis superstes, clade necdum reparatâ successoris sedes in Galliâ melioribus avibus quærendas morte dimisit. Is Merovæus fuit, seu in regnum, seu quod vero propiùs, cùm alibi jam pridem regnaret, in belli modò ductum subrogatus, Chlogionis sobole, nec regno paterno exactâ, nec quod multi volunt, de eo litibus petitâ, sed paternis viribus, seu potiùs jam suis, Merovæi sub ductu auspiciisque militante

tante, & sedibus in Galliâ figendis co-
operante.

Cùm porrò mox ab Hunno Attilâ Ro-
mano Imperio excidium immineret, Me-
rovæo sociisq; ejus quod antecessores ar-
mis deperierant, conventio amica, ut
verisimillimum est, sponte in manus con-
tulit. Ut enim inundationi ab univer-
sâ propemodùm septentrionali barbarie
intentatæ Valentinianus III. Imperator
Rempublicam subduceret, Aëtii consilio
barbaros alios barbaris opponere, pro-
indeq; Visigothos nec non Burgundio-
num, Alemannorum, Saxonum, Fran-
corumq; auxilia Romanis addere, vimq;
Attilæ in Galliis expectare decrevit.
Francos quidem ut sibi adjungeret se-
dibus in Belgicâ secundâ oblatis allexis-
se eousq; tenebo, dum contrarium lucu-
lenter exhibitum fuerit. Jam enim in
utroq; Imperio propè in morem verte-
rat, barbaros in solo Romano collocare.
Nec alienum à verisimili est, eodem pa-
cto Saxonibus Britannia, Burgundis &
Alemannis Vindelicia, Helvetia, Sequa-
norum, Germaniæq; partes tùm demum
quietè

quietè dimissas. Tùm certè Merovæum insigni cum exercitu Francorum Romanis non multò antè hostium pro iis stetit, Galliarumq; partem infedisse, historiæ velut ex improvîso ostendant. Sed & Saxones oram maritimam defendendam susceperant, auxiliis etiam, quod aliqui volunt, ad Aëtii castra submissis. Alemannorum verò & Burgundionum pars ad Rhenum superiorem primis Attilæ nîsibus & trajectiõni se objicit, & obteritur, Ejus tamen vim exinde in utramque Germaniam cisrhenanam crudeliter exercitam, jamq; etiam in ipsa Galliæ viscera sævientem, Catalaunici tandem campi conflictu atroci & in omne ævum memorabili, victoriâ penès Romanos stante fregerunt. Communis historicorum sententia fert, nixa haud dubiè vulgi rumoribus, Attilæ reliquias Aëtii conniventîâ & astu, ut barbaros Romanorum socios Romano è solo amoliretur & disjungeret, internecioni exemptas. At ritè quæ rem gestam circumstant perpendenti mihi, ab his ipsis barbaricis auxiliis eò adactus videtur Aëtius, id nimirum

mirum spectantibus, ut Attila superstitē viribusque resumptis, alibi quàm in Galliâ, (quam sibi prædam deputabant auxiliatores isti,) Romanis incumbente, sedes ipsi suas, in Galliis stabilirent. Et respondit eventus. Nam & Attilas restaurato mox exercitu Romanis alibi, & in ipsâ Italiâ gravis esse perrexit: & Germanicæ gentes incrementa sedium per Gallias destinata impigrè & ex voto tulerunt.

Tria inter hæc, quæ ad propositum nostrum apprimè faciunt, notari velim. Primùm sedes ab Aëtio Francis Romano in solo designatas, aut etiam postmodum ultrà, quàm amica designatio tulerat, vi quæsitæ, nequaquam uni Merovæo in sortem venisse, sed cum cœteris Francorum regibus, ducibusve, agnatis cognatisve magnam fortè partem suis, ejus certè ductu militantibus, seu liberi Chlogionis illi, seu & alii fuerint, æquis pro auxiliorum ratione portionibus divisas, unde dein Cameracenses illi, & Terroannenses, & Cenomannorum, & alii Francorum reges à Chlodovæo Magnō,

gno, qui avitum intereà regnum insigniter auxerat, è medio sublatis processerunt. Nec enim aliud succurrit, unde in reges Francorum per Gallias erigere se isti, ac tam citò potuerint. Alterum est: victoribus tam auspiciatâ expeditione novo per Gallias agro auctis, veteres & originarias inter Rhenum atq; Visurgim inferiorem sedes, scil. quatenus cā tempestate Saxonum accessio factæ necdum erant, nequaquam, quod Galli transferendæ in se solos Francorum gloriæ vellent, universali populorum emigratione evacuatas atq; dimissas, sed partim in posteros æternâ possessione ad hunc usq; diem, ut sunt Clivia & Geldria Transrhenana, & Zutphania, & Transsalaria, & quidquid hodieque in illis regionibus supra Frisiam Westphalia non est, transmissas, partim seculodemum sexto à filiis Chlodovæi Procopio teste, Saxonum parti ex Angliâ reduci sub tributo (unde etiam ejus gentis parata Francis, & hætenus, ni fallor, incassum indagata primæva subjectio, accersenda mihi videtur) concessas esse.

Medio enim tempore, quod necesse erat, per supplementa gentilibus suis in Galliâ militantibus missâ, partem earum viris exhaustam indubium est, quam crediderim steriliora illa & aspera, Lipsio scil. avorum memoriâ encomiis ex merito celebrata loca, Sawerlandiam fortè cum vicinis fuisse, quorum incolæ soli sui inclementiam eò lubentiùs cum ubere cis Rhenum gleba commutaverant. Tertium est: minimè omnium Francicam universam societatem & complexionem sub Attilana tempestate cum Romanis, sed oppidò magnam partem, Bructeros inquam & Chattos, & eorum propaginem ad Nicrum usq; & Nariscos cum Attilâ stetisse; quod ipsum novo iterum argumento est, quàm falsum sit, Franciam omnem unni tùm regi reipublicæve seu civitati mancipatam fuisse. Stabilitur ista non omnibus notata veritas in prius Sidonii Apollinaris viri coævi, & in republ. exercitati autoritate, qui Francos & nominatim Bructeros Nicri accolas sociis Attilæ annumerat his verbis:

Subito

Origines Francorum delibantur. 83

- - - subito jam rupta tumultu
Barbaries totas in se confuderat Arctos.
Gallia, pugnacem Rugum comitante Ge-
lono,

Gepida trux sequitur; Scotum Burgun-
dio cogit,

Chunus, Bellonothus, Neurus, Bastar-
na, Thoringus,

BRUCTERUS, *ulvosâ vel quem Ni-*
cer abluit undâ,

Prorumpit FRANCUS. Cecidit citò se-
ctâ bipenni

Hercynia in lintres, & Rhenum texuit
alvo.

Accedit Prisci Pannitis testimonium,
qui Pradio in historiâ Galliæ de Mero-
væo agenti allegatur, & posteris tradi-
dit, rege quodam Francorum mortuo in-
ter filios de regnò dissidium obortum,
quorum natus major Attilæ, Gallias va-
stâ mente jam versantis præsidium solli-
citaverit, juniore intereâ exule, Romæ-
que Valentiniani Augusti implorante
auxilia. Militavit haud dubiè major il-
le stipatus universis viribus suis, sub At-
tilæ signis. Loquitur etiam res ipsa,
& bel-

& belli statûsq; ac sitûs terrarum ratio, cum Attilâ superiores Francos inage, quàm inferiores fecisse, quòd illorum per solum exercitus ille immensus pro parte ductandus esset, excidium reluctantibus ubiq; circumferens. Tum deniq; quòd eorundem à tergo Thoringi Attilæ socii etiam invitos ante se egissent, facili prædæ futuros, nisi eundem cum Attilâ & sociis adversùs Romanos funem traxissent. Hæc ejusque generis complura, regni Francorum per Germaniam Galliamq; primordiis, & ipsius Imperii nostri Germanici originibus cognoscendis apprimè facientia, alibi, si tempora siverint, enucleatiora dabimus.

Quod huc propiùs pertinet, nunc persequamur. Attila Galliis exacto & anno sequente, qui vel 451. vel 452. erat, per Noricum & Alpes captâ Aquilejâ in ipsam Italiam irrumpente, Romæq; rerum capiti imminente, atq; adcò viribus Romanis alioversum tractis, maximè autem Aëtio dein crudeliter trucidato, Valentiniano III. Cæsare nefariè mactato, Wandalis ex Africâ transgressis Romanamq;

amq; diripientibus, mutatis crebrò Imperatoribus, ac suorum plerumq; prodione laborantibus, Imperio tandem Occidentali funditus everso, & nunc Ostrothis Herulisq;, nunc iterum Ostrogomais colluctante, auxiliores paulò antè nos diximus Romanorum, Alemanni, Burgundiones, Visigothi & Franci per Galliam, quin pars etiam per Hispaniam, rebus suis, quod quæsierant, firmandis naviter operam dederunt. Coeteros missos facio. Franci autem inferiores cum Merovæo duce inter Mosam & Oceanum usq; ad Somonam, pleraq; sui juris facerent, superiores Rheno transmissio Treviros capiunt, captam solâ tum quidem direptione contenti mox iterum mittunt. Merovæus expeditionibus suis anno 455. aut sequente immoritur, Chimericum filium regni fortunæq; relinquens successorem. Inter hæc Avitus Romanorum per Galliam militum magister & Arvernæ præfectus, annitenti- bus Visigothis Imperator, à Gallis primum, deinde & à Senatu populoque Romano salutatur. Ejus iniçia Sidonius

Apollinaris panegyrico profecutus est,
ubi hæc leguntur:

*Francus Germanum primum, Belgamq;
secundum
Sternebat, Rhenumq; ferox Alemanne
bibebas.*

Romanis ripis &c.

Status scil. Galliarum ejusmodi tunc se-
dabat, ut Narbonensi, partim & Aquita-
nicæ dominarentur Visigothi, à Rhoda-
no usque in Hispaniæ fines; Alemanni
Helvetiam Germaniæq; primæ partem
insignem, Burgundi Sequanos Heduos-
que, & Rhodani altiora, cum Alpium
parte, Franci inferiores sive Salici Bel-
gicæ secundæ partem potiore tenerent,
Germania prima, quæ Romana adhuc
erat, à Francis superioribus incurfaretur,
ejusq; ut & Belgicæ utriusq; reliqua, tùm
quidquid infra Burgundos, Sequanam
inter Ligerimque telluris intercedebat,
& pars Aquitaniæ, & Arvernia, prætere-
aque ad Mediterraneum Provincia Mas-
siliensis, Romani juris essent. Hisce tu-
tandis ad Occidentem Avitus Ecdicium
Visigothis, ad Orientem Ægidium Fran-
cis

cis magistros militum opposuit. Quorum nullâ curâ Chilpericus Avito fortè cum exercitûs robore apud Italos agente, Parisios capit. Inde petulantia vitæ exilium octenne sibi accersit, quo Franci, qui ipsius erant, Ægidio quem diximus Romano se commiserere. Reversus autem anno 469. Ægidium regno pulsam variè frangit. Quæ turbæ superioribus Francis optatæ occasione fuerunt, se quoque stabiliter Galliis inferendi. Quare circa annum 470. factâ impressione Coloniam Agrippinam hætenus Romanam capiunt, regniq; sedem statuunt, Ægidio, quem ibi deprehensum cupiebant fugâ vix erepto. Cedunt continuato impetu & Treviri; ac tùm quidem Francia etiam inter Mosam altiore Rhenumq; usq; ad Mosellam, & si conjecturis stare licet, etiam Moguntiam usq; & in Vangiones, infra tamen Alemannos & Burgundos protensa. Et fuisse hanc expeditionem superiorum Francorum, qui post Attilæ receptum cum cæteris Francis facilè in gratiam redierant, rex Coloniensium Sigebertus

demonstrat, quem eidem aut ducem jam, aut certè militem interfuisse, regnumq; ejus per ea cis Rhenum loca, simulque trans Rhenum per Westerwaldios Chattosq;, superiorum Francorum gentes extensum, & vetuli cognomen, quod sub extrema Chlodovæi tulit, indicio est, quippe frustraneum, nisi quo hæc contigerunt ævo, post Chilpericum videl. jam suis redditum, ephœbis excessisset. Cœterum ægras tantisque cladibus accisas Romanorum in Galliis reliquias tuendi, post Ægidium fato mox functum, Syagrius filius copiam nactus est. Quo tamen velut inspectante Chilpericus Andegavum capit, finesq; suos ad Ligerim usq; promovet, regniq; annis viginti quatuor expletis diem extremum claudit.

Primum Chlodovæi successoris opus fuit, quidquid Romani nominis in Galliâ supererat, unà cum Syagrio tollere, Francisq; addicere. Inde Thuringos tributa pendere coëgit. Burgundos tractu, qui nunc ejus nominis ducatus est, exiit; Alemannos Francis Ripuariis sociis suis graviter incumbentes, Francorum omni-

um viribus fretus, ipse fœderis dux, pro
Galliæ imperio & universa fortuna de-
cernens, interneccione delevit, & quid-
quid eorum saltem cis Rhenum fuerat,
subegit. Mox Christo nomen professus,
Visigothos jam in Hispaniâ stabiliter ni-
dulatos Galliâ ferè omni exuit, limiti-
bus regni alicubi ad Pyrenæos propaga-
tis. Tandem etiam Britones **Aremori-**
cos fregit ac subdidit. Extrema vitæ
regniq; insigni crudelitate fœdavit, quan-
do reges Francorum circumquaq; omnes,
Ripuariorum, Trevirensium, Camera-
censium, Terroannensium, Cenoman-
norum pluresq; alios, agnatos, cognat-
osve suos, quâ dolo & insidiis, quâ vi
apertâ, manu quin etiam propriâ, è me-
dio sustulit omnes, populosq; ut suo se
regno addicerent, induxit, proindeq;
sociale hætenus Francorum systema,
sub unius regiam potestatem princeps
contraxit. Et fuisset aliquod saltem ope-
ræ tam sanguinariæ pretium, si quo co-
alita consilio Monarchia, eodem & con-
tinuata fuisset. At republicâ mox pro
numero filiorum in tetrarchiam diditâ,

rediit prior systematis facies, pristinaq; incommodi ratio, exemplo etiam in posteris valituro, quo universa Francorum res non semel in casum data est. Ad medium tamen sexti seculi Chlodovæi fortuna etiam in liberos atq; nepotes adhuc durasse visa est. Nam & Burgundia omnis eorum animis, & Thuringia à Salâ fluvio usq; in Chaucos cessit, & turbatis Ostrogothorum in Italiâ rebus, Provincia Galliæ, & trans Rhenum Suevia, Bavariaq;, quâ per Alpes, quâ per Campestria usq; ad Anasum amnem, & Pannoniæ Italiæq; fines producta erat, pactis (ita credibilius est) Francici imperii accessio factæ sunt. Hæc de origine & incrementis Francorum, & systemate sociali in Monarchiam verso præfari visum fuit, quò susceptæ disceptationi lux aliqua accederet. Cœtera enim ad rem eorum publicam spectantia, si quæ sint causæ, in quâ versamur, lumen pariter subministrare fortassis idonea, in progressu demum, prout se quodque ingesserit, perstringere satius fuerit.

Sigebertus Merov. poster. excluditur. 91

(a) *Vid. de his Vorburgius demonstrat. Histor. ad ann. 396.*

VI.

Sigebertus, Francorum Superiorum Transrhenensium & Ripuariorum rex, Merovæi posteritate excluditur.

Nunc ut in ipsam disceptationem provehamur, dispiciendum adhuc est, quâ probationis lege cum Pradio agendum sit. Eam verò ipse sibi peropportunè tulit, quando sub finem discursûs procœmialis, (a) quo diversas autorum de originibus Capetinorum opiniones, recensuerat pariter atq; censuerat, ut magno earum, nequaquam è re suâ facientium numero per compendium se liberaret, unâ sententiâ, meras conjecturas, verisimilitudines & ratiocinationes quascunq; à quæstionibus facti, nominatim verò, quarum ibi tractatio erat, à genealogicis eliminavit. Rectissimè! modò ne ille ipse legislator sanctionis

suæ per omnia ferè primarius & nocentissimus prævaricator exiret. Toto enim opere suo, & in rerum maximè cardinibus, per conjecturas meras ipse progreditur & verisimilitudines. Quòd si ergo iniquum semper proindèq; nec recipiendum est, in qualicunq; facti discussione conjecturis & ratiocinationibus meris niti: piaculum profectò omninò erit, in causâ, ad cujus axem quies & salus Europæ Christianæ volvitur, id committere. Pradii enim, quod sæpe diximus, intimum consilium est, Capetinos Merovingiis, jura Merovingiorum Capetinis vindicare, indeq; procusis titulis per omnem Galliæ viciniam, quod sine terribili motu & Europæ totius convulsione ac clade fieri nequit, octingentorum & quod excedit annorum possessiones concutere, arma, vastitatem, atq; exitium ubiq; circumferre. Et tamen operæ tam honestæ scil. obtentûs ut paret, & fucos, totus per conjecturas annititur. Hanc confessionem vel invito ubiq; extorquebimus. Nobis econtrà, qui in hac causâ pro reis sumus, quasvis conjecturas & præ-

præsumptiones ejus calumniis enervandis idoneas esse, ac præterea communem reis omnibus favorem militare decet, ut ubi actor intentionem è lege non probaverit, lite soluti exeamus. Quoties igitur Pradius, in lite momenti, ut hæc nostra est, sanè atrocissimi, per testimonia veterum evidentissima non procedit, sed vel incerta per se aut ambigua, aut verisimilia prætendit, vel suis tantum ratiunculis prosequitur: ex lege ipse suâ non minùs ac communi hominum jure & naturali æquitate causâ cecidit. Id verò Sigebertum Ripuariorum regem Merovæo filium supponere quando satagit, mox à limine experitur.

Istum enim ut cum posteritate pariter supposititiâ à Merovæo Chilperici patre Chlodovæi M. avo deducat, Priscum Pannitem illius ævi scriptorem advocat, asserentem, anno 449. Francorum regem vitâ decessisse, superstitibus filiis duobus, quorum qui natu major, ut adversus minorem regno patrio eriscundo instantem præsidia pararet, Attilam, qui verò minor Romanos sollicitaverit, quem

Priscus visum sibi, Romanisque capilli promissi ac per humeros fluitantis albedine notatum addidit. Ex his igitur, quem duarum prolium patrem vitâ functum Pannites memorat, Pradius Merovæum fuisse statuit, eidemque pro filio natu majore Attilæ sectatore, illum de quo res est, Sigebertum, pro natu minore autem Romanorum studioso, Chilpericum Merovæi in Galliâ successorem venditat. Hunc pergit edisserere in prælio adversus Attilam quindecim annorum adolescentulum pro Romanis stetitisse, & mox post victoriam regnare exorsum, annoq; proximè infecuto, quem 451. facit, ob libidines à popularibus pulsum; Sigebertum verò Francis Coloniensibus ac Ripuariis regem obtigisse.

Quòd si nunc Pradium assertionum suarum rationem postulemus, illuc unicè recurrat necesse est, ut Francis omnibus, non nisi solum unum illo ævo præfuisse regem pertendat, illum nempe, cujus decessum Priscus ad annum 449. retulit. Citra hoc enim si sit, pluresque tempore eodem adhuc tùm in Fran-
cis

cis reges fuisse numeratos si concedat: tota illationis moles in fumum abit. Nec enim Priscus, quem duorum filiorum patrem, annoque 449. decessisse scripsit, vel ipsius, vel cui præfuit, populi nomine, vel regionis situ, vel aliunde notum, noscibilemve ad posteros transmisit. Quamobrem stante inter Francos regnantium pluralitate temerarium atq; insanum prorsus fuerit, quæ Priscus de aliquo ex pluribus, eoq; per ipsum quidem incerto nobisq; ignoto refert, uni post tot demum secula, per nomen resq; gestas determinato tribuere, cumque Merovæum facere. Ast è converso, si demus eâ tempestate unum solum rebus Francorum intendisse: facilis operæ Pradio fuerit, quem Priscus describit, Merovæum fuisse ut evincat. Nam & regnâsse hunc per ea tempora, & eâ jam ætate fuisse, ut pro adolescentulo defunctiq; filio haberi nequeat, aliunde verisimile fit. Eâdem porrò facilitate, quin etiam necessitate tunc evincet Pradius, filiorum Merovæi alterum Sigebertum fuisse, alterum Chilpericum.

Nam & Chîlpericum & Sigebertum per idem ferè tempus, & post Merovæi facta, inter Francos regnâsse, ætate haud multum dispares, ex historiis colligimus; unde istâ quidem ratione Merovæo progenitos, certò satis prodiret.

Verum enim verò, quàm ista omnia puerilia sint, quisquis tantilli judicii & diligentiae facilè perspiciet. Francis enim ab ipsis incunabulis distinctam in diversas sui juris gentes, præ unâ civili placuisse societatem, nec ante Chlodovæum sub unum regimen contractos fuisse, superiore capite ostendimus. Pharamundæam quidem etiam Monarchiam Pradio ut subluderemus, cuicunque id depereunti, ad fabulas relegare indulsumus. At non eò minus ad eundem probationis onus revertitur; receptum Francis universis saltem sub Chlogione vel Merovæo fuisse unius regimen, ut petitæ ex Prisco argumentationi suum robur constet. Verum isto se onere nusquam expedierit. Hinc quò labore frustraneo libentiùs supersedeat, testibus duobus irrefragabilibus contrarium è vestigio,

stigio, paucis modò ex superiore capite huc repetitis, dilucidè iterum manifestabo. Nam sub Chlogione viguisse adhuc polybasiliam inter Francos, Gregorius agnovit scripsitq; (b) qui ex Fastis Consularibus Theodemerem regem Francorum, Richimeris filium, cum Ascilâ matre gladio interfectum tradit. At eodem tempore unâ inter Francos regnâsse Chlogionem, idem extemplo subdit. Velle autem hunc scriptorem erroris atque ignorantiae hoc loco arguere, summum sesqui seculo post ea tempora scribentem, idque nunc demum, hoc est, mille centumq; totis annis seriùs, temerarii prorsus & insolentis ingenii foret, nisi argumenta clarissima audaciam stiparent, qualia hîc nulla in medium prodeunt. Imò Gregorio etiam silente, anno tamen 440. quo Theodemerem cecidisse ex Fastis eruimus, Chlogionem adhuc in vivis fuisse atq; regnâsse historicâ traditione docemur. Quin etiam licet Pradio diversum per insignem impudentiam sentienti, Chlogioni in vitæ terminum, annum 439. perperam largi-

reniur: Merovæum tamen ei sine inter-
medio successorem, vel in regno vel in
belli ductu, & ipse, & alii omnes agno-
scunt, ut saltem cum isthoc Theodeme-
rem regnâsse, adeoq; vel sic plures nu-
mero reges Francorum adhuc superfuis-
se, consequatur. Ita verò rem non sub
Chlogione tantum, sed & sub Merovæo
prorsus se habuisse, Pradio, qui testium
alter est, opitulante porro discimus. Fa-
tetur enim in eâ, quam edidit regni
Gallici historiâ, Merovæo duos tantum
fuisse filios, idq; necessariò, si sibi con-
stare velit. Eodem enim numero etiam
Pannites defuncti sui liberos circumscri-
bit. Eos verò designat Sigebertum, &
Chilpericum. Constat porro Chilperi-
co unum Chlodovæum, Sigeberto unum
itidem Chlodericum fuisse filios. Ast
cùm Chlodovæo rerum potente magno
numero alios fuisse Francorum reges,
quos Monarchiæ condendæ crudeliter
immolatos recensuimus, & ipse ibidem
similiter agnoscat, nec aliter possit, &
prisci autores ad nos unanimiter transmi-
serint: Vellem doceret Pradius, unde isti,
nisi

nisi ex polybasilia & tum, & pridem antea inter Francos obtinente prodierint, nisi fortasse fungorum in morem unâ nocte protuberâsse velit. Nam Merovæo non fuisse genitos, cujus duos tantum filios ipse agnoscit Pradius, per se patet. Sed nec Sigeberto natos, non inde modò, quòd unius filii patrem nôrimus, verùm etiam hunc in modum deprehenditur, quòd eo vivo adhuc & regnante, ipsorum quoq; jam alibi per Gallias, regno quisq; suo præfuerit. Pariter nec Chilperici non nisi unicâ itidem prole, masculâ fœcundi posteros fuisse arguit, quòd alioqui Chlodovæus non propinquos aut parentes, sed fratres omninò suos sustulisse Gregorio dictus fuisset. Clarissimè itaq; consequitur, istis tanto numero Francorum regibus, alio quàm Merovæo avo opus esse, proindeq; plures uno reges, & ejus & Chlogionis ætate diversis Francorum populis imperâsse. His verò ut necesse est datis, Sigebertum nihilominus nullo prorsus congruo veteri documento, sed quia rebus Capetiorum ita expedire videtur, Merovæo filium

filium certâ sententiâ addicere, qui tot aliis nasci potuit, si conjectura eaq; merissima & incertissima non est, nullâ unquam uspiam conjectura erit.

Nec est ut Pradius, quò se hinc extricet Romani exulis laudatam Prisco cæsariem, Merovingiæ gentis symbolum subsidio vocet, quousque hunc habitum Merovæo posterisq; ejus, cum cæteris Francorum regibus communem non fuisse, demonstraverit. Sed frustra hîc fatagat. Promissæ enim cæsariei decus commune omnibus regii sanguinis principibus, atq; illis etiam fuisse, qui Merovingiæ gentis non erant, asserit Characici filiiq; exemplum, Gregorio Turo-nensi relatum, quos à Merovæo descendere non potuisse modò evicimus, (c) Pariter ne illud quidem, quòd Chlodovæus eodem Gregorio teste, (d) Sigebertum regem parentem suum professus sit, quidquam ad rem facit. Notissimum enim est, eâ voce non agnatos tantum, sed promiscui generis consanguineos quosvis per Gallicissimum, ut nunc, ita tum quoq; venire solitos. Sed & quàm
latè

latè cognationes putare receptum regibus sit, urgere hîc non attinet, ut propè ne cognatum quidem Merovæo, nedum filium fuisse Sigebertum, eâ Chlodovæi professione perspicuum fiat. In quam sententiam haud leviter facit, quòd Chlodovæus Sigebertum nec patruum suum, nec improprio sermone avunculum (quod Merovæo genitus si fuisset, fieri utique decebat) sed simpliciter *parentem* pronuntiaverit.

Præter isthæc verò omnia ipse etiam Pradius magnâ, sed perquàm familiari infelicitate nobis suppeditat, quò evectatur, causamq; suam prodat. (e) Prælium enim cum Attilâ commissum in annum 450. rejicit; post victoriam verò Chilperico regnum susceptum, eundem quoq; anno mox 451. qui idem regni primus fuit, ad libidines à Francis solio deturbatum asserit. Taceo verò nunc rectiùs computantibus (f) Attilam Gallias irrupisse quidem anno 450. sed obsidium Aurelianense & prælium in annum sequentem incidisse; id quod etiam ratio belli & regionum, & eorum, quæ post

post Rhenum trajectum ante factam in meditullia Galliæ penetrationem ab eo in Germaniâ primâ atque secundâ gesta sunt, suadet.

Tacco etiam Pradio magnâ vâfritie, quod per meras falsitates ingredienti necessarium est, totum conturbari Chronologiæ ordinem, quando Merovæi obitum in annum 449. rejicienti, necesse est Chlodovæi obitum minimùm integro lustro, contra omnium historiarum fidem anteriorem ac reapse contigit fieri, cùm Chilperico regiminis anni non nisi quatuor & viginti, Chlodovæo autem non nisi triginta tribui queant. Sed nec illud moveo, quòd nequaquam verisimile sit, Chilpericum vix. puberem, libidinibus destitutionem & exilium, idque in ipso regni exordio mereri potuisse, nec tantilli ad resipiscendum spatii, adolescentulo cœterà forti ac gnavo, veniam à popularibus factam. Ac verò illud negari nequit, Chilperici exilium Ægidii Magistri militum gubernio apud Francos continuò exceptum esse. Jam verò Ægidius militum magisterio per Gallias

Sigebertus Merov. poster. excluditur. 103
Gallias potitus demum est, Avito ad principatum provecto, quod non nisi quinquennio post Attilæ irruptionem contigit. Antea enim Avitus ipse res Romanas post Aëtium in Galliis sustinuerat, non passurus utiq; Ægidium se minorem, Romano Magistratu retento, externæ suspectæq; genti imperare. Quod si igitur ut Pradius vult, primo regiminis anno Chilpericus à popularibus abjectus est, ante annum 455. abjici non potuit. Quare & Merovæum eòusq; durasse (& concinit huic communis historiarum sententia, quam solus Pradius temerario nisu convellere audet) necesse est. Francorum itaque regi illi, quem Priscus anno 449. vitâ exutum scribit, cum Merovæo in annum usq; 455. superstite in nullo convenire potest, eademq; necessitate Sigebertum Merovæo genitum non fuisse consequitur, quippe quem exulis Romani fratrem natu majorem, utrumq; verò jam tùm anno 449. patre orbatum Pradius ipse nobis haud invitis autor est. Apertissimâ igitur ipsiusq; adversarii irrefragabili testimo-

nio nixâ demonstratione inanîs illa ex
Prisco conjectura, cui totâ ædificiî sui
molem superstruit, quâvis paleâ leviùs
dissipata est, & jubemus nullius frontis
fabulatorem, unâ cum ridiculâ suâ meta-
morphosi, quâ pro Pannitis rege anno
449. vitâ functo Merovæum nobis dare
ausus est, in isthoc genealogicæ disquisi-
tionis primo cardine æternùm valere.
Cœterâ Sigebertum quidem Pannitis isto
rege natum, eundemq; ipsum fuisse, qui
Attilam sibi adversùs fratrem concilian-
dum duxit, lubentes concedimus, qui
jam in superioribus fassi sumus, Francis-
cum ad Lonam & Moenum usq; in Thu-
ringios imperâsse, eòq; Attilæ transitum
illâc facienti, quin imò adversùs fratris
natu minoris insidias in auxilium vocato,
militâsse. Verùm hoc ipso, evincimus
Merovæi filium non fuisse, qui tùm &
vividus & vegetus pro Romanis stetit, vi-
tamq; in annum 455, extraxit. Sige-
bertus ergo Coloniensium ac Ripuario-
rum & Francorum Superiorum Transrhe-
nensium rex Capetinæ stirpis capitibus
non annumerandus est, hoc solo gens ista
Mero.

Munder. à Sigeb. posterit. rejicitur. 105
Mérovingii sanguinis nobilitate unà cum
ipso Sigeberto sempiternum excidit.

(a) *Les uns se sont fondés sur des conjectures, & des raisonnements qui seuls dans les choses de fait ne sont pas recevables. (b) Lib. 2. c. 9. (c) Lib. 2. c. 41. (d) Ibid. c. 42. (e) Hist. Gall. sub Merovæo. (f) Vorburgius ad hosce annos.*

VII.

*Mundericus à Sigebertina juxta
& Merovingia posteritate re-
jicitur.*

AT verò ut demus Sigebertum Mero-
vingiis, quomodo Mundericum il-
luc promovebimus? quâ tandem autori-
tate Chloderici filium Sigeberti nepotem
faciemus? Parentem se regum dixit, ar-
gues, regnumq; sibi ut Theoderico Austras-
iæ regi, Chlodovæi filio deberi. (a) Ita-
ne verò regum parentem se dicere, &
Chloderico ac Merovingiis natum esse
idem erit? At quid tandem est conjecturis
lecto-

lectorem circumvenire, si hoc non est? Ipse, inquit, testis est, regio se generi insertum fuisse. Quid si verò in causâ propriâ testis suspectus ac falsus sit? Quid si aliorum exemplo perduellium falsò se regio sanguini inseruit? Quid si regibus ortus, non tamen Merovingiis, sed quocunq; illorum, quos Chlodovæus ambitioni suæ victimas prostravit? Quid si etiam Merovingiis sanguine junctus, aut per fœminas? Nihil horum vel exprimit Gregorius vel excludit. Omnisne ergo regum *parens* seu consanguineus ac propinquus protenus & agnatus erit? Nam quod regeri posset, nisi justæ agnationis titulo regis Merovingiorum hæreditati ut immineret futurum non fuisse, id opidò frigidum est. Etenim si quo casu seu Chloderico, ut vult Pradius, seu quovis alio regum Francorum tanto paulò antè numero florentium natus fuisset: potuisset utiq; & regum parentem se dicere, & regnum Chlodovæi facinore, eòq; injuriâ, præreptum jure petere, nec tamen Merovingius esse. Aut quidquid ejus generis in rem Munderici afferri posset,

Munderic. à Sigebo. poſſerit. rejicitur. 107
poſſet, evertit Gregorius, quando haud
frustra neque obſcurè ait : *adſerviffe ſe*
Mundericum regum parentem. Hoc eſt :
jaſtâſſe id de ſe, ipſum quidem, cujus in-
tererat ita credi; ſed falſè; nec eandem
de eo aliorum ſententiam fuiſſe. Nam
extemplò ſubjicit, *ſuperbiâ* hoc eſt, nul-
lâ juris ſpecie, ſed ſolâ regnandi libidi-
ne, *elatum*, facinus ſuſcepſiſſe. Nimirum
egit Mundericus inter Francos eandem
fabulam, quam haud multò poſt ipſum
Gundobaldus quidam, itidem falſus
Chlotarii majoris filius in eodem thea-
tro luſit. (b) Et ſanè ſiquidem Chlo-
dèrici ac Sigeberti progenies fuiſſet, ſe-
ſtatores in regno avito, Ripuartorum,
Francorumq; Transrhenenſium, & inter
paternos avitoſq; clientes atq; amicos
gentileſq; ſuos potiùs, quàm in meditul-
lio Galliæ, Arvernia, non pridem antè
Viſigothis erepta. Verùm ut ne quid
dubii ſupereſſe poſſet, providit toties no-
bis in teſtem vocatus Gregorius Turo-
nenſis (c) qui à Chlodovæo conſangu-
neorum ſtragem adeo ingentem fuiſſe
èditam prodiit, ut etiam in publico ordi-
num

num conventu, non sine specie querita-
ri potuerit, *solum se velut inter extra-
neos relictum*, doloq; tentandum puta-
verit, numne lateret alicubi, cui regiae
progeniei se afferere lanienamq; augere
volupe esset. Gregorium ipsum audire
dignum est. Ait autem: *Interfectisque
& aliis multis regibus, vel parentibus suis
primis, de quibus Zelum habebat, ne ei re-
gnum auferrent, regnum suum per totas
Gullias dilatavit. Tamen congregatis suis
quâdam vice dixisse fertur de parentibus
suis, quos ipse perdiderat: Vae mihi, qui
tanquam peregrinus inter extraneos re-
mansi, & non habeo de parentibus, quâ si
mihi venerit adversitas possit aliquid ad-
juvare. Sed hoc non de morte horum con-
dolens, sed dolo dicebat, si fortè potuisset
adhuc aliquem reperire, ut interficeret.*
Quòd si igitur Chloderici filius fuisset,
& quidem, ut Mundericum sub patris in-
teritum fuisse necesse foret, puberem,
quânam Plutonis galeâ tectus Chlodo-
vari patrem avumq; regni & ambitionis
causâ tollentis, vigilem industriamque
vafritiem insidiasq; effugere potuisset?

An

An forsan Chloderici filium, Sigeberti nepotem esse satis non erat, ut in cum *Zelus*, ne patrium avitumq; regnum aliquando repeteret, à Chlodovæo conciperetur? Addo, quàm à fide alienum sit, tametsi Chlodovæi manum atq; infidias elusisset, ut à Chlodovæi filiis, patri ambitione & crudelitate quàm simillimis, & regnandi causâ in sanguinem suum, fratres, nepotes, & propria viscera liberos, atrocissimè, & ad horrorem etiam præsentis seculi sævientibus, non toleratus modò, sed cò etiam provectus fuerit, ut amicos, honores, opes, aliaq; ambitionis, ferociæ, ultionisq; non admodum injustæ instrumenta, quæ ad rebellionem florente etiamnum regum potentiâ atq; fortunâ, cum spe successûs ciendam suffecerint, parare potuerit. Denique si quicunq; regum parentes (ut Gallicismo hoc utar) Merovingiis & Sigebertinæ posteritati regumq; agnatis continuò inferendi sint: Sygiwaldus etiam ille, quem Theodericus Austrasiæ rex sub eadem tempora Arvernæ præfecit (d) illuc referendus erit, quem filiumq; Gywaldum

F

longa

longa haud dubiè regionum parentum & agnatorum agmina alia, invitâ etiam Chlodovæi vigilantia atq; sævitiâ, præter omnem historiarum fidem, secutura essent.

Illud largiri possum, tametsi nullo testimonio constet, exemptos fortasse communi clade, seu ex Merovingiis, seu cæterorum inter Francos regum propinquis, illos, qui illegitimo concubitu nati, nec agniti, aut in spem successionis natalibus restituti fuerant, quòd ob conceptionis fœditatem, nullo legum, patrumve, aut populi beneficio levatam, contempti, nec proinde Zelotypiam supervacaneamq; sævitiem Chlodovæi meriti, regia successionis satis arceri viderentur. Quorum albo si Mundericum inferendi lubido Pradium urget: per nos quidem id licebit. Et poterit juvari, quod Mundericus soli se ex regibus Chlodovæi filiis, Theoderico comparaverit. Nam & iste nothus erat, ante nuptias cum Crothilde legitimâ uxore contractas ex pellice natus, verùm patris populorumq; iudicio ob virtutem sanatus.

At

Munderic. à Sigeb. poster. rejicitur. III

At meminerit Pradius, eo pacto Chlodovæo potius aut Chilperico, quàm Sigeberto vel Chloderico prognatum Mundericum; tùm verò incidisse se cum regibus suis Capetinis, præter Chloderici parricidium (vitiosis natalibus haud paulò abominabilius) etiam in ipsas illas natalium fordes, quas in Martello averfatus est, quasq; tanti putavit, ut ejus obtentu Carolo Magno iniqui usurpatoris calumniam irrogare ausus fuerit. Meminerit inquam, suo proinde calculo Capetinos omni Merovingiorum jure & successionem hoc uno excludi, & usurpatòres esse. Quòd eò pertinet, si quidem Pradii judicio standum, ut ipse, dum Carolinos posteros eo nomine infectatus est, illufisse improbè regibus suis, eodem vado hærentibus videatur, & hi beneficium apud ritè æstimantes nobis debeant, qui eos ab originibus Merovingiis non modò per Sigebertum & Mundericum nihil profuturis, sed indelebile etiam, ut Pradius vult, natalium illegitimorum stigma inusturis, ereptos cupimus.

(a) *Greg. Tur. lib. 2. c. 41.*(b) *Aimoinus l. 3. c. 67.*(c) *L. 2. c. 42.*(d) *Id. lib. 3. c. 13.*

VIII.

Quid de Bodegisilo duce sentiendum.

BOdegisilum aliquem inter S. Arnolfi majores ferre, quin etiam patrem Sancto largiri possumus. Est enim Bodegisili nominis ratio eadem, quæ Ansegisili. Uti enim ex isthoc Ansegisi & Ansgisi nomen emerfit: ita Bodegisili vox in Bodegisi ac Bodgisi contracturam attenuata est, quæ deinde vulgari loquela in Boggisum aut Buggisum abivit. Legimus autem Arnoaldum Buggisum Ansberti Senatoris, seu Romano, seu vetusto Gallico, seu quovis alio sanguine oriundi filium, Aquitanix sub Visigothis ducem, ex Odâ conjuge S. Arnolfi patrem fuisse, quam sententiam Bouche-tius, Pradii ex professo lectus Antagonista,

rista, sibi ornandam sumpsit. Ita Pradius in adversarii sui castra imprudens concessit. Bodegisilum enim aliquem cum Sancto patrem tribuat, necessario Bodegisilus iste Arnoaldus ei amplectendus est, quoniam cum Bodegisilo suo Munderici filio causam nequicquam prosequitur. Provocat quidem ad vitam S. Gundolfi Tungrorum Episcopi, Bodegisili alterius ducis fratrem, S. Arnolfi supposititium patrum, qui cum fratre in aulâ Chlotarii cujusdam, nuspiam cogniti Austrasiæ regis educatus sit. Asseverat eâ legendâ patrem Bodegisili hujus Munderici nomine disertim exprimi, ipsam verò historiolum S. Arnolfo, qui unâ ibi Gundolfi ex fratre nepos audit, dedicatam esse. At mihi vita isthæc S. Gundolfi visa hætenus non est. Illud verò in progressu patebit, quanta perveritate Pradius in applicandis themati suo veteribus instrumentis versari soleat. Tutò igitur in eo acquiescere posse mihi videor, fide nequaquam integriorē & in hoc egisse. Quin imò jam nunc ab amicis è Galliâ moneor, extare alibi vi-

tam Sancti jam pridem publicatam, inibi
verò de Munderico nihil haberi. Illud
verò perquam jucundum est, quod ad-
dunt, Lotharingiæ mentionem, quæ
Gundolfo patria fuerit, ibidem prosta-
re, quod sanè Pradii intentionem pessun-
dat, quantumcunque improvidus malæ
causæ patronus id sibi minimè spon-
derit. Constat enim Lotharingiæ no-
menclaturam post annum 840. natam,
postquam Francia illa Austrasia, quæ
Rhenò, Mosâ Scaldiq; & Oceano claudi-
tur, Lothario Cæsari Ludovici Pii filio
in sortem venisset, unde & nomen con-
traxit; hoc est ab Arnolphi excessu, annis
minimùm ducentis. Quî igitur Gun-
dolfi vitam Arnolfo nepoti inscribere
potuit autor, à duobus ampliùs seculis
vivi exempto, quin etiam velut præsen-
tem alloqui & salutare? Pudeat Pradium,
si quid pudoris reliquum habet, in re
cui consequentias inædificat Europæ
omni, si voto concipientium exitus re-
spondeat, in luctum versuras, tantâ im-
probitate atq; versutiâ, nec minore ta-
men ineptitudine inertiaque versatum.

Hoc

Quid de Bodegisilo duce sentiendum. II §

Hoc solo prodidit, quanti testis, quanti qui testem produxit, faciendus sit scriptor, indignus qui lucem videat. Ego deploratum suo cum Bodegisilo hinc jam dimittito, ad ulteriora progressurus.

IX.

S. Arnolfus cum posteris à masculâ Merovingiorum progenie secluditur.

EVERSÆ enim in hunc jam modum tripliciter Pradii genealogiæ regiæ, frustra quartâ acie S. Arnolfus remedio venire jubetur; qui tamen etiam ingratiss Sigeberti & Munderici, & Bodegisili Merovingiis per alios traduces, concedendus adhuc erit, si ratiunculis quibusdam frivolis, quæ Pradii niti pergit, locus aliquis constet. Quibus quandoquidem sibi imponi rudiores facile patiantur: eas quoq; nihili convinci pretium operæ forsan fuerit. Nec id tamen, quàm lectoris tædio levando vellemus, paucis fieri potest; cum etiam in-

vitos nos abripiant, quæ à Pradio (ad rem, an secus, nihil pensi habet) causæ laboranti opitulari coguntur.

Austrasius verò fuit Arnolfus, ac si Pradio credimus (a) Chlotario II. ætate par; hoc est anno 583. in lucem editus. At si quod idem mox perhibet, anno 595. aut qui hunc secutus est, uxori junctus sit: sequetur, ne puberem quidem tum adhuc, maritum tamen jam fuisse. Quod indicio esse possit, quantâ fide (nec enim id nisi consultò admisit, Chronologiæ haud precariò corruptor) quantâque etiam circumspeditione, qui tam pugnantly loquitur, in lectore instruendo versari consueverit, maximè, cum Anonymus, qui vitam Arnolfinam memoriæ tradidit, autor sit, *vix tandem cogentibus amicis* (quod nisi tardijugis contingere non solet) *conjugio se addixisse*. Sit hoc in digma secuturæ mercis, quam ut vendibilem nobis faciat, rationes suas in huncce modum digerit.

In fronte collocat textum Pauli Diaconi, ex fragmento, quod extat de Episcopis Metensibus, sic habentem:

(b) *Post*

S. Arn. à masc. Mer. prog. secluditur. 117

(b) *Post Pappolum ad regimen Ecclesie Beatissimus Arnolfus assumptus est, vir per omnia lumine sanctitatis & splendore generis clarus, qui ex NOBILISSIMO FORTISSIMOq; FRANCORUM STEMMATE ortus, ita DEI Ecclesie præsuit, ut & moderator Palatii existeret.* Stemmatidis enim nomine, quod Paulus hîc exhibet, constanti usurpatione masculam semper propaginem venisse, subsumit. Francorum autem compellatione per antonomasiam reges intellectos vult, ut sensus sit; stemmate Francorum regio per masculam progeniem Arnolfam editum fuisse.

Proximo huic loco testimonium Petri Bibliothecarii statuit, qui anno 898. vixit scripsitq; eumq; Prædix in hunc modum introducit loquentem. (c) *Anno DCCLI. Pipinus legatos Romam misit ad Zachariam Pontificem maximum, ut, QUI EX ANTIQUA STIRPE MEROVINGIORUM FUERIT, REGNARET IN GALLIA. Exaudit Pontifex, & mandat Gallis, ut in eorum regem haberent Pipinum.*

Dehinc ordine succedunt testimonia Annalium Francicorum, tum Bertinianorum, tum & aliorum duorum, quos ab anonymis autoribus seculo nono conscriptos esse creditur. Unum autem recitasse pro omnibus fuerit, quod alterum ab altero, qui istiusmodi scriptorum mos est, sua verbotenus sumpsisse, legenti perspicuè pateat. (d) *Pipinus*, ajunt, SECUNDUM MOREM FRANCORUM ELECTUS EST IN REGEM, & unctus per manum sanctæ memoriæ Archiepiscopi Bonifacii, & elevatus à Francis in regno, in Sueffionis civitate. *Hildericus* verò, qui falsò rex vocabatur, tonsuratus est, & in Sithieu monasterium missus. Morem verò Francorum hîc sumi docet Pradius, pro lege regni fundamentali, sub primâ atq; secundâ regum familiâ, circa regiam successionem vigente, quam explicare conatur, ex literis Fulconis Archiepiscopi Rhemenfis, ad Imperatorem Arnolfum datis, & in hunc sensum conceptis: (e) *Morem Francorum gentis asserit, secutos se fuisse, quorum mos semper fuit, ut à rege pece-*

S. Arn. à masc. Mer. prog. secluditur. 119
decedente alium de regiâ stirpe, vel suc-
cessione, sine respectu vel interrogatione
cujuspiam majoris aut potentioris regis eli-
gerent. Adjicit huic in subsidium Pra-
dius duo Caroli M. & Ludovici Pii ca-
pitularia, seu constitutiones, quarum
ego, antequam hinc abeam, faxo suis
locis, ut & literarum Fulconis, & elogii
huic præstiti, malè cautum pœniteat.
Hunc autem sive morem, sive legem fun-
damentalem eò pertinuisse vult Pradius,
ut decedente rege, populo electionis ar-
bitrium factum esse autumat, alium
quemcunq; , quem dignissimum judicaret
subiugendi, modò ut è gremio familiæ
regnatricis esset. Quare ex his per in-
signem epilogismum sic argutatur: Pi-
pinus à Francis in regem assumptus fuit,
juxta morem Francorum. Necesse est igitur
è stemmate regio fuisse. Pipini autem
stemma per S. Arnolfum olim propagatum
fuit. Rectâ igitur consequentiæ lege con-
cludendum est, ipsum quoq; Divum, cum
omnibus posteris, quos inter etiam Capetini
à regibus Merovingiis, & masculâ qui-
dem progenie descendisse. Subjungit
F 6 porro

porrò Hincmari Rhemensis Archiepiscopi auctoritatem asseverantis (f) *Ludovicum Pium Caroli Calvi patrem è carne Chlodovæi M. carnis duxisse originem.*

Deniq; & Ademari monachi opem emendicat in hanc sententiam loquentis: *Et Zacharias Papa cum consilio nobilium Romanorum mandavit Francis, ut melius esset, vocari regem illum, qui haberet prudentiam & potestatem, quàm illum, qui sine regali potestate rex erat; ET UT NON CONTURBARETUR ORDO REGALIS, JUSSIT PER AUTORITATEM APOSTOLICAM PIPI- NUM FIERI REGEM, QUI ERAT DE SANGUINE REGALI FRAN- CORUM. (g)*

Hi arietes eò omnes tendunt, ut quas Pipino asserere origines Merovingias videntur, in ejusdem abavum Arnolfum, & per hunc in adscititiam ejus posteritatem, Capetinos redundant. Verùm ego antequam eos singulatim enerves elumbesq; faciam, illa quæ in universum prosterneendis, etsi pauca numero, pon- dere

S. Arn. à masc. Mer. prog. secluditur. 121
dere tamen magna, sufficiant, præmit-
tenda puto.

Enimverò si Merovingiæ virilis præ-
sapiæ fuit S. Arnolfus, aut è collateralibus
Chlodovæi M. fuit, aut ex descen-
dentibus. Alterutrum necesse esse, ne-
mo putem ambiget. Ast è collateralibus
esse nequit. Chlodovæus enim, uti
in superioribus comprobavimus, adeò se
omnibus agnatis suis, ad successionem
regiam, eminus cominus sanguinis jure
venientibus liberaverat, ut Diogenes ci-
tiùs hominem, quàm ipse agnatum re-
perisset. Nec superfuisset ergò quem-
quàm eorum certum est, nec si superfu-
isset, Chlodovæi filiis, quod jam urfi-
mus, nepotibusq; paterni ut regni, ita
dominationis flagitiorum plus nimio hæ-
redibus, ferarumq; more bestiarum in
semetipfos indies ferè grassantibus, vel
clàm toleratus, nedum in lucem, & ad
suspectam etiam regibus potentiam eve-
ctus fuisset. Multò autem minùs ad
Chlodovæi descendentes confugium pa-
tet, disertissimo ipsius Pradii testimonio.
Ut enim is Blitildem laudatam à non-
nullis

nullis Ansberti Senatoris uxorem, Chlotarii II. filiam non fuisse convinceret, hoc utitur argumento, (h) quod tamenetsi merè negativum, irrefragabile tamen pronuntiare audet; quòd Gregorius Turonensis, qui quidem anno 595. quo vitam cum morte commutavit, Arnolfum jam Dodæ maritum nōsse potuit, regum Merovingiorum liberos utriusque sexûs omnes ad eam usq; ætatem exactâ curâ historiæ suæ inseruerit, in quibus nullam Chlotarii Blitildem invenire sit. Dicam igitur & ego: si mihi Pradius in Gregori Turonensis historiâ ullius regiæ prolis masculæ vestigium invenerit, ex quâ vel tenui conjecturâ inferre quisquam sani judicii possit, Arnolphi ortûs legitimos fuisse deductos: manus illico dabo, herbamq; porrigam. Taceo illius ævi morem tulisse, ut cuilibet regum filio, certé legitimo, regni paterni portio cum regionomine in sortem veniret; quâ lege Majores Arnolphi (qui Merovæi summum abnepos esse poterat) intra privatam conditionem, ut fuere, mansuri sanè non fuissent. Si
quâ

quâ autem ratione fors tentatus, hîc saltem ad spurios aut illegitimos recurrendum sibi duxerit Pradius: causæ suæ proditor manifestus iterum prodibit. Addo nunc Carolum Calvum, primum Galliæ occidentalis modernæ regem, eruditorum, ut tunc erant, & ipse affectabat, fautorem fotoremq; eoq; nomine cœtaneis scriptoribus laudatum, imò literarum ne ipsum quidem expertem, quarum ope antiquitatis illa, quæ ad gloriam domus suæ faciebant, præsertim non remotissima, & quæ ipsas origines spectabant, si qua fuissent Merovingii traducis vestigia, ante alios omnes, patentibus totius Galliæ scriniis & chartophylaciis, vel suâ, vel suorum industriâ deprehendere potuisset. In eo certè mecum omnes facilè convenient, si Pipino regi præavo natales Merovingii adeò certâ ratione constitissent, ut iis potissimum suffragantibus, quod Pradius vult, regno à Francis admotus fuisset, in neminem sanum cadere posse, ut credat, inter proavum ac pronepotem, annis omnino septuaginta, qui inter illius obitum,

tum, & hujus regnum intercesserunt, perituram fuisse, tam insignis prærogativæ conscientiam memoriamq; usq; adeo omnem, ut ne vel per tenuem quidem traditionis rimam, saltem intra regios penates, si non vulgò, conservata fuisset. Et tamen iste in rem suam, etiam per fas nefasq; tam gnavus & sedulus, & gloriæ ad excessum vaniloquentiæ deditus Carolus, eòusq; nec scivit, nec credidit, imò ne suspicatus quidem fuit, profapiam suam, virili Merovingiorum propagationi aliquid debere, ut non passus sit modò, sed & jusserit, Pradio rursum locupletissimo teste, (i) origines regiæ suæ domûs (verè an falsè hîc perinde est) ad Ansbertum Senatorem Arvernici generis virum trahi, in tabulas quoq; referri, ac in lucem edi; de cœtero autem, ut aliquid saltem Merovingici sanguinis gloriæ causâ in se transferret, Blitildem aliquam Chlotarianam iis inferi.

Quàm verò festivum est, à Pradio hîc excipi, (k) Blitildem ab adulatoribus aulicis, eo sine Ansberto junctam, & conjugum

S. Arn. à masc. Mer. prog. secluditur. 125
jugum hoc par Majoribus Carolinis additum, quò hisce gloriæ aliquid è sanguine regum Merovingiorum, vel per fœminas aucuparentur. Quòd si enim vel ipsi, vel rex, qui ita jusserat, credidissent, gloriam Merovingiæ virilis propaginis, vel per verisimilitudinem aliquam Carolinis inesse: profectò ut erant illi adulatores, ut erat iste & rex, & vanus, ad sexum sequiorem, ut eam gloriam aucuparentur, descensuri neutiquam fuissent. Id lubens admiserim, ab artibus paratos non fuisse scriptores, quos adulationis insinuat, illorum, qui hodie genealogi regum industrii & ingeniosi ut videantur, reges ita palpare suos novērunt, ut sub adscititiis majorum fumis, fucos etiam titulorum in innocentium vicinorum pestem atq; excidium subministrare, & execrandis regnorum ventionibus campos recludere & complanare religioni probroq; non ducant.

Quòd deniq; anonymus vitæ S. Arnolphi scriptor Divo coætaneus & familiaris adeo ignoraverit, regiæ stirpis germen fuisse, quem laudandum susceperat,
ut

ut opus etiam attentâ esse mente (1) ipse agnoscat Pradius, quò Francum majoribus fuisse illo quidem magistro discas, id inquam, solum silentium, quovis etiam Stentore clamosiùs aures mentemq; verberat, monetq; inter non entia historica relegandam esse istam Arnolphi Merovingiam progerminationem. Solent qui vitas illustrium virorum memoriæ posterorum commendant, nonnunquam in Panegyristas abire, & res etiam incertas, cujusmodi esse sæpe solent, quæ ad generis primordia pertinent, lectoribus offerre, modò ut ad glóriam herois sui facioſtes. Et scriptores Benedictinorum nequaquam parci sunt, in regiis suorum natalibus pandendis. Hic verò & coævus, & præsens Arnolphi laudator, qui gestos mundanos honores gloriâq; bellicam non dissimulavit, ut generis tam celsam originem, si quæ fuisset, ad Sancti ejusq; prolium commendationem, & quem maximè ejusmodi scriptorum scopum esse decet, ad exemplum in publicum tam eximie facientem silentio præteriisset, fidem omnem superat. Quid verò dicam

cam silentio præterisse scriptorem regios Arnolfi ortûs? Quin potius tantum non dilucidè perhibuit, regios non fuisse, quando simpliciter tradidit, *altum satis & nobilem parentibus fuisse*. Quàm enim ista frigidè regiam volunt generationem? Si renuis, inspicere, quæ mox de Dodâ conjuge subjecit, *ab inclytâ & nobilissimâ gente puellam fuisse*. Si enim ne inclyta quidem isthæc & nobilissima puella regii sanguinis fuit: quantò minùs, qui tantum à *satis altis & nobilibus parentibus* prædicatur. Bliteos sibi lectores haud dubiè meros spondit Pradius, quando eos ad vitam Arnolfi deducere, causæq; suæ tam manifestè adversantia nemine invitante velut digito monstrare ausus est, nullo deprehensionis metu, ipse bliteus potius ac bardus, qui non animadverterit, dum plumbeos suos pugiones in adversarios alicubi jactat, eosdem ab his prehenso atq; retortos, in letalia auctori tela abitura.

Possent ista convellendis, quæ in contrarium à Pradio congesta sunt, ac sal-

tem,

tem, si quod modò pondus haberent, ad meram probabilitatem deprimendis, apud quemvis, qui animi æquitatem cum tantillo salis, ponderibus lancis afferat, abundè esse. Sed ne virium diffidentiâ magis, quàm iudicio fugisse conflictum visi, apud imperitos rebus levissimis & inanissimis momentum aliquod incauti conciliemus: agedum trahentem secuti, singula, quæ tuendæ causæ in arenam produxit, excutiamus.

Et Paulum quidem Diaconum Pradius, quò fidem apud ignaros ei aucupetur, illaudabili astu, ne quid inclementiùs dicam, (m) Arnolfo penè coævum facit, cùm minimùm seculo uno atq; dimidio, quod ævo præsertim inculto, & memoriæ rerum ad posteros enucleatim mandandæ, admodum negligenti, plurimum esse debet, ab eo humanis exempto, sua literis consignaverit. Iste verò Paulus, si seculo scripsisset Tullii alicujus aut Gellii, me quidem non repugnante, stemma pro virili tantùm propagine, usq; sumeret. Nunc inter eos cùm scripserit, qui etiam patrem pro focero, filium pro

pro genero, fratrem pro affine, avunculum pro patruo, adstipulante iterum Pradio (n) dixere: quidni stemma longè compendiosiore transpositione ad genus vel stirpem utriusq; sexûs germina pandentem, transtulisset? Francorum deinde gentile patriumve nomen, quòd hoc loco per antonomasiam pro regio captari velit, quisquamne sordidissimus ludimagister grammaticusve in causâ quam ipse tam arduam fecit, inanius ac pulverulentius in medium dare potuisset? Manifestus est sensus scriptoris, Francum genere dicere voluisse, undecunque ex Francis civibus profatum. Et ne inter originarios quidem Francos distinguit, illosq; qui sive è Romanis, sive è Gallis indigenis, sive etiam è Visigothis, quod sanè usitatissimum tùm erat, Francicâ civitate donati essent. Sed ut agnoscat, quàm non difficiles simus: habeat sibi stemma suum virile, imò habeat etiam, quod fortasse compendio tam levi non expectabat, habeat inquam, etiam regium; quid promovebit? Quisquamne Arnolfum regio Francorum eoque virili stemma-

stemmate fuisse inficiatus est? cum pariter omnes quotquot ea tempora attigerunt, non participem modò, sed & præcipuum, & è genearchis stemmatis, ævo Pauli (scripsit enim sub Carolo M. Arnolfi atnepotè) rerum potitæ fuisse, continentibus votis exclament? De hoc verò Carolinorum regio, quippe tum regnante stemmate Pauli sensum fuisse, tum illa evincunt, quæ paulò antè adduximus sententiæ nostræ stabiliendæ capita: tum & inter alia, illud in textu Pauli adjectum fortitudinis encomium evincit, quam Pauli ætate in Merovingiis nullam, ac retro ne à sesquiseculo quidem fuisse, in Carolinis autem tum vel maximè orbem famâ implèsse, perspicuum est. Accedit verò, quòd commodam atq; etiam laxiorem vocabuli *stemmatis* interpretationem, qui in causâ versamur, quâ odiosissimas Pradii strophas, ab omnium jugulis avertere intendimus, jure nostro capeffamus. Regios igitur ortûs habuisse Arnolfum ex isthoc Pauli Diaconi testimonio nemo æquus judicaverit. Regibus tamen ortum, serâ licèt generatione

S. Arn. à masc. Mer. prog. secluditur. 131
tione dedisse notum est. Et hoc intuitu
è regum Francorum, hoc est, eodem ac
reges scriptori contemporanei, stemma-
te fuisse, lubentes agnoscimus. Ecce
Pradi! quàm levi impulsu tantus ille tu-
us Protagon, qui in initio tractationis,
& in fronte aciei tuæ collocatus, vel
solus agminibus adversariorum tuorum
profligandis sufficere tibi visus est, pro-
status sit.

Nec mitior fortuna manet Petrum il-
lum tuum Stephani Papæ Septimi Bibli-
othecarium, quem sub ipsum seculi no-
ni exitum demum, Carolo Calvo jam
pridem è vivis sublato, sua consarcinasse
ultro fateris: Hunc cene autem Carolo
isto vestro origines certius calluisse cen-
sere audes, peregrinum Franco, extra-
neum gentili, privatum rege, cujus præ
omnibus origines novisse suas intererat,
imò quem originibus suis eruendis mi-
nimè perfunctoriam navasse operam,
ipsæ illæ, quas rejicis Ansberti nuptiæ
produnt? Quòd si etiam diceremus ja-
ctatas esse de industriâ à Pipini affec-
tis, quò Pontificem causæ suæ faciliorem
para-

pararent, & pronis Romæ (ubi Pipino favente & rege potius, quàm regio administro opus erat) auribus acceptas Merovingias origines, nihil eo fortasse aliud factum esse dicturi essemus, quàm quod solent ante alia omnia agere, qui regnis alienis per seditiones & ambitum inhiant. Novimus enim, quot artibus regnorum aucupes progredi consuêrint, & novit juxtà mecum Pradius, cùm stirpis Capetinæ in Galliæ everfioni, superiore seculo, quod examinare meum non est, quidam imminere dicerentur, quanto conatu, ut majoribus Carolinis descendisse crederentur, eivibus unâ exterisq; scriptoribus laboratum sit. Sed nulla nos illuc necessitas cogit. Ipse ille in testem Pradio vocatus Petrus, ut paulò antè Paulus, quidquid sibi inde expectaverat opis, corrumpit. Nec enim *stemmatis* voce utitur Petrus, ut ne exinde emphaseos aliquid eruere, & causationesnectere Pradius possit, sed *stirpis*, quæ utriusque sexûs influxum jam sine controversiâ admittit. Quàm prætereà egregiè à notitiâ rerum Francica-

rum

rum instructus, ista propaginis Merovingiæ commenta in commentarios suos retulerit Petrus: produnt illa, quòd Pontificem Francis mandâsse velut pro imperio, sive ut Ademarum exprimit, per auctoritatem Apostolicam, ut Pipinum solio admoverent, autor sit. Quod Pradius, probè scio, qui autocratiam Francorum nullis alienis legibus, sed DEO soli sine medio obstrictam, in hâc ipsâ Pipini causâ alibi tam intrepidè tuetur, ita dictatorio supercilio gestum esse, Calendis Græcis admissurus est. Imò si rem totam attentius æstimaveris, totum illud Bibliothecarii testimonium, cuiusvis sensato ludibrium debebit, usq; adeò vanum atq; ridiculum est. Ait interrogatum fuisse S. Pontificem, num *qui de antiquâ stirpe Merovingiâ fuerit, regnare in Galliâ deberet.* Quasi verò Francis addubitatum tum demum fuisset, an Merovingius in throno ferendus, qui trecentis jam annis eundem tenuerat? Quisquamne Francorum de hoc laborare poterat, nisi Pradio simillimus aliquis, vel sensu communi privus? Id age-

G

batur,

batur, ut constaret Pontificæ pronuntiante, an qui Merovæo sati tum adhuc reges supererant, quòd torpore atque ignaviâ loco indigni, nec nisi nomine-tenus reges essent, jure dejici, & ii qui jam tum à septuaginta plùs minùsve annis potestatem regiam gnaviter exercuerant, surrogari possent. Hoc res ipsa loquitur, & scriptores unanimi voce concinunt. Ante omnes Eginhardus, Carolo M. familiaris, (o) ex responso S. Pontificis id explicat, decidentis : *Melius esse illum regem esse, apud quem summa potestas consisteret.* Conscientiæ nimirum causâ S. Pontifex in partem consilii vocatus fuerat, quo extraneû à regiâ stirpe, regno præfici agitabatur. Quòd si tamen inter hæc omnia Bibliothecario sani sensûs aliquid & veritatis hîc affricare cuiquam lubuerit; necesse erit, verba illa, (*ut qui ex antiquâ stirpe Merovingiâ esset, regnaret in Galliâ*) ita reddere, ut interrogatum velit Præsulem, numne ineluctabilis ratio necessitatis exigeret, non alium, quàm Merovæo progenitum regno præfisse, anne verò prægnanti-

gnantibus ex causis, alieni etiam à Merovingiâ stirpe, rebus imponi possent? Verùm hoc sensu Pipinus, unàq; Arnolfus à Merovingiis originibus manifestè rejiciuntur. Quemadmodum igitur si his se redimere velit Pradius, aut deceptum esse Petrum Bibliothecarium aut decipere indubiè causabitur: ita eundem nos nobis contrariantem, pari lege damnabimus.

Liceat verò Ademarum, qui hæcenus velut in subsidiis latuit, ad principia translatum Petro, cui causâ conjunctus est, etiam loco conjungere. Ait nimirum is: *ne conturbaretur ordo regalis, jussos esse per auctoritatem Apostolicam Francos, Pipinum qui erat de eorum sanguine regali regem eligere.* Verùm descripsisse patet sua ex Petro Bibliothecario Ademarum, cujus sensum ferè in omnibus exprimit, proinde nec numerum facere; & ut hoc etiam absit, in eum tamen, quæ in Petrum, militant omnia. Paris enim, quin turpioris in rebus Francorum ignorantia reus est, qui non modò Pontificis auctoritatem & jussus causæ Francorum expressiùs ipso Petro immiscuit,

scuit, verum etiam nobilium Romanorum consilium intervenire comminiscitur. Crederes illo quidem teste Senatui Romano jus adhuc in Galliam Germaniamve tum superfuisset. Hunc verò tam imperitum in rebus quæ cuique obviæ sunt, quomodo in Genealogicis disquisitionibus, quæ veteris historiæ apicem absolvunt, testem nobis obtrudi patiamur? Scripsit idem Ademarus tribus post Pipinum seculis, ipse cœnobita procul negotiis & republicâ, autoremq; laudat nullum, in re, quam propriis haurire sensibus nequivit; quod genus testium Pradius in Urspergensis repudiavit. (p) Taceo quòd sanguine tantum regali non stemmate Pipinum ortum dixerit, qualem etiam per fœminas fuisse, satis fuerit, ut Ademaro qualiscunq; fides constet, qui utro ille sexu intercedente Merovingium sanguinem in se transtulerit, in medio relinquere satius duxit. Nec dubium est, profuisse Pipino ad regiam dignitatem priscis regibus, vel per solas fœminas, imò vel famâ tantum innexum fuisse. Cœterum quo sensu illa sint accipien-

S. Arn. à masc. Mer. prog. secluditur. 137
cipienda, ne conturbaretur ordo regalis,
cùm multiplicem capiant interpretatio-
nem, interroget Pradius, si lubet, gram-
maticos. Nobis enim satis est, aut illud
velle, ut ne regnum deposito Childerico
vacaret, vel nomen regium à summâ po-
testate diutiùs diverteret, aut incerti
sensûs esse, ut hoc testimonium Pradio
inutile exeat, & ad alia properantibus,
operam cum ipso in re nihili perdere in-
tegrum non est.

Literas Fulconis Rhemensis Archie-
piscopi, ut has quoq; obiter absolvam,
quarum argumentum Flodoardo est, ut
acceptum referamus, non capio sanè,
quâ vertigine actus Pradius, & hîc per
fragmentum, & alibi (q) ex integro re-
ferre sustinuerit, cùm vix aliud sit, quod
causæ ejus potentiùs officiat. Et qui-
dem quod *morem Francorum* attinet, cu-
jus meminere mox edisseram, quò is
spectaverit. At per illa, qui ab stirpe
regiâ existens alienus, quæ Eudonem Hu-
gonis Capeti patrum magnum notant,
non sanè per circuitum, aut in parabolâ,
aut ambiguè, verùm conceptissimis ver-
bis,

bis, & Eudo iste, & cum eo Capetini omnes à stemmate, non Carolino tantum, sed & Merovingio multis ablegantur parasangis. Verset ea Pradius sursum deorsum, palpet, scrutetur intima, extima, redibit usq; sensus ille clarus, simplex, & rectus, fuisse Eudonem, & cum ipso Roberti Fortis progeniem omnem in eum usq; diem, ab omni stirpe regali alienum. Præstabat igitur Fulconem quidem missum fecisse, & ubi per mirabilem mentis caliginem favere videbatur, cum vel maximè adversaretur, parcius laudasse, quàm, ut erat, è primariis Caroli Simplicis ministris, & eruditissimum sui ævi politicum palàm asserere, eoq; elogio omnes auctoritati ejus postmodum elevandæ aditus præcludere. Quis enim persuaderi sibi sinat, regni primum in ecclesiasticis pariter ac temporalibus principem, in aulâ exercitatissimum politicum, in sacro cubiculo primarium administrum, ignorare potuisse, quod omnium primò non ignorare officii ordinisq; ratio postulabat, quis suâ ætate de familiâ regnatrice

natus

natus censeretur necne? præsertim si, quod Pradius vult, Eudonis linea, à lineâ regali Carolinâ, necdum totis centum octoginta annis (ab obitu scil. Pipini Crassi, quem Childebrando Eudonis tritavo adscititio patrem dat) divergium fecisset.

Hincmari autoritas enuntiantis Carolum Calvum per Ludovicum Pium patrem è carne Chlodovæi M. originem duxisse, quo numero habenda, quove sensu accipienda sit, planum fiet, ubi de hujus enuntiationis occasione & causâ constiterit, quod sic habe: Lothario II. Lotharii Cæsaris filio Francorum Lothariensium rege vivis exempto, Carolus Calvus, adstipulante Hincmaro Rhemensium Archiepiscopo, ut regno (ad fratrem Lotharii unicum superstitem Ludovicum II. Cæsarem Italiæq; regem citra controversiam devoluto) potiretur, quod vulturii possessores solent, omnem Ludovici, tum etiam adversus Sarracenos distenti diligentiam armis prævertit. Metis intromissus, ut regni ordines sibi addictos faceret, proxenetâ usus est

Hincmaro. Qui cùm omnia conquireret, quò causam aliàs fœdam ac detestabilem commendaret: inter alia reverentiæ benevolentiaëq; Calvo parandæ idonea allegavit, editum esse magno illo, per quem Lothariani Franci fidem Christianam primitus consecuti essent, Chlodovæo. Quandoquidem verò gratiæ quam intendebat parandæ, utrumq; facere poterat, seu maribus, seu fœminis intermediis à Chlodovæo ortus esset: neque expresserit Hincmarus utro sexu niteretur: jam ejus autoritas, quæ nisi merâ conjecturâ ad mares referri nequit, in causâ à quâ Pradius, quâ auctor jure conjecturam omnem exesse jussit, adversario intercidit. Imò est cur pro fœminis eam militare omnino tenendum, quando jam pridem demonstratum est, ut Pradius ipse agnovit, persuasum fuisse Carolo (proinde & Hincmaro) virili germine Arvernicum Ansbertinum, aut Chlodovæanum non nisi per Blietildem fuisse. Et quid quæso promoveret Pradius, si etiani per mares solos à Chlodovæo deductum fuisse Hincmaro Carolum

Calvum

Calvum daremus? Ipse enim Pradius falsum in eo fuisse Hincmarum largiri, imò contendere deberet, qui non per Chlodovæum, sed per Sigebertum ac Mundericum ortûs Merovingios Arnolfo asserit. Falsus autem in hoc falsus in toto fuit, ac quod Pradio commodet, nihil dixit.

Et Paulo igitur Diacono, & Petro Bibliothecario, & Ademaro Monacho, & Fulcone atq; Hincmaro Galliæ Primatibus, quos adjumento sibi fore speraverat, frustratus excidit Pradius. Quò nunc liberiùs atq; confidentiùs illum, in quo causæ suæ vim præcipuam collocavit, aggrediemur Francorum, qualem in Pipini electione, suo ex cerebro observatum confinxit morem; quocum adversariis rem jam ad triarios deductam haud sine ratione diceres, si quidem annales secundùm extima æstimaveris. At si penitiùs introspexeris, vix tandem pro uno teste, & ne hoc quidem usque quaque idoneo deprehendas. Quos enim numero faciendo, chartæq; & lectori opplendo triplices fecit Pradius, &

toties ex integro transcriptos dare sustinuit: iidem reapse sunt vel unius anonymi scriptoris diversis in locis exarata tria apographa, vel tres omnino scriptores, quorum duo, qui ætate sequiores à priori suâ ad literam adeo transumpserunt fideliter, ut ne barbarismis quidem sui ducis pepercerint. Unum autem numero virum, quò tres isti redeunt, & rerum, quod credere multa suadent, expertem, ut cum Pradio, quod oppidò incertum est, stare demus, tanti esse quis ferat, ut cuius autoritas, ne inter privatos quidem litigatores integram probationem faceret: ejus decreto per Pipinum Brevem S. Arnolfus, & cum isthoc Capeti cuncta progenies, præter omnium seculorum fidem, Merovingiis infertatur, exinde etiam de totius Europæ statibus statuatur? Quis unius Cœnobitæ, iamæ fortassis, donec ad ipsum perveniret, multimodùm alteratæ solitæ facilitate fidem habentis depositione, octo seculorum (illuc enim res omnis ex mente quidem Pradii tendit) possessiones conturbari, rerum hæctenus Dominos exigere,

igi, alienos intrudi omnia inverti, bel-
lisq; æternis involvi jure posse, sibi per-
suaserit? Nonne hoc solo jam in ridicu-
lum atq; absurdum manifestè versa, to-
tius Pradianæ genealogiæ potissima sub-
structio & collapsa est? Possemus itaq;
derelinquere hunc locum, securi ubique
judicii lectorum. Verùm largiamur hoc
misero, ut ne momento pereat, sed &
mori se sentiat. Morem geramus, mo-
rem hunc vanæ mentis conceptum atq;
idolum adeo perditè depereunti eumq;
persequamur.

Ain verò Pradi (s) tulisse hunc morem
Francorum, vim legis habentem funda-
mentalibus, ut populo fas esset, è regum
progenie, non quem gradûs propinqui-
oris prærogativa vocaret, sed qui popu-
li æstimatione dignior esset, (quæ ratio
eligendi maximarum semper turbarum
mater bellorumq; civilium obtentus ni-
miùm plausibilis non esse non potest)
folio admove? Quis hoc historiæ por-
tentum fando unquam extulit? Quibus
testibus, quibus instrumentis aut exem-
plis ad posteros mandatum? Eccui præ-

ter te unum, ut talia effutiret, unquam in mentem venit? Tu verò ipſus numne unquam cò te impudentiæ abduci paſſus eſſes, niſi probè cognoviſſes, nec Eudonem, nec Robertum, nec Rudolphum, nec Hugonem tuum Capetum, quorum poſteris fidem atq; conſcientiam tuam, diſpendio animæ & veritatis addixiſti, à violentæ atque injuſtæ uſurpationis crimine (facit tua in Carolum M. mo-deſtia, ut tibi ſuccinamus) aliter eripi, neq; adeo jura Merovingiorum, quæ tibi intimam aſſertionum tuarum faciunt rationem, paulò poſt in exitium omnium liberorum Europæ populorum eruptura, in Capetinos pro egregiâ, quâ polles, jurisprudentiâ transfundi atq; conſtare poſſe? Capitularia illa regum, quibus circumvenire incautos necquidquam fatagis, paulò poſt, letale tibi vulnus inferent. Superſediſſes haud dubiè iis in luce ſtatuendis, ſi maluiſſes ipſorum ſenſum facere tuum, quàm tuum in ipſis quærere. Morem fuiſſe aliquem Francis, cùm reges initiarent, obſervatum oppidò certum eſt. Vetuſtis illis, ut
cœte-

S. Arn. à masc. Mer. prog secluditur. 145
cœteris Germanis receptum erat, quem
regem agnoscebant, clypeo imponere,
procerum humeris levare, ter in gyrum
per exercitûs portare, populoq; osten-
dere, acclamare. Istene verò mos Pi-
pini Brevis ævo constiterit Francis ad-
huc an secus, parùm refert. Certè enim
aut illa aut alia inaugurationis solennia
obtinebant, antequam in sacerdotalem
benedictionem sanctiore instituto resol-
verentur. Jam verò de hoc more scri-
ptoribus rem fuisse, quotiescunq; Pipi-
num more Francorum regno admotum
esse meminere, quis ambigat? Sensus
hic planus omnino, & apertus & obvi-
us ac simplex est, & ipsa fronte in intelle-
ctum cujusvis legentium incidens, ad-
hibitas esse in Pipino rebus Francorum
imponendo, solitas illo ævo istâ in gente
inaugurationis ceremonias, & hac alle-
gatos voluisse scriptores. Quidquid sa-
tagat Pradius, quidquid ringatur, hunc
certè nobis eripi sensum invitis quidem
nunquam patiemur. Hunc tuebimur.
Nec eluctabit, quantumcunq; adversum
niti pertendat, Veruntamen ut hîc quo-
que

que intelligat, quanta nobis in causam nostram confidentia sit: nulla mora est, cedemus hoc etiam munimento, & in Pradianam tantisper transibimus sententiam, quæ morem Francorum prolege aliquâ fundamentali gentis usurpat, in regum assumptione observatâ, eamq; scrutabimur.

Morem inquam fuisse Francis seu legem fundamentalem, ad cujus normam summum in Rep. imperium deferretur, ait Pradius, & hoc ei dare possumus. Fuisse qualem ipse comminiscitur, nemo nisi expers omnis historię, aut judicii, aut fidei censuerit. Exponam verò qualis ille fuerit, non meis, sed illustris hoc seculo viri nostratis verbis, Samuelis Puffendorffii, ne quid novi, aut inauditi, & primus dixisse Pradio videar. Ait ille ut per omnia solet, eleganter & concinnè: (t) *Alicubi electio velut mixtâ successione deprehenditur, quando regulariter quidem ad defuncti filios regnum devolvitur, ut tamen populi procerumve consensus initio interveniat. Qui consensus non videtur nudum instar inaugura-*
tionis,

S. Arn. à masc. Mer. prog. secluditur. 147
tionis, aut præstationis homagii, sed vim
suffragii negativi habere. Veluti si po-
pulus in autorem familiæ regnatricis im-
perium hac lege contulisset, ut idem in po-
steros quoq; transmitteretur, dummodo re-
gno non inepti sint futuri. Igitur in ta-
libus regnis populus aut procures conve-
niunt, non tam ut regem eligant, quàm ut
declarent, nihil se in filio reperire, quò
minùs patris successor esse queat.

Hæc ille, quæ per se clarissima, paucis
hoc volunt: dari electionem improprie
dictam, quâ populo jus sit, de proximo
defuncti successore velut cognoscendi,
numquæ aliquo fortè impedimento, mo-
ribus aut lege definito præstrictus sit, quo
quidem deprehenso, successione arceri
possit, secus non possit. Cujusmodi im-
pedimenta, aut cum primitus regna con-
derentur, aut etiam postea, seu expressâ
lege, sive ipso usu & consuetudine arbi-
trio & consensu eorum omnium quorum
interest, ad varia capita, veluti sunt ani-
mi corporisve vitia, religio etiam, & ætas,
atq; natales, pertinere possunt, quæ la-
tius persequi, nostri instituti non est. Et
possem

possem exemplis deducere, nostrâ patrumq; memoriâ hunc morem adhuc alicubi per Europam, in regnis sanguinis jure venientibus viguisse, ejusq; obtentu (reipsâ perfidiæ & rebellionis ergò) difficilis deinde civibus, per turbas ad meram electionem aspiratum fuisse.

Jam verò hanc ipsam ex amussim, nec aliam fuisse electionis, quam vocare sic liceat, in regno Francorum, sub Merovingiis & Carolinis (quid si etiam sub Capetinis, & diu quidem?) conditionem, quò ipsâ palàm fieret praxi atque exemplis, possem Pradium latè per omnem Merovingiorum juxtà, & Carolinorum seriem deducere, observantiâq; perpetuò sibi constante, comprobare, proximos sanguine per mares, proximos semper fuisse successionem, nec in eo unquam à naturâ discessum, nisi cùm aut vitium in proximo veniente deprehensum (cui ætatem teneriorem pro temporum rationibus nonnunquam, jure an secus, non disputo, imputatam esse, facile concesserim) aut cùm vis pro jure fuit. Et vi quidem prævalente (quod inter

ter alios etiam Capetinis illis prioribus dandum est) ut manifestè constaret, nullas legitimæ electionis partes tum fuisse, illos quorum jus propius erat, aut tolli è medio, aut extorres agi, aut carceribus mancipari, aut attonderi, nunquam intermissum est. Cujus sanè nulla fuisset necessitas, si usurpatores populi suffragiis legitimis, regniq; more recepto nixi fuissent. Possem inquam, per ea omnia singulatim excussa Pradium velut manu ducere, & quàm nullâ ratione, quem finxit reges è populi arbitrio, modò ne extra Merovæi sanguinem masculum legendi morem nobis obtrudere laboret, quàmq; ex adverso sanguinis ejusdem propinquitati suus honos semper constiterit, quàm deniq; teste omni atq; exemplo tam audax assertio destituatur, ostendere. Velle enim electione Eudonis & cœterorum suæ tribûs, ut facit Pradius, illum morem stabilire, atq; è converso eandem iterum electionem eodem more legitimam dicere: id verò aliud nihil esset, quàm nu-

gas agere, & ridiculâ dialexi, nullâ circuli curâ lectori illudere.

Verùm nolo in diffusa labi, nec Pradio campos aggerundarum præbere multiplicium, quæis abundat causationum & calumniarum. E propinquo suppetit, quo juguletur mos iste chimæricus, & quod perpetuum Pradii fatum est, propriis armis. Nunc enim locus fert, quæ in rem suam Pradius, ceu palmaria suæ causæ firmamenta vertere contendit, regum duo Capitularia in medium producere, & examinare. Quorum quod Caroli M. est, & circa regni post ejus fata, inter liberos divisionem, filiorumque successionum, & ex filiis nepotum occupatur, sic habet. (u) *Quòd si talis filius cuilibet istorum trium fratrum natus fuerit, QUEM POPULUS ELIGERE VELIT, UT PATRI SUO SUCCEDAT IN REGNI HÆREDITATE, volumus ut hoc consentiant, patrui ipsius pueri, & regnare permittant filium fratris sui, in portione regni, quam pater ejus, eorum frater habuit.*

Ita Carolus; ubi facilè mecum Pradius

dius conveniet, hæreditatem & electio-
nem, quarum utramq; hoc Capitulo ex-
pressam habemus, ut quæ sibi maximo-
pere adversentur, in unum atq; eundem
summæ potestatis acquirendæ titulum,
idemq; jus ita crudè cadere non possit.
Nam quæ hæreditas est, eadem electio
non est; & è converso. Necesse proin-
de est, aut alterutram vocularum, aut
utramq; significatu improprio usurpari.
At prius ludere foret, in re inprimis se-
riâ, qualis legum est latio, regnorumq;
divisio, & successorum designatio; quod
ut à Carolo, & in publico quidem ordi-
num conventu commissum fuerit, alic-
num omnino à gravitate ejus fuisse ne-
mo diffitebitur. Dicere enim hæredi-
tatem, quæ mera sit electio, aut electio-
nem, quæ mera sit hæreditas, quæ nu-
gæ? Consequitur igitur vocem utramq;
ita comòdè sumendam, ut in tertiam ali-
quam significationem ambæ conveniant.
Quare opus est, regiorum successorum,
quæ tum facta est, designationem, hæ-
reditatem quidem dictam fuisse, quòd
successor lege designatus ad regnum re-
gula-

gulariter ille idem, è lineâ tamen virili fuerit, qui à legibus ad successionem hæreditariam in bonis defuncti regis, jure privatorum possessis vocaretur. Istiusmodi enim in regnis successio hæreditaria dicitur. (W) Electio verò dicta fuit eadem hæreditaria successio, quòd quemadmodum explicavimus, casu aliquo, ob impedimentum lege aut consuetudine à regiis successoribus proscriptum, illos qui cæteroqui sanguinis jure proximi essent, à populo repudiari fas fuerit; cujus proinde judicium & assensus in successorem, electionis quandam speciem præ se tulerit. Hoc ipsum verò est, quod intendimus, quodque Pradii commentum de electione dignioris, arbitrio populorum reliâ funditus destruit. Oppidò enim inter se differunt tò proximum sanguine, utcunq; non optimum, nisi insigni vitio regiminis incapacem, populo repudiari non posse, & tò ex toto regii stemmatis complexu optimum eligere. In illo votum negativum, in isto positivum rem conficit.

Sed ne conjecturis ista stare Pradius

qgge-

S. Arn. à masc. Mer. prog. secluditur. 153

oggerat, quamvis ipsa naturalis ratio hunc constitutionis Carolinæ sensum, obvium planè atq; apertissimum præbeat: age Ludovicum quoq; Prium audiamus altero, quod Pradius priori subjungit, capitulari de tribus pariter filiis, & suis per hos nepotibus paulò distinctiùs agentem. Ait is:

Hæc autem tali ordinatione disposuimus, ut si post nostrum hæc de luce discessum, aliquis ipsorum prius quàm fratres sui diem obierit, & talem filium reliquerit, QUEM POPULUS IPSIUS ELIGERE VELIT, ut patri suo succedat in regnè HÆREDITATE: volumus, ut hoc consentiant patrui ipsius pueri, & regnare permittant filium fratris sui in eo regno, quod pater ejus frater eorum habuit, (NB.) quam idem habebat, DIVIDATUR ÆQUALITER INTER ILLOS, qui superstites remanserunt.

Prior hujus capituli sectio cum Carolino congruit. In posterioris autem parte sphalma esse & hiare textum, sensus non integer convincit, indicatque dilucidè, post illa, (*frater eorum habuit*)
si mi-

si minùs in hæc verba, certè in hunc sensum legendum esse: *Quòd si autem defuncto filius nullus fuerit, aut is ob causam lege aut moribus sancitam populo non placuerit: portio regni quam idem (defunctus) habebat, dividatur æqualiter inter illos fratres, qui superstites remanserunt.*

Juvat hîc pace lèctoris nonnihil digredi. Hiatum quem supplemus typographone tribuam, an Pradii sublestitis artibus? Certè inter errata operis calci adjecta, ejus nulla mentio est, ut typographi nulla hîc culpa esse videatur. Baluzius verò quem autorem laudat Pradius, ad manum non est. Quid igitur hæsitemus Pradium arguere? Infimulat is Bouchetium, parem ipsi genealogum, non uno loco haud obscurè falsi, in testibus, testimoniisq; citandis, quæ vel nullibi extent, (x) vel nonnullis vafre adjectis corrupta, (y) vel epochas ingenioso astu à Bouchetio turbatas (z) sortita sint. Ipsâ etiam libri ultimâ paginâ, credo, quò Bouchetio condignè valediceret, tanti putavit Pradius integri

S. Arn. à masc. Mer. prog. secluditur. 155
gri diplomatis, quod ex Chartophylacio Geniacensi citatum fuerat, confecti reum agere, ut molestum non duxerit, fraudem literis etiam cœnobii solennibus subscriptione testium, ac Sigillo Abbatiali ex lege munitis, lectori persuadere. Hæc eò pertinent ut in propatulo collocetur, esse in Galliâ genus aliquod hominum, quod libris operam det scribendis, iisq; genealogicis, quocum stultè in tenebris mices. Quid si verò ipsum etiam Pradium huic scriptorum tribui nomen dedisse dicam? Certè quàm Fredegarii textum pervertere, pro filio Alpaide nato, unicum substituere filium, lectori fortasse non nisi gallicè docto, imponere voluerit, suo loco referemus. Parùm hoc fuit; plura ausus est. Porro enim apertis non videntibusque oculis cæcutire ut faceret, quid impudens non egit? In Genealogiæ suæ parte priore, ne quid dilectus ipsi Eudo Rex Capeti patruus magnus in bello peccâsse, fortunamq; sinistram passus esse videretur: (a a) ejus auspiciis ab Ademaro quodam ejus consanguineo, cui curam ductumq; belli

belli & exercitûs crediderit, Danos esse cæfos jactat, adeoq; etiam Abbonis cujusdam poëtastri contemporanei versûs per fragmentum in testimonium vocat, sequentes :

Umbra fugat stellas, Ademarus ab agmine vitas.

Dormit Odo, consanguineus sua proterit arma.

Ubi Abbo non modò disertissimè stridet Odonis, sive Eudonis regis, somno sepulti copias ab Ademaro protritas : sed & quando parte alterâ genealogiæ (b b) poëma idem alio fine fusiùs à Pradio malè cauto recitatur, idem clarissimè euneos Odonis profligatos edisserit, ne omisâ quidem dissensionum, inter Eudonem regem & Ademarus causâ, quòd rex Pictaviense castrum in fraudem Ademari, fratri suo Roberto commisisset. Dubites igitur insanieritne Pradius, quando tantopere sibi adversantia, studiumq; partium, quo in tam enormia rapitur, & vafritiem, etiam in minimis prodentia in lucem edidit ; an verò lectores omnes fungos meros, & ut cum

Plauto

Plauto loquar, stolidos, bardos, buccones, blennos, utpote falsa tam manifesta, non animadversuros sibi promiserit. Veniam itaq; dabit lector, & intelliget, non esse cur nobis in calumniam imputari queat, si integram Pradio fidem non constare, suspicemur. Semel enim quod ajunt, inventum, decies factum. Quare cum Ludovici Pii constitutio eo planè loco mancam se offerat, quo Pradio maximè adversatur: non alio consilio de industria undecunq; depravatam, aut certè sine supplemento relictam jure nostro credimus, quàm ut lectori caligo offunderetur.

Ast nunc è diverticulo reversi capituloq; isthoc in suum sensum restituto, jam manifestè subsumimus, electionem apud Francos sub Carolinâ familiâ non aliam fuisse, quàm qualem Puffendorffius descripsit. Quî enim alioqui eximix notâ absurditatis queat eripi, ut si defuncto filius non sit, aut non idoneus; nulla populo sit electio, sed regnum morte possessoris vacuum citra omnem electionem, ad fratres defuncti, & quidem citra

H

populi

populi etiam voluntatem in partes scindendum, devolvatur; quòd si autem filius defuncto fuerit, isq; idoneus, tum populi electio sit, successorq; ab incerto ejus suffragio suspendatur? Quasi verò collateralium ordini in regnorum successionibus ullâ lege plenior militare soleat favor, quàm descendantibus, quorum omni jure proximæ semper fuere partes. Ratio igitur constitutionis ista fuit, quòd de filiis regum nondum natis, aut tum pueris, constare necdum potuerit, quanti futuri essent, numve regno idonei. De fratrum verò aptitudine dubitari nequiverit, ut quos regnorum, quibus jam tum præfecti erant, gestæ habenæ, & judicium patris populiq; antecedens, nullo præstrictos fuisse impedimento, satis arguerint. In hos igitur nulla erat populo posthac amplius electionis speciem præ se ferens, qualis illa cunque cognitio; in illos autem erat.

Sed nimium operosus sum in re, quam tribus propè verbis absolvere poteram. Quòd enim regibus Francorum deceden-
tibus,

S. Arn. à masc. Mer. prog. secluditur, 159
tibus, proximus sanguine, proximus fuerit successionis jure, nisi vitio præstringeretur: testem habemus locupletem, autorem Breviarii de regibus Francorum & Majoribus domûs, cujus fragmentum editore Marco Frehero, Fredegarii Chronico adjectum legimus, quiq; ait: *Danielem quondam clericum* (Dagoberto III. defuncto) *casarie capitis crescente regem Franci constituunt, quem Chilpericum nuncupant, quia* DEFICIENTE PROSAPIA REGUM (hoc est, quia regi proximè defuncto filius aut nullus, aut regno non idoneus fuisset) *illum quem PROPINQUIOREM Merovais invenire poterant, statuere.* Casus nimirum tulerat, Dagobertum III. morte præventum, filio Theoderico admodum puero relicto. Quare si ætas hujus pro impedimento legitimo haberetur, seu ita haberi rebus Raginfredi majoris domûs expediret, ab eo discessum, & ad agnatum proximum Danielem è cœnobio in solio collocandum itum fuisse, scriptor indicat, & ætate puero in vitium computatâ tacitè excusat, eòq; consuetudi-

nem regni tulisse, ut in defectum liberorum, PROXIMUS Merovingius regno admoveretur notat, quemadmodum & Daniele mortuo, suus Theoderico interea adulto locus redditus est. Clara igitur lux est istius textûs, quæ propinquitatis honorem manifestè stabilit, & electionis qualem Pradius somniat, fucum sibi fieri nequaquam patitur.

Quæ cum ita sint, ad illam nunc revolvimur quæstionem, in quâ hujus capituli ferè summa colligitur, hiccine quem descripsimus mos sit ille, secundum quem annales Bertiniani cum sequacibus, Pradio in subsidium vocati, etiam Pipinum ad regni gubernacula postulatum volunt? hoc est; fueritne Chlodovæi soboles in Chilperico regum ultimo filioq; ejus unico usque adeo nihili facta, ut vitiis insanabilibus non arceri modò throno avito, verùm etiam eodem jam possessio deturbari, & ex adverso Pipinus velut eadem ex stirpe agnatus proximus in locum sublegi jure potuerit? Hoc enim dato, nihil hoc toto tractatu egimus, & Arnolfus unà cum Pipino

S. Arn. à masc. Mer prog. secluditur. 161
pino Merovingius erit. Multa verò hîc
sunt, quæ rite perpenſa, juſ Pipini fa-
ctumq; populi elevent; non eadem fortè
vitia, quæ throno prohibeant, eundem jam
inſeſſum evertere idonea. Aſtu Pipini ma-
jorumq; neglectam regiæ ſobolis educatio-
nem; tum regii pueri paternâ culpâ per
ipſam ætatem exempti, ſpes adhuc in her-
bâ, accedente diſciplinâ in bonam frugem
maturanda; aut ſi fortè tum maximè, re-
gnum viro indigebat, admiſſum paulò an-
tè in Daniele exemplum. Nam & Pipi-
us dum vixiſſet rex, pueriq; regii regni-
q; tutor analogiſta rem gerere potuiſſet,
quo vivis exempto, ad Chilperici prolem
res rediiſſet. Verùm iſta noſtro à caſu
remotiora ſunt, ac ſi populum in Chil-
perici deſtitutione minùs rectè verſatum
arguunt: Pipinum tamen Merovingiâ do-
mo, nequaquam protinus ejiciunt, mul-
tò minùs Carolum filium, quod Pradius
audet, iniquæ uſurpationis infamiâ no-
tant, qui regni habenas cùm ſuſciperet,
Chilpericum cum filio, aut nullos jam
ampliùs, aut regiminis profeſſè incapa-
ces invênit. Deniq; verò, quòd ſi hoc
H 3 freti

freti more Pipinum regem postulabant Franci, quid amabò opus erat Pontificis auctoritatem interpellare, in firmamentum facinoris, quod tot exemplis è præterito nullâ Pontificis interventione firmatis, fatis jam suo Marte stabilitum erat?

Igitur propiora persequamur. Nam ut semel defungar, in eandem cum annalibus quibuscunq; sententiam hætenus eo, ut concesserim, Pipinum *ex more Francorum*, hoc est, ut Pradio obsecundemus, lege aliquâ fundamentalis, aut consuetudine vim legis fundamentalis habente, Chlodovæi posteris in regno sublectum esse; at non isto protinus, quem descripsimus more, sed nec altero illo quem Pradius effinxit. Lucem huic distinctioni hanc affero. Pro duplici casu duplex inter Francos mos erat. Si proximus ex lege regni successor vitio moribus Francorum à personâ regnatricæ exesse iussu, urgeretur, & superessent eâdem ex stirpe mares alii idonei, qui ex his sanguine proximus, is jure ac more vocabatur, nec præteriri sine injuriâ pote-

poterat. Sin agnatorum nullus super-
stes esset: ad alienos alio more progres-
sus jure fiebat. Ita enim jura gentium
ferunt, ut stirpe regnatrice, apud quas-
cunq; gentes casu aliquo ex toto sublatâ,
aut quod Francis idem visum fuisse, be-
nignè credimus, inutili redditâ, popu-
li jus sit, aliam familiam lege novâ solio
adsciscendi. Ita enim pridem antè iidem
Franci usu jam invexerant, quando Chil-
perico primo ob insanas libidines into-
lerabili, nec agnatum idoneum habenti,
Ægidium Romanum surrogârunt, &
quando paulò post, hoc quoq; ob crûde-
litatem rejecto, Chilpericum interea
frugi factum revocârunt. Idem egere,
quando Franci Ripuarii, Cameracenses,
Terroanenses & cœteri, sublati ex ipsâ
radice apud se, Chlodovæi quidem ope-
râ, regnatricibus familiis, in Chlodo-
væum ejusq; posteros consenserunt. Po-
steriore igitur ex more hoc, Pipini ele-
ctionem transactam esse tenemus. Chil-
derici enim filiiq; vecordiam eam esse
putaverunt, quæ non arcere modò, sed
deicere etiam solio potuerit. Deceptos

fuisse opinione suâ haud abnuerim. At hoc ad causæ summam non facit. Præter quos cum ex Merovingiis alius non superaret, jus sibi factum reputabant ad alienos descendendi. Atq; ita rem se omnino in Pipini electione habuisse, illa omnia evincunt, quæ in superioribus à nobis adducta manifestum fecere, Chlodovæi ambitione atq; sævitiâ, cum cæteris Francorum regiis familiis omnem quoque Merovæi posteritatem (si quæ præter ipsum Chlodovæum cum filiis tum fuit) à fundamento excisam, ut necque Arnolfus aut majores ejus, aut posterî, aut alius quisquam privatus eò referri à sano quoquam potuerint. Nihil igitur est, cur ad morem Francorum in electione Pipini provocet Pradius, ut eum cum Arnolfo abavo Merovæi progeniem fuisse comprobet, nisi evidentissima aliunde protulerit indicia, quibus haud alium, quàm quem ipse comminiscitur morem, Francis tum in normam fuisse constet. Secus enim quod ad victoriam, etiam nobis silentibus satis esset, assertio ejus cum omni quam inde texit

S. Arn. à masc. Mer. prog. secluditur. 165
de textit sequelâ , in incerto hærere
pergit.

Ut verò nunc vela contraham, quòd
si Pradio solo mihi in hâc quæstione con-
victò opus fuisset, nec illud egissem, ut
veritas omnibus constaret : fuisset sanè
citra tot ambages propius aliquid, & ex
ipsiusmet adversarii penu pro instituto
depromptum, quo involvissem protinus
& exarmâssem incautum, & more suo
secum pugnantem, vimq; omnem, quam
ex annalibus suis & capitularibus parare
nissus est, disjecissem, ac infirmâssem.

Ait enim, quod sæpe jam memoravi-
mus, Carolum M. regni alieni usurpato-
rem fuisse, & tamen patrem ejus more
Francorum, hoc est legitimè electum,
perquam superciliosè ipse contendit. At
si, quod ait, sive Childerici intuitu,
throno videl. injuriâ deturbati, sive Chil-
debrandi ducis, jus præ Pipino ad regiam
successionem potentius habentis, Caro-
lus M. usurpator fuit : jam Pipinus pater
ex more Francorum, hoc est, legitimè
& ex familiâ regnatricis electus non fuit.
Quòd si verò ex more electus iste fuit,

H 5

usur-

usurpator Carolus non fuit. Alterutrum agnoscat Pradius necesse est, hoc est, vel in electione Pipini vitium admissum, adeoq; non ex more electum Pipinum, & concidere ea omnia, quæ ex more isto tanto strepitu argutatus est: vel se calumniatorem bonis omnibus execrabilem esse. Velit nolit Pradius, suo calculo ut hoc confirmet opus est. Quòd si enim Childerici causa ea fuit, ut ex regni lege regiâ potestate meritò exciderit: quòd si etiam Childebrandi, quos supponit, legitimi natales, Caroli Martelli spuris natalibus officere in nullò potuerunt: vitium quidem in Pipini electione non erit: ast calumniator erit Pradius, qui non eò minùs hoc nomine Carolum M. cum Pipino & posteris foedissimæ usurpationis reum agit. Et quæ amabò stante Pradii de more Francorum sententiâ usurpatio & in Childebrandum injuria esse potuit, si Pipinus patre in vim successionis, quod ipse Pradius non diffitetur, natalibus restituto natus, unàque Childebrando, utcunq; is propinquior fuisset, manifestè dignior, ex Merovæi

rovæi propagine, regibus ineptis, libero populi suffragio sublectus fuit? Sin autem è converso, aut Childericus immeritò ac præter fas loco dejectus, aut Childebrandus Pipino injuriâ posthabitus fuit: vitium electionis manifestum, eòq; electionem nequaquam ex more Francorum factam habemus. Nec enim mores Francorum, legesve fundamentales id voluere, ut vel rex innocens, nec vitio legibus aut consuetudine definito præclusus jure suo excideret, aut proles legitima spuria postponeretur. Falsi igitur hoc dato sunt annales, quos producit Pradius, & quicunq; eorum obtentu Pipinum ex more Francorum electum perhibuere. At falsi in parte fidem in toto decoxerunt. Unde si cui causari forsan adhuc collibitum fuerit, mori quidem Francorum in eo vim factam, quòd regnum legitimis possessoribus aut eorum proximis successoribus præreptum; eidem verò obtemperatum fuisse, quando in Pipini electione saltem Merovæi familiâ excessum non sit, paucis respondebimus: morem Francorum

utrumq; voluisse, tam ut jus potius habentibus injuria ne fieret, quàm ut ne reges extra domum regnatricem quærentur. Falsi igitur annales indefinitâ enuntiatione loquentes in uno, fidem nec in altero merentur. Iterum itaq; ajo: aut usurpator non fuit Carolus, & calumniator est Pradius; aut Pipinus juxta morem Francorum electus non fuit. Et hoc casu frustra est, quidquid adjumenti ex more & annalibus Francorum causæ suæ & Arnolfo Merovingiis inferendo venire, Pradius simplicioribus persuasum voluit.

Deseram igitur hunc locum, & S. Arnolfum cum progenie aliud quidvis, at Merovingium non fuisse, constanter tubeor, donec & nostræ sententiæ propulset momenta Pradius, & suam fortioribus statuminet. Cæterà enim vim rationum nostrarum ubi senserit: perinde mihi erit, seu Doctor per ludibrium sim maleferiato, seu Philosophus Asopho, five Sophista deploratæ causæ patrono, seu deniq; è scholâ pulverulentus cincinnato aulæ parasito & assentatori. Ra-
tionum

S. Arn. à masc. Mer. prog. secluditur. 169
tionum enim ponderibus non ludibrio-
rum stricturis disceptandum est, & or-
bem judicem habemus, non cum affeclis
suis Pradium. Congessit is diæteria illa
omnia hinc inde in Chiffletium, deridi-
culum ut faceret, ipse perridiculus, vi-
rum quidem ipso & sine comparatione
doctiorem, & sine controversiâ integri-
orem. Qui si vapulâisset ab alio, quòd
in regem suum Imperatoris & Archire-
gis titulos contulerit: extra invidiam
fortasse censura foret. Ast ut ab homi-
ne Gallo! mirum tantopere virum stupe-
re, ut non animadvertat, quid manticae
â tergo sit. Quòd si enim desipuit in
regibus suis extollendis Chiffletius, ut
homo unus desipuit, qui & humani ni-
hil à se alienum haud dubiè putavit. Ali-
bi quantum in eo genere peccetur si
circumspexeris: invenies integram na-
tionem satagere, ut Chiffletio paulò plus
desipiat, immemorem, quid Solon Crœ-
sum monitum voluerit, tum etiam, quid
serus vesper ferre soleat; quandoqui-
dem notissimum sit, jam olim quoque
Magnum aliquem, qui terram pede pul-
sandam

sandam turgido fastu sumpserat, serò quidem, attamen sub Cæsare arrogantiae poenas dedisse.

(a) *Geneal. P. I. sub Carolo Martello.*

(b) *Ibid. sub Arnolfo.*

(c) *Ibid. sub Carolo Martello.* (d) *Ibid.*

(e) *Ibid.* (f) *Ibid.* (g) *Ibid.* (h) *Ibid.*

Ces quatre pieces ne sçauroint estre veritables pour trois raisons sans replique.

La premiere est establee sur l'autorité de l'histoire de S. Gregoire de Tours, qui

mourût en l'année 595. lequel a fait le detail particulier de tous les enfans de

l'un & de l'autre sexe de nos Rois, & des Maires de leur Palais, sans parler

d'Ansbert Maire du Palais, ny de la princesse Blitilde fille du Roy Clotaire.

(i) *Ibid. sub Arnolfo: Pieces fabriquées par l'ordre de l'Empereur Charles le Chauve.*

(k) *Ibid. sub Carolo Mart.* Je repondray, que quelques flatteurs qui ont commencé le mestier dont nos genealogistes d'aujourd'hui font profession, ont crû, qu'ils obligeroient les Princes, dont ils estoient

S. Arn. à masc. Mer. prog. secluditur. 171
estoint les sujets, de les faire descendre
par les femmes de la premiere race de
nos Roys.

(1) Ibid. sub Arnolfo. Et ceux qui exa-
mineront AVEC SOIN l'histoire de
sa vie composée par un auteur anony-
me, son contemporain, doivent tomber
d'accord, qu'il tiroit son origine de la
France.

(m) Ibid. Cet historien qui estoit presque
contemporain de ce Prelat.

(n) Ibid. sub Childebrando I. Le terme
de Pater, est pris pour pere & pour be-
aupere, celui de filius, pour fils & pour
beau-fils, celui de frater, pour frere &
pour beau-frere.

(o) In annalibus.

(p) In historia Gallia Tom. I. sub Chilpe-
rico ultimo. Comme les Roys sont
d'institution divine, & que ceux de
France particulièrement ne tiennent leur
couronne, que de Dieu: la dispense
estoit nulle &c.

(q) Geneal. discursu Proëm. 2.

(r) Geneal. Part. 2. sub Roberto Forti
& Endone.

(s) Ge-

(s) *Geneal. part. 1. sub Car. Mart. Mais dans les deux premieres races, dont le Roy Merovée, & le Prince Charles Martel sont les fondateurs, les François se sont tousiours conservez la liberté & le droit, de choisis pour leur Roy le Prince sorty par les mâles du même sang, qui estoit LE PLUS DIGNE, de leur commander. C'est la raison pour laquelle Pepin & Hugues Capet, furent elûs selon la coustume inviolable des François, sans avoir égard AUX PLUS PROCHES HERITIERS.*

(t) *Traët. de I. N. & G. l. 7. c. 7. §. 6.*

(u) *Geneal. P. 1. sub Carolo Mart.*

(w) *Puffendorff. cit. c. 7.*

(x) *Geneal. P. 1. sub Nebelongo I.*

(y) *Ibid. & P. 2. sub Hugone Magno.*

(z) *Ibid. Part. 1. sub Nebelongo II.*

(aa) *Ibid. Et le Poëme d'Abbon, son contemporain nous sert de temoignage, qu'Ademare combatit vaillamment en l'année 889. avec les Danois, & que ce Roy se reposoit sur sa conduite, du commandement de son armée. &c.*

(bb) *Ibid. sub Roberto Forti.*

X. Chil.

X.

Childebrandus I. aut Pipini Crassi filius non fuit, aut Spurius fuit.

S Arnolfo serie Merovingiorum ex-
soempto, ad gencalogiæ Pradianæ no-
vum provehimur cardinem, qui Childe-
brandus est, cui in Pipini Crassi filium
legitimum, S. Arnolfi pronepotem asse-
rendo, Bouchetius & Pradius, cœterà in
plurimis diversi, concordem operam lo-
cavere, dispari tamen & hoc ratione, in
matre quippe diversi. Nam Bouchetius
Alpaidem assignat, eandemq; Fredegari-
rii, aut ejus qui hunc continuavit, au-
toritate Pipino legitimam junxit uxorem.
(a) Alpaidem verò pellicem, ut erat, præ-
tereaq; unius Caroli Martelli matrē fuisse,
ita contentiosè persequitur Pradius, ut fa-
cilè appareat, in hoc magnum universi
operis sui momentum collocasse, imò id
unum propemodùm egisse, ut Capetinae
domûs gloriam, per Carolinæ depressio-
nem

nem extolleret. At non feret istam à Capetinis gratiam; importunus atq; imprudens laudator, experturus nihil se aliud operæ dedisse, quàm ut vel proprium, vel quale ipse in Carolinis censeret, Capetinæ gentis opprobrium manifestiùs exeat. Rumpantur ut ilia ringenti, fateatur nobiscum necesse est, aut falsò tribui Pipino filium Childebrandum, aut spurium esse, eòq; vel exigendos cum ipso Arnolfinâ posteritate Capetinos omnes, vel redundare in eosdem omninò, quod in Carolinis ludibrio habet, vitii sanguinis contagium.

Et quidem est nequaquam difficillimè laboris, ut quæ adversarii, quò Childebrandum Pipino filium assererent, in medium protulère, meris verti præsumptionibus, conjecturisq; ostendam. His enim cum, quod sæpe diximus, & lectori semper mente tenendum est, Prædii in quæstionibus facti, ac præcipuè genealogicis, fidem omnem jam pridem abrogaverit: hoc ipso quæstione in medio atq; indecisâ manente, Childebrandus Prædii ipsius sententiâ, ab Arnolfinâ domo

domo alienus reputabitur, donec contrarium novis documentis dilucidissimè comprobetur. Quidquid enim circa natales ejus deblaterent Gallorum genealogi, nituntur unius Fredegarii, aut ejus Continuatoris testimonio, qui locis omninò tribus, Childebrandi sui tenuiter meminit, nunc Martelli germanum, nunc Pipini Brevis avunculum vocans, Pipini Crassi autem filium nusquam. Ille autem Fredegarius, qui pellicem notissimam superstitè legitimâ uxore assentandi, ut Pradio damnatur libidine, ausus est Pipini Crassi conjugem dicere, is inquam, Childebrandum Martelli germanum pari fraude facere cur. erubuisset? Deceptor in uno, fidem in omnibus prodegit. Quidquid ergo circa Childebrandi natales eo teste hauriendum est, id Pradii autoritate, & quoad ipsius in rem facere potest, meræ assentationi tribuendum, & sublestum est, eò magis, quòd cujus à Pradio (erga Martellum si rectè conjicio) arguitur assentationis, eadem in rem Meccœnatis sui Childebrandi abreptum multò vehementiùs esse credi-

credibile sit. Accedit quòd, seu Fredegarius, seu Continuator, non coætaneus modò Childebrando, sed & familiaris, & eo hortatore aut conductore, & remuneratore historiam scribere exorsus (b) non Drogonem modò & Grimoaldum, sed & Martellum Spurium, & ex Grimoaldo nepotem nothum Theowaldum nominatim inter liberos Pipini Crassi persecutus sit, Childebrandum verò inter eos non modò minimè attigerit, sed ne alibi quidem filium nuncupare ausus sit. Hoc enim quid aliud notare dicas, quàm Pipino genitum non fuisse? Latet nimirum hîc aliquid, quod nec Bouchetius, nec Pradius cum omni scholâ suâ, quidquid contendat, quidquid vociferent, unquam satis eluserint. Imò constabit Fredegario fides sua, quâ & germanus Martelli, & Pipini Brevis avunculus, nec tamen Pipini Crassi filius fuerit Childebrandus; si modò, quæ historicus nobis reliquit, ejus ad mentem rectè nec per frivolam atq; iniquam detorsionem metiamur, neq; plus ab eo dictum studio partium pertendamus, quàm dictum

Childebr. Pipin. Cr. fil. leg. non fuit. 177
dictum ipse voluit. Nam Pradius quidem in speciem, ut Fredegarii fidem, quam tamen ipse assentationis notâ impactâ, ante alios omnes convellit, in tuto ponat, re ipsâ, ut ejus dicta sensui suo accommodet, omnem à voculâ germani æquivocationem hîc exesse jubet. (c) Sed mutabit profectò sententiam si sapit. Germani enim vox, cùm naturali ac genuino significato, ac citra æquivocationem sumptâ, fratrem notet, eodem non patre tantùm, sed & matre eadem natum: oportebit Pradium largiri, germanum Martelli cum dixerit Childebrandum Fredegarius, hoc ipso & Alpaidi filium, & quod ejus confectaneum est, spurium dixisse. Quin imò id ipsum, ut Caroli verè germanum, sed sine spurie tamen conceptionis infamia Meccenatem suum Childebrandum asserere posset, intimam scriptori assentatori rationem fuisse, vix dubium quis putet, cur Alpaidem ex pellice legitimam conjugem fecerit. Displicet hoc Pradio; displicere itaq; non potest, germani vocem improprie hîc usurpari. Necesse inquam est.

est, hunc scopulum vitare si velit, ut agnoscat, vocem *germani* largiter hinc atq; contrà ac ipse velut pro Magistratu prohibet, per æquivocationem sumi, ita ut fratrem velit, vel consanguineum, eodem videlicet cum Martello patre tantum, vel uterinum, eadem solum matre genitum. Jam verò vel consanguineum Martelli fratrem fuisse Childebrandum, vel uterinum, cum nec Fredegarius definiat, nec aliunde manifestum fiat, quis Pradio jus fecit, ut quod Historicus in medio reliquit, ipse determinaret, juberetq; pro consanguineo potius, quam uterino pronuntiari? Quid autem dico in medio reliquisse? Ipse idem scriptor quando avunculum Pipini disertim nuncupavit Childebrandum, non nisi uterinum Martelli fratrem, eadem videlicet Alpaide matre, nequaquam verò & Pipino patre natum dixit. Tametsi enim avunculi vox per Gallicismum Latini declinante, jam tum etiam patruus comprehenderit: sæpissimè tamen & naturali suo significato mansisse nemo iniciari potest. Stabitur itaq; pro genuinâ
ejus

ejus usurpatione, quoad res pati potest, nec contrarium, quod hîc desideratur, manifestè constat. Alpaidem enim vel antequam Plectrudis thorum commacularet, vel postea, idq; seu vivo atq; durante Pipino, quod concubinariî ad frugem redeunt, haud rarò solent, sive post fata ejus alteri collocatam, liberos suscepisse, donec aliud evidenter oblatum fuerit, ut credamus, quid vetat? Id si tanti est, ut vel solum quidquid causæ adversæ stabiliendæ hæctenus allatum est, ad meram præsumptionem redigere, hoc est, in hâc disceptatione nihili convincere idoneum sit: jam aliud subjungam, quod ita prorsus rem se habere demonstrat, ipsiq; ante omnes Pradio confessionem extorquet. Asseverat is (d) feroculè admodum, magnâq; confidentiâ, Childebrandum sub Pipini discessum pusionem fuisse, intra primæ infantiae annos deprehensum. Ego verò paulò post ostendam, Pipinum cùm diem obiret extremum octogenarium fuisse. At cùm virtus genitalis in maribus regulariter anno sexagesimo ætatis exacto soleat deficere:

ficere: etiamſi Pipino luſtrum unum adderemus: conſequeretur nihilominus, quò filius ei Childebrandus dari queat, quòd cùm Pipinus decederet, aut pubeſcens iſte jam, aut jam non impubes fuerit. Quod cùm in Pradii Childebrandum tum utique puſionem non cadat: alium ei patrem quærere meminerit.

Nolo autem hâc totâ in re, quamvis firmiſſimâ, contentioſum cum Gallis funem diu trahere, poſt Chiffletium, qui cauſæ ſuæ ſatiſfecit, quemq; Blondellus maſtare potiùs prægrandi ſuo volumine, quàm refellere voluiſſe viſus eſt. Haud omninò inficetus alienæ ſententiæ redargutor, qui id egit, ut adverſarium replicare paratum, mole ipſâ immanis libri abſterreret, utpote meritò veritutum, ne vitam citiùs, quàm ad ſingula reſponſionem exigeret. Nolo inquam, his me multùm immittere, præſertim cum propoſito noſtro ſatis ſit, ſpurium Childebrandum conviciſſe; quod nunc aggredimur.

Et Pradius quidem, ut legitimum faciat, tribus potiſſimùm rationibus annititur.

titur. (e) Primò, quòd extra controver-
siam fit, Plectrudem Pipino marito us-
que ad obitum ejus citra divortium con-
vixisse, proindeq; præsumendum, omnes
Pipini liberos, eosque inter & Childe-
brandum ex legitimâ uxore susceptos
esse, donec videlicet secus se rem habere
aliunde allucescat. Secundò; quòd Chil-
debrando portio paternæ successionis
adeo minuta obtigerit, ut argumento
sit, factum id esse metu, ne viribus in-
structus, in fratrem spurium ipse legiti-
mus, jure successionis potiore insurgeret.
Tertiò, quòd Fredegarius testis sit, Pi-
pino ex Alpaide pellice, non nisi unicum
obtigisse filium, Carolum videl. Martel-
um. Textum verò Fredegarii continuo
hæc verba subdit: *Igitur præfatus Pi-
pinus aliam duxit uxorem nobilem & ele-
vatem, nomine Alpheidem, ex quâ genuit
ium, vocavitq; nomen ejus linguâ pro-
piâ Carolum.*

His argumentis quantumcunq; in spe-
em, (f) confidere videatur Pradius: in-
omptu tamen est, quòd levi prorsus
erâ dissententur. Primum enim quod

attinet, illud quidem jura statuunt, *pā-*
trem præsumi, quem nuptiæ demonstrant;
hoc est, filium quem uxor peperit, præ-
sumi ex marito legitimè susceptum. Ast
qui marito, & notissimo quidem concu-
binario alicubi tribuitur, matre non ad-
jectâ filius, ut ex legitimâ protinus uxore
censeatur susceptus, quantum ego
quidem memini, jura hætenus censuere
nulla, atq; haud scio, an etiam solâ na-
turali ratione ita censere jubeamur. Il-
lud probè scio, ne locum quidem huic
quæstioni esse, nisi quem legitimum fili-
um priscis silentibus, post tot demum
secula fuisse contendimus, vel semel sal-
tem patris, cui additum cupimus, filius
aut à se ipso, aut ab alio quoquam ido-
neo teste dictus sit. Aliàs enim, ne
objectum quidem ullum disputationis ha-
bemus. Ast *eho!* ubi sunt ex omni an-
tiquitate, qui Pipini filium dixere Chil-
debrandum? dic sodes Pradi, si potes,
quem laudas asserti tui autorem? Verùm
hîc aqua hæret. Germanum enim Ca-
roli pellice nati, Childebrandum qui di-
xerit, atq; ita quidem, ut uterinum di-
cere

cere voluisse tutò credi queat, habemus Fredegarii Continuatores; Pipini, notorii scil. concubinari filium (ne dum legitimum) qui dixerit, præter te, Pradicum Bouchetio, & qui sputa vestra lingunt, habemus neminem. Quis autem vos sine testibus, de rebus vetustissimis & incertissimis pronuntiantes audiat, tanquam pro antiquitate omni essetis, vos inquam, heri & nudius tertius natos scriptores? An idem fortasse vobis est, Pipini filium legitimum, quem germanum Caroli dicere? Quòd si vel Carolus Pipini legitimo thoro editus, vel Childebrandus Drogonis aut Grimoaldi germanus cuiquam enuntiatus fuisset: esset fortasse, saltem umbra illius, quam statuitis præsumptionis. Nunc verò Carolus Martellus ipse nothus cùm fuerit, alià, quàm Plestrude matre genitus, quomodo, qui non alio quàm ejus germani nomine notus est, integriore, quàm ipsum concubitu satum, pertendetis? Quin imò, ea voculæ germanæ quod jam perhibuimus, ratio est, ut spurii germanum, quàm patre eodem, tam

& matre eâdem, pellice inquam, natum esse, præsumi debeat, donec mitior sententia aliunde manifestiùs prodierit. Disiectum est igitur assertionis tuæ primum atq; ut haud dubiè credebas validissimum argumentum.

Alterum vix responso dignum, probi quisquam iudicii censuerit. Duabus enim causis, multùm à se diversis, duci Martellus poterat, quò tam tenuè Childebrando patrimonium impertiretur. Nimirum, vel ut fratri, quod Pradius ait, legitimo, jusq; ad successionem potius habenti, indeq; suspecto, vires recalci-trandi ne accederent, vel quod spurius esset, cui præter alimenta nihil à patre, nedum à fratre quidquam deberetur. Utra ex hisce perinde incertis, apud Martellum militaverit, quânam putemus ariolandi felicitate Pradio innotuisse?

Nolo autem aduersarium hinc dimittere, nisi insignis iterum oscitantiae ac stupiditatis convictum. Ut primùm enim, de Childebrando ampullari cœpit, ducem eum Burgundiæ, sesquipedalibus propè literis in ipso frontispicio tractationis

Childebr. Pipin. Cr. fil. leg. non fuit. 185
tionis proclamavit. (g) Scatet enim
ejusmodi Thraſonicis elogiis liber ejus;
per quæ adſcititiis Hugonis Capeti ma-
joribus, autoritatem aliquam emendica-
re à lectore antiquitatis fortè ignaro
contendit. At verſâ vix paginâ (h) in
Burgundiâ ait tenuem tantùm ex hære-
ditate Drogonis fratris portionem (quæ
denique ad Comitatum Auſtrodunen-
ſem reducitur) Martelli conſeſſione fu-
iſſe relictam. Ita repente hîc Irus eſt
Pradio Childebrandus, quòd ita uſu ve-
niat, qui paulò ante Cræſus audiebat.
Res autem ipſa loquitur Burgundiæ du-
cem non fuiſſe, hæreditatis utique pro
fratre legitimo, & jure ad principatum
potiore ſtipato nimium periculofæ, pro
ſpurio nimium pinguis & opulentæ. Nam
illa quidem etiamnùm potens regio, &
cùm iſta agerentur, ſine controverſiâ,
facile dixerim, triplo potentior, inter
tenuia ſive modica vitæ ſubſidia compu-
tari nequît, quando etiam ut hodie
quidem acciſa eſt, invidioſa nimis, eòq;
jam pridem regiis fratribus negata hære-
ditas cenſetur,

Jam verò tertium Pradii fundamē-
 tum impudentiâ hominis ac temeritate
 admirabile prorsus est. Dum vernacu-
 lâ loquitur, asserente Fredegario *unum*
solum ex Alpaide filium, Caroli nomi-
 ne, Pipino natum fuisse ait, (i) testem-
 que irrefragabilem hic nominat, quem
 alibi (k) quòd Alpaidem legitimam uxo-
 rem Pipini dixisset, mendacii & damna-
 bilis assentationis reum agit, ipse & falsi
 & assentationis plus nimio mox convin-
 cendus. Nam testis ab adversario ipso
 è vestigio adesse, & latino sermone, quo
 scripsit, loqui jussus, aliud nihil depo-
 nit, quàm *filium* Carolum Pipino ex Al-
 paide natum esse. At verò, idemne est,
filium natum esse ex concubinâ, &, *fili-
 um unicum* natum esse? Hoc partûs alios
 masculos excludit, illud aditum pluri-
 bus ex concubinâ pandit. Ecce igitur
 hic Pradi fidem tuam! Quòd si enim in
 causâ per se quidem nullius momenti,
 sed quam consequentiarum, quas necis,
 periculosissimis strophis Europæ omni fa-
 talem reddere intendis, si inquam, tam
 impudenter abuti audes credulitate, aut
 igno-

ignorantiâ, aut negligentia lectoris tui, ut testimonia in omnium manibus versantia, & à temet. mox ritè producta, dum in vernaculam vertis, corrumpere ac temerare non formides : quid putemus actum esse cum iis, quæ libri tui utramq; paginam faciunt, chartophylaciorum vetustissimorum monumentis, quæis solo te sponfore fidem habere jubemur? Quis ista revolvens animo, non detestetur juxtà mecum, factam unicè lectori ludificando hominis vel audaciam, vel vecordiam? Si enim testis tui sensa, ut verba assecutus es, Pradi, nec temperasti tamen libidini tuæ, quâ regum tuorum palpator damnabilis, orbem ut per falsariam versionem dementes, pruris dic, ubi est frons tua? si non cognovisti nec intellexisti, ubi est mens tua? Hæcine erat, antequam ejusmodi rationum tuarum foetorem nobis objiceres, *decisivas*, hoc est demonstrativas, seu apodicticas jactare, quæ quavis palcâ faciliùs difflatae, ruborem quoq; tibi, si quid modò pudoris superest, nullo tempore delebilem injiciant? Pudet me quo-

que, adeo propè nullius aut frontis aut mentis adversarium mihi obtigisse.

Nihilo melioris pretii sunt, quæ post aliquot paginas (1) subjiciuntur testimonia, quæ tametsi directim id solùm spectare videantur, ut plures Pípero filios, quàm qui Fredegario nominati sunt, fuisse convincant: illuc tamen simul etiam pertinent, ut Childebrando inter legitimos locus fiat, quodque ex Fredegario adversùs se paulò post torquendum præviderat argumentum Pradius, infirmetur. Paulum enim Diaconum advocat (m) qui postquam bella Pipini Crassi fortiter gesta enarrâisset, adjicit: *Hic & alios filios habuit: sed ex his Carolus præcipuus extitit, qui ei post in principatum successit.* Pradius hîc nescio, quâ rursus conjiciendi autoritate eruere vult, alios illos, qui memorantur, filios, non Drogonem fuisse & Grimoaldum, ante Pipinum patrem scil. fato functos, sed incognitos quosdam defuncto superstites, nec Paulo Diacono, nec alteri cuiquam nominatòs. Sed ne Argus quidem hunc sensum in verbis Diaconi perspex-

spexerit, planè ut frustra hîc glaucoma lectoribus objicere satagat, & filios istos haud dubiè in ultimis terris Australibus, pariter ac ipsi sunt incognitis, quærendos dixeris.

Congeminum huic est, quod ex annalibus Metensibus ibidem huc refertur, sic habens: *Defuncto autem Pipino maxima conturbatio orta est in gente Francorum. Nam majores natu filii ejus Drogo & Grimoaldus, ipso vivente, vitâ discesserant; Theobaldus verò Grimoaldi ex concubinâ filius, adhuc puer erat, qui etsi patri in principatu successerat, minimè tantum regnum dignè gubernare prævalebat. Carolus verò quem SOLUM PATER DIGNUM tantæ potestatis superstitem reliquerat, novercales insidias graviter tolerabat.* Unde Pradius pro suâ perspicacitate hoc iterum elicit, aliis haud perinde obvium, quòd cùm Carolus ex liberis Pipini solus dignus Annalistæ prædicetur successor: fuerint eidem Pipino superstites & alii filii, iique indigni. Quasi vero annalibus de filiis tantum primi gradûs, nec de quibusvis

liberis tractatio esset, quorum scil. nomine tres ex filiis ante patrem morte sublati nepotes haud dubiè comprehensos, ipse Theobaldus unà adjectus testatur; aut tanquam indignos istos autor hoc ipso legitimos proclamaret, nec spurios unà cum legitimis notatos cupe-
ret, quod tamen & Theobaldus, & Carolus nominatim adjecti, velut manu palpandum præbent. Quin cùm indignos successionem hoc testimonio præter unum Martellum quoscunq; superstites habeamus Pipini liberos: si quæ annali-
um fides est, Childebrandum, quem Fredegarius ab industriâ, Pradius à ju-
dicio & fortitudine commendat, Pipini filium non fuisse, hoc etiam documento discimus.

Possẽm disjectis in huncce modum causæ adversariæ fundamentis, & neces-
sitate renovandæ probationis in Pradium rejectâ, Childebrandum jam nunc filium Pipini, aut omnino nullum, aut non le-
gitimum proclamare. Veruntamen, ne solâ Pradii impotentiâ vicisse videamur:
addam

Childebr. Pipin. Cr. fil. leg. non fuit. 191.
addam & illa, quibus nostra fortius stabiliuntur.

Ibi verò ante omnes se offert Pradio in hâc tractatione toties in testem vocatus, sed eidem nunc è diametro contrarius Fredegarii Continuator. Sic habet iste: (n) *Posthac autem Pipinus Theodericum regem accipiens cum thesauris & domum Palatii, omnia peragens, in Austriam remeavit. Eratq; ei uxor nobilis & prudentissima Plectrudis, genuitque ex eâ filios DUOS, nomen senioris Drogo, nomen verò junioris Grimoaldus.* Duos disertim dixit Pipino ex Plectrude fuisse filios, & isto quidem loco, ubi familiam Pipini describendam ex officio putavit. Tertio igitur filio legitimo locus non est. Quin si is Childebrandus fuisset, istius historiæ ad posteros mandandæ autor, historiciq; Meccenas atq; patronus: quis dubitet, à cliente & familiari, & scriptore seu conducto, seu rogato, ante cæteros omnes huic albo inferendum fuisse? Non dubitavit scriptor nepotes Pipini etiam nothos, à Plectrude per filios deducere, & Childebran-

dum filium, eumq; legitimum, cujus in gratiam filiiq; Nebelongi historiam texebat, præteriisset? Fortiora multò sunt hæc, quàm ut quæ Pradius ex Paulo Diacono, Annalibusq; Metensibus præoccupando ingerere voluit, vim eorum frangere queant. Nec solus est Fredegarii Continuator, qui nobiscum faciat. Consentit Epitomator quoque Gregorii Turonensis, & , *Erat*, inquit, *Pipino uxor nobilissima ac sapientissima nomine Plectrudis. Ex ipsà genuit filios, DUOS, nomen majoris Drocus, & nomen minoris Grimaldus. Drocus ducatum Campaniæ accepit &c.* Qui ingerat, nec dum per ea tempora editum fortè Childebrandum, qui postea familiam augere poterit: nôrit utrumq; testium lustris haud paucis à Pipino vivis exempto sua conscripsisse.

Huic luculento fanè duumvirorum testimonio, subjungo Bouchetii conjecturam, quâ Childebrandum Alpaidi filium dedit, ab exiguo Childebrandi patrimonio ductam, eamq; utut Pradius elevare conetur, firmissimam dico. Quis enim

Childebr. Pipin. Cr. fil. leg. non fuit. 193

enim credat vel patrem Pipinum, vel Plectrudem matrem Pipino superstitem, eximiæ, qualem Pradius nobis dat, haud dubiè jam tum spei filio legitimo non opulentiùs prospecturos fuisse, quàm ut à fratre spurio vitæ subsidia velut in stipem expectaret, cùm in cæteros liberorum secundi etiam gradûs, imò nothos, itidemq; pueros, ducatûs, aulæ præcipua ministeria, rerum quoq; summa profunderentur? Nam quod argutatur Pradius, injuriâ Martelli fratris, metuq; potentiae id factum esse, oppidò jejunum est, & in eo se ipsum jugulat, quando disertus auctor est, (quâ fide, ipse viderit) fuisse Childebrando, ab eodem germano suo exercitus integros, non semel omnino ut Fredegarius ait, verùm sæpius concreditos, (e) quod non solemus, quæis potentiae metu, ex opulentâ, quæ eos manserat, nec regibus impari hæreditate, forè vix nuda alimenta per injuriam reliqua fecimus.

Quid quòd Plectrudis, virago si quæ unquam, ut post fata mariti, vim imperii in Francos tutiùs retineret, atq; in-

vidiam muliebri potentiae detraheret, Theodewaldum ex filio nepotem, & nothum, & puerum domus regiae praefectum esse, vel ipsa jusserit, vel maritum, ut juberet, capulo jam proximum induxerit? praehabitura scil. filio, si quis reliquus fuisset, per ipsam aetatem culpam omni exempto, nepotem, legitimo nothum? Nemo nisi ipse mentis efferatae, aut certe nisi rem ita se habuisse, aliunde luculentissime ostensum fuerit, Plectrudem eousque vim naturae fecisse, maternique viscera affectus rupisse dixerit, nepotibus omnia largitam, filii utero suo effusi per omnia adeo oblitam, ut nec umbra habitae de eo curae supersit. Frustra hinc iterum Pradius Martelli fratris injuriam praetexat, cujus nulla tum adhuc in republica autoritas; imò qui novercae vinculis constrictus adhuc, ipse languebat.

Quid verò hisce immoror, urgendis. Natura ipsa Plectrudem matrem Childibrando negat. Pusio fuit, quod Pradius constanter asseverat, quando Pipinus ad plures abiit; hoc est, anno seculi
octavi

Childebr. Pipin. Cr. fil. leg. non fuit. 195
oſtavi quarto decimo. Pleſtrudis itaq;
filius eſſe non potuit. Hæc enim Hugo-
berti I. Bojorum ducis, ipſo fatente Pra-
dio (p) concinentibus Bojorum annali-
bus (q) filia cùm fuerit, iſte verò mini-
mum anno 644. ſi non antea vitâ ex-
ceſſerit: Pleſtrudem ante eum ipſum
annum natam, eòq; circa annum 684.
aut ſi quo forte ſingulari naturæ beni-
gnioris gaviſa privilegio; ſaltem paulò
poſt annum 690. effœtam fuiſſe conſe-
quitur. Filium igitur quem eâ matre
natum velis, Pipini fata minimum jam
vicennem ſpectâſſe neceſſe eſt. At no-
ſter iſte Childebrandus ultro etiam per-
tendente Pradio, puſio tum fuit. Ergo
aliam ſibi matrem, quàm Pleſtrudem
conciliet.

Quinquod ſuprà jam inſinuavi iteratò
hic additum velim, ne Pipini quidem fi-
lium fuiſſe. Nam & iſte ſub obitum Ar-
nolſi avi, quem vix concedente Pradio
(r) qui cum decennio anteriorem facit,
annus 641. demum extulit, diſciplinæ
ſanctioris jam per ætatem capax, hoc eſt
minimum ſeptennis fuit. (s) Hunc ſi
non

non lustro ampliùs antè, certè annus secularis septingentesimus, quippe septuagenario proximum, generandi virtute privum dedit. Filium igitur pusionem lustris inde tribus, quæ Pipinus adhuc exegit, moriens relinquere potuit nullum. Ita & patre excidit & matre Childebrandus, quos ei Gallorum liberales genealogi impertiuntur, idq; Pradio, cùm minimè vellet, maximè argumentum suppeditante; & quem Pradius nothum Pipini filium ferre non potuit, jam nullum ferre cogitur. Nimirum talibus se irreticulis induunt illi omnes, qui ut assentatores regibus se præstent gnavos & doctos, splendidam proficuamq; fabulam semel præfractè tuendam sumpserunt.

(a) *Gen. P. 1. sub Childebrando.*

(b) *In discursu proæmiali I. Nebelong obligea le Continueateur de Fredegair d'achever l'histoire de son temps, qui avoit esté commencée par l'ordre du duc Childebrand, où l'amour du Pere & du fils pour les lettres est eternisé, après le chapitre 117.*

(c) *Gen.*

Childebr. Pipin. Cr. fil. leg. non fuit. 197

(c) *Gen. P. I. sub Childebrando. Le terme de germanus ne fut jamais equivoque.*

(d) *Ibid. Et je soutiens, que dans le temps des differents, qu'elle (Plestrude) eut contre le bastard de son mary, pour le gouvernement de l'estat, que ce jeune Prince (Childebrand) qui estoit alors dans SA PLUS TENDRE ENFANCE, ne pouvoit assister sa mere.*

(e) *Ibid. sub Childebrando.*

(f) *Mauvais jeu, bon visage.*

(g) *Ibid CHILDEBRAND COMTE D'AUTUN, DUC DE BOURGOGNE.*

(h) *Ibid. Trois raisons qui me paroissent decisives me confirment dans cette pens  e &c. La seconde, sur le foible partage qui luy fut donn   &c. luy accord   seulement en Bourgogne une petite partie de la succession de son frere aisn   Drogon, pour le tenir plus facilement, dans le devoir & la soumission &c.*

(i) *Disc. Pro  m. I. Car Fredegairre qui par ordre de ce dernier (Childebrand) escrivit l'histoire de son temps, dit precisement,*

cisement , que Pepin n'eut d' *Alpheide* qu' **UN SEUL FILS.** Et gen. P. 1. in *Childebrando* : Sur l'autorité du *Continueur de Fredegair* son contemporain, dont le temoignage est irreprochable ; qui marque positivement dans le Chapitre 103. de sa *Chronique*, que le Duc Pepin ne laissat d' *Alpheide*, qu'il luy donne pour seconde femme, que *Charles Martel* **SEULEMENT.**

(k) Gen. P. 1. sub *Pipino* : le continueur de *Fredegair*, qui à finy son ouvrage en l'année 752. au commencement du Regne du Roy Pepin a donné par **UNE LASCHE COMPLAISANCE**, pour seconde femme au Duc Pepin, *Alpheide* mere du Prince *Charles Martel*.

(l) Ibid. sub *Childebr.*

(m) *Hist. Longob. lib. 6.*

(n) Cap. 100.

(o) Gen. P. 1. sub *Childebr.* Ce Prince fut recommandable par son esprit & par sa valeur, & *Charles Martel* son frere luy confia plusieurs fois la conduite de ses armées, & l'opposa souvent

Childebr. Pipin. Cr. fil. leg. non fuit. 199
vent aux forces & aux entreprises des
ennemis del'estat.

(p) *Disc. Proëm. I. sub Pipino, & geneal.*
P. I. sub eodem. Addatur ejusdem Hi-
storia Gallie sub Theoderico II. ubi
bellum Bavaricum à Plectrude excita-
rum & Hugoberti II. ducis institutio
referuntur.

(q) *Historia Boica Adelzreiteri ad ann.*
645. & 646.

(r) *Gen. P. I. sub Arnolfo & in Historia*
Gallie, sub rege Pipino.

(s) *Insigne Fragmentum, quod de gestis*
Pipini Marquardus Freherus Fredegari-
rii Chronico adjecit. Erat ei (PIPINO)
agnatione propinquus quidam vir Ar-
nolfus nomine Metensis Episcopus. Ipse
illum nihilominus sacris monitis divinis
& humanis frequentissimè, ut ad po-
tiora convalesceret, roborabat discipli-
nis. Ille verò non tardus auditor in
cunctis se feliciter mandatis & justifica-
tionibus Domini exercebat.

XI.

Non liquet Nebelongum secundum fuisse filium Eccardi.

HAbemus itaque Childebrandum aut Hextorrem domo Arnolfinâ, aut spurium, cui non modò, quò tantò expeditiùs ex molesto hoc pelago emergamus, Nebelongum I. Childebrandum II. & Eccardum, filium, nepotem, pronepotemque esse patimur: sed & quæ in rebus eorum hinc inde obelo digna se obtulerunt, missa facimus. Ast Nebelongum, quem secundum dicit, Eccardo filium pariter cum Pradio dare, integrum non est, quòd hominis proterviam in circumveniendis lectoribus, & præposterum iudicium in probationibus texendis pandere, eximiè idoneus sit. Nec enim, quò id titè afferat, ullum promit documentum, scriptor per omnia subleſtus, præter tabulas testamenti Eccardini, quas, quoad in Chartophylacio Patriciacensi extare dicit, Genealogiæ parti posteriori, sub rebus Roberti Fortis inseruit. Piget instru-

instrumento, quod nisi Pradius perperam huc transtulisset, ne hilum quidem ad nos attineret, ex integro huc transcribendo, & chartam & operam perdere, lectoriq; styli barbarie nauseam objicere. Ne tamen cum injuriâ Pradii hoc agere videar: illa saltem, quæ seu juvando ipsi, seu refellendo facere possunt, per fragmenta ut subjicere auserim, lectoris patientiam exorata velim. (a)

Initium verò in hæc verba fit: *In Christi nomine, ego Heccardus cogitans humanum casum fragilitatis meæ, ideo mihi visum fuit, ut res meas, quas hæreditavi, & acquisivi, cum omni substantiâ, ut pro salute animæ meæ, & genitoris mei Hillebranni, seu genitricis meæ Dunnane, germanoq; meo Theoderico, nec non & uxoribus Albegundis & Richildis &c.*

Ex hisce, (nec enim fastidit interpretem, tam elegans opus & concinnum) collegeris testamentum ab Eccardo ad pias causas conditum, more piarum foundationum exordium tulisse, ab eorum recensione, quibus ad animæ salutem, prodesse testator volebat. Illi esse solent paren-

parentes, fratres, conjuges, liberi si qui sunt aut fuere. Et Richildim quidem, quam inserit, uxor legatum deinde reli-
ctum & donatio inter vivos, de qua suo loco, unà cum marito post testamentum hoc conditum facta, tum adhuc in vivis fuisse, evincunt. Sequitur mox:

*Ut in manibus viris istis mea eleemo-
syna commendàsssem, quod ita & feci. Idem
dominus Leutboldus, Engelboldus, Win-
tarius, Lividinus, Olgarius, Betillo, Vul-
gis, Adelingo, Ildeboldo, Eriberto, Du-
dino, Eribrando, Aetefredo Presbyteros,
& Nivelongo atq; Theoderico germano
suo; ut sicut per instrumenta Kartarum
vobis tradidi &c. ut ita disponatis, sicut
in ipsis insertum est, pro salute animas no-
stras, ita agite, sicut ante tribunal Christi
reddituri sitis rationem &c.*

Oedipo vix non opus est, ut hîc nomi-
nari executores testamenti Presbyteros
tredecim, laicosq; duos, & hos quidem
Nivelongum quendam fratremq; ejus
Theodericum intelligas. Post interje-
ctas deinde execrationes contravenienti-
bus intentatas profequitur;

Nec

*Nec verò peto Karitati vestre, ut istiusmodi nostram consumpsistantiam dispense-
tis, eà verò ratione, si DEUS nobis filium
aut filiam non dederit.*

Voluit nimirum testamento quo extra-
neos hæredes (*pauperes*) instituturus erat,
vim nullam esse, si quo casu ex conjugē
Richilde liberis augetetur. Dehinc mo-
nasterio Floriacensi legat villam Patri-
ciacum Balgiacum vicum ædi S. Andochii,
aliaq; aliis, tum monasteriis tum templis,
familiaribus etiam suis, conditq; anniver-
sariam post fata commemorationem.
Richildi etiam uxori nonnulla sacræ su-
pelle&tilis domesticæ in usum, deinde li-
bros, sacra lipfana, & alia amicis attribu-
it, nec Adanam germanam præterit. In-
de pergit:

*Theoderico aut Richardo filio meo do-
nate spada spansigil, & sicusios duos.*

Theodericum aut Richardum nonnisi
unum fuisse virum, etsi Pradius duos faci-
at, tum vocula, *aut*, tum singularis nume-
rus voculæ *filio*, imò & gladius numero
unus, & sicusiorum par itidem unum
(eo enim numero sicusii mox etiam aliis
legan-

legantur) indicare videntur. Binomines verò etsi apud priscos rari essent; non tamen nulli erant. Nam ex Hugonis Capeti fratribus, alter Eudonis Henrici nominibus notus est; & quòd nomina eorum, ut hîc fit, disjunctivè efferri receptum aliquando fuerit, inter alia demonstrare etiam potest, Mantuanum diploma, Gabrieli Bucelino (b) allegatum, Adelberto Ottoni Atestino tributum, quod in hæc verba incipit: *Adelbertus qui & Otto, filius Ottberti, qui & Sigefridus &c.* Suspiciamus verò meritò, si verba ista, qualia Pradius dedit, consentent, ac filius Eccardo Theodericus iste Richardus fuit, naturalem tantùm fuisse, idque ex hujus testamenti tertio quod exhibuimus fragmento. Illo enim testamentum ruptum declaratur, si quo casu testatori liberi nascerentur. Par autem ratio jam natorum legitimorum fuisset. Cui accedit, quòd ne legato quidem aliquo notabili auctus sit. Quòd si Pradio displiceat, hunc Theodericum suum, quem deinde Comitem Augustodunensem, & linæ Burgundicæ secundariæ

darie propagatorem facit, nothum haberi: per me licebit, cum legitimus & genuinus haberi nequeat, ut qualemcumq; vocabulo filii æquivocationem inesse contendat; quorsum facere potest, quod & ipse alibi filium nonnunquam pro genero sumi affirmaverit, nec repugnet Ecardo generum fuisse, seu filie jam tum sine liberis præmortuæ, seu privignæ maritum. Quin verò etiam susceptio ex sacro fonte baptismatis, filiationem inducere solet. Si cui verò hæc omnia minùs arrideant, patiemur hunc testatoris locum falsi suspectum esse, & in vculâ *meo* fraudem latere, legatumq; alternativum hîc descriptum, quod vel Theoderico, vel per substitutionem, Richardo filio *ejus* relictum sit. Autographum inspicere non licet; adversùs Pradium verò suspicari meritò omnia licet. Ait porrò:

*Terico filio Nivelungo spada Indica &
figusios duos, & tabulas Sarracinistas,
Ademaro fratri suo spendo uno, & cano,
& sengios duos, Heccardo filio Heccardi*
K *tabu-*

tabulas corneas, & pacto salero, & sigillos duos, & spar vario uno. &c.

Ambigua hîc lectio est, fueritne Terici filius Nivelungus, an Nivelungi Tericus. Illud etiam an Tericus & Theodericus synonyma sint, meritò dubites, cùm Theoderici nomen his aliàs in tabulis citra contractionem perpetuò legatur. Cæterùm confirmatur hîc, quod paulò antè monuimus, sigillos duos singulis legatos. Distribuit deinde Eccardus nonnihil iterum utensilium, tum equos vestesq; & arma, & falcones amicis, & Carolo Calvo regi, qui Senioris nomine venit, & Theutbergæ Lotharii Lotharingiæ regis conjugii. Post quæ singulatim disposita in genere de rebus suis ita pronuntiat:

Et omnia quæ remanent, tam mobile, quàm immobile, dispensate per pauperes, & cui debitum aut minùs factum habemus.

Clausula hæc hæredis institutionem continet, bonaq; testatoris pauperibus destinat; æs etiam alienum solvi jubet. Superadduntur tamen exinde nonnulla adhuc prioribus legata, libri etiam, qui

Bernardi

Bernardi fratris fuerant, legantur. Extrema deniq; tabularum ævi injuriâ, ut Pradius perhibet, desiderantur, unde & dies & annus, quo hæc acta sunt, intercidit. Indicio tamen Ansegisi Senonensis Archiepiscopi, cujus inibi mentio est, quiq; Ecclesiæ suæ ab anno 871. usq; ad annum 983. præfuit, Pradius ad hocce annorum intervallum referendas esse arguit. Mihi ante annum 875. conditæ videntur, argumento donationis inter vivos, quâ testator anno isto, earum rerum, quas testamento sub conditione, si liberi non nascerentur, legati nomine, hoc est, revocabiliter, reliquerat, dominium ipsum inter vivos, reservato solùm usufructu in Floriacense Monasterium, irrevocabiliter, ac citra conditionem contulit; (c) haud dubiè, quòd spes prolis interea decollasset.

Nunc verò lectorem meum etiam ex ipsius sinu Galliæ venientem, modò sapiat, & animi æquitate adversus præventiones populares munitus accedat, conventum velim, hos ut testamenti textûs selectos (nec enim alii huc pertinent)

mecum volvat, revolvat, palpet, scrutetur, numne aliquem ibi Nebelongum, Eccardi quidem filium deprehendere sit. Nebelongum enim ostendant Theoderici alicujus fratrem; Nebelongum itidem Terici (ut hoc largiar) atq; Ademari patrem. Ast Nebelongum Eccardi filium, qui ex his tabulis, quales Pradius eas nobis exhibet, eruere queat, nã illum ego lynceos habere oculos prædicaverim. Quin potius, si propè successeris, testamenti hujus omnia innuunt, suadent, jubent, ut filium, maximè ejus nominis Eccardo omninò nullum fuisse teneamus.

Primò enim cùm ad pias causas conditum esse palàm sit, & mox à fronte enumerentur, quorum ad salutem testator quæ sancit, proficere velit, quos inter & uxores, & fratres invenire est: filiorum tamen ne generalem quidem, nedum Nebelongi alicujus vel tenuissimam mentionem ibi reperias. Et liberorum tamen in ejusmodi pietatis officiis post parentes ac conjuges prima semper ratio, certè præ fratribus haberi solet, eamq;

eamq; consuetudinem apud priscos testantur tabulæ piarum collationum, Caroli Calvi (d) & S. Guilielmi (e) quas ipse Pradius nobis suppeditat.

Deinde filios, quos hæreditas expectat, testamento, quo iidem præteriti sunt, executores dare, inter quos tamen Pradii Nebelongus recitatur, etsi legibus fortè aliquo casu non repugnet, rarissimam tamen est, proinde nec aliter admitti potest, nisi probè de eo constiterit.

Tertiò qui hic Nebelongum Theoderici fratrem, alibi Terici patrem, expressim laudat testator, isne filium suum multò expressiùs eundem Nebelongum non dixisset, siquidem filius fuisset? Ferit à primâ ipsâ fronte intellectum, testatori filium quem esse, & primogenitum quidem, & in paternis ultimæ dispositionis tabulis, confidentiâ etiam demandatæ executionis, attamen ne semel quidem filii nomine honoratum.

Quartò; Adanam sororem, Theodericum etiam & Bernardum fratres, seu vivos exemptos, seu minùs, sororem

fratresq; sibi fuisse, qui non dissimulavit: quî dissimulâset Nebelongum filium sibi fuisse, si quidem ex vero talem laudare potuisset?

Quintò; quantumcunq; testamentum ad pias causas legum rigore in multis exemptum: ad exclusionem tamen liberorum legitimorum conditum, nullitatis aut inofficiosi notâ non eripi, & à liberis expugnari posse, notum est. Natura ipsa improbat tales patrum largitiones, charitas ordinata prohibet, Scriptura ejusmodi beneficos parentes ethiicis peiores declarat, neq; leges Salicæ probant. Hîc verò neq; Nebelongus, neque alius quisquam liberorum hæres institutus, at ne hæres quidem nominatus est. Nihilominus testamento suum vigorem constituisse, Patriciacensis in Burgundiâ Prioratus, qui ejus beneficio debetur, hodie hunc testis est. Quid restat igitur, nisi ut liberos Eccardo nullos fuisse, hinc quoq; concludamus?

Sextò; insolitum etiam est, ut parentes liberis extantibus, bonâ sua in pauperes omnia erogent; imò nisi liberis in
id

id condescendentibus etiam illicitum ac nullum. Notum est S. Arnolfum id meditatū, filiorum assensum expetiisse, Ansberti etiam consecutum esse, sed à Clodulfo natorum altero prohibitum. Consensus porro filiorum ab Eccardo impetrati, in hisce tabulis, quod tamen omnino decebat, nec volam quidem nec vestigium deprehendere est. Inferre itaq; iterum licet, filios Eccardo nullos fuisse.

Septimò; cohors integra legatariorum testamento inserta cū sit, maximam partem extraneorum, quos inter ne vilis quidem familiarium, quos servientes vocat testator, turba oblivione transmissa, imò & filio Nebelongi honor legati habitus est; quis credat Nebelongo ipsi saltem inter hos, si minùs inter hæredes locum futurum fuisse nullum, si filius testatoris fuisset?

Deniq; tertium quod transcripsimus tabularum fragmentum perspicuè docet, Eccardo filium non fuisse. Quid enim opus erat vires testamento velle demptas, in casum, quo hæres suus nasceretur, si jam natorum, quorum eadem est condi-

tio, cura nulla habita? Imò qui necdum natis prospectum voluit, quî jam natis, in quos parentes affectu vehementiore ferri solent, non prospexissent?

Nec solæ sunt testamenti tabulæ, quæ Eccardo filium legitimum fuisse negent. Præstò est & donationis inter vivos factæ instrumentum, non pridem nobis ex Prædii genealogicis allegatum. Illo enim non res modò testamento jam legatæ, sed prædia etiã cœtera in monasterium Floriacense piâ largitione transferuntur, nullâ liberorum seu vivi essent, seu fato functi mentione. Eorum certè post parentes atq; uxores præ fratribus atq; sororibus primam decebat esse memoriam, inter eos, quorum salutî tam pio opere consultum esse debebat. Eorundem prætereà si minùs consensum, saltem testimonium tantæ largitioni accedere congruum erat. Et tamen fratres cum sororibus locum ibi & sui memoriam invenere, filiorum nulla cura fuit. Et novem testium subscriptione munita cùm sit donatio, inter eos ne unum quidem Nebelongum aut Theodericum ex filiis,

filiis, nedum Tericum, Ademarum, aut Aledraninum aut Adelelmum ex supposititiis nepotibus, sed extraneos meros conspexeris. Unde clarissimum exit, quàm nec filius ei legitimus, nec inde nepos fuerit.

Patet igitur parùm à me dictum, quando non liquere dixi Nebelongum Eccardo natum esse. Quin potius dicendum erat, liquere natum inde non esse. Ut tamen constaret Pradio, quàm non invidi futuri essemus, si quibus fortè rationibus erigendi hoc loco causam suam, nobis nihil officientem, aliunde sibi prospicere posset: maluimus calculum decretorium suspendere, invitare etiam ultro adversarium, quò rebus suis melius consultum vellet. Idque maximè cum nobis hætenus satis esse queat, prætensionem in ambiguo collocâsse, ut quibus eo ipso salva res sit.

Neu verò causetur Pradius, forsan aliunde jam Nebelongo & fratribus ab Eccardo patre ita prospectum, ut testamento adversari jure nequiverint. Ut enim illud non moveam, decuisse hoc ipsum

tabulis inferi, ut ne præteriti viderentur: reddam simpliciter totidem propè verba: *forſan proſpectum non fuiſſe*. Neq; enim fortuiti atq; poſſibiles tantum caſus locum hîc inveniunt, ubi non de tigno juncto, aut itillicidio, aut ſuggrundis vitilitigatio eſt, ſed de ſalute tot populorum agitur, in quorum capita Pradius improbis conſecutionum ſuarum impulſibus ſabam exitialem cudit. Argumentis perſpicuis & efficaciſſimis, non inanibus atq; vaniſſimis conjecturis nitendum eſt, ut Capetini reges à majoribus deducantur illis, qui Gallorum perversâ quidem jurisprudentiâ, adverſus octo pluriumq; ſeculorum alienas poſſeſſiones in ultimos uſque nepotes transmittere potuerint. Quare nec ad comitatûs ab Eccardo forſan adminiſtratos, Pradio recurſus hîc patet, tanquam filios in illis ſucceſſores habuiſſe ſatis fuerit, ad teſtamentum inofficioſi vitio abſolvendum. Præterquàm enim, quòd ejus nihil legitime ad nos pervenerit, & quæcunq; præter res legatis expreſſas in bonis teſtatoris fuerit, in pauperes univerſim, ac nominatim

tim res soli dividi iussa sint: de Comitatus id etiam notum est, quòd beneficio regum illi venerint, & tum quidem nequaquam ut hodie ferè in patrimonium ac hæreditates imputandi, sed officia mera publica ac dignitates fuerint. Aut si secus; & tum quoq; id ipsum ita actum esse, ut filiis cæteroqui præteritis in hæreditatem venirent, testamento exprimendum erat. Ut taceam, quod infra exequemur, Eccardo ne fuisse quidem Comitatum Augustodunensem, aut Matisconensem, aut cum Morivense Cabillonensem; sed in singulis prædia tantum modica, quæ diximus, maiorem partem in Floriacenses collata, & à Pradio falsò pro Comitatus venditata.

Ejusdem prorsus farinæ esset, si ad ea quæ deficiunt tabularum extrema confugium Pradio dirigeretur, ut quæ nisi annorum injuriâ intercidissent filios forsitan hæredes nuncupatura fuissent. Forsan enim & nuncupatura non fuissent; tum verò ejus probatio disertâ atq; dilucida ad Pradium actorem revertitur; ut ne dicam hæredum universalium in-

stitutionem jam præcessisse, quos inter nulla Nebelongi memoria. Possent fortasse incerta ista in speciem saltem oggeri, dum aliunde apparuisset, Nebelongum aliquem Eccardo natum fuisse. Ast hîc hæret Pradius, cui præter unum hoc, & quoad hanc litem inane prorsus, quin si ritè verteris, producenti ipsi ad exitum usq; causæ suæ contrarium testamenti Eccardini testimonium aliud non est, quod producere possit.

Nunc igitur iterum per fidem tuam te volo Pradi, quâ fronte ausus es, lectorem adeo tibi vilem polliceri, ut animadversurum non crederes, quem sibi fucum porrigerent tabulæ istæ tuæ, quibus aliquot operis tui paginas commaculasti, nec nisi barbarismis, (sapis mercurè! putasti enim fore, ut horum foetore absterritus lector persequendis & attentius excutiendis citò supersederet) opplèsti! Aut si istud minùs tibi curæ erat, quonam iudicio ausus es ad scribendum prodire, scriptor malè auspicate, ac inprimis miserabilis, ut regiam, quam sinistrè auctam volebas gloriam, inani-

inanibus istis, quæ in nos jactabas terri-
culamentis pessundares potius, quàm eri-
geres? Habet sanè Christianissimæ Capeti
progenies ingentia sinceræ probæq; glo-
riæ domi suæ argumenta, nec eget, mi-
hi crede, aliundè emendicatis istis tuis
ac ementitis coloribus, quibus tu, tuiq;
similes jam per se lucidam atq; fulgen-
tem, per se clarissimam & eminentem,
corrumpere infelicissimi laudatores susti-
netis. Surget profectò, haud fallor, &
improbis malè palpantium artibus, do-
cta, quàm in vicinos invidiæ sint, quam-
que Galliæ ipsi in exitium vertere que-
ant, malo artificum, modum aliquando,
finesq; circumponet.

(a) *Extant hæ tabulæ Geneal. P. 2. sub*
Roberto Forti.

(b) *Notitiæ genealogicæ Germ. pag. mihi*
39. ubi de Agilolfingiis agit.

(c) *Geneal. P. 1. sub Eccardo.*

(d) *Gen. P. 2. sub Roberto Forti.*

(e) *Gen. P. 1. sub Theoderico.*

XII.

Nonquet Nebelongum II. patrem fuisse Roberti Fortis.

NUno demum ad Robertum Fortem accedimus, Saxonici, hoc est, Teutonici sive Germanici Transrhenensis generis virum, Galliae, cui vel ipse, vel pater se addixerat, suo seculo Achillem, in quo hanc genealogicam disquisitionem sistemus. Nam illum Hugo Capetus, & qui hunc secuti sunt, Galliarum reges ex ordine omnes, sine controversiâ genearcham sibi vendicant. Hunc autem Nebelongo II. in filium attribuit Pradius (a) quò per eum Capetina domus, Childebrandi I. inde S. Arnolfi prosapia, deniq; & Merovingiis inferatur. Incassum id quidem, etiamsi Nebelongo II. eum largiremur, cum & S. Arnolfus & Childebrandus I. jam pridem, & novissimè Nebelongus iste à Merovæi progenie, certè legitimâ, exturbati sint. Dabimus tamen Pradio, in mantissam, ut hic quoq; frustra fiat. Ast hoc pacto
 mare-

mare tædiorum ingredimur; non quòd ullius in refellendo egeant laboris, quæ magno numero, quàm operosè, tam vanè congerit fabulæ suæ adjumenta: sed quòd ea veluti massam informem ac rude chaos in medium projecerit, curâ velut ad se nihil pertinente, in lectorem ablegatâ, ut verset seligatq; & in qualemcunq; argumenti speciem efformet, atq; connectat. Mantes igitur prope-modum ut accedat, opus est, quicumque hanc sibi provinciam sumit. Nec alibi magè se prodit, quàm destinato Pradius consilio, quæ malæ causæ opitulari jubet, omnia cruda indigestaq; proponere soleat; abigendis scil. à limine insulsâ farragine, quibuscunq; rem penitiùs introire volentibus. Cùm enim in lectore (qui quantumcunq; ingenio valens, Davum tamen se, quàm Oedipum profiteri semper mavolet) omni supervacuo labore nauseâq; eximendo præcipuum scriptoris studium collocari deceat: hic noster illuc omni nisu contendit, ut ubi plurimum lucis & distinctionis esse refert, ibi plurimum confusionis atq; caliginis

lignis afferat. Agmen autem integrum quatuordecim autoritatum in arenam produxit. Tantæ molis erat, nihil agere. Aggrediemur itaq; securi succelsûs Daricum milium, & singulis, quò ex Pradii mente pertineant destinandis, operam primam eamq; potissimam collocabimus. Dehinc aurâ jam faciliore pro-
 vecti, quî inter se cohæreant, aut hient, exequemur. Deniq; nihili esse palàm convincemus. Hæc tamen strictissimè, ne pari ac Pradius urbanitate, lectori graves simus. Quare non vacat nobis, quod illi, ut quæ legenti in diffusa trahendo corrasit documenta ex integro huc transcribamus; contenti, illa tantùm ex singulis dedisse, quæ in quoq; ad rem facere, visa fuerint.

Et prima quidem in acie statuit Caroli Calvi donationem, quâ agri Morivensis, seu Gastinensis partem modicam in Monasterium S. Dionysii Parisiorum, ex cujus chartophylacio, quod extare dicitur, instrumentum depromptum est, collatam legimus. Hujus nihil huc quidem spectat, præter sequentia: *Attribu-*

imus ei forestam piscationis atq; venationis, tam infra, quàm extra Votuo, ad ipsam potestatem legaliter, & justè pertinentem, sicut nunc usq; Widricus comes atq; fidelis noster, sub suà donatione ac ordinatione tenuit, & temporibus Domini ac genitoris nostri Ludovici; nec non & excellentissimæ memoriæ Karoli Imperatoris, Hildebrandus quondam, ac postea Achardus filius ejus tenuisse comprobantur. &c.

Si rectè conjicio (semper enim cum Pradio conjiciendum est) eò solùm hoc pertinet, ut discamus Eccardum quendam Childebrando aliquo natum esse; quod tametsi ab hoc loco alienum prorsus sit: nequaquam tamen inviti damus.

Altera autoritas testamento Eccardino, venusto scil. illo, constat, quod superiori capite per fragmenta dedimus. Id verò illuc spectare vult Pradius, tum ut Nebelongum II. Eccardo natum deprehendas: tum ut eidem Nebelongo filios Tericum atq; Ademarum fuisse discamus. At priùs quàm bellè ex his tabulis exierit, palàm jam est. Alterum
quod

quod attinet, nil quidem est, cur Nebelongo alicui Gallo filios Tericum atque Ademarus invidemus.

Tertium hujus miserrimæ concatenationis articulum præbet Abbo poëtafter, quem alibi laudavimus, concinni scilicet carminis fabricum, qui Theoderico cuidam fratrem jungit Aledramnum barbaris his versibus:

*Namque triumphantes fratrum prosit
geminorum,
Fama fuisse Theoderici, procerum est
Aledramni.*

Persuasum nobis hîc cupit Pradius hujus versificatoris Theodericum, eundem esse, quem Eccardinæ tabulæ Tericum, Nebelongi filium prodidere. Quod quidem dabimus fortasse, ubi demonstratum dederit Pradius, non nisi unum isti ævi per Galliam numeratum Theodericum, eundemq; ab Eccardo per nominis contractionem Tericum fuisse dictum; aut ubi aliis saltem adminiculis ad causam facientibus hunc nostrum eundem, quem Eccardinum esse comprobaverit. Cæterum fratrem isti, quis ille-
cunq;

cunq; demum fuerit Aledramnum largiri possumus. Quòd si Aledramno pariter Ademarus testimonio idoneo junxisset Pradius, ut & Eccardi Tericus, & Ademarus in Aledramno hoc velut tertio fratres concurrissent: si similitudine saltem aliquâ, Nebelongo cuidam in filios unâ omnes asseri viderentur. At hîc hiat series ista Pradiana. Aledramnum porrò hunc eundem cum altero illo esse, quem alibi (b) Pradius comitem Laudunensem cœnobii Dionysiani benefactorem, & Ludovici Balbi propinquum fecit, per nos demum libebit, quando itidem unum modò inter Gallos Aledramnum istius ævi evicerit, aut certè aliâ, quæ cum Aledramno Theoderici fratre benefactorem illum Dionysianum combinent, argumenta in lucem prodierint. Quin si id daremus: nihilò plus inde in Pradii causam redundaret. Nam propinquitas illa regia, quæ Aledramnum Ludovico Balbo junxit, quâq; Pradius agnationem per Carolum Martellum & Childebrandum I. in utrumq; diffusam captare videtur, oppi-

do

dò parùm huc confert. Generica enim propinquitatis vox nisi alia adsint, ad agnationem se restringi nequaquam irrefragabiliter patitur, & Ludovico Balbo per matrem atque uxores & sorores non unius generis propinqui esse poterunt. Juliofridum Monasterii cujusdam Abbatem M. Caroli propinquum dictum fuisse, sequens caput aperiet, quem tamen agnatum inde nemo pronuntiaverit.

Ast illud etiam Pradio condonare nequeo, quòd ope hujus donationis Dionysianæ fucum nobis facere, & Ale dramnum in Nebelongi filium, Adelelmi fratrem asserere pergat, argumento, quod manifestè totum ficulneum est. (σ) Ductum enim se inde profitetur, quòd & Nebelongus, & Adelelmus eam Ale dramni munificentiam suo consensu firmârint. Nam ut taceam quòd ex nudo consensu præstito, cujus multiplex esse potuit ratio, nec paternitas, neq; fraternitas ulla consequatur: illud etiam protervum hominis ingenium singulariter denuò prodit, quòd intercessisse consensum affirmare audeat, nullâ prorsus

verge-

verecundiâ neq: curâ, quod falsitatem
asserti, oculis ipsis suis è vestigio depre-
hendere cuivis lectori facillimum sit.
Extrema enim tabularum sic habent: *Ue
autem hæc mea donatio firmior habeatur,
& veriùs credatur, eam manu propria
signavi. Signum Aledramni comitis. Da-
tum Kalend. Maji anno 11. regni Domini
H. Ludovici regis gloriosissimi. Signum De-
odati Monachi, qui hanc donationem de
manu meâ accepit. Signum Leutonis co-
mitis. Signum Widrici comitis. Signum
Nivelongi comitis. Signum Adalelmi co-
mitis.* Nemo hîc nisi testis purus ac pu-
tus, isq; simplex, quod priscis ad singu-
lâ instrumenta solenne fuit, se in con-
spectum dat. Consensus interpositi ne-
gry quidem comparet. Ecquid amabò
Aledramno de suo largienti alieno assen-
su opus? aut si quid ejus tandem erat,
cur unius Adelelmi, nec fratrum, quos
ei Pradius dat, reliquorum? Vanissima
sunt hujus scriptoris figmenta, quibus
lectorem dementare laborat. Si quævis
nuda subscriptio consensum infert, &
paternitatem & fraternitatem: certè &
Lento

Leuto & Widricus comites, Aledramno patres fuere & fratres, eò magis, quòd in subscriptione locum etiam priorem teneant. Ipse passim Pradius exempla suppeditat præstiti consensûs, at in formam longè aliâ sanè concepti. (d) Nihil est igitur in isthoc scriptionis genere, quod cum turpissimâ Pradii impudentiâ conferri queat, quâ superiores Galliae genealogos haud dubiè longè post se omnes reliquit.

Quartam autoritatem facit Chrono-
logista Abbatiae S. Benigni Divionensis,
qui Ademari cujusdam latifundia per
Galliam circa annum secularem nongen-
tesimum in hanc formam enumerat:
Exitit eo tempore Ademarus quidam il-
lustris vir ex Senatoribus, multas habens
possessiones, tam in Divionensi pago, quàm
in aliis regionibus, scil. Turonensi, Aure-
lianensi, Senonico, Antifiodorensi, Tern-
durensi &c. Huic autoritati conjunctum
est, quod quinto, mox loco subsequitur
nstrumentum piæ collationis ab Adema-
o eodem & uxore Lampagiâ in S. Be-
ignum quem diximus, facta, ut Pradius
com-

computat 901. idq; in hæc verba desinit:
Actum Divione Castello publicè. Signum
Ademari & uxoris ejus Lampagiæ, qui
hanc donationem fieri & firmare rogave-
runt. Signum Eliranni nepotis Ademari,
qui consensit. Signum Roberti fratris ejus.
Signum testium Gisleberti Vicecomitis &c.

Quod binis his nullo operæ pretio huc
 productis testimoniis Pradius intendere
 videtur, id quidem ferat licbit, Ade-
 marum scil. aliquem è Galliæ proceribus
 prædivitem opum fuisse. At quid hoc
 ad nos? Gratis verò etiam dare possemus
 Ademaram hunc eundem cum Nebelon-
 gi Ademaro convenire, utpote nihil no-
 bis, per ea quæ hucusq; demonstravimus,
 incommodaturum. At nullis tamen id
 omnino documentis à Pradio quidem ve-
 rissimile redditur. Quin Elirannus ne-
 pos, & Robertus sive Eliranni, sive Ade-
 mari frater, (ambigua enim lectio est)
 apertè convincunt, ad Nebelongi Ade-
 marum non pertinere. Nec enim con-
 stat ullum huic Elirannum nepotem fuis-
 se, & qui Ademaro frater à Pradio tri-
 buitur Robertus Fortis, quinque mini-

mum & triginta antè annis bello occubuerat, quem profectò novus Thaumaturgus noster à mortuis, ut huic instrumento nomen adjiceret, frustra revocaverit. Alter autem hujusce filius Robertus, Eudonis frater, qui Pradii auctoritate Nebelongo ex Ademaro filio nepos datur, Elirannum nullum, sed quem diximus, unicum Eudonem fratrem numeravit. Neuter itaq; horum huc pertinet. Sed nec ulli ex cæteris Ademari adscititiis fratribus filium Roberti nomine fuisse, ipsa Pradii genealogia loquitur. Tres enim omninò ista Robertos exhibet, duos quos modò enumeravimus, & tertium hisce majorem Nebelongi I. ex Theodeberto filio nepotem, qui nisi rursus admodum ridiculè huc referri non posset, & omninò inter collaterales ascendentes Ademari, non inter nepotes collocandus esset. Insigni itaq; documento est hic locus, quàm vanum sit, à nominum identitate, quod Pradio solennissimum est, ad personas arguere. Habemus verò, quod benè vertat, jam manifestè Ademaram aliquem magno apud Gallos

Gallos loco natum, nec tamen Nebelongi filium, id quod Pradio oppidò incommodabit.

Nam ut Nebelongo quartum vendicet filiorum Adelelmum, inprimis sextâ, quam affert autoritate nonneminem ejus nominis Laudunensium creare comitem, pro eâ, quâ pollet potestate sustinet, falsò in testem vocato Carolo Calvo. Nam is donatione in S. Dionysium (cujus in Archivo instrumentum adhuc extare dicitur) duas contulit Ecclesias in comitatu Laudunensi sitas, Adelelmo paulò antè regio beneficio possessas. Etsi verò nostrâ parùm intersit, fueritne Adelelmus Laudunensis comes, an secus: inanissimi tamen specimen ingenii est, à jure sive patronatûs sive advocatiæ in duas omninò Ecclesias, quæ jure privatorum teneri potuerant, ad integrum comitatum arguere.

At septimâ dein autoritate, quam beneficio S. Eudonis Abbatis Cluniacensis vita S. Geraldii comitis Aureliacensis suppeditat, hunc Adelelmum fratrem Ademari agnoscere jubemur, illius videlicet

L

quem

quem Lampagia maritum habuit, quem cum Nebelongo filium esse & nepos Eirannus, quod diximus, & Robertus seu frater, seu itidem nepos nequaquam ferant: confectaneum est, nec ipsum adeo hunc Adelelmum Nebelongo in filium cedere. Incassum itaq; hactenus autoritatum isto septenario laboravit Pradius, ut Theodericum & Ademarium, & Adelelmum, & Aledramnum sibi invicem in fratres Nebelongo II. in filios, Eccardo in nepotes affereret. Quàm enim Theodericum Aledramni fratrem eundem esse, quem Tericum Eccardus & Nebelongi filium nuncupavit, Pradius perspicuum minimè dedit: tam nobis ex adverso evidètum est, Ademaro Lampagiæ marito, Adelelmi fratri, cum Ademaro Terici fratre in nullo convenire posse. Nec tamen hinc sistit Pradius, sed fratrum quadrigæ quintum etiam Robertum Fortem, quod tantis meatibus quaesiverat, paribus omninò auspiciis, pari felicitate, iudicio, & argumentandi subtilitate superaddere satagit.

Nam ut eò contendat triplici incedit viâ.

viâ. Primò quòd Robertus Fortis eodem quo Nebelongus & Eccardus (quod Pradius non probat quidem, sed lectoris credulitati circumveniendæ confidenter supponit) gavisi erant, Augustodunensium comitatu potitus sit. Ex identitate enim possessionum ad identitatem familiæ vanissimus infert. Deinde quòd Roberti posteritas pariter ut Childebrandi I. Burgundionum quasi gentilitio nomine venerit, unde ejusdem fuisse sanguinis necesse sit. Denique quòd Ademarus & Adelelmus Eudonis regis, qui Roberto Forti natus erat, consanguinei, quin & avunculi, & qui Adelelmo progenitus fuit Gualtarius, ejusdem nepos audierit. Priora illa ut nobis persuadeat, autoritatem octavam, duodecimam, & quæ hanc sequuntur, reliquas, partim verò & nonam atq; decimam subsidio vocat; quarum examen distinctionis causâ peculiari capite subjiciemus. Ast ultimo assumpto stabiliendo septimam, quam modò manu emisimus, & nonam ac decimam, nec non undecimam adhibet, si rectè quidem iterum, quod in tantâ caligine

mihi dandum est, conjicio. Verum omnem hanc substructionem tribus propè verbis disjiciemus.

Nam quod septima autoritas ex vitâ Divi Geraldi tradente S. Eudone Abbate perhibuit, Adelelmum quendam Ademaro alicui fratrem fuisse ultro jam fassus sumus. Nonam verò & decimam versibus paucissimis exceptis nihil ad causæ summam facientibus, sibi per omnia convenientes, cum non nisi numero iterum faciendo, ac tempori chartæq; terendæ duplices dederit Pradius, lectoris patientiâ frivole rursus abusus est. Depromptit eas ex Reginone Prumiense & annalibus Francorum Metensibus, nec aliud inde discimus, quàm Roberto Forti ducatum Andegavensem fuisse commissum, eidemq; dein à Normannis caso, Hugonem Abbatem fratrem uterinum successorem datum. At viginti plus minùs annorum intervallo post, Eudonem Roberti filium in thronum Galliae levatum & ab isthoc (in quo harum autoritatum cardinem credo collocavit Pradius) anno 892. Gualtarium Eudonis nepotem, eundemq; Adelelmi filium
capi-

capitis pœnæ subiectum. Ubi quidem nihil esse putem, in quo nos magnoperè ad-
versantes experiatur Pradius. Experie-
tur autem ubi vel sibi commodare ejus
aliquid, vel nobis officere, inanissimâ
spe præceperit. Sed nec undecima ha-
bet quod admodum reprehendas. Ab-
bonis illa denuò est, si Dîs placet vatis,
qui Ademarum Eudoni consanguineum
fuisse raucet. Libenter in hoc Pradio
condescendimus, quin & Adelelmum
nexu eodem Eudoni addictum non infi-
ciamur. Verbo: quod unum ex his omni-
bus colligit Pradius, id nunc quidem
agnoscimus, *Robertum* Fortem cum Eu-
done, Ademarum cum Adelelmo, &
Gualtario qualicunq; propinquitatis ge-
nere sibi conjunctos fuisse. At quam
porrò ne&it stropham, ut unâ cum Ade-
maro cœteros quoq; Nebelongo in filios
adstruat: id verò est, quod concedere
nequaquam sustinemus. Nam Adema-
rus, qui Lampagiæ maritus, Adelelmi
frater fuit, cum Ademaro quem Neb-
longus filium, Tericus fratrem tulit,
commune præter nomen nihil habuit.

Aut si quid est Pradio, quo secus habuisse nobis persuadendum putet, rem gratam præstabit, si citò promat. Non igitur mordicus quidem nunc obnitemur, Ademarum & Adelelmum Roberto Forti fratres fuisse. Ultro sibi tantisper hoc ferat Pradius, nihil profuturum. Nam Robertum inde, pariterq; Ademarum Nebelongo dandos esse pernegamus. Equidem ut in hoc obfirmemur, non Eirannus modò, & qui huic seu frater seu patruus fuit Robertus ille alter, faciunt, qui Ademarum hunc, quod toties jam ursumus Nebelongo addici prohibent. Verùm inde etiam movemur, quòd per ea, quæ Pradius adstruxit, manifestum non fiat, germani aut consanguinei fratres fuerint Robertus, & Ademarum, & Adelelmus, an uterini tantùm. Quid enim vetat, tametsi quos cupit Pradius quatuor istos Nebelongo filios largiremur, ut quem superaddere pertendit quintum, Robertum videl. Fortem, cæterorum fratrem uterinum tantùm, Nebelongi privignum fuisse contendamus? Historiæ sane, quo secus credere jubeamur,

mur, nihil prodidere; Nebelongi filium dixere nullibi. Quin si dixissent, filium tamen persæpe pro privigno priscis dictum fuisse, paulò post de Hugone Abbate Roberti Fortis privigno verba faciens, Pradius ipse testis est. (c) Quidquid ergo ex his omnibus in rem suam facere Pradius diffusissimè causatur: id omne epilogismis nititur frivolis, & ratiocinationibus per ambages multimodè deductis, & nexu multifariam emendicato concatenatis; quod genus probationis ab hâc causâ jam tum sub ingressum tractationis adversarius ipse eliminavit. Sed nec ulla nos ad hæc omnia confugere cogit necessitas. Avunculos enim Ademarus & Adelelmum Eudoni concedere possumus, etiam Roberto Forti in fratrem negato. Poterant enim avunculi filiorum Roberti & per matrem esse. Imò favet hîc avunculi vox, genuino quippe significatu retinenda, quousq; loco motam clarissimè constiterit. Suboluit hoc jam pridem Bouchetio aliisq; , qui etiam in matre Eudonis, Roberti uxore indagandâ seduli fuere. Et prævidit hoc te-

lum Pradius; quare in Bouchetio refutando operosus fuit. (f) Quam igitur Roberto uxorem Eudoni matrem fuisse afferit, Adelaïs est, Hugonis Alsatiae ducis filia, Ermengardis, quæ Lothario Cæsari nupta fuit, soror. Rectè id an secus indagare huc non attinet. At illud unà demonstrandum erat Adelelmum cum Ademaro, Adelaïdis fratrem, Hugonis Alsatici filium, imò privignum non fuisse. Imò demonstrandum etiam erat, Ademarum & Adelelmum sorore aliquâ Roberti Fortis genitos non fuisse. Nam & hoc pacto consanguinitas Abboni laudata cum Eudone & Roberto ejus fratre constare poterit. Donec verò ista omnia exactissimè diluta sint, nihil egit Pradius. Quidquid garrit, quidquid argutatur, incertum est. At incertum hîc pronullo est. In causâ versamur, si, quæ in recessu fert, prospicias, omnium truculentissimâ, in quâ Pradio gratis nihil dari, nihil indulgeri queat. Quidquid locum hîc sibi vendicare cupit manifestum & evidens, & undequaq; irrefragabile sit necesse est. Rei enim agimur ab adversario

fario duro sanè & iniquissimo, qui omnium libertati per calumnias odiosissimas gravis incubat. Reorum itaq; commune beneficium nobis si quibus unquam, favere decet.

Rem ut compendifaciam, mitto hic illa, quæ aliunde adhuc suppetunt, & Nebelongum II. Roberti Fortis patrem esse non sinunt. Nam Saxonicum, hoc est, Teutonicum viri genus Aimoino disertè notatum, in Nebelongi, majoribus Galli, filium non cadit. Nec Pradius cum affeclis suis, unquam satis everterit, Teutonicâ origine Robertum fuisse. Deinde tutela Eudonis atq; Roberti, filiorum Roberti Fortis tum puorum, in Hugonem Abbatem fratrem uterinum, præteritis Nebelongo & Eccardo, tum adhuc, ut diu postea, vitali aurâ fruentibus, translata (g) aliud omnino suadet, quàm avum ipsis & proavum istos fuisse. Jam verò etiam Roberti Fortis, pro patriâ, quam toties servaverat, morte gloriosâ defuncti memoria in testamento Eccardi, inter eos, quorum animabus, piâ testatoris voluntate pro-

L s spectrum

spectum esse debebat, silentio omnimodè obvoluti, idem prodit. Quin si hic inter vitâ exutos nullam ibi mereri visus erat sui curam: orphanorum certè Eudonis atq; Roberti, proavito in testamento, tanti principis & opulenti, qualem Pradius nobis Eccardum vendit, rationem haberi congruum erat. Habitam non fuisse, quid aliud sibi vult, quàm eos nec ad Nebelongum, nec ad Eccardum, sanguinis quidem jure pertinuisse? Verùm hæc aliàs fortasse usu venient. Nunc frustra fuerim, si in re apertissimâ amplius satagerim. Id unum quod initio propositum erat demonstrare, quò hinc abeam repeto: Non liquet hæctenus Nebelongum Roberto Forti patrem fuisse.

(a) *Geneal. P. 2. sub Roberto Forti.*

(b) *Geneal. P. 1. sub Nebelongo II. in diplomate donationis quam Aledramnus Monasterio S. Dionysii fecit.*

(c) *Ibid. Qu'il fit une donation à la mesme Abbaye, le premier jour de May, de l'année 879. en la présence & du consentement des Princes Nebelong son pere & Adelelme son frere.*

(d) *Ibid.*

(d) *Ibid.* Diplomate Caroli Calvi dat. 4. Cal. Febr. Indiēt. 12. Ubi Nebelongus Comes, & P. 2. sub Roberto Forti, ubi Robertus frater, item sub Richardo Burg. duce, instrumento Cadilonis ablata restituentis, ubi Richardus & affinis Hector consensere, & aliis &c.

(c) *Geneal.* P. 2. sub Roberto Forte.

(f) *Ibid.*

(g) *Geneal.* P. 2. sub Roberto rege. Ce Prince demeurá dans sa plus tendre enfance sous la garde de Hugues surnommé l'Abbé son frere uterin, qui prit le soin de son education.

XIII.

An ab identitate Magistratuum gestorum, & possessionum privatarum, nec non cognominum, ad identitatem familiæ à Pradio recta fiat illatio?

IDentitatis vocem in tractatione ubi Grammaticorum cura nequaquam prima est, utcunq; non satis Latinam usur-

pare liceat. Restat igitur, quod ex superiore capite huc rejecimus examinandum, an quòd Childebrandini heroës, ut Pradius quidem orbem persuasum cupit, eadem cum Roberti Fortis posteritate territoria publica, prædiaque privata tenuerint, & Burgundicæ originis gentilitia cognomenta vulgò tulerint, ejusdem protinus familiæ utrinq; censendi sint? Nam territorii, aut Magistratûs identitatem quod attinet, præ cæteris octava huc autoritas ex annalibus Francorum Bertinianis Pradio in subsidium vocata est, quâ comitatum Augustodunensem (quem jam tum à Childebrando I. per Nebelongum I. & Childebrandum II. & Eccardum ad Nebelongum II. de manu in manum constanti possessione transmissum falsissimè asserit) (a) à Carolo Calvo in Robertum Fortem collatum esse discimus. Et quidem venisse Roberto momentaneâ possessione hunc comitatum non inficiamur. Ast hinc vel hili-um ejus quam Pradius nectit consequentiæ elici, duplici ratione vanissimum ostendimus. Primum quidem, quòd ex

Magi-

Magistratum inter Francos veteres gestorum identitate frustraneus omninò ad identitatem familiæ sit progressus. Deinde, quòd vel Nebelongi II. vel ullius ex ejus adscititiis majoribus, nedum omnium ac singulorum, quem diximus comitatum aliquando fuisse, nullo prorsus ad propositum faciente testimonio à Pradio quidem comprobetur.

Etenim quod prius istud concernit, si vetus apud Francos honorum & dignitatum, quibus nominibus Magistratûs, & ante cæteros, ducatûs ac comitatûs veniebant, eadem quæ hodiè fuisset ratio, quâ nobis patrimonii quodam jure censentur, familiarumq; seu feudi jure, seu allodii, perpetuæ sunt accessiones: esset fortasse, cur falsis suis assumptionibus furum coram ignaris affricare se posse, Pradius confidere auderet. Nunc verò cùm facie longè diversissimâ fuerint prisca illa: tota hæc tela incassum textitur. Ducatûs enim & comitatûs apud veteres Francos, ut plerasque alias Germanicas gentes, etsi sæpe in proles, non tamen necessariò continuatos, ac post fata vel

promotiones præsidum, ad liberam summi imperantis collationem reversiones esse, neminem in antiquitate vel mediocriter versatum latere potest. Unde memorabilis illa codicis Bojoarici lex est, quâ ducatus Bojoarico ut soli Agilolfingi præessent, singulari privilegio cautum fuit, nequam necessario, si communis omnium ducatum (par verò & comitatum causa fuit) conditio tulisset, ut à patre ad filios transferrentur. Lex ista sic habet: *Agilolfingi verò usq; ad ducem in quadruplum componuntur, quia summi principes inter vos sunt: Dux verò qui præest in populo, ille semper de genere Agilolfingiorum fuit, & esse debet; quia sic reges antecessores nostri concesserunt eis; qui de genere illorum fidelis erat & prudens, ipsum constituiebant ducem, ad regendum populum illum.* Imò ne vel sic quidem summi imperantis in transferendo ducatu Bojoarico arbitrium ad filios defunctorum restrictum fuisse, sed præteritis antecessorum liberis ad quemcunque de agnatione Agilolfingiâ regum electum pertinuisse, lex ista docet. Cæteros

teros ducatûs quod attinet , innumera suppeditant exempla veteres historiæ liberrimâ regum voluntate distributos fuisse. Primus verò Hugo Capetus in Galliâ; ut Caroli M. posteris folio avito deturbandis affeclas sibi pararet , quibuscunq; partes suas tventibus dignitates quas obtinebant , patrimoniales fecit ; dignis , qui in posteris pariter suis à Capeti illius progenie seculorum decursu malè partâ autoritate seriùs ocyùs exutis , & ad præsentem humilitatem depressis , facinoris in reges suos legitimos admissi præmium ferrent. Ut ne verò in asserendo isthoc regum priscorum arbitrio in diffusa abire necesse sit , vel solus Augustodunensis comitatus , de quo hîc res est , exemplo suo efficit. Nam ille à Carolo Calvo cuicunq; (certè nec Nebelungus II. is , neq; Eccardus fuit) ademptus in Robertum Fortem , inde in Ludovicum Balbum , dehinc præteritâ Roberti sobole omniq; agnatione in Theodericum quendam Camerarium collatus est , quod ipse Pradius autoritate de quâ agimus octavâ , & alio eorundem annalium

Berti-

Bertinianorum fragmento (b) quod in ruborem Pradii paulò post prodibit, demonstrat. Numeravit eo pacto comitatus Augustodunensis intra annos perquam paucos quatuor comites, comitumque, quod dilucidè ostendam, quatuor familias, idq; liberrimâ regum ordinatione. Inanissima igitur conclusio est: *Titius Sejo in ducatu vel comitatu successor datus; ergo Titius Seji filius aut gentilis fuit.* Quo solo vis omnis Pradianæ causationis dilabitur.

Jam verò ut ad alterum convertamur, ne constare quidem per Pradium, quòd comitatus Augustodunensis ulli ex Roberti Fortis majoribus, etiam adscititiis in lineâ rectâ, unquam conceditus fuerit, per singulos eundo facillimæ demonstrationis est. Isthoc verò antequàm ad lancem veritatis appendamus: pace lectoris brevissimâ digressionem explicabimus; quâ perversitate & fraude Pradius in ducibus comitibusq; suis creandis versari soleat. Pertinet huc ante omnes trabalis illa ineptia, quâ circa S. Guilielmum, Theoderici I, filium, Childebrandi I,

di I. nepotem ampullatur, qui cùm ipse in fundatione Monasterii S. Mariæ, paulò antequam seculo renuntiaret, non nisi comitem se tulerit, (c) ac reapse Marchio. (ea dignitas abolitis à Carolo M. ac Pipino Brevis paulatim ducatibus per ea tempora primùm orta fuerat) limitis Hispanici fuerit: dux tamen Aquitaniæ & Septimaniæ & Burgundiæ Pradio factus est. Imò ut manipulum unum amplius gloriæ Capetiniæ per falsa asserta adjiceret, magnicrepantibus verbis, sed impudentiâ, juxtâ & imprudentiâ insigni de eo enuntiavit (d) *universo Francorum regno sub Caroli M. propatruelis sui regimine imperâsse.* Crederes Herculem fuisse, qui Atlantem onere levârit. Quasi verò is fuisset Carolus M. qui ministro qualicunq; eatenus & se, & rerum clavum permisisset. At vide quàm Pradius scriptorum insipientissimus detecto mox fonte, unde ista malignè hauserat, ipse se prodat. E vestigio enim monumentum graphicum Monasterii Mariani subdit in hæc verba: *Juliofridus Abba consanguineus Caroli Imperatoris fecit testamen-*

mentum

mentum scribere, in quo continetur omnis HONOR, quem acquisivit S. Willelmus princeps, TOTIUS GALLIÆ finibus, à dominis & piissimis Karolo & Ludovico Imperatoribus. Hic verò quivis è ludo puer intelliget, aliud nihil ista velle, quàm variis à Carolo & Ludovico hinc inde per omnem Galliam muneribus, Magistratibusq; , seu civilibus seu militaribus, sive ordinariis, sive extra ordinem, diversis utiq; temporibus admotum fuisse S. Guilielmum. Imperii pro rege in universum regnum exerciti non nisi præposterè omninò judicii quisquam argumentum inde extorserit. Usque adeò pensi non habuit Pradius eâ fraude, & subiecto, qui fraudem nudare debebat latino textu, orbis totius sannas in se laceffere, ut credere omninò queas, vel ipsum omnino non intellexisse latina omni passim libro suo inferta, vel de lectoris stupiditate perversè nimis præsumpsisse. Pari autem fide ac fronte etiam per alia ejus generis progreditur. Ita enim Childebrandum II. cum Eccardo filio comitem Morivensem renuntiat,

(e) Ast

(e) Ast documentum, quod ex chartophylacio S. Dionysii eam in rem produxit, præter jus venandi atq; piscandi in modico istius pagi districtu eis adscribit nihil. Ita eundem Eccardum comitem proclamat Matisconensem & Cabillonensem. (f) Et tamen instrumentum donationis Monasterio Floriacensi factæ, quod paulò post ab eo in testimonium advocatur, non nisi vicos numero paucos cum suis colonis intra pagum Matisconensem & Cabillonensem sitos, jure patrimonii & omnimodæ proprietatis, non principis arbitrio publicum in munus, ut comitatûs aliq; honores publici solent, ipsius fuisse exhibent. Ita porro Nebelongum II. inter alia comitatu quoque augeat Altifiodorensi & Vexinensi, cum tamen diploma Caroli Calvi, quod eò trahit, nihil aliud prodat, quàm triginta omnino rusticos cum suis prædiis per utrumq; comitatum ei mancipatos. (g) Ita Aledramnum Laudunensem laudat comitem, nixus instrumento donationis; unde aliud nihil elici potest, quàm prædiorum paucorum dominio privatim.

ibi gaviſum. Ita eodem fretus inſtru-
mento Aledramno in iſthoc comitatu ſo-
cium jungit Adelelmum; qui tamen non
niſi in ſimplicem teſtem ſubſcriptus eſt.
(h) Et quamvis alibi diploma Caroli
Calvi in ſubſidium vocetur: (i) ex illo
tamen aliud diſcere non poſſis, quàm
Adelelmo comiti (ubi comes fuerit non
exprimitur) duas illic Eccleſias beneficio
regis, ſeparatâ utiq; à comitatu ratione,
addictas. Ita deniq; ex teſtamento Ec-
cardi ait, patere, principem hunc, (qua-
lem ſcilicet Pradio creandi juſ eſt) fuiſſe
unum ex potentiffimis, atq; ditiffimis
Galliæ proceribus. (k) At verò quid
cum hoc homine agas, qui tam ſine vere-
cundiâ quasvis nobis fabulas, & inanis
cerebri ſui ſomnia vendit, eademq; mox
ipſe deſtruit? Tabulæ enim quas laudat,
præter villam Patriciacum & alia non-
nulla, quæ in inſtrumento donationis
Eccardinæ paulò antè allegato, utcunq;
diſertiùs explicantur, & ex quibus modi-
ci ſplendoris cœnobium Patriciacenſe
ſurrexiſſe comprehendimus, nihil oſten-
tat ampliùs, quàm ſupellectilem itidem
modi-

modicam, & hodiè ne equestris quidem ordinis viro mediocriter opulento invidendam. Hujusmodi autem ferculis passim nos mactat opus Pradii genealogicum. Sed pauca ista fatis sint, quò methodum, quâ in asserendo Capetinis suis Burgundiæ patrimonio & Augustodunensi comitatu, (quod nescio, quâ percitus manîâ deperit,) posthac versatur, lectori prænôsse detur.

Nam ut nunc citra ambages illuc accedam, quò mercedem suam à vetustate commendet, ipsum jam tum Pipinum Crassum Campaniæ Burgundiæq; ducatûs jure patrimoniali tenuisse jactat fabulator noster, quo nihil quidem futilius effutire poterat. Austrasiis enim originibus cùm tota fuerit Arnolfinia domus, quod nec ipse de Arnolfo verba faciens tacere potuit, quid ad eum Burgundia? sed & aliundè facillimum ostensu esset, Pipinum paternâ successionè Franciæ orientalis, hoc est, Franconiæ Hassiæq; & Montensium, avitâ verò per matrem Beggam, tractûs inter Mosam, Arduennam atq; Oceanum, etiam invi-

tis regibus, ultrò se subdentibus per factiones populis, quòd jam Austrasios inter & Neustrios dissensiones in summo essent, ducem fuisse. Quin etiam ipse cum Pradius linguâ patriâq; Germanum fuisse testis est. (1) At prætextus, quò nobis imponere nititur, is est, quòd Pipinus filium Drogonem Burgundiæ atq; Campaniæ præfecerit, quòd quidem extra controversiam est. (m) At tacet subdolè, factum id esse à Pipino, non quòd istos ducatûs patrimonii jure suos unquam numerâffet; verùm pro potestate Præfecturæ Palatii, quâ jam tum absolutâ pollebat, eâq; fretus, ducatûs juxtâ & comitatûs quosvis rectoribus viduatos, suo arbitrio in alios transferebat. Contrarium verò persuasum vafre nobis ideò voluit Pradius, quòd speraret, leviori deinde operâ adduci lectorem posse, ut Childebrandum, quem scil. Drogoni fratrem jungit legitimum, in Burgundiam & hæreditario quidem jure successisse crederet.

Post Pipinum enim cum hoc ipso Childebrando pergit noster, propè dixerim deli-

delirare. (n) *Childebrandus*, inquit, *Dux Burgundiæ frater fuit Caroli Martelli*, & possedit comitatum *Augustodunensem* post mortem nepotum suorum, ex fratre *Drogone*, cui soli jus erat in eâ provinciâ, velut patrimonio patris *Pipini* titulum *Ducis ac Marchionis* conferendi. Quid hæc sibi ultima velint, Jovem lapidem juravero, si scriptor ipse noverit. Nam & *Marchiones* tum quidem nec dum erant, & qui deinde in hoc nomen successerunt, hodieq; etiam apud *Germanos* florent, à modernis *Gallorum Marquisiis*, quantum *Titanes* à *Pygmæis* distabant. Neq; etiam usq; adeò insanire arbitror *Pradium*, ut duci sub *Francorum* vetusto imperio, alios sibi duces in ducatu suo, & quidem rege, aut qui pro rege erat, *Palatii Magistro* non salutato, aut substituendi, aut communicatâ potestate allegendi jus fuisse putet. Intereâ textûs ex *Fredegarii* continuatore (o) quos *Childebrando* in ducem *Burgundiæ* elevando adducit, aliud nihil exhibent, quàm *Childebrandum* à *Carolo Martello* *Burgundis* rebellibus

tis regibus, ultrò se subdentibus per factiones populis, quòd jam Austrasios inter & Neustrios dissensiones in summo essent, ducem fuisse. Quin etiam ipse cum Pradius linguâ patriâq; Germanum fuisse testis est. (1) At prætextus, quo nobis imponere nititur, is est, quòd Pipinus filium Drogonem Burgundiæ atq; Campaniæ præfecerit, quod quidem extra controversiam est. (m) At tacet subdolè, factum id esse à Pipino, non quòd istos ducatûs patrimonii jure suos unquam numerâset; verùm pro potestate Præfecturæ Palatii, quâ jam tum absolutâ pollebat, eâq; fretus, ducatûs juxtâ & comitatûs quosvis rectoribus viduatos, suo arbitrio in alios transferebat. Contrarium verò persuasum vafre nobis ideò voluit Pradius, quòd speraret, leviori deinde operâ adduci lectorem posse, ut Childebrandum, quem scil. Drogoni fratrem jungit legitimum, in Burgundiam & hæreditario quidem jure successisse crederet.

Post Pipinum enim cum hoc ipso Childebrando pergit noster, propè dixerim deli-

delirare. (n) *Childebrandus*, inquit, *Dux Burgundiæ frater fuit Caroli Martelli*, & *possedit comitatum Augustodunensem post mortem nepotum suorum, ex fratre Drogone, cui soli jus erat in eâ provinciâ, velut patrimonio patris Pipini titulum Ducis ac Marchionis conferendi.* Quid hæc sibi ultima velint, Jovem lapidem juraverò, si scriptor ipse noverit. Nam & Marchiones tum quidem nec dum erant, & qui deinde in hoc nomen successerunt, hodieq; etiam apud Germanos florent, à modernis Gallorum Marquisiis, quantum Titanes à Pygmæis distabant. Neq; etiam usq; adeò insanire arbitror Pradium, ut duci sub Francorum vetusto imperio, alios sibi duces in ducatu suo, & quidem rege, aut qui pro rege erat, Palatii Magistro non salutato, aut substituendi, aut communicatâ potestate allegendi jus fuisse putet. Intereâ textûs ex Fredegarii continuatore (o) quos Childebrando in ducem Burgundiæ elevando adducit, aliud nihil exhibent, quàm Childebrandum à Carolo Martello Burgundis rebellibus

coërcendis, cum exercitu missum, atque aliâ iterum vice Pipino Martelli filio adversus eosdem moventi, inter reliquos procures comitem fuisse. Utroq; loco dux quidem dicitur historico. At provinciæ cui præfuerit, nullum ibi, sed nec alibi vestigium invenire est. In ambiguo verò etiam manet, an à ducatu, an ab exercitûs ductu, ducis ibi nomen à scriptore sortitus sit. Sed neq; ab eo ipso exercitu in Burgundos ducto, argumentum ad ipsam ducatûs administrationem rectè quisquam formaverit, nisi pariter & Pipinum Brevem cum Childebrando ejusdem provinciæ ducem fuisse velit. Ipse deniq; Fredegarii Continuator ad calcem historiæ suæ, non nisi comitem dicit Childebrandum. *Vir, inquit, Childebrandus comes avunculus prædicti regis Pipini hanc historiam vel gesta Francorum diligentissimè scribi procuravit.*

Jam verò hoc pacto Burgundiæ ducatu exclusum Childebrandum, quibus adminiculis saltem Augustodunensium rebus inferat, scire gestirem. Monumentum

mentum enim quod ex Chartophylacio Cœnobii Flaviniacensis nobis exhibet, ejus nihil habet. Verba quæ Pradius illuc trahere videtur, (p) sequentia sunt: *Et dono ipsis Monachis successoribusq; locum omnem patrimoniam hereditatem, quâ potior in villâ Miardo jacentem in comitatu Alsensi.* Mitto nunc quid sibi villa Miardo & comitatus Alsensis velint, & an cum Augustodunensi, cui non repugnamus quid commune habeant. Cœterum nihil inde aliud discimus, quàm à Childebrando res quasdam patrimoniales, eo in comitatu fitas, in cœnobium collatas. A re autem patrimoniali, quali per omnem hinc inde Galliam quisque gaudere poterat, ad comitatum ipsum, qui Magistratus erat, regisq; beneficium, non patrimonium, nemo nisi fatuus illationem fecerit. Neq; magis opitulatur Pradio documentum ex archivo Patriciacensi petatum, quod (q) sub Eccardo suo refert, ubi hæc leguntur. *Et requirebat ei, quòd illas res, quæ sunt in pago Augustodunense in villa Balgiaco, quem Carolus Hillebranno beneficia verat,*

de villa Patriciaco ipsius Amelius posse ordinatè retinebat, ipsas res sic interrogatum fuit, ipsius Amelio de ipsa causa &c. Nam vel Oedipo labor haud tralatitius fuerit, quid hoc sibi chaos implexarum locutionum velit fecernere. Illud tamen è tantâ caligine utcunq; satis translucet, Balgiacum vicum vel oppidum Childebrando à Carolo Martello sub nexu feudali commissum fuisse. Sed peculiare feudum hoc fuit, intra limites comitatûs Augustodunensis situm, nec cum eo aliam habens affinitatem, quàm quòd Comitibus jurisdictioni privatorum prædiorum jure subiectum esset. Ejus autem dominium directum Martelli patrimonium erat. Ipsa etiam causa hoc manifestum facit. Lis enim Nebelongo Childebrandi alicujus filio erat, cum Amelio homine privato, circa res feudales in comitatu Augustodunensi sitas. Convénit cum igitur coram Comite Augustodunense Theoderico. Quis verò hinc evicerit comitatum ipsum Childebrando in feudum venisse? Firmantur hæc eadem diplomate Pipini Aquitaniæ regis, Ludovi-

dovico Pio geniti, qui Martelli abnepos cum esset, feudi istius dominium directum, patrimonio privato & peculiariter consecutus erat, idque in Eccardi, qui Childebrandi primi pronepos fuit, gratiam nexu beneficiario solvit, vasalloq; in plenum dominium attribuit. At nec Pipinus iste Comes Augustodunensis, nec comitatus ipse regno ejus, quod Aquitania circumscribebatur, comprehensus erat. Perspicuum igitur hinc fit, dominium Patriciacense Martelli beneficium privatum, à comitatu Augustodunensi, si jurisdictionem, quā ceu prædia privata quælibet, Comiti tenebatur excipias, undiq; diversum fuisse.

Clariùs ea omnia elucescent, ubi ne quidem Nebelongum Childebrandi I filium Augustodunensium Comitem fuisse lector didicerit. Adversari huic assertioni ab ipso statim limine videtur, memorati diplomatis exordium in hæc verba conceptum: *Notitia qualiter & quibus presentibus; qui subter firmaverunt, veniens Fulchardus Advocatus Illustri viro Nivelungo comiti in Augustoduno ci-*

*vitae, in causâ ipsius Illustri viro Nive-
lungo, ante illustrem virum Theoderico
comiti & reliquis quampluribus personis &c.*
Aft genuinus hujus initii sensus ab ipsâ
fronte obvius iste est: *Nebelongi Comititis*
(ubi Comes fuerit, id hinc quidem nun-
quam eruas) *advocatum comparuisse in
civitate Augustodunensi, coram comite lo-
ci Theoderico.* Prædius ut hunc scopu-
lum e minus prævisum evitaret, magnâ
confidentiâ ausus est asserere, ambos ei-
dem comitatu præfuisse. Verum id nul-
lo comprobatum indicio, solâ fide suâ
stare jubet, cujus apud prudentes quosq;
jacturam jam pridem fecit.

Childebrandum dehinc secundum Ne-
belongi I. filium ut post patrem in Co-
mitem Augustodunensem promoveat, re-
fert se ad documenta Prioratûs Patricia-
censis à Perardo in volumen antiquita-
tum Burgundicarum congesta, & ad ali-
ud Ecclesiæ Cathedralis Augustodunen-
sis monumentum, quod inter Meulnerii
antiquitates Augustodunenses extare as-
serit. Hæc ad manum nobis non sunt;
calculum itaq; suspendimus. Ut omnia
rectè

rectè pro Pradio se habeant, unum solum ex adscititiis Roberti Fortis majoribus Augustoduno præfuisse, tandem aliquando evicerit, quod in hâc causâ pro nihilo est. Nec enim ideò probaverit nobis, Robertum Fortem, quod caput est proavo Nebelongo primo satum. Veruntamen si dicere licet, quod sentio, cum tot inania, & ad rem ne hilum quidem facientia, magnâ lectoris dividiâ in chartam conjecerit instrumenta, documenta, testamenta: profectò si Perardiana illa & Meusneriana pretii vel minimi esse judicâisset; iis similiter in lucem proferendis & chartæ, & operæ, & lectori nequaquam pepercisset.

Jam verò quæ pro Eccardo, quem Childebrando II. filium dat, haud modico molimine nobis objicit, quò Comitem Augustodunensem exire faciat: quantumcunq; & quomodocunq; versaveris, nihil inde aliud exhibit, quàm dominium Patriciacense in territorio Augustodunensi situm, ab Eccardo isthoc primùm sub feudi aviti nexu, deinde pro allodio possessum fuisse; quod ad comitatum

Augustodunensem nullâ prorsus veri specie extendi potest. Paucis hoc assero & confidenter; certus ita rem se habere, & quia piget testamenti Eccardini, quonititur, barbaros fœtores lectori denuo objicere.

Sed mirum quâ temeritatē etiam Nebelongum II. quem nullo argumento Eccardi filium demonstrare potuit, nunc in album Comitum Augustodunensium referre ausus sit! Unicum Caroli Calvi diploma in eam rem proponit 13. Jan. an. 843, conscriptum. (r) Sed illud Nebelongo huic intra fines istius comitatûs, præter mansa decem cum Capellâ constructâ in honore S. Martini super fluvium Cort, ne atomum quidem attribuit. Idemne verò est Comitem Augustodunensem esse, quod decem rusticorum in eo districtu jure privato dominum?

Nihil igitur est, quidquid Pradius molitur, quando quos Roberto Forti majores affingit Pipino Crasso per Childebrandum filium, ac Nebelongum nepotem, ut ipse quidem cupit, ortos, in comites Augustodunenses, ducesq; Burgundiæ

gundia nobis obtrudere contendit. Frustra etiam omninò est, quando qui ex Roberto Forti processerunt, Burgundico Magistratu functi, eadem cum superioribus familiâ fatos inde concludit. Quàm enim hiet ista assertio, jam prorsus in aprico est, postquam ne unum quidem ex omnibus Childebrandinæ propaginis eò loci provehere dignis rationibus potuit. Robertum cum ipsum tandem Hugonis Capeti proavum comitatus Augustodunensi impositum fuisse, disertim aliquando invenimus. Ita enim Annales Bertiniani ad nos transmissi sunt sub an. 864. Veruntamen hanc possessionem è re suâ fore Pradius frustra speret. Tantum id abest, ut inimica hîc quoq; fata proprias in eum copias arment. Perspicuæ enim demonstratio est, quàm Eccardum, tam Nebelongum Augustoduno nunquam admotum, quòd illis vivis Robertum, quem Pradius nepotem illis & filium affingit (quamobrem etiam apud ipsum hæc ratio plurimi esse debet) eidem aliquando à Carolo Calvo præfectum fuisse certum sit.

Quis enim nisi manifestis persuasus rationibus credere sustineat, avum simul patremq; (id enim consequeretur) dignitate se abdicasse, eamq; filium, eundemq; nepotem ornasse? Quis ut hoc detur, in animum inducat suum credere, Roberto jus fuisse, ut quæ beneficio arbitrioq; liberrimo patris aviq; consecutus erat ornamenta, & quidem familiæ, ut Pradius contendit, mancipata, ea si fastidiret, præteritis iisdem, vitali adhuc aurâ fruentibus, eorumq; numerosâ prole masculâ, fratribus, quos ei Pradius tribuit, in alios, Ludovicum utiq; Balbum transferret? Ex quibus illud apud quosq; veri amantes arbitros confectaneum prorsus sit, nec ab Eccardo, nec à Nebelongo pervenisse ad Robertum Fortem comitatûs Augustodunensis possessionem. Sed nec è longinquo accersendi sunt alij illi, qui ante Robertum cùm possiderent, novo possessori comitatu cedere jussi sunt. Bernardus enim is fuit, Bernardi filius, limitis Hispanici, ut frater paterq; & avus S. Guilielmus Comes, cui honoribus omnibus, eosq; inter comitatu

tatū etiam Auguſtodunenſi ob delictum exuto, Carolus Calvus ſucceſſorem in hocce dedit Robertum. Annales Bertiniani, quos Pradius autoritate ſua octavâ (s) quam hîc verſamus, dedit, id perſpicuè docent. Sic verò ajunt: *Anno DCCCLXIV. Bernardus Bernardi quondam tyranni carne & moribus filius &c. fugâ ſibi conſuluit, unde judicio ſuorum fidelium honores (Carolus Calvus) rex recepit, & Rodberto fideli ſuo donavit.* Negat Pradius horum numero honorum Auguſtodunenſem comitatum veniſſe. At convincitur, quòd Bernardus eundem mox iterum illatâ vi ſui juris fecerit. Ita enim pergunt annales: *An. DCCCLXVI. (Carolus Rex) comitatum quoq; Auguſtidunenſem à BERNARDO filio Bernardi SUPER RODBERTUM OCCUPATUM, Ludovico filio ſuo ipſius Rodberti conſilio ad eum ditandum commiſit.* Etiam verò hîc obniti audet Pradius & negare, ideò à Bernardo vi ereptum Roberto comitatum, quòd priùs ſuum tenuiſſet, ſed vindictæ cujuſcunq; in Robertum ſtimulo. Verùm facile nobis

esset testatum reddere, & fratrem Bernardi, & patrem Augustodunensibus præfuisse. Ipse Pradius nobis præit, quando Bernardum hunc & fratrem Guilielmum II. & patrem Bernardum I. Camerarium & avum S. Guilielmum disertim Duces Burgundiæ, Theodericum verò proavum specialiter Comitem Augustodunensium dicit. Quin cùm honores suos Bernardus iste secundus partim trans Ligerim, partim in Burgundiâ Pradio sic iterum docente numeraverit, (t) nec Robertus Fortis Transligeranos illos consecutus sit, quod ex historiis constat: necesse est, nisi annales Bertiniani omnino fallant, saltem Burgundicos ei à Carolo Calvo additos fuisse. Sed mittamus ista, cùm soli annales illi abundè sint homini convincendo. Nisi enim veterator, quæ illi mox suppeditant, hoc loco vafre prætermisisset: poterat res è vestigio clarissima prodire. Nec tamen quivit sibi temperare stupidissimus bipedum, quin alibi eâ produceret (u) quæ sempiternum impudenti ruborem excutiant. Annales enim porro
inquiunt

inquiunt sub anno 878. *In Crastino Ludovicus rex &c.* (Balbus is erat Calvi filius) *cum consilio ipsorum consiliariorum suorum dispartitus est honores Bernardi Gothiæ Markionis per Theodericum Camerarium & Bernardum comitem Arvernium.* Inter honores autem eâ largitione in Theodericum collatos comitatus Augustodunensis mox ad annum 879. disertè collocatur. Ita enim pergunt annales: *Hugonem Abbatem & Bozonem & præfatum Bernardum (Arvernium) cum filio suo, sed & Theodericum cum sociis suis, Augustodunum misit (Ludovicus Balbus) quatenus ipsum comitatum ad opus Theoderici, cui antea illud dederat, evindicarent.* Clarissimus hic textus est, & si cœtera omnia abessent, vel solus idoneus, qui evincat, Augustodunensem comitatum non nisi Bernardo Bernardi filio bonis omnibus ac dignitatibus dejecto, ad Robertum Fortem primò, deinde ad Ludovicum Balbum, deniq; ad Theodericum Camerarium pervenisse, ut adeò falsius nihil sit, quàm Roberto jus in eum, vel à Nebelongo II. vel ab

Eccardo, vel à quibuscunq; , seu veris, seu supposititiis majoribus obtigisse. Imò ne ipse quidem ut patuit, in posteros eum suos transmisit Robertus. Sed si quibus eorum seris annis aliquid, sive illic, sive & in cœterâ Burgundiâ accessit : id diversis, & ab eorum sanguine alienis possessoribus interjectis jure prorsus novo contigit.

At ne hîc cavillationis quidquam Prædio remaneat, tanquam Theodericus iste Camerarius, quem Ludovicus Balbus Augustoduno auctum voluit, quique cum comitatum in posteros transmisit, Roberti Fortis patruus, Nebelongi II. frater, Eccardi filius fuisset, ut vel sic familiæ mancipatam fuisse eam provinciam (quod tamen ad rei cardinem nihil conferret) nobis persuadeat : repetenda huc sunt è capite superiore ea omnia, quibus Robertus Fortis à sanguine Nebelongi atq; Eccardi exemptus, Eccardo etiam soboles legitima, quam Prædium supposuit, erepta omnis est. Præterea quoq; mente reposcendum, tres nobis Theodericos testamento Eccardi, quo Prædium

Pradius unicè nititur, suppeditari, inter se diversos, quorum duos Pradius in unum confundit, eumq; Theodericum Richardum, & hunc ipsum cui à Ludovico Balbo comitatus Augustodunensis & ab Eccardo testamenti executio commissa sit. Ego quidem facilè concesserim, Theoderico Augustodunensi Comiti testamenti executionem, quòd bona testatoris ejus in territorio sita essent, conceditam. Ast eundem testatoris Eccardi filium fuisse, nullâ nobis ratione persuaserit. Neque satis est, quòd Theodericus iste Camerarius, ut Pradius alicubi ostendit (x) post Eccardi fata, ditionem Patriciacensem, cœnobitis ab Eccardo transcriptam sui j^{uris} fecerit, ut filium fuisse exin perspicuum fiat. Quo enim titulo, quòve jure aut injuriâ factum id sit, cùm multa esse queant; nec eorum quidquam diplomate, quod affertur, expressum sit: nostrum non est ut definiamus, *pro filio* captam fuisse possessionem. Neq; magis refert, quòd Theodericus idem hæredes suos, filium videlicet suum Theodericum alium, & Ursonem generum

eadem prædia in partem hereditatis pervadere jufferit, tanquam avita scilicet si Pradio credimus, bona. Neq; enim illa hereditatis vox diplomati indefinitè inserta ad avitam restringi postulat, cum pro paternâ esse possit, à Theoderico nimirum isto, de quo hîc res est, Camerario velut à patre focero, ad filium generumq; profecta.

Inanissimum igitur est illud omne, quod Pradius ex identitate honorum sive magistratuum, à Childebrandi I. posteritate in Robertum Fortem regesq; Capetinos deducere constituit patrocinium. Sed privatarum possessionum eadem est infelicitas; in quo tamen demonstrando non est, ut operam multis ludamus. Nec enim constat ullo teste, earum vel unicam, quam Childebrandinæ progeniei fuisse certum sit, ad Capetinos pervenisse. Quod unum satis esse ad propositum nostrum potest, donec Pradio libuerit, ex abyssu antiquitatis, quam scil. annorum plurimorum frustraneo labore totam exhausit, certius aliquid in lucem proferre. Nam quod de Patri-

ciaco

ciaco per Theodericum Camerarium, ut modò perhibuimus, malè usurpato ingerere quisquam posset, tanquam à Childebrandinis, (quos usq; ad Eccardum interim agnoscimus) ad Theodericum hunc, Roberti Fortis supposititium patrum transmissio: id locum hîc sibi polliceri nequit. Nec enim inde ritè concluderis, eandem Theoderici, quam Childebrandi familiam fuisse, tùm quòd momentanea propè, tùm quòd vulturia & iniqua possessio fuerit; imò etiam, quòd nihil ejus ad Robertinos seu Capetinos, quorum causa hîc agitur, exinde pervernerit. Deniq;, quòd nec idoneum prætereà quidquam prodierit, quo agnatio ista, vel verisimilis tantùm redderetur.

Verùm hîc novus ex insperato labor succedit. Prædius enim ut Theoderici Camerarii filium Richardum Burgundiæ seu ducem, seu Marchionem, Eudoni Roberti filio agnatum faciat, eoq; pacto Robertinæ domûs easdem cum Richardo & Theoderico origines à Childebrando I. deductas, eandemq; Burgundici ducatûs possessionem fuisse adhuc per-
tendat:

tendat: acervum diplomatum regionum sub Roberto Eudonis fratre, Fortis filio novum struit, lectoremq; diffusissimâ lectione obruens circumvenire iterum fatagit. Sed & hoc frustra. Præterquàm enim quòd illuc semper recurramus, quod toties diximus, non constare Theodericum Camerarium cum Richardo filio Childebrandinis majoribus descendisse, quo ipso omnis Pradii conatus disperit: faxo etiam nihil ut istis diplomatibus egerit, quàm ut immanem ac sine exemplo in quoquam scriptorum impudentiam in propatulo constituuisse denuò deprehendatur. Quam in rem orbem judicem compello. Ita enim se habet:

Primo horum diplomatum discimus, ait Pradius, (y) Eudonem regem Roberti Augustodunensium comitis cognomento Fortis, filium primogenitum ratihabuisse an 889. omnes donationes, quas majores ejus monasterio S. Mariæ & S. Philiberti fecerunt. Et tamen diploma illud majorum Eudonis regis ne verbo quidem meminit, sed antecessorum, (z) & illorum quidem, qui in regno præcesserant, non qui in comi-

comitatu. Nec enim horum erat, sed regum, privilegia cujusmodi hoc diploma exhibet concedere. Quin etsi largiremur, quod fieri non potest, antecessores in magistratu provinciali intelligi: minimè tamen inde confeceris, eosdem & majores Eudonis fuisse. Quàm igitur indigna fraus est, pro *antecessoribus* latinæ forsan linguæ ignaro lectori *maiores* venditare? Quàm verò insignis protervia, illorum qui gnari sunt, iudicium non vereri? Sed parùm hoc est ad secutura.

Pergit enim: (aa) *Altero diplomate constat Robertum ducem fratrem Eudonis, ducemq; Richardum propinquum ejus confirmasse anno 915. tanquam comites superioris Burgundiæ eas ipsas donationes, & Carolum Simplicem subscriptione & sigillo suo robur addidisse.* At nihil falsius à quantumcunq; professæ perversitatis balatrone dici poterat. Nulla enim toto diplomate Roberti Richardive Ducum confirmatio, vel per somnium cuiquam uspiam se offert. Et Carolus Rex, tantùm abest, ut solâ subscriptione & sub-

signa-

signatione robur alienæ gratiæ addiderit, ut totum diploma ipsius sit, Ducumque quos celebrat Pradius vix tenuis per transfennam commemoratio. Pauca quædam inde huc vocata tot Pradio rubores, si quos adhuc habet reliquos, excutient, quot totum diploma, propè dixerim, syllabas numerat. *Intimante* (ait Carolus rex) *Wicheramno venerabili abbate, nec non & deprecante venerando comite Richardo, seu fideli nostro Rotberto, quatenus præcepta, quæ fecerunt antecessores nostri, corroboraremus.* Hic velut in speculo turpitudinem facinoris tui contuere Pradi, & execrare, quâ Regum priscorum diplomata, ut modernos palpare speciosius possis, temerare audes, insolentiam. *Deprecari* enim Regem, ut privilegia corroboraret, *ab antecessoribus suis* Regibus concessa, hocine verò tibi est privilegia *deprecantium autoritate ferri?* Ubi nunc frons tua falsarie? imò dic, ubi sunt, quos tu creas Duces tui Richardus & Robertus, qui in regio instrumento, & solenni quidem illo vix Comites audiunt? Disce etiam verò, Regibus, qualis

lis

lis & paulò antè Eudo fuit, ubi de antecessoribus loquuntur, Reges intelligi, non majores, nisi aliunde constet, eosdem & antecessores in republicâ gerendâ, & unâ etiam progenitores fuisse. Ut enim paulò antè Eudo, ita hîc Carolus Rex loquitur, cui Burgundiæ ducatus, quod de Eudone causari tuo more forsan poteras, nisi regiâ universali curâ addictus non fuit. Iterum verò ediffere; antecessorum Regum præcepta corroborare, hoc-cine est, Roberti atq; Richardi, quod tu aïs, Ducum Principumq; declarationi & confirmationi, id est, alieno beneficio, simplex subscribendo robur addere? Richardus verò & Robertus anne Caroli antecessores erant? Etiam verò hoc modicum adhuc est.

Ita enim porrò prosequitur: *Tertio & quarto diplomate, docemur, regem Rudolphum Richardi filium, & Hugonem Capetum Roberti nepotem, ratihabuisse easdem donationes anno 924. & 928. TAN- QUAM EORUNDEM PRINCIPUM HÆREDES.* (bb) Ratihabuisse certum est. Reges enim seu jure seu injuriâ habeban-

bebantur. Regum verò ex more erat antecessorum suorum acta confirmare. At verò, an tu, *tanquam Richardi atque Roberti hæredes ratihabuisse?* Audi, quàm ipse tuus te iste Rudolphus veteratorem atq; falsarium orbi universo in spectaculum det. Bis enim ille disertissimè contrarium contestatur. *Præcepta*, inquit, *quæ ejusdem loci Abbates sui videlicet antecessores, à REGIBUS & IMPERATORIBUS nostris prædecessoribus acceperant &c.* Et mox iterum *Confirmamus eis dato hoc præcepto, quæ ab ALIIS sunt REGIBUS data vel concessa.* Explicatiùs adhuc Hugo etiam Capetus, ait: *Quapropter noverit &c. quoniam adiit nostræ celsitudinis clementiam Odo venerabilis Abbas, humiliter supplicando efflagitans, quatenus præcepta quæ antecessores nostri FRANCORUM scil. REGES fecerunt præcepto nostræ autoritatis corroboraremus.* Numne verò quod reges Francorum & Imperatores præceperant, hoc tibi à successoribus eorum Rudolpho & Hugone Capeto, *tanquam hæredibus*, (in hoc enim vim tuæ argutatio-

nis collocas) Richardi atq; Roberti Comitum ratihabitus videtur? Profectò Pradi, si vel mica tibi, jam non dicam pudoris, sed sanæ mentis superest, cavebis seculum, imò cavebis sacram Regum tuorum purpuram, quam externi haud paulò quàm tu sincerius puriusq; suspicimus ac veneramur, trabalibus tuis mendaciis ac fraudibus posthac temerare. Nisi ægrotantis causæ tuæ miserrimam conditionem pernovisses, ei curandæ falsariis istis ac veteratoriis artibus operam sanè nunquam dedisses. Nunc bonum factum, quòd proderet causam, quàm deferere malueris.

Sola nunc restat Burgundionum cognominatio, Roberti Fortis posteris, imprimis Robertò Pio Regi vulgò tributa. Spectant eò tùm aliæ nonnullæ, levissimi tamen ponderis, nec responso dignæ autoritates: tùm præcipuè quarta decima. Hæc enim testimonium Hugonis de Cleriis exhibet, qui Robertum Pium à refractariis quibusdam Burgundionem per contemptum dictum fuisse asserit. Id Pradius eò facere pertendit, ut quando-

quidem

quidem Burgundiones fuerint, & Robertus iste, & pater Hugo Capetus, doctos nos cupiât, patrimonium eorum avitum Burgundiam fuisse, ipsos etiam majoribus Childebrandinis, Burgundiæ scil. itidem Ducibus, Comitibusve ortos. Verùm epilogismus iste per se inanissimus, inde etiam concidit, quòd Childebrandinis per Nebelongum I. descendantibus quidquam in Burgundiâ fuisse, præter modica prædia privata, quæ ipsa tamen etiam ad Robertinos non pervenere, nullo hætenus argumento, quod jam demonstravimus prodierit; tum verò etiam, quòd ut Hugo Capetus cum sobole Burgundici cognomen specie qualicunq; ferret: multò quam ista propior fuerit occasio, Burgundia scil. ab Hugone M. Capeti patre, à Roberto Rege avo, ab Eudone propatruo, & à Roberto Forte proavo in partibus administrata; quod non inficiamur. Sed titulos administrationis jure successionis per Childebrandinum traducem, ad ipsos pervenisse, eòq; ut cognomini sua ratio constet, ad superiores Burgundiæ Præsides recurrendum

dum esse : hoc verò est, quod neq; nos unquam dabimus, nec Pradius unquam pervincet.

- (a) *Geneal. P. 2. sub Roberto Forti.*
Nous apprenons par la huitieme de ces autorités, que le duc Robert possédoit le Comté d'Autun, ou le même Eccard & tous ses ancestres avoient commandé de Pere en fils.
- (b) *Quod allegatur geneal. P. 2. sub Theodericq.*
- (c) *Gen. P. 1. sub Bernardo.*
- (d) *Gen. P. 1. sub S. Guilielmo : S. Guillaume duc d'Aquitaine, de Septimanie & de Bourgogne, commandoit à toute la France, pendant le regne de l'Empereur Charles magne son cousin, issu de Germain.*
- (e) *Gen. P. 1. sub Childebr. II.*
- (f) *Gen. P. 1. sub Eccardo.*
- (g) *Ibid sub Nebelongo II.*
- (h) *Ibid. Charles le Chauve luy donna le Comté de Laon, où son frere Aldramne commandoit encore avec luy dont nous avons les preuves par les anciens-*

anciennes chartes de l'Abbaye de S. Denys.

- (i) *Gen. P. 2. sub Roberto Forti auctoritate sextà.*
- (k) *Gen. P. 1. sub Eccardo versùs calcem. Il fit le testament &c. où nous apprenons, que ce prince estoit un des plus puissants, & des plus riches seigneurs de France.*
- (l) *Gen. P. 1. sub Childebrando II. Qui sont des noms propres dela Germanie, dont le duc Pepin tiroit son origine.*
- (m) *Ann. Met. an. 693. Francorum imperium Pipinus mirifico ordine disponebat. Igitur Drogonem primogenitum suum ducem posuit Burgundionum. Et Fredegarii continuator c. 100. Drocus verò à genitore eruditus, ducatum Campanensem accepit.*
- (n) *Gen. P. 1. sub Childebrando I. Childebrand duc de Bourgogne estoit le frere du Prince Charles Martel, & possédà le Comté d'Autun après la mort des enfans de son frere aîné Drogon, qui avoit seul le droit de donner les titres de duc & de Marquis dans cette province,*

vince, comme le legitime patrimoine du Prince Pepin son pere.

(o) *Cap. 109. & 110.*

(p) *Gen. P. 1. sub Childebr. I.*

(q) *Gen. P. 1. sub Eccardo.*

(r) *Ibid. sub Nebelongo II.*

(s) *Gen. P. 2. sub Roberto Forti.*

(t) *Gen. P. 1. sub Bernardo I. loquens de Bernardo II. ejus filio: Bernard duc de Septimanie & Bourgogne &c.*

(u) *Gen. P. 2. sub Theoderico.*

(x) *Gen. P. 2. sub Richardo Duce, diplomate Monasterii Patriciacensis.*

(y) *Gen. P. 2. sub Roberto Roberti Fortis filio: Nous apprenons par la premiere de ces chartes, que le Roy Eudes fils de Robert comte d'Autun surnommé le vaillant, ratifia en l'année 889. toutes les donations, que ses ancêtres avoient accordées en faveur du Monastere de S. Marie de Tournus.*

(z) *Antecessorum latinum nomen vafre Pradius in Gallicâ ancestres vertit, abusus vocabulorum affinitate ac derivatione, cum dicendum fuisset predecessores.*

(aa) *Ibid. sub Roberto Roberti Fortis filio: Par la seconde, que le duc Robert son frere, & le duc Richard son cousin, confirmerent l'année 915. en qualité de Comtes de la haute Bourgogne, les mesmes donations, & que le Roy Charles le Simple autorisá de sa signature, & de son seau la declaration de ces deux Princes.*

(bb) *Ibid. Par les deux suivantes, que le Roy Rodolphe fils du même Richard, & le Roy Hugues Capet petit fils du mesme Robert ratifierent les mesmes donations dans les années 924. & 928. en QUALITE' D'HERITIERS des mêmes Princes.*

XIV.

Quod reliquum est causationis Pradianæ refellitur.

SUPEREST adhuc aliquid causationum Pradianarum, inane quidem illud & expers virium apud gnaros atq; cordatos arbitros; idem tamen ignaris illudere haud fortassis perinde inidoneum.

At

At verò haut multis quidquid ejus est, dilucemus. Agmen. ducant penultimum atq; ultimum eorum diplomatum, quorum priora quatuor modò dimisimus. Altero istorum Eudo Rex Tiliniaci prædium cathedræ Episcopali Augustodunensi restituit; altero autem Walo Episcopus idem prædium Capitulo Cathedrali in augmentum sustentationis transcribit. (a) His evinci opinatur Pradius Eudonem Regem, Ducem Richardum (utpote Theoderici Camerarii Augustodunensis Comitis præcedente capite non semel nobis memorati filium) & Manassè, ejusdem Theoderici ex alio filio nepotem; uno eodemq; stemmate progerminasse. Unde dein contendit Roberti Fortis liberos Eudonem & Robertum, hujusq; posteros, Capetinos putà Reges, pariter ut Theodericum & Richardum, & Manassè per Eccardum prosapiâ Childebrandinâ ortos. Verùm ut paucis hoc absolvam; etsi daremus triumviros, quos laudat, eâdem stirpe profatos: Childebrandi tamen progeniem fuisse, quod Pradio unice in votis est, ut multoties

jam diximus, omnium minimè exiret. Jam pridem enim nullos Eccardo fuisse filios, saltem legitimos convicimus, per quem tamen, quippe Theoderici Camerarii ac Nebelongi II. supposititium patrem à Childebrando I. deductos vult unâ omnes. Deinde verò Eudonis diploma, quæ huc trahi queant, pauca hæc præbet: *Adalgarius Episcopus nostræ retulit Sere- nitati, qualiter villam Tiliniacum, quam nos jure proprietatis possidere videbamur, S. Leudegarius suæ Ecclesiæ æternaliter contulerat possidendam; & postquam à præcedentibus nostræ prolis parentibus si- mulq; hæredibus injustè ac contra legiti- mam rationem fuisset malè usurpata. &c.* Walonis autem Episcopi instrumentum, dum villâ eâdem in favorem Capituli Augustodunensis cedit, inter alia hanc donationis legem dicit, ut pro Manasse Walonis fratre, qui eam malè itidem usurpaverat, & nunc restituebat, ad DEUM preces assiduè funderentur. Pri- us istorum diplomatum sine die & con- sule est, eoq; ipso sublestum. Si quid tamen veri habet: ante annum 898. quo Eudo

Eudo Rex decessit, scriptum fuisse oportet ; alterum verò à Pradio ad annum 918. refertur. Illo Eudo Rex Tilinicum possedisse, & Adalgarii Episcopi suasu restituisse, hoc Manasses eandem villam injuriâ suam fecisse, dehinc interventu Richardi Ducis patrui dimisisse dicitur. Casus utriusq; instrumenti omnino diversus est, & Manassis iniquitas Eudonis restitutionem haud modico intervallo secuta. Causæ etiam utriusq; possessionis inter se plurimum distinctæ. Nam Eudo, siquidem verba illa, *quæ à præcedentibus nostræ prolis parentibus simulq; hæredibus &c.* sani sentûs aliquid habeant, possessionem à majoribus seu paternis, seu maternis (nec enim hoc definitur) in se devolutam acceperat. Manasses verò novo qualicunq; titulo eandem invaserat. Jam velim mihi Pradius ex hisce rectâ consequentiæ lege eliciat, Eudonem & Richardum, & Manassem ejusdem stirpis germina, nedum Childebrandinos fuisse. Possederint sanè majores Eudonis materni, imò possederint & paterni, Robertus Fortis ejusve

pater è Teutonibus advena, privata apud Augustodunenses prædia, quid hinc Childebrandini traducis in ipsos influet? Par autem cum istis Walonis & Manassis est ratio. Quare nec hos è Childebrandinis ortos, hoc indicio vel acutissimus prospexerit. Quid verò multis hisce immoror convellendis, cùm ipse extemplò de fide & robore eorum omnium diplomatum addubitet, eòq; quidquid probationis apud incautos inde sibi polliceri potuisset, flatu uno ipse pessundet. *Regeret forsán aliquis, ait, de horum instrumentorum sensu non adeò liquidè constare, ut nihil dubitationis reliquum faciant?* (b) Probè conscius nimirum futilitatis rationum suarum, quibus causam perpetuò frangit mage quàm corroborat, & seu vi veritatis, seu metu non emansturæ aliunde, etiam ipso dissimulante confusio- nis adductus, pretium earum, quod nullum est, silere non potest. Ut tamen sic quoq; geniolitet superbo ac turgido, morbumq; malignè tegenti: ex personâ lectoris dubitare videri cupit. Sed ni- miùm se prodit improvidus, quando im-
pulsu

pulsu vicinæ desperationis subitò ad alia confugit, illis ipsis, quibus opitulatum it futiliora, & ratiunculas adsciscit, ex circumstantiis, ut vocat, nonnullis haustas. Pergit enim: (c) *Verùm vis quàm pollent probandi eò magis intenditur, quòd stiperur circumstantiis aliis, quæ docemur, illos qui ejusdem familiæ fuere, eadem nomina cooptasse, eadem prædia possedisse, eosdem honores gessisse, eademq; imperia in loca eadem exercuisse; addictos fuisse iisdem factionibus, easdem rationes secutos; coluisse eosdem religiosorum cœtus. Id quod convincere meritò debeat illos, qui antiquitatis ignari non sunt. Heu te verò miserum cum genealogiâ tuâ regiâ Pradi, qui speres dubia dubiis sanari, & incerta incertis cumulata demonstrationem eniti, lectoriq; sano imponere posse. Nam si vel mille probabilitates in eandem rem congereris: Apòdon quidem intempestivo clamore tuo, apodixin profectò nunquam effeceris. Possem hoc solo te & quod reliquum est affaniarum tuarum manumittere, & causam hanc genealogicam jam nunc cujuscunq;*

tantillum salem habentis iudicio subijcere. Sed quò evidentior sit clades tua, ecce! habeas tantisper has quoq; ultimas naufragii tui tabulas, & quid tibi profuturæ sint spectes.

Equidem de honorum prædiorumque identitate, quam hîc recoquit Pradius, quid tenendum sit, jam exposuimus. Ex cæteris in limine collocavit nominum similitudinem ac vim nescio qualem, quæ à majoribus, quos Pradius Capetinis largitur accepta, posterisq; imposita ostendant, ejusdem utrosq; progeniei fuisse. (d) Magni hanc circumstantiam momenti esse vanissimus nominalis jactat, & Andream Chesnæum in genealogiis suis evicisse, quòd omnibus vetustis familiis in usu fuerit, nomina fundatorum suorum in posteros continuare. Interim tamen aliud quod ad hanc legem adversum nos torqueat, habet ferè nihil, præter Childebrandi & Nebelongi nomen, quorum quodq; bis omninò usurpatum. Quod cum inter Childebrandum I. & ejus factitium abnepotem Nebelongum II. terminetur: possemus fortasse

tasse hoc systema quatuor generationum, cum vi suâ nominali (etsi Nebelongum II. eò non pertinere superiora nostra jam evictum dederint) connivendo transmittere, ut quod nec Childebrandi prolem Merovingiis, imò ne Arnolphinis quidem, nec Roberti Fortis posteritatem, quod hîc potissimum agitur, Childebrandinis inferat. Meminisse tamen debebat Pradius, sæpe nomina per mulieres in alienas familias illata; cujus rei clarissima sunt exempla, ut nequidquam argutari queat, Nebelongum ex gr. secundum nominis indicio à Nebelongo I. per mares profatum esse. Poterat enim & per fœminas. Cœterum ut omnia ista Pradio dagemus: si hîc ei fides habenda, causam suam miser iterum turpissimè fœdavit, aut etiam disperdidit. Nam propria rursus tela in eum retorquemus. Merovingiis enim Chlodovæi, & Merovæi, & Chilperici, & Chlotarii, & Dagoberti, & Sigeberti, & Guntramni, & Childeberti, & Chariberti, & Chlodomiri, & Theoderici, & Theodeberti constanter usurpata invenimus nomina.

At in illâ quæ S. Arnolfo, seu fallè, seu ex vero adscribitur bene multa posteritate, eorum omnium præter Theodericos aliquot (qui tamen ad Roberti Fortis majores adscititios in lineâ rectâ nequaquam pertinent, proinde nec ad rhombum veniunt) & Theodebertum omninò unum, & si quod simile fortasse tertium sit, reperire nullum est. Quid verò mirum, si in tam numerosam, ut Pradius depingit, gentem, nomen unum atq; alterum, regnatrici familiæ receptum cæteris undiq; præteritis, sive per foeminas, sive per susceptionem ex sacro fonte sive aliunde irrepserit? Profectò si omnes Theodericos cum suis agnationibus è Merovingiis processisse contendat Pradius, magnam sibi provinciam delegerit. Jam ne in Carolinâ quidem profapiâ Merovingiorum vestigia per nomenclaturam deprehendere est. Pipini enim, & Caroli, & Carolomanni eam ferè totam absolvunt. Chlodovæi autem seu Ludovici, & Chlotarii sive Lotharii memoria quòd inter eos resuscitata videatur, id non sanguini ex Merovingiis

gis deducto, sed successioni in regno, quod Merovingiorum fuerat, in regum antecessorum reverentiam tribuendum est. Pradio igitur & Chesnæo Ducibus ex his protinus inferendum erit, Childebrandinos unà omnes, quin & Martelli posteros, quippe nominibus, quæ Merovingiis familiaria fuerant privos, ad Merovingias origines incassum aspirare. Quin etiam, cum Roberti Fortis progenies non modò antè, quàm regno potiretur, sed & regno jam admota usq; ad Ludovicum sextum, ne unum quidem Arnolfinæ genti, nedum Merovingiæ familiare nomen adsciverit, sed Robertos meros & Ottones, & Hugones, ac Henricos produxerit, quæ nomina, ut Gallo-Francis in eum diem, propè in totum ignota, ita Germano-Francis perquam communia fuerunt: quis ad legem Pradianæ dialecteos ambigat, eam non modò nec Merovingiam, nec Childebrandinam, sed & ne Franco-Gallicam quidem fuisse, verùm origines suas, quod Aimoinus cum sequacium suorum cohorte jam pridem, & Chiffletius novissimè

jure pertenderunt, à Francis Orientalibus sive Teutonicis repetiisse?

Jam quòd eandem factionem, eademq; statûs rationes fortè secuti sint illi aliquando omnes, de quo tamen haud liquet, quos Pradius Childebrando I. posteros dat : id oppidò parùm momenti, nisi apud levissimi judicii vulgus facere potest. Pari enim efficacîâ quis arguerit, quoscunq; cum Childebrandinis in eandem factionem venire solitos, quorum haud dubiè ingens fuit numerus, ejusdem etiam cum illis prosapiæ fuisse, quod omnimodè absurdum foret. Quin imò, in discordiis civilibus solent haud rarò, qui ejusdem gentis sunt, consultò diversis se partibus addicere, ut alterutrâ superante, tota progenies per suos gentiles victrici addictos salva sit. Quàm ergò ex hâc in factiones contrarias secessione ad diversitatem familiæ, ita neque ex opposito ad identitatem generis, nisi alia evidentiora subsidio sint, securè intuleris. Utrinq; enim à regula divor-tium fieri potest ; nec minùs cernimus ejusdem prosapiæ viros in diversas factiones

ationes labi, quàm distinctissimī sanguinis alios in eandem concurrere. Vanissima hæc talia sunt.

Ejusdem verò etiam farinæ est, quod à cultu sacrorum locorum & religiosorum coetuum struitur, ut videlicet, qui uni loco aut coetui beneficè faverunt, unius protinus familiæ habendi sint. Huic enim regulæ si locus fiat, quot non stemmata diversissima in unum, imò in Capetinum, Pradio genealogo admodum liberali, confluent? Multa sunt, quæ familiis toto cœlo dissitis, ut in ornandâ eâdem æde concurrant, ansam præbere queunt; vicinia, successio in prædia, queis jus patronatûs annexum, successio in magistratûs loci, devotio erga sanctum Tutelarem, loci sanctitas ac fama, exemplum, denique & casus aliquis; ex quibus ad sanguinis propinquitatem argumentando descendere ingenii perquam inanis foret. Sed & computet, cui volupe est, à Pipino Duce usq; ad Hugonem Capetum, quot ex omni illâ serie in uno hominum DEO dicatorum coetu, præ alio beneficiis extollendo concurre-

rint: & inveniet ipsum illud Pradii suppositum ex toto collabascere. Ex his igitur omnibus aliud, quod dixi, nihil confeceris, quàm Pradium laborantis nimirum causæ suæ, ac jam deploratæ gnarum solâ desperatione actum esse, ut remedium ex ejus generis inaniis tentandum putaret.

Neq; majoris pretii sunt, quæ ex testimoniis perperam obtortis emendicata, & hinc inde per librum sparsa adhuc superant argumenta. Illud Abbonis Poëtaſtri non sine causa hîc locum sibi peculiarem vendicat. Sic habet: (c)

*Interea Carolus regno vitâ quoq; nudus
Viscera Opis Divæ, complectitur abdi-
ta tristis.*

*Latus Odo regis nomen, regni quoq; nu-
men*

*Francorum populo gratante faventeq;
multo.*

*Ilicet atq; manus, sceptrum, diademaq;
vertex;*

*Francia letatur, quamvis is Neustrius
esset.*

Nam

*Nam nullum similem sibi met genitum
reperiere.*

*Nec quia Dux illi Burgundia defuit,
ejus*

*Neustria ad insignis nati concurrat ho-
norem.*

*Sic uno ternum congaudet ovamine
regnum.*

Cave tibi sis Pradi, ab hoc vate tuo ;
malum auferes ! Agit enim hoc poëma
de Caroli Crassi Germaniæ Galliæq; Re-
gis destitutione atq; obitu, cui anno 888.
subiectus in Galliâ fuerit Eudo. Hunc
ut Pradius commodius S. Arnolphi & Chil-
debrandi I. posteris innectat : versibus
hisce adversus Chiffletium (f) nititur,
Neustrium, hoc est Franco-Gallum nata-
libus fuisse. Id tamen largiremur in-
digo inanis solatii adversario : nihil ta-
men ex omnino adversum nos profe-
cerit. Namq; ne sic quidem necesse ef-
set, Robertum Fortem Eudonis patrem,
unâ cum filio *Neustrium* origine, sed
summum civitate tantum, in quam è
Teutonibus advena assumptus sit, con-
cedere. Imò ut etiam origine *Neustrium*
dare-

daremus : causæ id nostræ in nihilo incommodârit, quæ in eo versatur, ut Capetinos aliâ potiùs omni quàm Childebrandinâ, aut Arnolfinâ aut Merovingiâ prosapiâ exiisse, à Pradio demonstratum ostendamus. Habeant ergo Neustrium si ita velint Galli Eudonem per nos quidem tantisper. Id modò caverit Pradius, ut & per hunc ipsum in opem accitum versificatorem suum, idem porrò satis liceat. Diligentius enim excussum in contrarium deponere deprehendemus. Agedum demus hoc Pradio, & jam excutiamus. Quis inquam iste sensus est?

Francia letatur, quamvis is Neustrius esset.

Per Franciam utiq; hoc loco Occidentalem illam intelligi Pradius dabit, cujus Eudo habenas suscepserat, nec diffitebitur Neustriam cum eâdem Franciâ Occidentali synonymam esse. Utraq; vox sumi potest, tum latè pro omni regno Francorum Occidentali, tum strictè, pro illâ videlicet Galliæ parte, quæ infra Burgundiam inter Ligerim, sylvam Arduennam, fretum Britannicum & Armoricam

moriam sita est. Utro sensu sumi optet Pradius perinde nobis fuerit. Idem enim utrinq; exitus cum manet. Nunc igitur profæ redditus, qualis à Pradio nobis exhibetur versiculus, brevissimâ periphrasi hunc sensum præbet: *Franci Occidentales lætati sunt, de electione Eudonis, quamvis Francus is Occidentalis & eligentium contreraneus, concivis & sanguis esset.* At qualis iste omninò est sensus? Quasi verò concivem sibi Regem imposuisse potius, quàm alienum, dolori esse potuisset, & tanquam non ideo potius Neustriis lætandum, quòd Neustrius fuisset, quòd gentilem, & civem, & cognatum Regem consecuti essent, siquidem talis fuisset. Nisi igitur fatuum omninò hunc vatem, sensuque etiam communi privum credere velimus, fateamur oportet, latere in vocolâ *Neustrius* aut fraudem, aut errorem describentium insignem, citra quem si foret, sententiâ ab isthac, quam nunc ostendit, haud dubiè diversissima exiret. Cuicunq; enim non obesæ sunt nares facile mecum animadvertet poëtam hoc voluisse: *Alieni-*
genam

genam quidem majoribus fuisse Eudonem, nec tamen Francos Occidentales de eo sibi Rege minùs fuisse gratulatos. Ecce verò, quàm ipse poëta huic sententiæ subveniat. Commodissimè enim ratio cur sibi de Rege, quamvis alienigenâ gratulati sint Galli, è vestigio subsequitur:

*Nam nullum similem sibimet genitum
reperiere.*

Ideo nimirum electum esse, qui peregrinis originibus erat, quòd Franci Occidentales, sive Neustrii suæ gentis aptiorem regno invenissent neminem. His convictus indiciis in eo aliquamdiu fui, ut pro *quamvis is Neustrius esset*, aptius legendum putarem: *quamvis Burgundius esset*. Et videbatur hæc lectio sustineri illis, quæ in Robertum Pium diu postea jactata retulimus convitia à Burgundis petita. Recolui tamen deinde, uno tantùm versu interjecto sic iterum haberi:

Neustria ad insignis nati concurrit honorem.

Id verò ad superiora illa quibus Eudo Neustrius esse jubebatur referendum esse facile

facile cognovi. Ast cùm metrum ut hîc pro Neustriâ *Burgundia* velut illic pro Neustrico *Burgundius* succenturiaretur repugnaret: deceptum me hâc opinione animadverti. Tandem aperire se visa est illata versui, seu casu aut ignorantia descriptorum, seu dolo falsariæ manûs, depravatio, sensumq; & veram lectionem sic restituendam:

Francia seu mavis

Neustria latatur, quantumvis *Austrius* esset,

Nam nullum similem sibi met genitum reperere.

Et porro:

Austria ad insignis nati concurrit honorem

Austriam priscis non poetis modò, sed etiam historicis Francorum, pro *Austrasiâ* dictam notum est. Hâc igitur lectione totî poëmati, & his imprimis versiculis sua lux & facies genuina sensusque germanus redit. Ita enim & historiæ convenit, quæ tradit electionem Eudonis etiam ab *Austrasiis* ratihabitam fuisse, & natum Teutonicis majoribus Eudonem

nem Robertumq; Fortem hinc quoque docemur. Et hoc quidem Aimoino subvenit, qui Roberto Saxonicas, hoc est, Teutonicas origines asseruit. Illud autem Reginoni aliisque ex amussim concinit. Nam Arnolfus Austrasiorum, hoc est, Francorum Orientalium tam Lothariensium, quam Transrhenensium Rex, cum regnum Galliae à Fulcone Rhemenfi Archiepiscopo oblatum respuisset: electionem tamen Eudonis probavit. Reginonis testimonium cui respondent Annales Metenses, Pradius ipse nobis suppeditat, & utrinque sic habent: (g) *Interea Galliarum populi in unum congregati, cum CONSENSU Arnulfi Odonem Ducem, filium Roberti, de quo paulò superius mentionem fecimus, virum strenuum, cui prae cæteris formæ pulchritudo & proceritas corporis & virium sapientiæq; magnitudo inerat, Regem super se pari consilio & voluntate creant.* Reginoni autem & Annalibus Metensibus accedunt Hermannus Contractus, Annales Fuldenses, & Witekindus, quorum textûs alio loco usu venient. Quandoquidem verò ubi
 veri-

veritati semel sua ratio constitit, omnia pro eâ conspirare soleant: redditur hâc lectione versui quoq; ultimo suus sensus :

*Sic uno ternum congaudet ovamine
regnum.*

Qui indicat, Arnolfo Cæsare cum Franco-Gallis ad Eudonis electionem concurrente, universa Francorum regna, hoc est, Lothariensium, Transrhenensium, & Neustriorum Eudonis elevationi manûs dedisse. Et vel maximè hinc nostra lectio roboratur. Sic enim, hoc est, hâc ratione terna cōgavisa esse in Eudone electo regna ait, quia versu proximè superiore retulerat, Austrasiam, quæ & Lothariense & Teutonicum regnum comprehendebat, in eum concurrisse. Quæ versuum connexio, quod tamen necesse est, non constaret, si pro Austrasiâ priore versu Neustriam intellectam voluisset. Consultius igitur Pradio erat, tam inimicum suæ causæ testem ad Garamantas ablegare, quàm libro insertum suo omnium oculis, seq; risui exponere.

Abboni poëtaastro Monacho succedat
alter

alter Abbo S. Benedicti ad Ligerim Abbas, proſâ ipſâ, juxta cum priore poëti-
zans. (h) Is Robertum Pium Capeti fi-
lium & ſucceſſorem designatum his com-
pellat : *Dulce decus meum Roberte, quem*
atavis regibus editum divina pietas per-
duxit ad regni fastigium. Neminem li-
teratum fugere poteſt, commodatò ſum-
ptum hunc eſſe floſculum ab Horatio
Flacco poëta, proindeq; niſi genus Ro-
berti Pii aliunde docti eſſemus, regium
fuiſſe : certè poëtica hâc Abbonis auto-
ritate, non magis id nobis perſuaſum fo-
ret, quàm Meccenatē Flacco teſte re-
giâ ſtirpe editum. Ut tamen & ſic poë-
tæ ſua fides conſtet : ſufficit Robertum
patre proavoq; regibus genitum, regem
quoq; habuiſſe propatrum Eudonem,
ut atavis Regibus editum cani potuerit,
quando atavorum nomine majores qui-
cunq; , ſæpe & collaterales, maximè po-
etis veniunt. Quare Merovingium fu-
iſſe Robertum Pium, quod Pradius ca-
ptat, minimè hinc conſequitur. Poſſit
igitur hoc teſtimonium Danti alicui al-
terive conſimilis diſciplinæ viro, Cape-
tinæ

tinæ propaginis haud ex officio reverenti refellendo fortassis usui esse, quorum etiam à Pradio applicatur. Ast Capeto ejusq; posteris in stirpem Merovingiam adsciscendis, quod itidem intendere videtur, nequaquam proderit.

Quòd si insistat adhuc Pradius, ut aliquibi facit, Eudonem secundum legem five morem Francorum regno admotum, istam porro legem folio arcuisse, quoscunq; à stirpe regiâ alienos: consequi igitur Eudonem majoribus Merovingiis fatum fuisse: remittam eum protinus ad illa, quæ in eundem hunc sensum Pipino Brevi ac per hunc S. Arnolfo Merovingiorum prosapiæ inferendo à Pradio servire jussa, & à nobis explosa sunt. Addam verò iterum Fulconem Galliæ Primatem, & doctissimum sui temporis Pradio teste, (i) & rerum patriæ suæ, ut ordo atq; officium postulabat, longè peritissimum, qui Eudonem à stirpe regiâ alienum, jam dudum & illo ipso ævo pronuntiavit. Clamet sanè Pradius ad ravim usq; alienum dici Eudonem, respectu Caroli Simplicis tantum, qui frater
filius,

filius, neposq; quatuor regum & legitimus hæres posterorum Ludovici Pii fuerit, qui regnum à seculo jam tenuissent: nihil tamen omninò promovebit, quàm ut mirabilem prorsus cæcitatem suam perversamq; indolem eò magis in propatulo constitutam, risui publico objiciat. Alibi enim inter præcipua suæ causæ adminicula allegârat: *Decedente Francorum Rege populo jus factum fuisse, quemvis de domo regnatrice, nullâ propinquitatis habitâ ratione regno admovendi.* (k) Stante igitur hâc lege, si stirpe regiâ fuit Eudo, quantumcunq; Carolus Antagonista Regi ultimùm defuncto sanguine propior fuerit: sanè cùm sufficeret regio stemmate Eudonem prodiisse, ut regni capax esset: nec Caroli, nec alterius cujusvis intuitu extraneus haberi dicive poterat. Quâ igitur fronte Fulco non alienum tantùm à stirpe regnatrice, sed & tyrannicum in vasorem proclamâset? Cogitur itaq; Prædix aur fateri nullam, ut res est, fuisse cujusmodi finxit legem seu morem, qui Fulconem utiq; latere non potuisset, unaq; concidere argumentum inde ductum:

ductum : aut Eudonem à stirpe regiâ non Caroli tantùm respectu, sed absolutè ali-
eum concedere. Patet hinc quàm va-
nè huic vulnèri mederi putaverit Pradi-
us, si textum Flodoardi ex integro ad-
jectum exegesi etiam illustraret, quàmq;
calumniosè hoc loco, ut multis aliis, &
parùm ex ingenui hominis officio ite-
rum infectetur Chiffletium de operâ ad
suggillandum Reges Christianissimos pre-
tio locata; quàm deniq; ipse potiùs ope-
ram suam, vel nummis, vel certè, quod
perinde aut pejus est, putidis assentati-
onibus adeò mancipaverit, ut nullâ ter-
ræ, nullâ cœli curâ, jus verumque omne
passim proculcaret, modò regibus suis,
fucum haud dubiè aspernantibus, viam
ad Merovingiorum inprimis vetustam
domum, deindè ad vicinorum latè inju-
riam oppressionemque mentièdo iter-
neret.

(a) *Geneal. P. 2. sub Theoderico II. Sur
l'autorité des titres de l'Eglise de S.
Nazaire d'Autun, que j'ay rapporté à
la fin du dixième degré, ou nous ap-
prenons, que le Comte Manasses, le Roy
O Eudes,*

Eudés, & le duc Richard estoient sortis de la même maison.

(b) Ibid. sub Roberto Roberti Fortis filio.

On dira peutestre, que les chartes ne s'expliquent aussi clairement, qu'elles ne laissent quelques sujet de doute.

(c) Ibid. Mais la preuve en est d'autant plus forte, qu'elle est accompagnée de beaucoup d'autres circonstances, qui justifient, que ceux de la même maison ont affecté les mêmes noms, possédé les mêmes seigneuries, les mêmes honneurs, & les mêmes dignités, commandé dans un même lieu, suivi le même party, & les mêmes interests, & favorisé les mêmes monasteres, ce qui doit persuader pleinement ceux, qui cognoistront l'usage des siècles passés.

(d) Gen. P. I. sub Childebrando II. ad finem: Je prie en cet endroit nos sçavans, de faire un moment de reflexion sur les noms de Childebrand, de Theoderic & de Nebelong, affectés particulièrement à ceux de cette maison, par la consideration de Childebrand duc de Bourgogne, & des Princes Theoderic & Nebelong
ses

ses fils, qui sont des noms propres de la Germanie, donc le duc Pepin tiroit son origine. Cette particularité est de tres grande consequence, & André du Chesne à justifié, dans ses genealogies, que toutes les familles avoient retenu les noms propres de leurs fondateurs.

(c) Gen. P.2. sub Roberto Forti autoritate undecimâ.

(f) Ibid. sub Roberto Roberti Fortis filio.

(g) Ibid. sub Roberto Forti autoritate nonâ & decimâ.

(h) Ibid. sub Hugone Capeto.

XV.

De prætensionibus Gallicis in genere.

VErgimus nunc ad alterum hujus tractationis caput, disquisituri, quâ se tanto promissor hiatus promissi postulat, exoluturus sit, qui tanquam confidentiam in ventre gereret, demonstrandum in se recepit, quòd Regibus Ludovici XIV. præcessoribus conservata sint ea omnia, quæ seculo salutis quinto Franco-

rum armis subacta. Nec enim mediocri iratus incedere videtur iracundiâ Thraſo, cui mente reſedit, totius Europæ diſpendio Regibus ſuis commodatum velle; cui inquam ſatis non eſt, ea regum ſuorum ad hunc diem manſiſſe, quorum poſſeſſio à ſeculo nono cum regno Francorum Occidentali per Carolum Calvum, qui primus demum ei Rex obtigit, perq; Reges ejus ſucceſſores ad modernum Ludovicum XIV. tranſmiſſa eſt, quæq; à nemi- ne, quod ſciam, ampliùs nunc admodum controvertuntur. Provehitur ultrà, & continuato ſupercilio vaniloquentiam ſuam etiam ad illa extendit, quæ tametſi à Galliâ Occidentali jam pridem jure di- verſa, ſeculo tamen quinto Francica fue- re, & à quibus per notiſſimam regni Fran- corum inter liberos Ludovici Pii initam diſiſionem Gallia Occidentalis ſeceſſio- nem fecit. Nam & ipſe mox Pradiuſ in hunc ſibi ſenſum interpreter eſt, quando quos *prætenſos* dicit *Caroli M. ſucceſſores*, *legitimo Francorum Regi* (Gallorum dicere volebat) *velut autocratori ſuo ad ho- magium teneri* baſilicâ edictione aut di-
 &ato.

Ætatoriâ venditat. Illi enim Carolini sanguinis, quam hîc homagii præstandi frivole damnat, hodiernum, (rumpantur ut ilia invidis) florenti propagini, præ aliis eorum, quæ Francica seculo quinto, & tamen à Galliâ Occidentali diversa fuere, pars magna per proxima hæc secula possessa fuit, ac etiamnum possidetur, ut dubitari nequeat, Pradio unâ falce demetere constitutum esse, non modò quidquid Austriaci cis Rhenum tenent, sed quidquid uspiam illo ævo Francicum audiit.

Ad hunc verò censum quæ pertineant, illorum, aut è proximo secutorum temporum scriptores stylo quidem rudiorè, sic satis tamen explicatè ad nos transmissere. Perstrinximus eas jam tum leviter post initium hujus libri, & huc lectoris pace nunc revocabimus, non alia tamen, quàm quæ à Mosa Scaldi que in Orientem vergunt. Nam quæ inde in Occidentem abeunt, Franco-Galliæ Regum jam tum ab origine regni sui, hoc est à seculo nono cùm fuerint, & nunc quoq; ferè omnia sint: nullam hîc con-

entionem movent. Inter alia itaq; ista Merovæo & Chilperico Regibus, tum ipsorum, tum & cœterorum inter Francos regulorum armis subiecta sunt, quæcunq; Rhenus inferior Scaldisq; & Oceanus ambiunt; deinde verò superiora etiam illa ab Ubiis ad Mosellam Mosamque; Chlodovæo autem Rege, vel ipsius, vel etiam Sigeberti superiorum Francorum Transrhenensium Regis, aut si quis huic socius fuit, auspiciis, quidquid inter Mosam Rhenumq; Alemanni ac Burgundiones Romanis adhuc reliquum fecerant. Et ista quidem seculo quinto necdum exacto. Secularem deinde ipsum annum sexcentesium, ut calculus communior fert, pari Francorum fortunâ, Marte communi ductu autem Chlodovæi nobilitavit excidium Alemannorum, quo Alsatia atq; Helvetia Romanorum sortem secutæ sunt, & Franciæ pinceps ad meridiem in Alpes usq; protensa, Rhenusq; etiam superior Francicus factus. Hæc igitur nullo excepto universa Pradio iudice Regum Gallorum jure censerî nemo ambigat. Seculum enim quin-

quintum ea tulit. At quæ & Transrhenana illa eidem fato litatura sint, nunc inspiciamus. Pleriq; eâ stant sententiâ, Sueviam quoq; ex utraq; Danubii ripa, & Bavariam quantacunq; tunc fuit (& fuit à Lyco Danubioq; in Alpes & Noricum ad Anasum usque amnem & Italiæ fines latè protensa) Alemannorum continua. tâ clade percussam; quin & Franconiam quæ hodiè dicitur, & dexteram Rheni ripam usq; ad Lonam fluvium cum Hassiâ superiore, alii adjiciunt. Hoc quidem certò perperam, cùm Francorum ea seculo quarto inclinante jam fuisse alibi discere sit. At de Sueviâ Bavariâq; res incerta est; cùm ex historiis doceamur, gentes Germanicas inter Danubium Alpesq; Theoderico Ostrogothorum Regi nexu qualicunq; addictas fuisse, quo certè vivo Francorum factæ non sunt. Et hoc igitur indicio & aliis verosimilius est, armis demum à Justiniano Cæsare in Ostrogothos motis sponte opis comparandæ causâ cedentibus Ostrogothis seculo sexto jam adolescente, Francis eas accessisse. At frustra hinc vel Suevi sibi

vel Bavari adversùs Gallicam messem & Pradianam jurisprudentiam blandiantur. Incerta enim his pro certis esse coguntur, quoties in rem suam ea facere comperiunt. Quin verò etiam, quæ seculi sexti primordia tulere, Galli quinto seculo in mantissam computaturi sint, nemo dubitet. Ast Hassia infra Lonam, totusq; Rheni inferioris tractus Teutonicus usq; in Frisios, cùm primæva gentis incunabuia fuerint, seculo itidem quinto Francis possessa fuisse manifestum est. Thuringi pariter, atque etiam ut credere licet, ante Bavaros subacti sunt, sexto quidem seculo, ita tamen ut Galli-
câ liberalitate quinto in appendicem ventura sint. Saxonum etiam cis Visurgim pleriq; , & qui Thuringici regni inferiora ad utrumq; Hartici montis latus à Francis operæ navatæ præmium tulere, saltem inæqualiter fœderati, pars & tributarii cùm fuerint, quod indiciis haud levibus deprehenditur: non est quod sibi de æquitate Gallorum aliquando gratulentur, qui cùm Regum suorum non aliud in qualitercunq; subjectos imperium
præter-

præterquam despoticum palàm tueri audeant, nec inæqualiter fœderatos, nec tributarios, nec qualemcunq; per pacta temperatam subjectionem agnitori sunt. Frisii etiam, quorum pars magna nunc Hollandi, Caroli Martelli & Pipini Regis virtute, Saxonum verò reliquæ universæ gentes & Slavicæ nationes usq; ad Vistulam, & Pannonia ab Anafo in Orientem longè protracta, & regiones à Maro flumine usq; in Dacas, tum & Italia, si literam Pradianæ edictionis, ad seculum quintum restrictæ inspicias, possint fortasse mitiora sibi promittere. Sed verbis neu credite Teucris! Mentiar, quando occasionum aura faventior ea quoq; impunè invadendi Gallis copiam fecerit, nisi cum ludibrio etiam nostro argutaturi sint, non pertinere illa ad quinti seculi incrementa directè quidem; pertinere autem in consequentiam, ut quæ regionibus, quæ tum Francorum fuerint, accessio deinde facta sint. Esse verò juris regulam, ut res cum suis accessoriis transeat. Ita nimirum dependentiarum illa nostro hoc ævo ex orco nata

pestis, omnia vastans, à Rheno in Orientem, & à Batavis atq; Helvetiis per omnem quaquà patentem Germaniam, in Pannonos usq; & Dacas & Sarmatas & Danos & Siculos grassabitur, si per socordiam nostram licuerit. Utinam verò vanus sim vates!

Quæris quo juris adminiculo, quâ isthæc dialexi aufuri sint Galli? Illâ inquam, quâ jam olim Quiritibus *jus in armis*, & notum illud, *væ victis!* occinere nobisq; occinent, nisi viri simus. At speciem saltem justî æquique requiris? Accipe eximia publicæ Gallorum jurisprudentiæ cimelia; regulas, quas sibi met haud inficeti omninò juris fabri, quâ pollent super omnia jura autoritate, & quo in populos etiam liberrimos, benigno gaudent naturæ privilegio, præstituerunt: *Æternas, immobiles, indispensabiles & sacrosanctas esse leges regni sui, quas vocamus fundamentales.* Illas autem jubere, ut *vis regiarum concessionum quarumcunq; vitam impertientis ne excedat*; ut *bona, juraq;*, imò regna, etiamsi nihil prorsus cum Galliâ commune habentia,

tia, si Regibus Gallis, quocunq; titulo ob-
 veniant, cum Domanio, quod dicunt, co-
 ronæ adamantinâ coâitione jungantur; ut
 quidquid huic Domanio semel mancipatum,
 nullâ omninò inter gentes cognitâ ratione
 sortem mutare ferat; ut si quid ejus alio-
 vorsum fortè abiverit, id quovis ævo,
 quâvis occasione, citra alium juris titu-
 lum, quàm quòd aliquando Domanii Gal-
 lici fuerit, repetere jusq; fasq; sit. Deniq;
 hujus Domanii jure censenda, quæcunque
 Francorum quondam latissimi Imperiî
 (quippe cujus axioma genuinum apud Gat-
 los hodieq; solos clueat) fuerint, & quæ-
 cunq; hisce ullo unquam tempore incremen-
 to cesserint, sive nunc adhuc eis cohære-
 ant, sive patientiâ possessorum sui juris
 iterum facta sint. Hæc sunt pauca illa
 quidem, sed Europam universam consu-
 mere nata Gallicæ jurisprudentiæ prin-
 cipia. Hæ vicina quæq; depascentes her-
 bæ. Hæ falces, quæ Regum Gallico-
 rum regniq; qualescunq; cessiones, re-
 nuntiationes, transactiones, pacificatio-
 nes, quivis cum cæteris gentibus initi
 contractûs, & pacta demetuntur, & ni-

hili fiunt, quoties cum Galliæ rationibus collidunt. Hæc sunt novæ gentium philosophiæ portenta, & Harpyiæ, quas Thaumante longè damnosius fœcundum hoc seculum genuit. Hi cardines quibus Gallica dudum decreta universalis monarchia vertitur. Et ne intra consilium tantum staturam putes, manus operi hâc nostrâ ætate jam admota est, Germanis præcipuè nobis exitio ventura, qui idonei Gallis videmur, quibus præ aliis gentibus tot futilium stropharum glomerationibus illudant, dum cupiditati atq; impudentiæ eorum neq; lex neq; tutor est, qui modum ponat.

Etenim ab illâ post Ludovici Pii excessum inita Francorum regni magna ac propè fatali divisione octo jam secula tantum non decurrerant, & tamen Franco-Gallorum in Germaniam Transrhenanam prætensio ne per somnium quidem cuiquam in mentem venerat. Obortæ autem aliquando post eam divisionem inter Germanos Gallosq; ob regnum Lothariense dissensiones, quæ utramq; nationem centum & quadraginta plûs minus

nus annis, potiore semper Germanorum forte exercuerant, tum aliis transactionibus, tum novissimâ Henrici S. Imperatoris & Roberti Pii Regis ad Carum fluvium initâ conventionem adeò resederant, ut quod hanc controversiam attinebat, post sex seculorum propè Halcyoniam tranquillitatem etiam memoria pristinæ tempestatis oblitterata fuerit. Nam & quam anno Christi 1056. Henricus I. Galliarum Rex Roberti filius querelam adversus Henricum III. Cæsarem temerè renovaverat, eam citò ac turpiter deseruit. Lambertum Schaffnaburgensem audiamus, anno quem diximus sic loquentem: *Imperator regressus de Italiâ Sanctum Pascha Podebrunnæ celebravit, breviq; commoratus in Goslariâ perrexit ad villam Civois in confinio sitam regni Francorum ac Teutonicorum, colloquium ibi habiturus cum Rege Francorum: à quo contumeliosè atq; hostiliter objurgatus, quòd multa sæpe sibi mentitus fuisset, & quòd partem maximam regni Francorum dolo à patribus ejus occupatam reddere tam diu distulisset. Cùm Imperator para-*

paratum se diceret singulariter cum eo consertâ manu objectâ refellere: ille proximâ nocte fugâ lapsus in suos se fines recepit. Medio deinde ævo solennes inter Imperium Germanicum, Galliæque regnum Friderico II. & Alberto I. Imperatoribus factæ pactiones superiorum confirmatoriæ jure Gentium securitatem nobis sponderant. Sed primus patrum memoriâ quem noverim Jacobus Cassianus ad Pyrenæi radices rabula forensis, fortè quòd deesset domi de tribus capellis privatum litigium, quæ curatio ejus erat, tam infami prætensionum partui obstetricatus est, qui non Lotharingiæ tantum regno, hoc est, Cisrhenanis Imperii ditionibus, seu priscis seu modernis, sed & inauditâ temeritate Germaniæ Transrhenanæ & cæteris gentibus, quæ huic seriùs ocys accesserunt, fatalis esse jubetur. Fovit partum Arroyus quidam triobolaris Theologus, Armacano Belgæ miserrimè habitus. Secuta est hosce obscurorum virorum, quos offa credo facundos reddiderat, grex alius, & non adèò pridem Auberius quidam fabulator prorsus

prorsus ad eam rem unicus, per singulares infanias, ut cœteris stultitiæ palmam præriperet, ad famam grassatus. Quin etiam ante hunc, parcius tamen, Petrus Puteanus, in eâ scholâ stipendium meruerat. Sed & qui Regina Christianissimæ juribus in Brabantiam, nervis alienis mobile lignum, consarcinandis calamum commodavit anonymus declamator, in eadem nomen hinc inde professus est. Novissimum nunc habemus Pradium, qui hætenus quidem intra minas stetit. Quantum enim mihi constat, exundantes ubere penu copias suas orbi adhuc invidit, circumspiciens credo, qui adversum prodire ac laceffere truculentum ausit. Selegit enim ipse sibi provinciam, quam exhibuimus, perquam sanè ingentem & gloriosam si benè verterit. Fallor autem aut faxo, ut pœniteat. Omnibus verò istis unum fuit consilium, ut cùm deprehendisse sibi visi essent, regio Galliæ consilio Monarchiam universalem animo sedisse, ipsi providerent, ne deesset, qui popello & imprudentioribus aliis obreperet, idque simpli-

simplicium oculis glaucoma offundens
ageret, ut jura gentium everſa, fas &
æquum violatum pro pulcherrimis ſan-
ctiſſimisq; facinoribus contuerentur, eo-
que milites lanienæ ſe objici, cœterum
pecus in belli ſumptûs deglûbi patienti-
us ſinerent. In ſe itaq; tam honeſtam
operam, rabulis dignam provinciam,
tranſtulere. Quidquid ſit, quoniam Pra-
dio indixiſſe nobis bellum ſatis eſſe vi-
ſum fuit: dum jam ſe continet ac poſt
principia latet, obviam ultro me feram
Pyrgopolinici, & inclytum apud impe-
ritos ſui ſimiles jaſtatores, ad ſubſellia
vocabo, ubi procul aulicis adulatoribus,
procul aſſentantium mimicâ turbâ, ſo-
phòs illud gentilium ſuorum auditurus
non ſit. Ibi, quam in ſcrinio pectoris
occluſam geſtat prætenſionum regiarum
haud dubiè novam aliquam, nec prole-
tariam ſapientiam, materie contradicen-
di aſſatim objectâ proliciam. Cœterùm
enim ſi veteres tantùm Caſſani, ejusq;
aſſeclarum nœnias adverſum nos reco-
quere ſuſtinuerit: ne reſponſo quidem
ſerio dignum reputabimus.

XVI. Jura

XVI.

*Fura Merovingiorum non esse
continuata in Capetinos titulo
familiae.*

JAm verò quò hinc enucleatiùs exeat,
num quid juris in ea, quæ Merovingi-
orum extra Galliam Occidentalem fue-
re, in Reges Capetinos ad hunc diem
continuum sit, distinguendo progrediemur. Ubi quidem facilè mecum consensuros crediderim omnes, ejusmodi continuationi non nisi duplici ratione locum fieri potuisse, jure videlicet, aut *familiae*, quâ nati sunt Capetini, aut *regni* cui præsunt. Jus *familiae* intelligo, quod ita Capetinis inhæreat, ut illud privilegio domûs unde orti sunt, quocunq; secum circumferant, gavisuri eodem, tametsi Galliæ Reges esse aliquo casu desinerent. Jus autem *regni* id volo, quod regno ita quæsitum sit, ut cum eo in quosvis transeat legitimos possessores, adeò, ut si quo casu alienam à Capetinâ gentem Galliæ rebus præfici-

con-

contingeret, quidquid illius esset juris, id demptum Capetinis in hanc novam regnatricem familiam unâ cum regno devolveretur. Hocce quod dicimus regni jus, quàm in hâc controversiâ pro Capetinis faciat, sequenti capite dispiciemus.

Prius autem istud familiæ proprium ut hîc persequamur, si quid ejus Capetinis in illa, quæ seculo quinto Merovingiorum fuere obvênit, necesse est, obvênisse vel jure sanguinis, quòd nimirum Merovingiorum propagine geniti sint, vel factò hominum superveniente.

Ut hoc posterius priore loco absolva-
mus, factum illud hominum si quod intervênit auctores laudat, vel Merovingios Reges, vel populum ipsum Francorum. Si illos: jam aut juris cessionem, donationem, commutationem, venditionem, aut quemvis alium contractum, dominio vel quasi, aut summo imperio transferendo idoneum, aut testamentariam liberalitatem intercessisse consequitur. Quorum si quid Gallis ostendere in promptu est, expectabimus. Tùm
verò

verò & discutiemus an Merovingiorum in arbitrio fuerit, ut Francorum quod tenuere regnum ejusve partes eximias integrantes, in alienos à suo sanguine transmittere, idq; populo invito aut certè inconsulto potuerint, & an cœteræ solennitates actui tam insolito corroborando necessariae præstò fuerint. Quòd si verò populi factum, quod quærimus, fuit, aut illius singulariter fuit, in quem nunc prætensiones Gallicæ intentantur, hoc est, Austrasiorum, qui regnum Lothariense atque Germanicum colentes, nunc à Mosâ Scaldiq; per utramq; Germaniam ad Orientem protenduntur; aut totius populi Francorum. Et ad nostram quidem notitiam cum nihil pervenerit, quo Austrasios, quorum de corio luditur, Capetinis in se jus ullum tribuisse discere sit: Prædii rursus erit, quod actoris esse solet, rationes suas in medium proponere, factumq; liquidum reddere, tum verò nova rursus inspectio erit, jurene stipatum illud factum fuerit, necne.

Jam verò quòd universi Francorum populi scito evenisse credamus, ut Cape-

tina domus Merovingicæ in omni regno
furrogaretur, eive in cuncta jus fieret,
quæ seculo quinto Merovingiorum fue-
re, tabulas nobis testesve exhiberi po-
stulamus. Fides enim nostra oculata est;
probat quæ videt. Apage autem Hugo-
nis illam Capeti adversus Carolinos su-
perstites in regnum Occidentale intru-
sionem, quæ qualitercunq; deinde, quod
non impugnamus, sanata fuerit: certè
præter Francos Neustrios, & qui cum il-
lis consensere, cùm liberè consentire pos-
sent, tenere potuit neminem. Quando
enim ista à Franco-Gallis perpetrata
sunt, Francis Lotharianis, Austrasiisque
universis, sui jam pridem imperabant
Reges è Saxonum Ducibus, quorum,
tùm maximè, nequaquam eos pœnite-
bat. Imò si adhæsisset eatenus horum
allationi vitium, quod non adhæsit: id
ipsum sanatum tùm fuisse, quando Ca-
rolinæ reliquæ à Capetinis sublatae sunt,
pertendimus. Rediisse enim saltem ex-
tinctâ alieno scelere Carolinorum regna-
trice familiâ Francos universos velut ad
omnimodam libertatem mente figuran-
dum

dum est, quâ fretis fas fuerit, aut universæ reipublicæ aliam faciem, aliamq; regiminis rationem inducere: aut si id non arrisisset, aliam rebus gerendis familiam succenturiare. Quòd si igitur familiæ novæ ad thronum provehendæ eandem in domum casu quodam omnium vota concurrissent: bene id quidem. At si minùs; neutri dissentientium parti jus erat, alteram in suam sententiam pro imperio, aut vi trahendi. Ubi pacifica conveniendi ratio inter partes iniri nulla poterat: utrinq; integrum erat, cum eo, qui sibi in Regem placuisset, secedere à reliquis, sicq; totidem ex uno regna condere, quot sub diversis imperiis factiones in corpora civilia per se stantia existerent. Ita enim omninò se res habuit sub excessum Carolinorum, præterquam, quòd non tùm primùm in plura abiisset regna Francorum Imperium, sed jam pridem duplici facie, regni inquam Orientalis sive Austrasiæ, & Occidentalis, quod & Neustriæ, per Europam claruisset; quòdq; pariter non tùm primùm novæ familiæ regnorum clavis præpositæ, sed, quod

quod idem erat, quæ Carolinâ progenie adhuc superstitè, utrinq; seu jure, seu injuriâ placuerant, factò ipso, hoc est, continuatâ subjectione & obsequio confirmatæ fuissent. Et Austrasiis quidem Francis, tam cis, quàm Transrhenensibus placere Saxonica domus, & quæ huic dein ad nos usq;, liberiore semper eligendi arbitrato sublectæ sunt, Franconica, Suevica, Lucelburgica, & demum Austriaca. Neustrii è contrâ Capetinam semel elegere, regnoq; exinde apud se deferendo linealem agnaticam successionem seu lege seu moribus præstituerè. Quin etiam, si eorum sententiæ cui non obnitor, locus sit, qui civitati regnatrice familiâ viduatæ, jus manere asserunt, statum deinceps juxta pluralitatem sententiarum ordinandi, ita, ut si civium pars major in regnatoriam gentem novam consenserit, pars minor adversans, vi etiam, nisi pacta obstant, ut cœteris se conformet, adduci queat: non modò contra nos Galli nihil evicerint, sed causâ etiam universâ protinus eos cecidisse clarissimùm exhibit. Cum enim

enim saltem extinctâ Carolinorum familiâ, Franci in libertatem omnimodam restituti, unâ etiam facultate potiti sint, rectorem sibi, sive sub pristinis legibus, sive sub novis allegendi : & Austrasii, quibus Ottones sui retinebantur, duas universæ Franciæ partes impleverint : consecutaneum erit, Neustriorum fuisse, ut in horum sententiam reatricemq; familiam concederent, ac renitentes vi etiam ad officium cogi potuisse. Si quid ejus factum non est : beneficium eo nomine Austrasiis debebunt, quibus eatenus jure in ipsos suo uti, quod poterant, visum non fuit. Tantum igitur abest, ut alterutrum eorum regnorum electo suo jus in alterum tribuere suum putaverit, ut ne tentatum id quidem unquam fuisse legere sit. Quæ enim controversiæ inter Austrasios Neustriosq; tùm adhuc vigeabant, Lotharingiæ regnum, quod sæpe diximus spectabant, in quod Austrasiorum rationes Carolinis adhuc vivis & fortiores semper & feliciores cùm fuissent : iis extinctis adversùs Capetinos citra omnem controversiam irrefra

quod idem erat, quæ Carolinâ progenie adhuc superstitè, utrinq; seu jure, seu injuriâ placuerant, factò ipso, hoc est, continuatâ subjectione & obsequio confirmatæ fuissent. Et Austrasiis quidem Francis, tam cis, quàm Transrhenensibus placere Saxonica domus, & quæ huic dein ad nos usq; , liberiore semper eligendi arbitrato sublectæ sunt, Franconica, Suevica, Lucelburgica, & demum Austriaca. Neustrii è contrà Capetinam semel elegere, regnoq; exinde apud se deferendo linealem agnaticam successionem seu lege seu moribus præstituerè. Quin etiam, si eorum sententiæ cui non obnitor, locus sit, qui civitati regnatrice familiâ viduatæ, jus manere asserunt, statum deinceps juxta pluralitatem sententiarum ordinandi, ita, ut si civium pars major in regnatoriam gentem novam consenserit, pars minor adversans, vi etiam, nisi pacta obstant, ut cæteris se conformet, adduci queat: non modò contra nos Galli nihil evicerint, sed causâ etiam universâ protinus eos cecidisse clarissimùm exhibit. Cum enim

enim saltem extinctâ Carolinorum familiâ, Franci in libertatem omnimodam restituti, unâ etiam facultate potiti sint, rectorem sibi, sive sub pristinis legibus, sive sub novis allegendi : & Austrasii, quibus Ottones sui retinebantur, duas universæ Franciæ partes impleverint : consecutaneum erit, Neustriorum fuisse, ut in horum sententiam reatricemq; familiam concederent, ac renitentes vi etiam ad officium cogi potuisse. Si quid ejus factum non est : beneficium eo nomine Austrasiis debebunt, quibus eatenus jure in ipsos suo uti, quod poterant, visum non fuit. Tantum igitur abest, ut alterutrum eorum regnorum electo suo jus in alterum tribuere suum putaverit, ut ne tentatum id quidem unquam fuisse legere sit. Quæ enim controversiæ inter Austrasios Neustriosq; tùm adhuc vigeabant, Lotharingiæ regnum, quod sæpe diximus spectabant, in quod Austrasiorum rationes Carolinis adhuc vivis & fortiores semper & feliciores cùm fuissent : iis extinctis adversus Capetinos citra omnem controversiam irrefra-

refragabiles prorsus & invictæ factæ sunt. Neq; enim jus erat Neustriis, ut Lotharianis legem ferrent, quâ in regem, qui Neustriis placeret, concurrerent. Quin imò si Carolinis expirantibus Lothariani unum etiam cum Neustriis regni corpus constituissem, quod non fecere: non poterant inviti illo teneri, quod Neustriis solis placuisset. Neque enim aut minùs Franci, quàm Neustrii erant, aut numero, viribusve, aut libertate inferiores. Quanto igitur id justius potuere, cum sub excessum Carolinorum ne juncti quidem amplius, uno corpore Neustriis, idq; propemodum à seculo jam fuissent. Uti itaq; sunt Lothariani jure arbitrioq; suo, placuitque eundem retinere Regem, quem cœteri Austrasii. Quare etiam controversia, ut jam monuimus inter Imperatorem Henricum Sanctum Robertumq; Pium placidè & ex toto sopita fuit. Et sanè oppidò ridiculum fuisset, Franciam Neustriam, quæ stante pristino illo Francorum regno, & sub initam celebrem ejus divisionem totius corporis tripartitò divisi, non nisi trien-

trientem effecerat, Austrasiæ quæ beffe constabat, Italiamq; jam una cum Romano Imperio suam fecerat, leges distare, jubereq; , ut qui sibi in Regem constitutus esset, eidem & Austrasii inclinarentur. Nihil est igitur juris, quod vel Neustriorum vel Austrasiorum, vel denique Francorum omnium beneficio Prædus Capetinis in ea, quæ Merovingiorum seculo quinto extra Neustriam fuisse, polliceatur. Unde si quid ejus Capetinis venire adhuc contendat, sanguinis titulo niti eum oportet. Quod quàm rectè, nunc inquiremus.

Jura autem sanguinis in regna vel per mares promiscuè ac fœminas deferri solent, vel per mares tantùm. Per fœminas à Merovingiis in Capetinos jus aliquod in regnum Francorum transisse, ne quidem, si nos vellemus, Galli passuri essent, qui fœmineam successionem ut agnoscerent, tot etiam cladibus aliquando fracti, adduci tamen se, & jure quidem meâ opinione, non tulerunt. Nec tamen ut jure non ferrent, Salicæ virtute legis factum est, uti tot seculis quàm

mordicus, tam falsè contenderunt. Salica enim illa tantis motibus & impugnata & defensa lex, in rebus merè privatis tota est, atq; ut passim, in eo maxime loco, qui prætèxi solebat, circa bonorum privatorum in hæredes transmissionem, consumitur; quod etiam qui inter Gallos emunctioris sunt nasi, hoc nostro ævo tandem aliquando vi veritatis compulsi agnoverunt, & agnovisse professi sunt. (a) Sed vetustissimæ & cum Monarchiâ connatæ consuetudini tribuendum id est, quâ fœminæ apud Francos, ut cœteros fermè Germaniæ populos republicâ arcebantur, quamq; nunc Galli, quos innuimus, prudentiores, ut diutini erroris ruborem levent, à priscis sui juris propugnatoribus intellectam, legisq; salicæ extrinsecâ tantum denominatione insignitam fuisse perhibent.

Quò igitur sanguinis titulo Capetinis in nostram, vicinarumq; gentium libertatem, juris quidquam Galli, vel in speciem adstruant: opus habent eò recurrere, quod toto libro suo Prædix frustra molitus est, ut eos à Merovingiis propagine

pagine virili descendisse convincant. Verùm tot istud eversum est hoc opere modis, ut impossibile sit Pradio eniti, nisi novos procudat ex antiquitate testes, iis quos hætenus in medium produxit locupletiores. Nam sanè si quæ alia ex semesis monasteriorum chartophylaciis (in quibus tamen excutiendis diligentiam suam adeo omnem consumpsisse videtur, ut nihil ad rem amplius extare tutò credi queat) eruisse posthac forsàn præ se tulerit testimonia, quæ nos mactare conetur: jure reprobabimus, gnari, quàm id genus probationis hodie apud Gallos lubricum sit; docti etiam Bouchetio teste, Pradio indice, quantum autoritatis mereantur, quæ à scriptoribus eorum consimilibus, qui tesseram apud nos jam toties confregerunt, istius generis monumenta eruuntur. Stultior sanè stultissimo esset, qui regnorum fatalibus tabellis crederet, & testi, quem toties falsi reum dedi, ut propè si diem diem dixerit, hoc ipso noctem esse subverendum sit.

Sed ut quod nunc ante manum est,

exequamur, tot inquam eversa est modis, quam Pradius concinnavit genealogia Capetinorum, ut putem nemini posthac Gallo sine rubore memorandam. Ostendimus nihil frivolum magis esse, quàm S. Arnolphi majores à Sigeberto Coloniensium Rege deducere; nihil incertius, quàm hunc ipsum Sigebertum Merovingio stemmati inserere; nihil falsius, quàm Childebrandum Pipini Crassi legitimam sobolem adstruere; nihil inanius, quàm Nebelongum, quem dicit secundum, aut Eccardi filium, aut Roberti Fortis patrem ex testamento Eccardino contendere. Et tamen nisi ea singulatim omnia luce ipsâ propemodùm clariùs nobis exhibeantur, nihil actum est.

Iterum ajo; nisi luce propemodùm ipsâ clariùs exhibeantur. Utcunq; enim in genealogiarum, præcipuè regiarum controversiis civile sit, probationes etiam non undequaq; consummatas pro plenis amplecti: in hac tamen nostrâ effecerunt Galli, ut, quod ajunt, ne pede quidem lato arenæ, nisi vi propulsis cedere consultum nobis sit, quòd quas inde nimium

um protervè neſtunt confeſcutiones, noſtram totiusq; Europæ libertatem exitio dare natæ ſint. Clariffimas itaq; & ſolidiffimas omniq; exceptione ſuperiores jure noſtro demonſtrationes poſtulamus. Dubiæ enim virtutis argumentorum, ſi alibi exigua, in hoc proſectò discrimine nulla omninò habenda eſt ratio. Illud enim hîc agitur, ut per quietæ oſtingentorum annorum poſſeſſionis convulſionem, & proculcationem, ferali atq; internecino bello, quo univerſum orbem Chriſtianum implicari & concuti neceſſe foret, prætextus ac ſpecies quærat.

Quid quòd dato etiam Robertum Fortem Childebrando, hunc Merovæo ortam fuiſſe, nequidquam tamen id Capetinis ad legendam Merovingiorum hæreditatem profuturum ſit? Spurius enim fuit Childebrandus, ſi modò Pipini filius. Spuriî verò nulla in regno Francorum ſucceſſio, niſi vitio autoritate ac conſenſu Regis populiq; , & quorum intereſt ſanato. Probè id Pradius ipſe monet, quando Caroli Martelli ad ſummum in regno regioq; imperio pa-

rem Magistratum evecti jus ut in tuto ponat, patris Pipini factum comminiscitur, quo filii natales in vim succedendi erexerit. (b) Addere oportebat, & populos in eum consensisse. Ast ut demus, solis etiam parentibus id juris fuisse: ostendat si potest, ut Martelli, ita & Childebrandi natales, patris autoritate sanatos. Verum id anno Platonis magno præstiterit, cujus quidquam uspiam, nec fictum, nec pictum, neq; scriptum invenitur. Non est igitur, quod Childebrandi posteris, spurio progenitore satis, quidquam inde rationis necti queat. Eò tamen fortasse recurrent Galli, ut Pipini patris vices à populo repensas jactent, quando Hugo Capetus in regnum assumptus est. Verum frustra hinc quoq; , si ullibi sunt. Nam factum id Neustriorum fuit. Habeant igitur Neustrii Gallo-Franci, si quidem ipsi ita velint, Hugonem sibi suum, progeniemq; (quod ego quidem averfor, at Pradiana series ita suppeditat) Childebrando spurio factum. Ad Austrasios sanè nihil isti attinent, qui Childebrandum nec noverunt,

nec in posteris suis, ad jus maximè regiae successionis tribuendum, vel tacitè, vel expressè natalibus unquam restituerunt.

Quid plura? ut etiam evictum pro Capetinis dederint Galli, fatos esse Merovingico sanguine virili atq; legitimo: ne vel sic tamen adversum nos, quod volunt, promovebunt. Nam tùm deum quam ipsi velut iniquis suis & foedis prætensionibus exitiosam averfantur & horrent, juris gentium præscriptionem, seu mavis, præsumptam derelicti habitationem obvertemus. Ringantur sanè: hanc tamen retinebimus, neq; eripi nobis sinemus, neque unquam pigebit, uno omnium gentium ore hanc quieti orbis statuminandæ tam necessariam anchoram tueri, ne illâ sublatâ omnia inevitabili fato misceri atq; corruere necesse sit. Viderint Galli, quàm novâ isthâc hæresi suâ malorum Lernam sibi inducturi sint. Qui enim jure inter gentes communiter recepto, ut singularia privilegia, sibi utilia, aliis autem omnibus exitiosa arrogant, contineri nolle,

ore atq; opere profitentur, indeq; illud modò sanctum habent, quò vis pertingere nequit, cœterà rape, trahe, tene: illi inquam aliis istis, quos lædunt, licentiam præbent, eodem in se jure abutendi, & quod in feras rapaces, humani generis exitio armatas licitum natura fecit, idem sibi accersunt. Taceo sublato præscriptionis salubri remedio, Gallis ipsis ad Romanum Imperium faciendam esse reversionem; aut si etiam tempora Romanis superiora, quod eâdem ratiocinatione consequitur, respicienda: in trecentarum, quas Cæsar in Galliâ reperit, & subegit, sui jâris civitatum multitudinem abeundum. Eximium profectò & speciosum turbulentis & in res novandas pronis Gallorum ingeniis prætextum! quo in autores ipsos aut patronos tam perversæ jurisprudentiæ abutantur, si Francicæ antiquæ libertatis memores despotismum, quo ab avorum imprimis ætate premuntur, aliquando pertæsi, frenum, ut patres eorum non semel fecere, denuò momorderint.

(a) *Petrus Puteanus, au Traité des différends entre les Roys de France & d'Angleterre. Chap. 2.*

(b) *In discursu proœmiali 1. sub Carolo Martello: Il est à croire que Pepin le Hardy considéra avant sa mort, que Charles son bastard estoit seul en aage de defendre sa principauté; & que par cette raison il ordonná, qu'il luy succéderoit. Car les Historiens contemporains parlent de l'administration de l'estat, dont Charles se saisit, comme d'un droit, qui luy appartenoit véritablement: parce que la volonté paternelle jointe à la naissance legitime ou illegitime regloit absolument l'ordre de ces sortes de successions &c.*

XVII.

Jura Merovingiorum non esse continuata in Capetinos titulo regni, quod tenent Gallici.

Reliquum nunc est ut inquiremus, an quæ familiæ titulo Capetinis negantur

P s

tur Merovingiorum jura, regni quod tenent nomine compensentur. Ubi quidem ante omnia ratio ipsa evincit, regnum cujus beneficio tantum decus veniat, ipsum illud esse oportere, quod Merovingiorum fuit, hoc est, regnum FRANCORUM, Jam verò notissimum quidem est, nihil Gallis crebrius in ore esse, quàm apud se hodieque perstare, veram illam rei Francicæ & genuinam Majestatem, & ad se regnum Francorum vetus illud, quod sub Chlodovæo & Carolo M. ac Ludovico Pio orbem claritate potentiâque suâ suspensum tenuit, haud interruptâ successionis serie propagatum. Imò hoc axe vertitur, quidquid magnifici sibi arrogant. Huic insistent dolo; hanc fraudem ingenti omnium vicinorum injuriâ ampliant, & sub adscititia Francorum persona, jugulis omnium intolerabilem sarcinam intentant. Ast ego si DEUS siverit, faciam Philocrates iste falsus, hodie verus ut reperiat Tyndarus. Faciam inquam, qui Francos se jactant, Galli ut exeant; hoc est, ut cum veris Francis præter nomen glori-

gloriamq; originis aliquam, commune inveniantur habere nihil. Aggredior itaq; lætus causam pulcherrimam & nobilissimam, remq; Europæ omni & orbi Christiano salutarem & necessariam exequar, dum imposturam, si quæ unquam à condito humano genere contexta est immanissimam, & si noxa non est verum dicere, truculentissimam, manifestare suscipio. Quod agere dum jam instituo, religiosissimè profiteor, non animi, non vixæ calumniæve causâ, utve orbi ludos faciam, nec paradoxo concinnando me illuc accedere, sed constitutum esse, quam conscientia in examen ritè vocatâ seriò persuasam habeo teneoque veritatem, ex intimâ civili Philosophiâ, historiarumq; fide, quibus solis ex fontibus hæc doctrina haurienda est, adeoq; comite juris & facti sincerâ enucleatione, brevissimis ut institutum jubet, exponere atq; tueri; id solùm in votis habens, ut lectorem, eundemq; arbitram in hac causâ omnium gravissima, totiusq; orbis cognitione dignissima, affectu & præoccupatione vacuum nactus sim.

Illud verò præmitti ordo postulat regnum Francorum, quod à Merovingiis in Carolinos transiit, cùm sub Ludovico Pio staret, partes numerâsse integrantes, hinc Germaniam universam, ut tùm erat, ab Albi & à Pannoniæ finibus inter Alpes Oceanumq; Germanicum, in Occidentem latè protensam; illinc Galliam ad Pyrenæos usq; pertingentem, & trans Pyrenæos vicinæ Hispaniæ partes ad Iberum usq; fluvium alicubi productas. His Francia genuina claudebatur finibus. Italia enim cum Slavicis provinciis, & Daciæ Pannoniæq; confiniis extrinsecæ accessioni erant, Imperio Francorum venientes non regno, si utriq; huic voci sua proprietas constet. Res ipsa verò & ratio connata regni Francorum vinculum civile, & spiritus ille formam præstans, personaq; moralis cum regno inseparabiliter veniens, per Germaniam æquè Galliamq; diducta vigeat, ut nec Gallia magis quàm Germania Franciæ tribuenda, neq; huic in Galliam plus juris ac Galliæ in ipsam comparatum esset. Neutri in alteram, sed Francis per
utramq;

utramq; sparsis imperium in ambas. Galliaē sedes, solitaq; praesentia regum, at Germaniae origo populi dominantis, & incunabula, tūc conservatus generis flos sincerus, non Gallico sanguine, quod Neustriis contigit, temeratus, non Romano alteratus, dignitatem quidem conciliabant utrinq;, differentiam verò, characteri genuino inferebant nullam. Foedissimus igitur illorum est error, qui Carolum M. Galliae ceu Regem Francorum, Germaniae verò quā Romanum Imperatorem, aut etiam velut regno à Francis diverso imperasse somniant.

Illud porro retulisse pretium operae etiam fuerit, inter provincias regni Francorum eam mansisse diversitatem, quod aliae speciali Franciae nomine venirent, aliae pristinae populorum indigenarum nomenclaturā censerentur. Priores quidem illā nominis praerogativā cluebant, quod victor populus, sedem in iis suam, aut ab origine, ut in Germaniā Transrhenanā habuisset, aut pomoeriis prolatis, quod per Galliam fecit, veteribus incolis, sive exactis, sive in servitutem

depressis, five etiam Francicâ civitate receptis, de novo specialiter collocâset. Cœteræ provinciæ indigenis legibusque propriis relictæ, subditorum numero manebant; neq; in comitiis, nisi per rectores, eosq; Francos, & à Francis impositos recipiebantur. Prioris generis in Germaniâ quidem Transrhenanâ numerabatur Francia illa primæva & originaria, tractus videlicet à Sueviâ usq; in Westphalos, & à latere Westphalorum secundum Rheni ripam dextram usq; ad Frisios. Continet ingens ista regio hodiè Palatinatûs inferioris partem Orientalem, nec non Franconiam, Wetteraviâ, cum Westerwaldiâ, Hassiam superiorem & inferiorem, Ducatum Montensem, & Cliviæ Geldriæque partes Transrhenanas, tum quidquid his in oris Westphalia, Frisia & Hollandia non est. In Austrasiâ verò Cisirhenanâ eodem hoc Franciæ nomine censebatur quodcunq; infra Alemannos & Sequanos, inter Rhenum Mosamq; & Arduennam sylvam, usq; ad Oceanum excurrit. In Neustriâ deniq; tractus terrarum iteratò
jam

jam nobis in superioribus memoratus, sylvâ nimirum Arduennâ, Mosâ, nec non Burgundiâ, Ligeri, Britannîâ Arc-moricâ, fretoq; Britannico circumfusus. Cœteræ sequioris ordinis provinciæ, quæ peculiari prisco nomine suo quæq; manebant, apud Austrasios habebantur Alemannia, cum Sueviâ, Baviariâ, Thuringiâ, & cum Saxonibus (quos tamen Francicâ civitate donatos, sunt quæ arguant) Frisia. Apud Neustrios Burgundia, Britannia Arcmorica, Aquitania & Gothia, quarum singulæ & hinc & inde magnis semper ducatibus, aliquando & regnis materiem præbuere. Nam si quando regnum Francorum in plures lacertum partes pluribus uno Regibus addiceretur; quibus eorum priori ex ordine provincia, pars scil. Franciæ specialius dictæ in sortem venerat, Francorum Reges audiebant. Cœteri nomen à provinciis posterioris notæ sortiebantur, unde Reges Baviariæ, Burgundiæ, Provinciæ, Aquitaniæq; interdum surrexerunt.

In hunc se modum habuit extrinseca regni

regni Francorum facies atq; structura. Et quidem si quâ fuit sub Ludovico Pio integritate, porrò etiam mansisset: parci poterat labori, qui nunc inquirentibus ubi terrarum idem hodiè versetur, exantlandus est. Ast cùm sinistro consilio, tunc ut antea semper, damnosa adhuc vigeret regnum pro numero regionum filiorum in partes dispelcendi ratio: collapsa usq; adeò ejus est Majestas, ut indagandum jam haud perfunctoriâ sit operâ, quònam gentium se receperit; facto tam mirabili atq; insolito, ut ubi reapse est, quod quærimus, regnum Francorum, ibi esse vulgò ignoretur. Ubi verò non est, ibi per usurpatam vafre à gente alienâ Francorum personam, in ipsius prototypi exitium sæviatur.

Porrò fatalis illa regni divisio perpetrata est post excessum Ludovici Pii à filiis Lothario Ludovico & Carolo Calvo, anno si Vorburgii computum sequimur 844. Causas ejus procatarcticas, bellaq; horrenda, per quæ prælio uno ad Fontenacum agri Altisiodorensis centum hominum millia; & cum iis flos Francicæ nobi-

nobilitatis cecidere huc referre nihil attinet. Illud recitasse suffecerit, quod post innumeras calamitates tandem communi partium consensu regni in partes æquales divisio decreta, eademq; iudicio ac fidei procerum delectorum concredita sit, quo contigit, ut Lotharius natu maximus cum Imperatoria dignitate Italiam, Ludovicus Bavariam, Calvus Aquitaniam præceptionis in modum tulerint. Inde reliquum regnum ita in partitionem venit, ut Ludovico secundò genito Germania omnis Transrhenana, unàque cis Rhenum urbes Moguntia, Wormatia, Spira, cum pagis, sive comitatibus suis cederent; Carolus natu minimus Galliam, quæ à Rhodano, Arari, Mosâ, Scaldi que in Occidentem vergit, consequeretur; Lotharius cum suâ sorte ex propriâ optione, cujus facultatem à fratribus tulerat, inter fratres mediûs esset, eaq; sibi caperet, quæ Alpes, mare Gallicum & Rhodanus, Rhenus cum Arari, Mosâ & Scaldi atq; Oceano ambiunt. (a) Contigit eâ divisione, quod nullâ ex anterioribus, ut in cor-

pus unum posthac regnum Francorum (nisi momentaneâ ferè coitione semel omninò sub Carolo Crasso) nunquam re-
versum sit. Unde cùm indolem ejus ad
argumentum hoc nostrum unicè facien-
tis pressè investigari res postulet: non
opinor inficeti quem forte hominem in-
genii eò processurum, ut hanc ipsam di-
visionem, vetustâ Francorum consuetu-
dine, totq̃ue majorum exemplis, totius
etiam populi, omniumq̃; causæ immixto-
rum consensu nixam, deniq̃; octo secu-
lorum lapsu roboratam, ad Gallorum
modernas commentitias regni leges, de
absolutâ domanii coronæ Francicæ in-
divisibilitate, & inalienabilitate, ut sic
loqui liceat, metiendo, nullitatis postu-
let. Qualem sanè trabalem ineptiam
(quâ tamen etiam datâ Galli frustra sibi
quidquam compendii pollicerentur) pru-
dens quisq̃; non rationibus, sed sibilo &
explosione repellendum unâ mecum
ducet.

Summa verò totius investigationis
huc redit, ut exeat, cuinam ex regnis istis
tribus, quorum singula Francorum no-
men

menclaturâ publicè privatimque censebantur, res ipsa & genuina regni pristini ratio obtigerit? Res inquam ipsa. Nec enim nomen moramur, quod singulis obvenisse, modo tamen haud uno agnoscimus. Cuiq; enim dividendum pars Franciæ specialius dictæ, ac modò à nobis descriptæ obvenerat, quiq; hanc habitabant populi, aut origine majoribusque, aut certè adoptione, deindè verò legibus, moribus ac studiis Franci erant. Sed & regna ipsa communes inter se publicæ salutis rationes retinuerant, paulò antè ejusdem corporis membra; reditura quoq; eòdem, mox ut Regum aliqui sine posteris maribus vivis exempti reversioni locum fecissent. Denique & isto nomine Francica erant, quòd inter ea, quantumcunq; distracta, ex intentione tamen dividendum arctum perpetuumq; , ac propè connaturale, & mutue defensionis contra hostes quosvis, & mutui consilii in rebus dubiis fœdus esset. Quo factum est, ut & Lotharius & Ludovicus, qui Germanicus postea dictus est, & Carolus Calvus Franciæ Franco-

Francorumq; Reges promiscuè audirent, hâc quidem distinctione, ut quemadmodum Ludovicus Orientalium, Carolus Occidentalium ipso situ monente, ita Lotharius cum successoribus Mediorum aliquando, crebrius verò (quod etiam postea solum obtinuit) ducto per primi possessoris nomen cognomine, Lotharianorum, aut per Germanismum Lotharingiorum Francorum Rex diceretur.

At ista nimirum nominis Francici in singulis regnorum continuati ratio fuit. Res verò ipsa regni interior longè hinc diversum se habuit. Nam ut perindè quàm nomine, tam re atq; intrinsecâ ratione unumquodque eorum pristinum Francorum regnum porrò esset, ab ipsâ rerum omnium naturâ alienum erat. Quàm enim singulis hominibus sua physica, ita singulis regnis quædam moralis est persona, quâ quodq; hoc est regnum, & non aliud; indivisibilis illa quoq; , & quousq; vinculum sociale civile, summo imperio suo stipatum, anima videlicet civitatum, nullâ dissolutione corruptum continuatur, etiam inseparabilis. Ubi verò

verò quodquam divisione initâ in plura regna dilapsum est: non patitur natura, animam personamq; isthanc moralem in singula unâ dividi, eâ quidem ratione, ut quodq; è divisione exeuntium, idem illud sit, quod paulò antè unum numero ac solum claruerat. Quàm enim omnem mentis humanæ conceptum excedit, esse in rebus creatis eodem quidem respectu, quidquam numero simul unum, & simul plura: tam & repugnat civitatem unam in plures veras civitates divisione scissam, in singulis suis, paulò antè partibus, nunc corporibus completis, ac per se stantibus, eandem numero manere, quæ priùs fuerat. Et hoc quidem à nemine sano controvertitur. Ast quod hinc recto consequentiæ progressu inferimus, illud est: divisione quam enarravimus Monarchiæ Francorum ex tribus quæ prodire regnis, utut nomine Francorum inter se convenientibus, re tamen ipsâ, rationeq; intrinsecâ dissimillimis personam illam moralem veteris Francorum regni cum charactere ejus genuino, non nisi in uno solo perdurasse. Non
abnuo

abnuo ab omnibus abfuturam fuisse, si mens Regum populorumq; dividendum ea fuisset, ut pristino regno, ex rerum ordine penitus expuncto, regna merè nova exurgerent. At hoc voluisse quis credat? Quis avitæ tam prodigos dignitatis, quis majorum suorum ita malignè reverentes, quis posterorum tam incurios reputet, ut quod à patribus industriæ virtutiq; suæ concreditum, filiisque reddendum tulerant regnum, tam augustum, tam inclytum, id scil. unàque cum eo tot eximias antiquitatis prærogativas ultro projicerent, projiciendo proderent, subrogatis perperam regnis aliis, nullo ætatis honore, eminentiâ, autoritate munitis? Non est igitur hoc ferendum, nec si esset, Gallis hodiè compendio foret. Nec enim quod tum inferres aliud superforet, quàm periisse dudum, jamq; ab octo amplius seculis tanti nominis rem, frustra; adeò non in Galliâ minùs, quàm in Germaniâ vetus genuinumq; Francorum regnum hodie requiri, alterive in alterum juris inde aliquid accersiri. Quo ipso Galli-

carum

earum prætenſionum vis omnis elifa, resq; deplorata foret, non minùs ac ſi per impoſſibile in ſingulis regnorum priſtinus character perſtitiffet; quod tùm quoq; in pari rurfum cauſa verſantibus, alterius in alterum prætenſionibus titulo regni Francorum texendis, præcluſa ratio eſſet.

Ratum manet: magnâ illâ poſt Ludovicum Pium diſiſione regni Francorum initâ, rationem ejus intrinſecam & formalem genuinam in uno ſolo ex tribus regnis mox prodeuntibus, conſervatam continuatamq; fuiſſe. At quodnam eorum tantum ſibi decus peculiare fecerit, haud perinde obvium, & nunc indagandum eſt. Quod quidem aliquantùm operoſius videri poſſit, quòd diſerti de eo ad nos, præſertim à calce hiſtoriæ Nithardianæ, unde ſperari lucis fortasſe aliquid poterat, aut fanè debebat, deſtitutos, nihil perlatum videatur. Veruntamen attentiùs inquirentem, ne in iſta quidem monumentorum penuria quod actum eſt, fallere diu poteſt, modò quærem, ut acta fuit, circumſtitere, prudenter

quod
adhuc
injuris
contic
firmat
Franc
bus p
huic
cliges
conic
mum
petin
apud
succe
stitue
ria cu
tati r
nere
ralitat
ut si c
gente
adver
ut co
non r
rint,
eos c

Quod si aliquid
... in iustem
... et ho
... res fuerit:
... quod
... maxime
... indicia
... con-
... Quae
... iocutionis
... potest,
... gradu,
... in iustem
... quem
... Notior
... quam
... pro
... lite
... in
... for-
... Machem
... propa-
... alia
...

omnia filerent, rem confectam dare idonea foret. At nec silent tamen alia, quæ idem evincant. Loquitur id ante omnia patris iudicium, quo Lotharius pridem antè, & quidem cum imperio in fratres Pipinum ac Ludovicum (qui Aquitaniæ Bavarizq; in Reges destinabantur) omnium Francorum Monarcha futurus (b) fide etiam in istud à regni ordinibus in Neomagensi publico conventu juratò acceptâ, fuerat renunciatus. Quæ tametsi postea à patre senio ac novercalibus stimulis agitato ac fluctuante, circa regni integritatem & imperium in fratres, identidem mutationem tulerint: (c) honorem tamen primogenituræ, qui præcipuè in continuatione characteris aviti versabatur, detractum fuisse nec oculatissimus invenerit, ne per dissidia, quidem illa, patrem inter filiumq; agitata. Nam quæ ab irato patre filio, nec immeritò aliquando adempta: eadem omnia præter territorii atq; imperii, quam diximus integritatem, reconciliatio secuta restituit. Idem verò perhibet optio regni (d) quodcunq; ex tribus eâ divisione

regni Francorum facies atq; structura. Et quidem si quâ fuit sub Ludovico Pio integritate, porrò etiam mansisset: parci poterat labori, qui nunc inquirentibus ubi terrarum idem hodiè versetur, exantlandus est. Ast cùm sinistro consilio, tunc ut antea semper, damnosa adhuc vigeret regnum pro numero regionum filiorum in partes dispelcendi ratio: collapsa usq; adeò ejus est Majestas, ut indagandum jam haud perfunctoriâ sit operâ, quònam gentium se receperit; facto tam mirabili atq; insolito, ut ubi reapse est, quod quærimus, regnum Francorum, ibi esse vulgò ignoretur. Ubi verò non est, ibi per usurpatam vafre à gente alienâ Francorum personam, in ipsius prototypi exitium sæviatur.

Porrò fatalis illa regni divisio perpetrata est post excessum Ludovici Pii à filiis Lothario Ludovico & Carolo Calvo, anno si Vorburgii computum sequimur 844. Causas ejus procatacéticas, belaq; horrenda, per quæ prælio uno ad Fontenacum agri Alcisiodorensis centum hominum millia; & cum iis flos Francicæ nobi-

nobilitatis cecidere huc referre nihil at-
tinet. Illud recitâsse suffecerit, quòd
post innumeras calamitates tandem com-
muni partium consensu regni in partes
æquales divisio decreta, eademq; judi-
cio ac fidei procerum delectorum con-
credita sit, quo contigit, ut Lotharius
natu maximus cum Imperatoria digni-
tate Italiam, Ludovicus Baviariam, Cal-
vus Aquitaniam præceptionis in modum
tulerint. Inde reliquum regnum ita in
partitionem venit, ut Ludovico secundò
genito Germania omnis Transrhenana,
unàque cis Rhenum urbes Moguntia,
Wormatia, Spira, cum pagis, sive co-
mitatibus suis cederent; Carolus natu
minimus Galliam, quæ à Rhodano, Ara-
ri, Mosâ, Scaldi que in Occidentem ver-
git, consequeretur; Lotharius cum suâ
sorte ex propriâ optione, cujus faculta-
tem à fratribus tulerat, inter fratres me-
dius esset, eaq; sibi caperet, quæ Alpes,
mare Gallicum & Rhodanus, Rhenus
cum Arari, Mosâ & Scaldi atq; Oceano
ambunt. (a) Contigit eâ divisione,
quod nullâ ex anterioribus, ut in cor-
pus

pus unum posthac regnum Francorum (nisi momentaneâ ferè coitione semel omninò sub Carolo Crasso) nunquam reversum sit. Unde cùm indolem ejus ad argumentum hoc nostrum unicè facientis pressè investigari res postulet: non opinor inficeti quem forte hominem ingenii eò processurum, ut hanc ipsam divisionem, vetustâ Francorum consuetudine, totque majorum exemplis, totius etiam populi, omniumq; causæ immixtorum consensu nixam, deniq; octo seculorum lapsu roboratam, ad Gallorum modernas commentitias regni leges, de absolutâ domanii coronæ Francicæ indivisibilitate, & inalienabilitate, ut sic loqui liceat; metiendo, nullitatis postulet. Qualem sanè trabalem ineptiam (quâ tamen etiam datâ Galli frustra sibi quidquam compendii pollicerentur) prudens quisq; non rationibus, sed sibilo & explosione repellendum unâ mecum ducet.

Summa verò totius investigationis huc redit, ut exeat, cuinam ex regnis istis tribus, quorum singula Francorum nomen

menclaturâ publicè privatimque censebantur, res ipsa & genuina regni pristini ratio obtigerit? Res inquam ipsa. Nec enim nomen moramur, quod singulis obvenisse, modo tamen haud uno agnoscimus. Cuique enim dividendium pars Franciæ specialius dictæ, ac modò à nobis descriptæ obvenerat, quiq; hanc habitabant populi, aut origine majoribusque, aut certè adoptione, deindè verò legibus, moribus ac studiis Franci erant. Sed & regna ipsa communes inter se publicæ salutis rationes retinuerant, paulò antè ejusdem corporis membra; reditura quoq; eòdem, mox ut Regum aliqui sine posteris maribus vivis exempti reversioni locum fecissent. Denique & isto nomine Francica erant, quòd inter ea, quantumcunq; distracta, ex intentione tamen dividendium arctum perpetuumq; , ac propè connaturale, & mutue defensionis contra hostes quosvis, & mutui consilii in rebus dubiis fœdus esset. Quo factum est, ut & Lotharius & Ludovicus, qui Germanicus postea dictus est, & Carolus Calvus Franciæ Franco-

Francorumq; Reges promiscuè audirent, hâc quidem distinctione, ut quemadmodum Ludovicus Orientalium, Carolus Occidentalium ipso situ monente, ita Lotharius cum successoribus Mediorum aliquando, crebriùs verò (quod etiam postea solum obtinuit) ducto per primi possessoris nomen cognomine, Lotharianorum, aut per Germanismum Lotharingiorum Francorum Rex diceretur.

At ista nimirum nominis Francici in singulis regnorum continuati ratio fuit. Res verò ipsa regni interior longè hinc diversum se habuit. Nam ut perindè quàm nomine, tam re atq; intrinsecâ ratione unumquodque eorum pristinum Francorum regnum porrò esset, ab ipsâ rerum omnium naturâ alienum erat. Quàm enim singulis hominibus sua physica, ita singulis regnis quædam moralis est persona, quâ quodq; hoc est regnum, & non aliud; indivisibilis illa quoq; , & quousq; vinculum sociale civile, summo imperio suo stipatum, anima videlicet civitatum, nullâ dissolutione corruptum continuatur, etiam inseparabilis. Ubi
verò

verò quodquam divisione initâ in plura regna dilapsum est: non patitur natura; animam personamq; isthanc moralem in singula unâ dividi, eâ quidem ratione, ut quodq; è divisione exeuntium, idem illud sit, quod paulò antè unum numero ac solum claruerat. Quàm enim omnem mentis humanæ conceptum excedit, esse in rebus creatis eodem quidem respectu, quidquam numero simul unum, & simul plura: tam & repugnat civitatem unam in plures veras civitates divisione scissam, in singulis suis, paulò antè partibus, nunc corporibus completis; ac per se stantibus, eandem numero manere, quæ priùs fuerat. Et hoc quidem à nemine sano controvertitur. Ast quod hinc recto consequentiæ progressu inferimus, illud est: divisione quam enarravimus Monarchiæ Francorum ex tribus quæ prodire regnis, utut nomine Francorum inter se convenientibus, re tamen ipsâ, rationeq; intrinsecâ dissimillimis personam illam moralem veteris Francorum regni cum charactere ejus genuino, non nisi in uno solo perdurasse. Non
abnuo

abnuo ab omnibus abfuturam fuisse, si mens Regum populorumq; dividendum ea fuisset, ut pristino regno, ex rerum ordine penitus expuncto, regna merè nova exurgerent. At hoc voluisse quis credat? Quis avitæ tam prodigos dignitatis, quis majorum suorum ita malignè reverentes, quis posterorum tam incurios reputet, ut quod à patribus industriæ virtutiq; suæ concreditum, filiisque reddendum tulerant regnum, tam augustum, tam inclytum, id scil. unàque cum eo tot eximias antiquitatis prærogativas ultro projicerent, projiciendo proderent, subrogatis perperam regnis aliis, nullo ætatis honore, eminentiâ, autoritate munitis? Non est igitur hoc ferendum, nec si esset, Gallis hodiè compendio foret. Nec enim quod tum inferres aliud superforet, quàm periisse dudum, jamq; ab octo ampliùs seculis tanti nominis rem, frustra; adeò non in Galliâ minùs, quàm in Germaniâ vetus genuinumq; Francorum regnum hodie requiri, alterive in alterum juris inde aliquid accersiri. Quo ipso Galli-

carum

earum prætenſionum vis omnis elifa, resq; deplorata foret, non minùs ac ſi per impoſſibile in ſingulis regnorum priſtinus character perſtitiffet; quod tùm quoq; in pari rurfum cauſa verſantibus, alterius in alterum prætenſionibus titulo regni Francorum texendis, præcluſa ratio eſſet.

Ratum manet: magnâ illâ poſt Ludovicum Pium diſiſione regni Francorum initâ, rationem ejus intrinſecam & formalem genuinam in uno ſolo ex tribus regnis mox prodeuntibus, conſervatam continuatamq; fuiſſe. At quodnam eorum tantum ſibi decus peculiare fecerit, haud perinde obvium, & nunc indagandum eſt. Quod quidem aliquantùm operoſius videri poſſit, quòd diſerti de eo ad nos, præſertim à calce hiftoriæ Nithardianæ, unde ſperari lucis fortaffe aliquid poterat, aut ſanè debebat, deſtitutos, nihil perlatum videatur. Veruntamen attentius inquirentem, ne in iſta quidem monumentorum penuria quod actum eſt, fallere diu poteſt, modò quærem, ut acta fuit, circumſtitere, prudenter

ter ponderantem. Quòd si enim aliquid à simplici naturæ ductu diversum fratres dividentes, & qui fratribus in sortem veniebant populi, in eâ causâ statuere voluissent: disertim utique statuissent: Nunc cum ejus nihil præstò sit, & hominibus tamen inter homines res fuerit: hoc ipso tenendum est, id egisse, quod rationi, quod naturali æquitati maximè consentaneum est, quodque alia indicia numero non pauca, nec pondere contemnenda actum fuisse persuadent Quæ verò naturæ vox, quæ ratio successionis è moribus populorum clarior esse potest, quàm inter pares natalibus, sexu, gradu, avitæ palmam dignitatis, si indivisibilis sit, in illum devolvi, quem ætas, quem per ætatem natura ipsa prætulit? Notior est primogenituræ vis & honos, quàm ut præcone egeat. Ea verò cum pro Lothario tota steterit: quis in hac lite calculum suspendat suum, dubitetve in eodem illo Lothario, & quod ei in sortem venerat regno, pristini Majestatem rationemq; Francorum regni esse propagatam? Sola isthæc ætatis ratio, ubi alia
omnia

omnia silerent, rem confectam dare idonea foret. At nec silent tamen alia, quæ idem evincant. Loquitur id ante omnia patris iudicium, quo Lotharius pridem antè, & quidem cum imperio in fratres Pipinum ac Ludovicum (qui Aquitaniæ Bavarizq; in Reges destinabantur) omnium Francorum Monarcha futurus (b) fide etiam in istud à regni ordinibus in Neomagenfi publico conventu juratò acceptâ, fuerat renunciatus. Quæ tametsi postea à patre senio ac novercalibus stimulis agitato ac fluctuante, circa regni integritatem & imperium in fratres, identidem mutationem tulerint: (c) honorem tamen primogenituræ, qui præcipuè in continuatione characteris aviti versabatur, detractum fuisse nec oculatissimus invenerit, ne per dissidia, quidem illa, patrem inter filiumq; agitata. Nam quæ ab irato patre filio, nec immeritò aliquando adempta: eadem omnia præter territorii atq; imperii, quam diximus integritatem, reconciliatio secuta restituit. Idem verò perhibet optio regni (d) quodcunq; ex tribus eâ divisione

surgentibus retineri visum esset, non à patre modò priore partitione, sed & à fratribus in Lotharium, & quidem jam hostem, jam victum, jam propè supplicem collata, quæ honorem primogenituræ suum mansisse altum clamat. Et credat quisquam Lotharium, qui etiam imperium in fratres præsumperat, animi plus nimio ambitiosi principem, usque adeò vecordiâ lapsus, ut regni Francorum genuini copiâ sibi factâ, id quod tenuit delecturus fuisset, nisi cum eodem illud ipsum avitam Franciæ genuinæ decus sibi mansurum probè pernovisset? Jam patris Ludovici Pii novissima cura, quâ morti admotus, sceptrum atq; coronam cœteraq; cimelia regia, avitæ dignitatis pignora, Lothario eidem transmissit, id ipsum etiam indicat. (e) Quid quòd etiam sedes regni Francorum & archisolum, ut vocant, Aquisgranum, non modicum huc conferat, quam cum sorte suâ Lotharius tulit? (f) At ne scriptorum autoritate disertim prodentium, quòd Lothario genuinum Francorum regnum patris beneficio obvenerit, omnino

nò destituti mutis tantum indiciis, & ratiocinando demum vim fortientibus niteremur; salubriter providerunt Annales Francorum Fuldenses, qui ad ann. 839. verbis nequaquam ambiguis ajunt: *Post Pascha mense Majo Wormatiam veniens* (Ludovicus Pius Imperator) *HLUtario filio suo de Italià in fidem ejus venienti, reconciliatur, regnumque FRANCORUM inter eum & Carolum filium suum minimum dividit.* *HLUtario quidem, qui MAJOR NATU erat NOMINIS SUI DIGNITATEM & SEDEM REGNI tribuens.* Magnopere velim animum probè huc advertat suum, cuicunque est curæ (quam Galli hodiè fecerunt, ut sanè supervacanea ne esset) quorsum per illam divisionem ratio regni Francorum genuina contracta sit. Hoc enim textu docemur ipsum verum Francorum regnum inter filios Lotharium & Carolum dividere, Ludovico Pio propositum fuisse. *Nominis* igitur paterni dignitatem, quæ unà cum regni parte in Lotharium transcripta fuit, aliam esse repugnabat, quàm regiam Francorum illam,

de quâ agimus veram Majestatem. Sed & ratio additur: quòd *major natu*, esset Lotharius, quo primogenituræ jus quod initio in hanc sententiam allegavimus, eximiè stabilitur. Imò ut ne dubium esset, verum Francorum, non Imperii Romani, quo unâ cum Romanâ urbe & Italia Lotharius pridem potitus atq; gavisus erat, axioma per nominis dignitatem hîc notari: accessit in singulare indicium sedes regni Aquisgranum, Francorum utiq; illo ævo, non Romanorum metropolis. Cui divisioni immortuus tempore haud multo exacto Ludovicus Pius, Lotharium non minùs in Franciâ illâ verâ & genuinâ, quàm in Romano Imperio sortitus est successorem, cujus avitæ dignitatis præminentiam ei nec bella subsecuta, neq; transactio eripueret. Bella enim vertebant non circa regium genuinum Francorum characterem, sed quòd Ludovicus Lotharii frater ætate proximus, Bavariâ suâ malignè contentus, Germaniam omnem Transrhenanam, Lothario paulò antè attributam, sibi assereret, quòdq; Carolus Cal-

vus Aquitaniam liberis Pipini Regis antepatrem Ludovicum Pium defuncti, hujus quidem voluntate præripuisset; deniq; quòd Lotharius in fratres imperium ambiret. Ast insecutâ dein transactione regnum quidem universum, & quidquid Ludovici Pii terrarum fuerat, in partes tres æquales sectum, singulis etiam regnorum autocratiam suam assertam fuisse, docemur: honori autem paterni nominis avitæq; dignitatis & genuino Regis Francorum characteri, quem Lotharius à patris obitu nequaquam controversum tulerat, vim factam, eivo quidquam per ea omnia vel in minimo detractum esse nullibi invenire est.

Quid verò ad isthæc omnia Pradius? Quòd si horum quidpiam pro Carolo Calvo adversum nos jactari sustineret, quantis non vocibus suo gentiliumq; suorum more detoneret? tam diserta ac potens est veritas cum Gallis favet. Ast contrà si faciat: serva esse, & nec hiscere jubetur; quin etiam in ipsâ luce caliginem ei offundere, Gallis pro lusu est. Veruntamen frustra hîc fuerint. Quid enim

Q ;

enim Carolus iste fratrum ut natus, sic vel Maimburgio teste (g) etiam pretio minimus, & quod Adelmus ac Nithardus testantur (h) Lothario ceu primogenito fratri reverentiam exhibere à patre iussus, adversus eum promovebit? An fortè Franciæ nomen Galliæ soli mansisse, per mendacium quisquam adstruat? Ast mille testimoniis contrà stantibus configetur. An Francos unà omnes in Galliam migrâsse, porrò fabulator aliquis objiciet, nec proinde characterem regni genuinum in aliam regni plagam deflectere potuisse? Ast ut suppositum daremus, quod falsissimum est, non tamen sequeretur, in Occidentali mage Galliâ, quàm in eâ, quæ ad Rhenum vergit, & Lotharii mansit consedisse. An Calvi sortem copiâ virium prævaluisse cæteris quisquam causabitur? At ignorare nemo potest, quod scriptores dilucidè tradunt, à delectis regno eriscundo arbitris, id præcipuè curatum, à limine etiam conventionis provisum fuisse, (i) ut divisio in partes, quàm posset, exactissimè æquales fieret. An Lutetiam prætexent,
Chlo-

Chlodovæi præcipuam sedem? At huic primatûs culmen, Carolo M. annitente, jam pridem detraxerat Aquisgranum. Gerræ mihi crede sunt meræ & affaniæ; ea omnia, quæ adversûs vocem veritatis tam altam, tamq; disertam moliri per-tendent Galli, non alii futura usui, quàm ut gerronum pervicaciam tantò eviden-tiùs in luce collocent. Nemini pruden-ti certè quidquid magnifici clamoris, quidquid vaniloquentiæ hîc afferant, pluris erit, quàm vitiosa nux.

Constans igitur est, rem Francorum genuinam, ex tripartita divisione anni 844. non aliis quàm Francis Lotharien-sibus peculiarem factam. Ast cœtera duo, Germaniæ putà, Galliæq; Occiden-talis regna præter nomen nudum & quan-dam originis gloriam, à Francis tulisse nihil, sed in regna nova, regna isti pri-mùm divisioni se debentia, tum demum surrexisse. Quorsum verò à Lotharin-gis eadem illa vera Francici regni ratio deinde concesserit, ut cognoscamus, & simplicior dehinc erit decursus, & rem quàm potero maximè compendifaciam.

Quàm enim simplex & plana, & per se nota est hæc thesis : *Quocunq̃ue regnum abiit Lotharianum, eò unà migravit & regnum Francorum genuinum* : tam quocunq̃ue cuius historiarum cognitione vel mediocriter tincto, & notum, & planum, & certissimum non esse non potest, regnum illud idem Franco-Lotharianum succedentibus annis haud adeò multis, cum regno Francorum Orientali, quod Ludovici Germanici sortem fuisse vidimus, coalitione intimâ, absolutâ atque plenissimâ, verbo, unione civili fuisse conjunctum. Etenim Lotharii fors omnis ab obitu ejus, factâ inter liberos subdivisione in tres primùm partes ita dilapsa est, ut Ludovico ejus nominis secundo, natu maximo Romanum Imperium atq̃; Italia cum Episcopatibus Inalpinis, Genevensi, Losannensi & Sedunensi, Lothario juniore ætate proximo, Francia illa vera Lothariana inter Rhenum, Mosam, Scaldim atq̃; Oceanum, minimo autem filiorum Carolo, Gallia inter Alpes, Ararim, Rhodanum, & mare mediterraneum cederet. Deinde au-

tem

tem Carolo vivis exempto, regnoque
ejus inter fratres superstites subdiviso,
Lotharii Cæsaris universa fors, in duas
tantum partes contracta est; Provinciâ
Italiæ & Ludovico Imperatori, Delphi-
nato verò cum tractu Lugdunensi Bur-
gundiæq; comitatu, Lotharingis Lotha-
rioq; minori accedentibus. Sed cum
etiam Lotharius iste minor seculi noni
anno nono & sexagesimo diem clausisset
extremum: Carolus Calvus Galliæ Occi-
dentalis Rex, Lotharingiam, cui pridem
subdolè inhiaverat, ruptis naturæ & san-
guinis, ruptis etiam conventionum fide-
ique datæ vinculis, legibusq;, quæ Lu-
dovicum Imperatorem successorem nun-
cupabant, invadit, tollitq; penè omnem,
sed mox cum Ludovico Germanico, ar-
mis id extorquente pro partibus æquis
dividendam. Et huic quidem istâ pa-
rtione provinciæ Rhenum spectantes,
cæteræ in Occidentem ad Mosam Scal-
dimq; Calvo obtigerunt. Quam divi-
sionem in fraudem legitimi successoris
perpetratam, tum quidem infirmam &
vitiosam fuisse, obitu tamen Ludovici

Cæsaris anno 875. convaluisse censendum est. Hanc conventionem cùm Calvus (per ambitum & largitiones fœdas, & proditionem jurium regno Francorum familiæq; suæ venientium, jam Imperator) ab obitu Germanici denuò temerâset: Ludovicus Francicus Germanici filius, exiguâ manu ad Andernacum fœdè multatum in Galliam vestigia relegere præcipitem coëgit, qui ipse etiam Ludovicus Francicus anno 879. Occidentalem tandem Lotharingiæ partem, quæ ex consensu Germaniæ Regum apud Calvi successorem Ludovicum Balbum, ad momentum ferè manserat, ab hujus filiis Galliæ Regibus Ludovico & Carolomanno jure perpetuo tenendam consecutus est. Primus igitur Ludovicus iste noster è Regibus Germanorum Franciâ Lotharianâ universâ potitus, quam & ipse & successores Germaniæ, seu Franciæ Orientalis Reges, iidemq; plerumq; Imperatores, adversus omnes Gallorum insultûs, ingentibus animis, & animos secundante fortunâ, annis plûs minûs centum quinquaginta strenuè tutati sunt, quo-

quousque inito inter Henricum S. Cæsarem, & Robertum Pium Galliae Regem pacto, anno 1023. in colloquio ad Carum fluvium (is Luxemburgensis ditionis est) controversiâ ex imo sublatâ, possessio Lotharingiæ Germanis dehinc inconcussa mansit, novis etiam inter Germaniam Galliamq; pactis amicitiae identidem initis confirmata, donec eam Cassano principe hoc demum seculo, forensium aliquot declamatorum contemptissima cohors, cui novo exemplo Pradius etiam nomen nunc dedit, allatrare ausa est.

In quo igitur hujus controversiæ nobilissimæ cardo vertitur, istâ regni Lotharingici cum Germanico conjunctione, juriumq; omnium intrinsecâ & perfectissimâ communione, illud effectum est, ut regnum utrumq; in corpus unum politicum, uno vinculo sociali connexum, uno charactere civili genuino insigne, unâ solâ personâ morali consummatum transiret. Et manente quidem regno Lothariano, utpote nobiliore, vereque Francico (cujus indicium inter multa

esse etiam potest, coronatio & unctio Regum Orientalium, non intra limites Germaniæ transrhenanæ, sed Lothariano in solo, Aquisgrani veteri instituto peragenda) Germanicum regnum in ejus rem atq; personam moralem omnimodè adeoq; indissolubiliter & perfectè transivit, ut character ille Francorum genuinus, beneficio regni Lothariani Germaniæ universæ communis factus, atq; illatus, exinde in hunc usque diem glebæ non Lotharingicæ magis, quàm Germanicæ inhæserit. Atq; ita rem se habere præter alia illud etiam argumento est, quòd ordines utriusq; regni comitia universalia posthac separatim nulla, sed eadem utrisq; communia semper obierint, quòdq; regno utriq; capeffendo inauguration non nisi una adhibita sit. Eâ igitur rerum conversione illud contigit, ut quod aliquot antè seculis Francici honoris culmen Germania transitu Francorum indigenarum suorum Galliæ commune secum fecerat: hoc ipsum per tot rerum vicissitudines regniq; divisiones, Germaniæ aliquando præreptum, Gallia eadem
velut

velut in redhostimentum accepti beneficii istâ unione postliminio redhiberet.

Simplicissimâ isthâc planæq; veritati examussim congruâ narratione, indeque tracto consequentiæ nexu confusus, possem jam hoc caput omninò dimittere, neq; adeò lectoris judicio diffidere, ut pluribus opus argumentis ducerem, quò causæ tam liquidæ, tamq; perspicuo jure, & æquitatis tam dilucidâ ratione nitenti calculum ejus prolicerem. Exempla tamen & testimonia requirentibus, quæ Regum populorumq; rei quæ agebatur, potissimè immixtorum, tum etiam sequentis è propinquo ætatis, eandem nobiscum fuisse sententiam, comprobant, ex magnâ copiâ, ne molestior sim, & ne hoc opus cæterâ concisum, mole unius membri inconcinnâ difforme exeat, non nisi pauca dabo. Quem verò potius huc, & quem illustriorem mihi testem velim, quàm qui post paulò, quàm ea copula inter utrumq; regnum contracta esset, totius Monarchiæ Francicæ ad triennium, aut si quid excurrat, obtinuit apicem, & Galliam, non tutorio aut pro-

curatorio nomine, aut precario, quod aliqui voluere, sed vel Gallorum confessione, regio jure non minùs, quàm Lotharingiam Germaniamq; tenuit, Carolum Crassum? Illum nemo arguet opes suas ignorasse, aut quæ regna imperio suo contineret. Audiamus porrò, quis ei de se, quis de Germaniâ suâ, Lotharingiæ jam sub fratre Ludovico Francisco unita, quis de regno, quod Carolo Calvo obvenerat, sensus fuerit. Recitat magni nominis autor, qui monumenta Paderbornensia condidit, (k) diploma Caroli hujus Herisfensi Parthenoni datum in hæc verba desinens: *Amalbertus Cancellarius ad vicem Liutberti Archipellani recognovi &c. Data XI. Kalend. Octob. anno Domini incarnationis DCCCLXXXVII. Indict V. anno verò regni Domini Karoli, Serenissimi Imperatoris Augusti in Italiâ VII. in Franciâ V. in Galliâ III. Actum ad Justinianawa Curte regali, in Christi nomine feliciter Amen.* Nihil hoc testimonio, cui ejusdem Imperatoris haud dubiè plura concinunt, disertius, nihil luculentius. Docet

cet. inprimis Lotharingiæ Germaniæque regna in unum Francorum regnum consolidata, utpote uno sole Franciæ nomine jam tum venientia. Deinde hoc regnum Lotharingio - Germanicum ipsum genuinum Francorum regnum fuisse, quàm non ista Franciæ Galliæq; ab Imperatore utriusque Rege facta distinctio evincit? Galliam ne nomine quidem nudo Franciæ dignatus est, quo tamen ex usu recepto per ævivocationem citra alienam injuriam dignari poterat. Quid enim volenti facilius fuisset, quàm annos ita regiminis computare: *In Francià Orientali anno V. in Occidentali anno III?* An si Galliæ Occidentali res Francica verè inerat, sustinuisset Rex ejus regnum suum usq; adeò inclementer habere, ut honoris eminentiæq; debitis signis ei detractis, etiam velut sub oculis ejus alienum exornaret? At enim sciebat quid Germaniæ, quid Galliæ deberet, idque eo pacto aperte distinctum volebat. Quàm rectè igitur, & quàm ex officio historiæ accuratioris Annàles Fuldenses, jam inde ab obitu Ludovici Pii, usq; ad
finem

finem operis, regnum Occidentale, Gallorum Galliaq; nomine venire perpetuò jubent, Franciaq; veræ, Germanorum putà regno, exactè & constanter contradistinguunt? Porro quis Crassi in Lotharingia Germaniaq; successor proximus, & ex fratre nepos Arnolfus Cæsar habitus fuerit, & qualis de regno, quod tenebat sensus: testetur scriptor exterius, fide hoc uberiore, quòd etiam coævus fuerit, nec factionibus immixtus. Is Asser Menevensis est Anglus, qui in vitâ Alfredi Regis hæc ait: *Eodem anno Carlus (Crassum vult) Francorum Rex viam universitatis adiit. Sed Earnulf filius fratris sui sextà antequam defunctus esset hebdomadà illum regno expulerat. Quo statim defuncto, quinque Reges ordinati sunt, (intelligit præter Arnolfum videl. nostrum Francorum Regem, Berengarium Italiae, Bosonem Provinciae, Conradum Burgundiae Transjuranæ, & Eudonem Galliae Occidentalis invasores) & Regnum in quinque partibus conscissum est. Sed tamen PRINCIPALIS SEDES REGNI AD EARNULPH jure & merito*

ritò pervenit. Ecce veritatem externo quidem præcone, sed vetustissimo & integerrimo tam sonoram, ut eam post tot secula ab aliquo heri vel nudiùs tertiùs nato forensi tintinnabulo controverti indignum, nec nisi impudentis ingenii indicium foret. Quid verò an tùm Gallia Arnolfo Francici honorem culminis litigiosum fecerit, quæ etiam obsequium Arnolfo non omnimodè detrectavit? Ita factum fuisse is idem dicat Anglus. *Cæteri quoq; Reges,* ait, **FIDELITATEM ET OBEDIENTIAM EARNULPHO, SICUT DIGNUM ERAT PROMISERUNT.** Et paulò post: *Quinque itaq; Reges confestim Carolo moriente ordinati sunt, sed IMPERIUM PENES EARNULPH mansit.* Imperii vox utique non Romanum hîc infert Imperium, quod nec ad mentem scriptoris facit, nec Arnolfo Regibus hîc tantùm annumerato, nisi sexennio regiminis exacto obtigit. Quin imò si jam tum Arnolfum Imperatorem unà Francorumque Regem duxisset, quinarium regnorum Regumq; numerum perperam allegâset.

Non aliud itaq; imperium hoc loco voluit, quàm quod paulò antè dixerat, principalem regni Francorum sedem, hoc est, regnum Francorum genuinum & potestatem, quæ Arnolfo in cæteros Reges beneficiarios aut subiectos tributa sit. Certè qualis illa cunq; cæterorum Regum subiectio fuerit, quoad Galliam in eo Menevenfi adstipulantur Annales Metenses, ad annum 888. Gallorum populi, ajunt, in unum congregati, cum CONSENSU ARNOLPHI Odonem Ducem Regem super se statuunt. Hoc totidem verbis & Regino tradit. Iisdem verò concinit Hermannus Contractus nostrâs. Odo Arnolphum Franciam (Lotharingiam intellige) petentem, inquit, HUMILITER adiens, benignè susceptus, PERMISSU EJUS invasum tenuit regnum. (1) Accedunt Annales Fuldenses anno 888. in hæc verba: Quod Odo comperiens salubri usus consilio contestansque, se malle regnum suum cum GRATIA REGIS (Arnolfi) pacificè habere, quàm ullâ jactantiâ contra EJUS FIDELITATEM superbire, veniensq;, HUMILITER AD RE-

REGEM, GRATANTER recipitur. Witekindus pariter testatur: (m) Huic (Arnolfo) Odo diadema & sceptrum, & cætera regalia ornamenta obtulit, imperiumq; dominii sui GRATIA IMPERATORIS Arnolfi obtinuit. Et Regino addit: Odo Rex cum MAGNIS MUNERIBUS ad Arnolfum venit. Idem verò Regino jam antè dixerat: Carolus (Simplex) venit, & Arnolfum MAGNIS MUNERIBUS sibi conciliat, regnumque quod usurpaverat, ex EJUS MANIBUS percepit. Et huic Gallia in mentem venire potuerit, Germanis de genuino Francorum charactere litem movere, cujus Reges Eudo & Carolus Simplex, exteris pariter, nostratibusq; testantibus, Regem Franco-Germanorum certatim HUMILITER adierunt, MAGNIS MUNERIBUS gratiam ejus captârunt, GRATANTER recepti sunt, contestantes se contra FIDELITATEM ei (Germaniæ Regi) debitam non velle superbire, sed REGNUM & diadema ex ejus GRATIA & MANIBUS habere? Quis cui judicii mica superest; sibi persuaserit,

tantum arrogantiae Galliae sumptum, ut praeminentiae bellum illis indiceret, quorum ad nutum etiam Reges accipiebat? Quamquam verò ista scopo nostro abundè esse possint: Carolo tamen & Arnolfo, binis Germaniae Regibus, tertium addam, Ottonem Magnum. De hoc verò Witkindum audiamus: (n) *Cæteris quoq; filiis, inquit, prædia cum thesauris distribuens, (de Henrico Aucupe sermo est) ipsum Ottonem, qui maximus & optimus fuit, fratribus, & OMNI FRANCORUM IMPERIO præfecit. Ille etiam Otto disertè se scripsit Regem FRANCORUM & Longobardorum. (o) Ille Pipinum Magni Caroli genitorem Francorum Regem, inter decessores numerat suos. (p) Ille regnum Germaniae nuncupat regnum Francorum, quando tabulas donationum Sedi Apostolicæ factorum in hæc verba claudit: (q) *Has omnes supradictas provincias, urbes &c. pro remedio animæ nostræ &c. & pro cuncto à DEO conservato & conservando FRANCORUM populo, jam dictæ Ecclesiæ tuæ &c. confirmamus &c.* Sed hæc &c.*

& cœtera omnia superat clarissima in omne ævum oratio Hildeberti Moguntinensis Archiepiscopi, quam Ottonis inaugurationi regali interposuit. (r) Nam cum inter alia insignia enssem porrigeret, accipe, dixit, *gladium, quo ejicias omnes Christi adversarios, barbaros, & malos Christianos, auctoritate divinâ tibi traditâ omni potestate TOTIUS REGNI FRANCORUM.* Dum regnum FRANCORUM enuntiat, justissimâ nomenclaturâ quid fuerit regnum Germaniæ definit. Dum verò ait, TOTIUS, alibi quàm in Germaniâ frustrâ quærendum fuisse verum Francorum regnum indicat. Quid porro hoc monumento planius aut efficacius esse possit? Nec enim vox ista fuit, privati atq; umbratilis è scholastico pulvere doctoris, nec de forensi turbâ nugivenduli declamatoris, sed Germaniæ Galliæq; Primatis, sed in regno Franco-Germanico primi procerum, primi-que ministrorum, cui dandum crimini fuisset, si rempublicam in quâ versabatur, ævo præsertim, quod initæ regni tripartitæ divisioni, iterumq; Lotharingiæ

giæ cum Germaniâ coalitioni vicinum, ignorâſſet. Sed nec clàm aut privatim, aut improvifo loquentis impetu, ſed totius animo ac velut ore populi, in actu ſanctiſſimo, auguſtiſſimoque fuit effuſa. Deniq; ne inter verba rem deſiderares, is idem providit Otto, qui omni vitâ nihil antiquius habuit, quam jura regni Francorum, ſi qua inveniſſet interverſa, ſibi Germaniæq; ſuæ vindicare. Vocem penè per ſe ipſæ videntur edere, idque clamare res ejus geſtæ. (s) Illo enim nomine pacatis in Germaniâ motibus, *Italiam quæ per plures jam annos Francis ſeu Germanis alienata fuerat, regno adjicere paravit. Nec feſellit. Adjecta enim fuit ejeſtis tyrannis. Deinde, in urbem progrediens à ſummo Pontifice, totoq; populo ſuſceptus, applaudentibus cunctis, Imperatoris & Auguſti nomen ſortitur. Exhinc regnum Romanorum ruruſus ad FRANCOS, unde quodammodo elapſum fuerat, translatum eſt. Non alio etiam titulo pridem antea regnum Burgundiæ quod nuper cum Arelatenſi concreverat, in terris regni Franco-Germanici per injuriam*

juriam exortum, Rege in fidem ac potestatem recepto, Germaniæ restituit. Id verò erat, quod Otto Frisingensis tam genere, quàm Episcopio Imperii Princeps, Augustorumq; sanguini immixtus, illustrissimus & in Republicâ suâ versatissimus scriptor ait: (t) *Sicut Merovingiis deficientibus & Carolis succedentibus regnum tamen mansit Francorum: sic & Carolis decedentibus ex aliâ familiâ seu linguâ IN UNO TAMEN REGNO Ottones subintroiere.* Nimirum in vero illo vetere Francorum, quod & Merovingii tenuerant, & Carolini. Ast Ottones Lotharingo-Germaniæ Reges erant. Hâc ipsâ igitur Germaniâ regnum Francorum & tùm constabat, & nunc adhuc constat. Sed manum abstraho. Jam enim mihi nimius fuisse videor in re apertâ; & copiâ, si exequi singula vellem, futurum esset, ut me simul lectoremq; obruerem.

Hanc tamen veritatem civilis Philosophiæ scitis tam solidis, ipsâque naturali ratione tam perspectâ, exemplorum etiam fulcris, & maximorum principum rebus gestis

gestis ac testimoniis irrefragabilibus stabilitam, fallor, aut non deerit, qui pro falso perinde veroq; ex more seculi rhetoricari doctus, criminetur. Frustra id quidem, nec plus promoturus, quam rabidus canis lunam oblatrans. Anne enim illa nobis genuinæ scil. Franciæ symbola, quæ Gallis manserint, pertendat opponere, Ampullam sacram Rhemensem, Remigio ipsi cum Gregorio Turonensi, paulò minùs quàm synchrono, cæterisque proximè secutis scriptoribus ignoratam? an Aurisflammulæ fabulam, post exactos demum Carolinos Reges natam? an Clypeum liliatum, cœleste, si Divis placet, donum, quod palàm nunc est, priscis omnibus Francis, cum liliorum insigniis nihil negotii habentibus ignotum, & lilia Gallica, Ludovici demum sexti inventum fuisse? An Párisiensem iterum sedem, autoritate Magni Caroli jam pridem loco motam? An Dionysianum Mausolæum, quod Merovingiis Carolinisq; Regibus sæpissimè neglectum? An Christianissimi præconium, quod nec Francicorum Regum, nec Carolinorum

pro-

proprium unquam fuit? An Ecclesiasticam primogenituram, quam totam Germaniæ Regum esse, hâc ipsâ de regno Francorum dissertatione evictum dedimus? An proëdriæ jus, cujus hâc eâdem operâ Gallis omne fundamentum evertimus? Istius verò generis nugas aniles magnas, mercesq; malas meras, nobis venditare, si è Gallis quisquam sategerit: alibi quærat, cui centonem farciat.

Sed nominis fortasse Francici apud Germanos lituram, apud Gallos constantem vigentemq; usurpationem simplicioribus tantum circumveniendis objicerent? At parata diversitatis ratio est. Ut Franco-Germaniæ Reges augustius quid Cæsareo nomini, quàm regio inesse credebant, eòq; Imperatores dici quàm Reges malebant: ita & regnum ipsum suum Imperii nomine efferri, haud illibenter tulerunt. Ita paulatim usus inolevit. Galli è contrâ, quibus summum gloriæ in eo positum erat, ut saltem nomine atq; origine Franci censerentur, cùm Francici præterea nihil sibi reliquum novissent, nomen illud perquam sollicitè custodi-

R

endum

endum duxere. Non ita Germani, qui infiti characteris, ejusdemq; inseparabilis securi, Francos se esse, quàm dici magnificentius credebant. Inde cùm quædam originis hujus oblivio vulgò obreperet, id cum gloriâ, quæ ab imperiali culmine veniebat, compensari fortasse poterat. Eadem oblivio invasisset & Gallos, si Carolo Calvo datum fuisset, imperatorium culmen ad posteros transmittere. Vix enim Imperatori per fœdas largitiones fraudesq; renuntiato, jam fordebat, Regem Francorum salutari, soloq; imperatorio titulo efferri, amplius augustiusq; visum est. Diplomate id docemur, quo Abbatia Hasnoniensi anno 877. prædia quædam confirmavit. Refertur id Auberto Miræo. (u) Nec aliam omninò fuisse causam, cur Germani Francico nomine apud se neglecto, Gallos eo se ferre passi sint, jam olim Otto Frisingensis & agnovit, & clarè testatus est (x) quando ait: *Ex hinc diviso regno (Francorum) regna modò duo, Orientale ac Occidentale inveniuntur, quorum alterum (Orientale nimirum)*

partem Ludovici ac Lotharii sedemq³ regni Francorum, Palatium Aquisgrani, ac Imperium urbis Romæ habet, aliud verò Occidentale, quod adhuc Francorum, E O QUOD ISTUD ROMANORUM vocatur, appellatur. Clara vox est illustrissimi scriptoris, qui hoc textu præter redditam nominis diversitatem, & diversitatis rationem, regno Orientali Francorum præ regno Occidentali tria fuisse præcipua enarrat, sedem regni Francorum, hoc est, regnum genuinum, Palatium Aquisgrani, & Imperium Romanum. Extrinsecæ igitur denominationis incurii vivebant Germani, quòd rem apud se esse satis ducerent. Nec tamen defuere per singula secula, qui Germaniam Francorum esse regnum probè memores, identidem aliis id inculcatum voluere, cùm exteri, tùm nostrates. Gregorium Septimum Pontificem Maximum, nemo opinor hâc in causâ testem repudiabit. Is verò literis ad Germaniæ proceres datis, se Domini Henrici (quartus is noster fuit eo nomine Rex) diligentia circumventum ait, ut nec in Ger-

maniam progredi, nec tutò Romam regredi valeat; proinde monere eos, ut suis interim rebus & regno FRANCORUM quaquà possint ratione moderentur. (y) Huic ut ætate sic iudicio circa regnum Germaniæ par fuit, sive Venericus Vercellensis, sive Waltramnus Naumburgensis Apologiæ autor, pro Henrico quem diximus, in lucem datæ. Ille enim nunc *Henrico in toto FRANCORUM REGNO* (Germaniam verò intelligit) *non esse regimini aptiorem adversariis exprobrat; nunc incessit illos, qui inhonoraverint Regem FRANCORUM, quique eundem Legis Christianæ contemptæ reum egissent.* Concinit autor Historiæ Trevirensis manuscriptæ, quæ hætenus inedita in Bibliothecâ Cæsareâ Viennensi conservatur. Is haud procul calee sic ait: *Et fortè eodem tempore Respublica FRANCORUM valde turbabatur. Nam paucos ante annos Henricò Imperatore hujus nominis quinto (superioris Henrici filius is fuit) sine prole defuncto, procures FRANCORUM apud Moguntiam Leodegarium (Lotharium) Ducem Saxonum*
in

in Regem elevarunt. Et fuit hic scriptor rebus coævus. Henricis istis priora non moveo. Possent enim præcessorum singuli argumenta luculentissima suppeditare. Sed in seculum usq; duodecimum Francici nominis memoriam Germanis constanter retentam fuisse, hoc pacto jam liquet. Igitur quæ secuta sunt tempora, huc tantum faciunt. Fridericus Barbarossa Conrado Tertio interjecto, Lothario successor fuit. At verò quot non locis Frisingensis & Ligurinus Poëta, qui gesta ejus prosâ versuq; posteris transmissere, rem Francorum Germanis asseruere? Piget singula referre. Tota Friderici ad Romanorum Legatos habita oratio perstrepat, **JURE FRANCORUM eum venisse, repetitum urbem atq; Imperium.** Seculo decimo tertio milites Germani in præsidio urbis Neapolitanæ constituti, adhuc Franci disertissimè dicti sunt Petro de Vineis (z) tùm ipsi Friderico II. Cæsari. (aa) Decimum quartum, quintum & sextum scriptores tulerunt, Ludolphum Babenbersem, Petrum de Andlo, deinde Trithe-

R 3 mium,

mium, mox & Aventinum aliosq; , qui Germaniæ regnum ab Imperio Romano pressè sumpto distinguentes, contra receptam in vulgus suorum temporum opinionem non vindicârunt modo, sed & partim verum ac genuinum in eo perstare Francorum regnum agnoverunt. Sed quid ista operosè disputem, cùm celebris Galliæ Advocatus Blondellus non modò in eo plurimus sit, ut esse apud nos regnum **FRANCORUM ORIENTALE** evincat: sed & perquam contentiosè cautum velit, ne quis fortè alienâ opinione transversum inde ducatur.

Inter hæc non nisi insulsissimo cuiquam in buccam venerit dicere, ex quo nullus Imperatorum gestis se suis aut verbis Francorum Regem ampliùs testatus sit, quatuor minimùm seculorum, aut quod excedit hinc silentio, inde Gallorum pro Francis se ingerentium industriâ, & nationum circumquaq; respondente sensu id effectum esse, ut velut juris gentium præscriptione, Galli in Francos transformati sint, nihil officiente privatorum scriptorum è Germanis laudatâ circumspèctione, patriæ suæ

*consultum esse volentium, ut quæ publicâ
opinionem in contrarium faciente, elisa sit.
Qualis quidem causatio si fortè à Gallis
profecta fuerit: gratulabimur tandem ali-
quando frugi factis, jurisq; gentium ali-
quam præscriptionem in rem saltem su-
am agnoscentibus. Sed ut hoc jam non
urgeamus, sed nec suppositum, quo ni-
tuntur, ipsum, quòd nullus Imperato-
rum se verbis gestisve Francorum Regem
probaverit, falsum convincamus; neque
etiam scrutemur, an requisita justæ præ-
scriptionis ejusmodi usurpationi subsi-
dio veniant: aliud tamen est, quod ta-
lia blatientem requisitum velim, numne
cæteros hominum adeò nullius esse men-
tis ducat, qui persuaderi sibi sinant, pos-
se etiam personas præscribi? Non in-
quam, qui credant, posse liberum homi-
nem in servitutem præscriptione depri-
mi, quod examinandum hæc non sumo.
Verum an quisquam hominum quam à
naturâ primitus sortitus est personam,
sive hypostasim, quâ à cæteris homini-
bus ab usq; primâ sui in fœtum anima-
tione distinctus fuit, eâ sic excidere pos-
sit,*

fit, ut ipse velut non usu, manente cœteroquin ejusdem animæ, ejusdemque corporis non interruptâ unione, in alium hominem, alius verò, qui pro ipso se gesserit, velut usu contrario in ipsum transeat? hoc est, an Titius in Sejum, Sejus in Titium, per præscriptionem transfundi queat, id quod Sosias ille Plautinus Amphitryoni suo metuebat, *ne fortasse usu se perderet*. Putem verò ego hanc insaniam, qui insaniat, Anticyras protinus amandandum fore. Ecquid igitur aliud de eo statuamus, qui personas populorum ac civitatum illas, quas diximus morales, & quarum cum personis physicis in hâc quæstione congemina prorsus ratio est, non usu ac præscriptione à gente in gentem (nisi intimâ civili unione initâ, quod alterius naturæ est) transferri posse pertendat? Posset talis insania cuivis sensato cerebrum excutere. Nunquam enim ædepol ita nos alienabunt Galli, quin nostri usq; simus. Pari autem lege damnabimus & illum, qui dato, quod dari nequit, Germaniæ regnum in personam

nam Romani Imperii introiisse, hoc ipso genuinam regni Francorum veri rationem à nobis ad Gallos transmigrasse, per lepidissimam Metempsychosin fortè adstruxerit.

Piget itaq; tergiversationibustam nihili refellendis, operam diutiùs perdere. Quamobrem hanc quæstionem de vero ac genuino Francorum regno, pro suâ dignitate, quin etiam pro publicâ necessitate semel in arenam atq; discrimen vocandam & illustrandam manu emittimus. Pro quâ si cui in certamen nobiscum descendere volupe fuerit: nixi manifestâ veritatis causâ, neminem recusamus adversarium, qui rationibus è jure naturæ gentiumq; & verâ civili Philosophiâ, ac argumentis è genuino historiarum & antiquitatis fonte deductis, non inanibus logis & vaniloquentiis, adulteratisq; aut umbraticis testimoniis atq; exemplis, & fucis ac fabulis certandum sibi pernoverit. Id modò identidem repetitum volumus: concidisse ea omnia quorumcunq; Prædiximus, ut Capetinæ genti jura Merovingiorum, in illa, quæ olim

Francica fuere, affereret, vi regni, cui nunc præest ea gens, sibi spem fecisse videtur. Operta enim, quæ fuere, aperta sunt; patent præstigiæ. Alieni nominis Vejovem illum immanem, minacem, terribilem, quo Galli per fraudem atq; injuriam, quin imò per ludibrium etiam nostrum confidenter grassantes, penè omnium libertati graves & exitiosi imminuere, larvâ detractâ, detractis quoque Francici Leonis, quas vaferrimè sibi aptaverant, exuviis, anile terriculamentum vel pueris posthac, eo quidem nomine, deridendum proposuimus. Unà verò thesim quoq; Pradianam, quod hoc omni tractatu agendum sumpseramus, jam undique exarmavimus, ac tandem, quod confidimus, è fundamento everfam dedimus. Nunc igitur, quod in omni magnâ disceptatione condignum est, causæ pulcherrimæ gravissimæq; meritis, luci gentiumq; omnium cognitioni integerrimè expositis, orbem judicem iterum iterumque compellamus. Hæc patriæ studio, quæ nostri officii erant, stylo executi sumus. Cœterum quæ no-

rist

stri ratio instituti non pertingit, si Gal-
lis per vim apertam, quod fore non ex-
istimamus, fabulæ atq; calumniæ adhuc
fortasse insistentibus, manu quæquam
gerenda venerint: illis ea curæ sunt, quo-
rum fidei ac fortitudini salus atq; honor
Imperii nostri, & quæ inde pendet li-
bertas & incolumitas Europæ commen-
data est.

(a) *Regino in Annal. ad ann. 842.*

(b) *Theganus in vita Lud. Pii cap. 21.*

Ut omnia quæ Deus per patris sui ma-
nûs tradidit ei regna post obitum suum
susciperet. Et charta divisionis Impe-
rii Tom. 1. Capitular. Reg. Francorum.
Nequaquam nobis nec his qui sanum sa-
piunt, visum fuit, ut amore filiorum,
aut gratiâ unitas Imperii à DEO nobis
conservati, divisione humanâ scindere-
tur. Et paulò post: In quibus post de-
cessum nostrum SUB SENIORI FRA-
TRE regali potestate potiantur.

(c) *Nithardus Hist. lib. 1. Quamobrem
pater ut æquius voluit, regnum absque
Bajoaria cum suis divisit.*

(d) *Nith. ibid. His paratis, & datâ sibi*

optione , *Mosæ Australem partem sibi tenendam delegit. Et lib. 4. Jurant illi, quòd tunc fratres sui jure jurando, prout æquius possent, regnum omne absq³ Longobardià, Bajoarià & Aquitanià, in tribus partibus dividerent, essetque super his sua electio, ut quam vellet harum eligeret.*

(e) *Aim. in V. Lud. P. Et Lothario quidem coronam, ensen, vulgus, auro gemmisq³ redimitum eo tenore habendum misit &c.*

(f) *Wippo in V. Conradi Salici. Aquisgranum ubi publicus thronus regalis ab antiquis Regibus, & à Carolo præcipuè locatus, totius regni archisolum habetur.*

(g) *De la Decadence de l'Empire Liv. I.*

(h) *Adelm. ad ann. 840 Nith. l. 2.*

(i) *Nith. l. 4.*

(k) *Cap. de acidulis Schmechtanis.*

(l) *Ann. 888.*

(m) *Lib. I.*

(n) *Gest. Saxon. lib. I. in fin.*

(o) *Privil. Monast. Lauresham.*

(p) *Tabb. donationis insertæ à Baronio
anno*

De genuino Regno Francorum. 385
anno 962. verbis. Quæ pia recorda-
tionis Domnus Pipinus & Domnus Ca-
rolus prædecessores videl. nostri &c.

(q) *Eadem Tabula.*

(r) *Witekindus lib. 2.*

(s) *Vid. de his & aliis Ottonem Frising.*
Chron. lib. 5. c. 11. 12. 16. 18. & 21.

Et de Rebus gestis Frid. Barbarossæ.

(t) *Chron. l. 6. c. 17.*

(u) *Donationum Piarum c. 22.*

(x) *Chron. lib. 6. c. 35.*

(y) *Lambertus Schaffnaburg in fin. Hist.*
sua.


(z) *Epist. lib. 6. c. 25.*

(a a) *Constit. Neapol. lib. 2. l. 23. & 32.*

F I N I S.



INDEX.



INDEX.

A.

- A**Bbonis Abbatis testimonium de Roberti Pii majoribus. 298
- Abbo poëtafter monachus. 222. Ejus testimonium de Eudonis Regis originibus 290. Explicatur 291. & seqq.
- A**delelmus an Laudunensis Comes 229. 248. Ademari frater 230. An Nebelongi filius. Ibid. Eudonis Regis avunculus 231. & seqq. An Roberti Fortis frater. Ibid.
- A**demarus Comes Terici frater aut Nebelongi 205. Adelelmi frater 230. Eudonis R. avunculus 231. & seqq. an Roberti Fortis frater. Ibid.
- A**demari Monachi textus de originibus Pipini Brevis 120. perstringitur 135. explicatur 136. 137
- Ade-

Index.

Ademarus Senator prædives	226
Ægidius Magister militum Francis oppo- nitur ab Avito 86. Rex Francorum constituitur	87
Aëtius an Attilæ effugium foverit	79.
& seq.	
Agilolfingii Bavariæ Duces jure familiæ	242
Aimoini sententia circa origines Roberti Fortis 21. Ejus sequaces	22
Albegondis Eccardi Comitis uxor	49
Albericus Chlogionis filius Capetinorum genearcha habitus	23
Aledramnus Theoderici frater 223. An Comes Laudunensis. Ibid. &	247
Alemannorum systema pluribus constans civitatibus 59. & seq. Excidium 88. Quid inde terrarum Francis partum	306
Alpais legitima Pipini uxor habita 27. Eadem pellex 45. Uxor an pellex fue- rit 173. Cur uxor habita Fredegario? 177. Plurimum liberorum matrem fuisse non repugnat 179. 186. Caroli Mar- telli mater	181
Alsenfis Comitatus	253
	Amc-

Index.

Amelius Nebelongi adversarius	254
Ampulla sacra Rhemenfis an quid ad characterem regni Francorum genuini conferat	312
Adegavum à Francis captum	88
Annalium Francicorum textus tres de more Francorum in Regibus sumendis 118. Non nisi pro uno teste habendi	141. & seq.
Ansbertus Senator S. Arnolfi avus	27. 112
Ansegisi historia	42
Aquisgranum sedes regni Francorum & Archisolum	350
Aquitanici regni origo & nomenclatura	339
Aregisilus Mundericum dolo capit, sed suo malo	40
Arnoaldus Boggisus S. Arnolfi pater	27. 112
S. Arnolfi historia 41. an regio genere fuerit? Ibid. an Merovingio? 121. Quando natus, & quæ uxor 116. Bona sua omnia pauperibus elargiri prohibitus à filio Clodulpho 211. Nobili genere natus & Francico	127
	Arnol-

Index.

Arnolfus Cæsar Galliæ regnum respuit	
296. Pro genuinæ Franciæ Rege etiam ab exteris habitus	364
Arnolfus Drøgonis filius cæsus	44
Arroyus prætenſionum Gallicarum de- fenſor	314
Attilæ bellum cum Romanis 78. Quo anno ab Aëtio cæsus	101
Auberius fabulator prætenſionum Galli- carum patronus	315
Auguſtodunenſis comitatus Roberto Forti addiſtus § 1. Quî id contigerit	
240. & ſeqq. An aliquando eorum fu- erit, qui majores Roberto Forti à Pra- dio tribuuntur 241. Intra paucos an- nos in quatuor familias illatus	243
Auriſſammulæ ſignum an ad characterem genuini Francorum regni quid confe- rat	372
Avitus Imperator	85
Auſtriaci Principes Caroliniſ per fœmi- nas editi	8
Auſtraſia quid olim comprehenderit	
297 Beſſe regni Francorum conſtabat	325
Auſtria priſcis pro Auſtraſia dicta	295
Auto-	

Index.

Autoris methodus in persequendâ genealogiâ Capetinâ	53
Avunculi vox quid sibi velit	178
Axiomata Gallicana juridica	310. & seq.

B.

B Algiaco Villa	253.	feudum Caroli Martelli	254
Barcinonæ Comites & Marchiones à Childebrando l. juxta Pradium orti	47		
Bavaria Francis acquisita	90.	307	
Bavarici regni origo & nomenclatura	339		
Bavaricus Ducatus olim uni Agilolfingiorum familiæ affixus, sed non lineariter nec hæreditariè	242		
Begga Pipini Landi filiâ, Ansegisi conjux	42		
Belli inter liberos Ludovici P. causa & origo	352		
Beneficia locis sacris collata, an identitatem familiæ inferant	289		
Bernardus Barcinonensis comes	47.	Proximus ante Robertum Fortem Augustoduni possessor	260
Bernardus Italiæ Rex genearchis Capetiorum annumeratus	26		
		Bino-	

Index.

Binomines olim rari, non tamen nulli.

204

Bli&ildis Chlotarii filia, Ansberti uxor,
è majoribus Carolinis

124

Bodegifili Ducis historia ex mente Pra-
dii 40. Bodegifili, Bodegifi & Boggifi
nomen idem

112

Bouchetii sententia circa origines Cape-
tinas 27. Idem Pradio malè habitus
28. Ejus sectatores 28. Qui ei in enu-
merandis Capeti Majoribus cum Pra-

dio conveniat, & contra 30. & seqq.

Idem à Pradio falsi infimulatus

154

Britones Aremorici à Francis subacti

89

Bru&teri Franci

70

Burgundia tota à Francis subacta

90

Burgundiæ Ducatus Francicus factus

88.

an Pipini Crassi familiæ affixus

249

Burgundici regni origo & nomenclatu-

ra

339

C.

CÆsaries promissa an unius Merovin-
gicæ familiæ symbolum

100

Capeti Hugonis origines Merovingiis ad-
scriptæ, à quibus & quàm diversimo-

dè

Index.

dè 23. Ejus majorum series ex mente
Pradii 33. & seqq.

Capetinae gentis sincera gloria fucorum
& assentationum nequaquam indiga.

217

Capetini à Carolinis eadem natalium vi-
tia, quæ aliæ gentes juxta Pradium
contraxere 11. A Carolinis per mares
non descendunt, sed per fœminas.
Ibid. Ejusdem cum Carolinâ gente
stemmatis, & quàm diversimodè ha-
biti 26. Filiae Regum nothæ domum
illis deductæ 12. Eorum nomina pro-
pria primæva merè Franco-Teutoni-
ca fuere

287

Capitularia Caroli M. & Ludovici Pii de
more Francorum in sumendis Regi-
bus

119

Capitulare Caroli M. de successione re-
giâ explicatur

150. & seq.

Capitulare Ludovici Pii de regiâ succes-
sione 153. Suppletur 154. 157. Ex-
plicatur. Ibid. &

158

Carolus Calvus quid de suis originibus
senferit 123. Eruditus & eruditorum
fautor. Ibid. Nepoti Ludovico Cæsari
Lotha-

Index.

Lotharingiæ regnum præripit 139.
Quâ ratione posteris Chlodovæi M.
annumeratus 140. Lothario fratri re-
verentiam exhibere jussus 354. Lotha-
ringiæ regnum cum Ludovico fratre
dividere cogitur 357. Per improba ar-
tificia Romanorum Imperator factus.

358

Carolus Crassus Galliæ regnum à regno
Francorum exactè distinguit 362

Carolus M. ob avi natales Pradio pro-
brosè habitus 5. Ejus merita 6. Usur-
pator regni alieni Pradio dictus 13.
Ejus majores quando Franconiæ præ-
esse cœperint 42. Ejus posteritas à Ca-
peto regno, libertate, vitâq; exuitur
52. Germaniæ Galliæq; uno eodemq;
titulo Francico præfuit.

Carolus Martellus ob natales Pradio pro-
brosè habitus 5. Ejus merita 6. Car-
ceri mancipatur 45. Liberatus Ragin-
fredum cædit 46. Franciæ universæ
regimen suscipit. Ibid. Quâ lege illuc
assumptus 329

Carolus Simplex Galliæ Rex Robertum
rebellem confodit 51

Caro-

Index.

Carolus Ludovici Transmarini ex filio Lothario nepos, Lotharingæ infe- rioris Dux	52
Chararicus Francorum Rex	100
Cassanus primus prætensionum Gallica- rum parens	314
Chatti Francorum populus	70
Chauci Franci ad Saxones transeunt	69
Chesnæus à Pradio injuriâ malè habi- tus	32
Chiffletii sententia circa origines Cape- tinas 24. Merita erga domum Cape- tinam	25
Chiffletius quid potissimum sategerit 41 defensus	169
Childebertus Theodeberti filius Capeti- norum genearcha habitus	23
Childebrandus I. Dux Alpaidis & Pipini legitima proles habitus 27. Ejus histo- ria 46. Aut filius Pipini non fuit, aut spurius fuit 173. & seqq. An Pipini fi- lius qualiscunque ulli veterum dictus 175. Inter liberos Pipini nusquam numeratus 176. Quale patrimonium fortitus sit 184. 193. An Burgundiæ Ducatum 185, 252. An Ple&trudis filius	

Index.

- filius fuerit 195. An Augustoduni Comes 252. & seq. Ejus progenies, quatenus in Hugone Capeto legitima dici queat 330
- Childebrandi II. historia 48. Augustoduni Comes non fuit 256
- Chilpericus Francorum Rex Parisios capit 87. In exilium ejicitur. ibid. Andegavum capit 88. Ejus ætate polybasilia adhuc inter Francos viguit 99
- Chloderici parricidæ historia 39
- Chlodovæus III. quas expeditiones susceperit 88. & seqq. Reges Francorum suos vicinos, consanguineosq; & agnatos tollit 89. 108. Ejus ætate polybasilia inter Francos adhuc viguit 89. Ejus filii patri vitiis simillimi 109
- Chlogionis Francorum Regis expeditio infauſta in Gallias 75. Ubi inter Francos regnaverit 76. Ejus soboles an à Merovæo regno exacta 77. Sub Merovæo militat. ibid. Ejus ætate polybasilia inter Francos adhuc viguit 98
- Colonia Agrippina à Francis capta 87
- Comitatûs antiquitus in patrimonio non fuerunt 215. Nec familiis regulariter affixi

Index.

affixi 243. Quando apud Gallos familiarum proprii facti. ibid. Eorum diversa olim ab hodiernis ratio	241
Coronatio Regum Germaniæ regulariter in solo Lotharingico fit	360
Christianissimi titulus an regnum Francorum genuinum inferat	372
Chronologia à Pradio corrupta restituitur	102

D.

D Agoberti III. Regis Francorum successor Daniel quo jure ad regnum assumptus	159
Dantis carmina in Carolum Valesium & Hugonem Capetum imprudenter à Pradio allegata 8. Idem à Pradio improvidè malè habitus 8. & seqq. Infamiâ eximitur	9
Dependentiarum Gallicarum ima radix & fundamentum	309
Divisionis regnorum, quæ natura	344. & seqq.
Doda S. Arnolfi conjux	41
Drogo Pipini filius Campaniæ Burgundiæq; Dux 44. quo titulo?	250
	Duca.

Index.

Ducatûs olim familiis regularitèr non af-
fixi; & quando apud Gallos patrimo-
niales fieri cœperint 243

E.

ECcardi Comitis historia 49. Ejus te-
stamentum 200. 201. Ad pias causas
conditum 206. Quando? 207. Impro-
lis fuit 208. & seqq. Ejus donatio in-
ter vivos 212. Childebrandi alicujus
filius Eccardus aliquis fuit 221. An
Comes Morivenfis 246. An Matisco-
nenfis & Cabillonensis 247. An ex
potentissimis Galliæ proceribus 248.
An Comes Augustodunensis 257
Eccardus Eccardi filius 205
Electionis regiæ inter Francos, quæ na-
tura 157. 159
Elirannus Ademari nepos Pradium con-
vincit 227
Elizachar Abbas copiarum dux 49
Ermengardis Lotharii Cæsaris uxor 236
Espertonii Dux quatenus Genealogiæ
Capetinae autor 4
Eudo Roberti Fortis filius, Galliæ Rex
51. Ab Ademaro cæsus 156. Tilinia-
cum

Index.

eum Ecclesiæ Augustodunensi restituit 279. Ejus electio quoad Galliam Neustriam ab Austrasiis ratihabita 295
 A regiâ stirpe alienus, & tyrannicus inuasor dicitur Fulconi Rhemenfi 299.
 & seq. Gallis Rex datus ex voluntate Arnolphi Cæsaris 366. Cui fidelitatem eo nomine spondet. ibid. & seq.
 Europæ quies per Pradium à nugis meris suspensa 14

F.

Factionum identitas an familiæ identitatem inferat 288
 Filii nomen priscis variè sumptum 205.
 pro genero 129. pro privigno 235
 Flodoardi Rhemenfis textus de Eudone Rege explicatus 301
 Floriacense monasterium 203
 Francorum nomen quando primitus auditum 56. Quæ gentes eo comprehensæ, ibid. Primæva origo ac sedes omninò Germanica 57. Falsò à Mæotide palude deducuntur. ibid. Uti & Galliis. ibid. Et à Trojanis 64. Falsò ab origine unâ solâ gente seu civitate com.

Index.

comprehenſi dicuntur 57. & ſeqq. Eorum ſyſtema primævum quale fuerit 59. In Galliâ mox ab initio plura regna condiderunt 62. Eorum ſyſtema primævum an ſub Pharamundo ſublato 62. Primitivi fines 69. Secundarii 70. Cur in Chamavos & Anſibarios diſtincti. Ibid. Eorum geſta ab anno 378. uſq; ad Merovæi tranſitum in Gallias 73. & ſeqq. Fines ad Nicrum promoti 73. Diſtinctio in ſuperiores & inferiores 74. & 75. Reges Pharamundus, Chlogio, Merovæus an Saliis in Gallias pridem antea tranſgreſſis imperaverint 76. Franci ſub Merovæo non ingratiis Romanorum in Gallias tranſgreſſi 78. & ſeq. In Gallias tranſgreſſi ſedes trans Rhenum originarias nequaquam omnes dereliquerunt 81. Pars eorum ſub Attilano bello pro Romanis, pars pro Attilâ ſtetit 82. & ſeq. Franci Attila Romanis extra Gallias incumbente rem ſuam in Galliâ ſtabiliunt 85. Franci ſuperiores quando ſe ſtabiliter Galliæ intulerint 87. Coloniam Agrippinam

Index.

- pinam & Treviros capiunt. *ibid.* Franci an cum universis gentibus sui nominis in Gallias transferint 354
- Franci in Monarchiam redacti 89. Iterum in tetrarchiam distincti. *Ibid.*
- Francorum quænam seculo quinto fuerint 15. 304. & seqq.
- Francorum Reges plures unâ imperantes 61. Regia successio cuius olim naturæ fuerit 148. Mos in sumendis olim Regibus quis Pradio fuisse videatur 118. Quatenus ille lex fundamentalis fuerit 162. Eorum Reges ex stirpe alienâ 163
- Francorum Bru&erorum sedes 70
- Francorum nomen, quibus à Pradio per antonomasiam tributum 117. Diversis regnis commune, & cur, ac quo intuitu 343. An apud Germanos exolverit? 373. Cur iis rariùs usurpatum. *Ibid.* Quâ causâ, quibus artibus, Gallis vulgò peculiare factum 373
- Francorum autocratia Deo soli subiecta 133
- Francorum regales quid sibi velint 62
- Francicum regnum cur nunquam foeminiis

Index.

- nis delatum 325. & seq. Ejus divisio
propè fatalis post obitum Ludovici
Pii 340. & seq. Ejus partes, quæ olim
fuerint, & quotuplices 336. & seq.
Francia cur Suevis mixta dicta Aufonio
72. Franciæ vox quotupliciter sumpta
292. Francia specialiter dicta, quæ &
quotuplex 337. & seq. Francia Austra-
sia quid continuerit 338. & seq. Quid
Neustria Ibid.
Franconiæ modernæ origo 73. Quando
Francis subiecta 307
Frater pro affine dictus sequioribus se-
culis 129
Fridericus Barbarossa Cæsar Regem Fran-
corum se gessit 377
Friderici II. & Alberti I. Cæss. pactiones
cum Galliæ Regibus 314
Frisii quando à Francis subacti 309
Fulconis Rhemensis literæ & textus de
More Francorum in sumendis Regi-
bus 118. Explicantur 137. 138. 299
S. Furseus hybernus Monachus à Sigeber-
to Francorum Rege Coloniæ receptus,
primum monasterium in Germaniâ
Transrhenanâ condit 37
S 3 G. Gal-

GAlliæ status sub ingressum Franco-
rum 86. Prærogativa in regno Fran-
corum 337

Galliæ Regibus Capetinis adscripta à Pra-
dio ea omnia, quæ quondam Mero-
vingiorum fuere 14. Idem ex officio
tenentur Europam turbare 15. Arnol-
fo Cæsari fidelitatem debebant 365.
& seqq.

Gallici regni moderni origo 304. 341

Galli avita Francicâ libertate omninò
exciderunt 53. Eorum fabula circa
regnum Pharamundi, Chlogionis &
Merovæi 76. Axiomata jurispruden-
tiæ publicæ 310. & seqq. Prætensiones
in partes Imperii Germanici quando
motæ, & quousq; 312. & seqq. Quid
hodie Galli per L. Salicam intellectum
velint 326. Non nisi per æquivocati-
onem sunt Franci 355

Genealogistarum Gallicorum sublesta fi-
des 154. & seqq.

Genealogicæ controversiæ cum Gallis
cur exactissimâ circumspeditione tra-
ctandæ 328

S. Ge-

Index.

- S. Geraldus Aureliacensis Comes 229
Germania Transrhenana omnis dicta Saxonia & cur? 25. Regni Francorum pars genuina fuit non minùs ac Gallia 336. Ejus prærogativa in dicto regno 337
Germanici veteris regni origo 341. unio cum regno Lotharingio, & transitio in regnum Francorum genuinum 356
Germaniæ Principes contenti nobilitate sui generis 18
Germani avitam Francicam libertatem non conservârunt modò, verùm & identidem auxerunt 53
Germani vox quid genuinè, quid æquivocè sumpta sibi velit 17
Germanicæ gentes omnes sex aliquando systematibus comprehensæ 60
Gothorum, systema pluribus constabat populis 60
Gregorius VII. P. M. Germaniæ regnum pro regno Francorum agnovit 375
Grimoaldus Pipini filius trucidatus 45
Gualtarius Eudonis nepos capite plexus 231. 233
S. Guilielmus Barcinonæ Comes 47. An sub

Index.

- sub Carolo M. toti Francorum regno
imperaverit 245. Quid Magistratûs
gesserit Ibid.
Gundobaldus falsus Chlotarii filius 107
Gundoinus Sicarius Ansegisum trucidat
42. à Pipino Ansegisi filio trucidat-
tur 43
Gundulphus Bodegisili Ducis frater 40
Tungrorum Episcopus 113

H.

- H**Æreditaria regnorum successio quæ
dicatur 152
Hassia primævis Francorum incunabulis
annumeranda 308
Henrici S. Cæsaris, & Roberti Pii Regis
transactio de regno Lotharingiæ 313
Henricus I. Galliæ Rex litem Henrico III.
Cæsari de regno Lotharingiæ motam,
turpissimè deserit 313
Hildeberti Archiepiscopi Mogunt. ora-
tio in coronatione Ottonis Magni
369
Hincmari Rhemenfis textus de origini-
bus Caroli Calvi 120. Explicatur 139
Hugo

Index.

Hugo Abbas Roberti Fortis privignus Eudonis & Roberti tutor	237
Hugonis Albi sive Magni historia	52
Hugo Alsatiae Dux	236
Hugo Drogonis filius Episcopus	44
Hugonis Capeti historia 57. Ejus mater Haduida Carolino sanguine edita 12.	
Intrusio in regnum Galliae an adversus Austrasios jus parere potuerit 320	
Hugo Lotharii filius, genearchis Capetinorum annumeratus	26
Hunibaldi fabula unde nata sit, conjectura	23. 58

I.

Juliofridus Abbas 245. Ejus textus explicatur	246
---	-----

L.

Lilia quando Gallorum insigniis illata	372
Lotharingia inferior quæ?	52
Lotharingiae nomen quando ortum 114	
Lotharingiae regnum diu bellorum inter Germanos Gallosq; causa 312. 358.	
Ejus origo & nomenclatura 344. Fuit regnum Francorum genuinum 348.	
S 5	& seqq.

Index.

- & seqq. Ejus cum regno Germanico intima & civilis unio 356. & seqq. Divisio inter liberos Lotharii Cæsaris. Ibid. Cedit Germanis conventionē inter Henricum S. Cæsarem & Robertum P. R. 313
- Lotharius I. Cæsar in genuinum Francorum Regem à patre destinatus 349. Et à fratribus agnitus 349. & seq. A patre itidem declaratus 351
- Lotharius Saxo Cæsar regno Franciæ genuinæ impositus 376
- Ludovicus Transmarinus Galliæ Rex 52
- Ludovicus junior primus è Regibus Germaniæ genuinus Francorum Rex 358
- Lutetiæ primatus in regno Francorum, quousq; duraverit 355

M.

- M**acrianus Alemannorum Rex cæsus à Francis 71
- Magistratûs identitas, an identitatem familiæ inferat 240. & seqq.
- Magistratuum Francicorum cōditio 241 & seqq.
- Manasses Theoderici Camerarii ex filio nepos,

Index.

nepos, Tiliniacum Villam injustè pos-
fidet 279. & seqq.

Marcomiri Francorum Regis captivitas
64. 65. Ubi regnaverit 67

Mellobaudes Francorum Rex ubi regna-
verit 68

Merovæus unde natus incertum 36. Ubi
antè ingressum in Gallias regnaverit
conjectura. Ibid. & 67. Quâ ratione
sedes in Galliâ tulerit. Ibid. Prælio
Mauriacensi adversus Attilam inter-
fuit. Ibid. Falsò Francorum omnium
Rex habitus. Ibid. Fuit Rex & Dux
Francorum diverso respectu. Ibid. &
37. Cum sociis Francorum Regibus
plura in Galliis regna condit 62. 80.
Ejus obitus 85. An ante bellum Atti-
lanum vitâ functus 94. Quo anno
obierit 103. Quid Francis subjecerit
306

Merovingii Reges, quæ seculo quinto
tenuere in Capetinos translata cen-
sentur à Gallis 15. Quid eo nomine
Pradio veniat Ibid.

Merovingiorum nomina propria 285. An
S 6 Chil-

Index.

- Childebrandinis aut Arnolfinis usita-
ta 286
Miardo villa 253
Moguntinus tractus à Francis subactus 81
Mos Francorum in electione Regum ex-
plicatur diffusè 143. & seqq. Quo sen-
su lex fundamentalis 146. & seqq.
Mosellani quando à Francis subacti 81
Munderici perduellis historia 39. An re-
gii generis princeps fuerit 106. An
Chloderici filius 108. An spurius 110.
& seq.

N.

- N**ebelongi I. historia 48
Nebelongi II. historia 49. Cum fra-
tre Theoderico testamenti Eccardini
executor 202. An Theoderici & Ade-
mari, Adelelmi & Aledramni pater
207. An Roberti Fortis 218. & seqq.
An Comes Altisiodorensis & Vexinen-
sis 247. An Augustodunensis 258
Nominum identitas vanissimè in argu-
mentum deducitur 228. An identi-
tatem familiæ inferat 284. An priscis
famiiliis constanter servata, Ibid. Sæ-
pe

pe per mulieres alienis familiis illa-
ta 285

O.

OTto M. multimodè testatus est Re-
gem Francorum genuinum se esse
368

Ottone Frisingensi teste Merovingio-
rum, & Carolinorum & Ottonum
unum idemque regnum Francorum
fuit 371

Origines Capetinæ Espernonii Ducis à
Pradio editæ & illustratæ 2

P.

Palatini Comites originibus Carolinis
censentur, & Capetinæ genti matri-
moniis innexi sunt 11

Parentis vox quo sensu Francis usurpata
100

Parisi à Francis capti 87

Pater pro socero dictus sequioribus se-
culis 129

Patriciacum villa Floriacensi monasterio
legata 203. primò feudum, deinde al-
lodium Eccardi 257

S 7 Patri-

Index.

- Patriciacensis in Burgundiâ Prioratus,
Eccardi testamento debitus 210
- Patrimonium ad comitatum non con-
cludit 253
- Paulus Diaconus an S. Arnolfo penè co-
ævus 128. Ejus textus de Carolinis &
S. Arnolfo 117. Explicatur 130
- Personæ regnorum morales an præscri-
ptione acquiri possint 379
- Petri Bibliothecarii textus de originibus
Pipini 117. Quid de eo sentiendum
131
- Pharamundus aliquis Francorum Rex an
fuerit 63. & seqq. Ubi regnaverit 67
- Pipinus Crassus Genearchis Capetinorum
annumeratus 27. Ejus historia 43.
Ætas 179. Progenies 191. 192. An
ex patrimonio Burgundiæ & Campa-
niæ Dux 249
- Pipini Brevis & Francorum S. Pontifici
proposita quæstio quid sibi voluerit
134. Cur regio genere natum se per-
hibere potuerit 136. Quâ ratione
Merovingiis amotis in regno sublectus
160. 161. & seqq.
- Pipinus junior Aquitaniæ Rex 254
Plectru-

Index.

- Ple&trudis Agilolfingia Pipini Crassi uxor
44. Post obitum mariti regimen susci-
pit 45. Marito supervixit 181. Ejus li-
beri 191. Imperii cupida 193. Hugo-
berti Bavarix Ducis filia fuit 195
Populorum re&trice familiâ viduatorum
quodnam jus circa remp. ordinandam
320. & seqq.
Possessionum identitas an identitatem
familix inferat 240
Pradius quatenus Genealogiam Capeti-
nam suam fecerit 4. Palpator Regum
malè providus 5. Probra natalium Ca-
rolinorum aliis objiciendo, in Reges
proprius ingerit 8. Plagas commerit-
tus, quarum Dantem damnavit 10.
Pradii inventum genealogicum à poti-
ori Bouchetio tribuendum 30. Quî in
enumerandis Capeti majoribus cum
Bouchetio conveniat, & contra. Ibid.
& seqq. Cur cœteras Capetinorum
genealogias, præter eam, quæ à Me-
rovingiis deducitur, uti & natales le-
gitimos Caroli Martelli, & Childe-
brandi vitiosos aversetur 54. Cur Ca-
petinos Merovingiis innectere tanto-
pere

Index.

pere satagat	92.
Vasfer chronologiæ corruptor	101. 102.
Imprudens in Bouchetii sententiam concedit	113.
Ejus intima mens in explicando more Francorum circa Reges eligendos	144.
Falsi convictus	155. 186.
Sibi contrarius	165. 184.
Calumniator	165. & 166.
Thraſonica ejus elogia	184.
Vasfra & truculenta intentio	214. 237.
Perversitas in Ducibus Comitibusque suis creandis	244.
Impudentia & falsariæ interpretationes	268. & seqq.
Putidæ assentationes	301.
Vaniloquentia	304
Præscriptionis ex jure gentium vis atque necessitas	331
Prætensionum Capetinarum sedes in Genealogiâ Pradianâ	3.
Quotuplici fundamento niti queant	317.
Quis earum patronis præstitutus finis	315. & seq.
Earum intima ratio	334
Primogenituræ vis in regnorum divisionibus	348
Primogenitura Ecclesiastica	373
Principes Germani origines Carolinas ambiunt	7
	Priscus

Index.

- Priscus Pannites Romanus Historicus** fal-
sè à Pradio explicatus 93. & seqq.
Proëdriæ jus an Gallis competat 373
Provinciarum in regno Francorum di-
versitas 337
Puffendorffii Samuelis textus circa Re-
gum successionem ex lege, electione
mixtam 146
Puteanus Petrus prætensionum Gallica-
rum advocatus 315.

R.

- R** Ahab vitæ anteaftæ maculam cluit 7
Regia successio ex lege, electione
mixta 146. & seqq.
Regum propinquitas, quâ intelligenda
223
Richardus Burg. Dux an Capeti agnatus
267. 279
Richildis Eccardi uxor 49. 202. 203.
Robertus Fortis Capetinorum Genear-
cha Saxonici generis 21. Witikindi
Saxonis filius habitus Urspergenfi 22.
Cur Saxo dictus & quo sensu 22. 24.
50. E Welfhis profatus 24. Ejus hi-
storia 50. Sui seculi Gallicus Achilles
218.

Index.

218. Primus è Capeti Majoribus Au-	
gustoduni Comes 259. Sed Comita-	
tum in posteros non transmisit	264
Roberti Rebellis Galliæ Regis histo-	
ria	51
Robertus Eliranni aut Ademari frater	
	227
Robertus Pius Rex per contemptum Bur-	
gundio dictus 273. Cur ?	274
Rudolphus Burgundiæ Dux Galliæ Rex	
	52

S.

S Alica lex quæ fuerit	326
Saxones Francorum partes carpunt	69.
A Francis in terras ab his desertas ad-	
mittuntur 81. Quando & quomodo	
Francis subiecti	308.
Saxonum plures populi ac civitates	60
Saxonia pro Germaniâ sumitur	37
Sidonii Apollinaris testimonium de Fran-	
cis	86
Sigeberti Vetuli Francorum Coloniensi-	
um Regis historia 37. Quid terrarum	
tenuerit 38. Ubi ante transgressum in	
Gallias regnârit 68. Quo sensu Saxo-	
num	

Index.

num Rex dictus 25. Ejus expeditio in Gallias cum Francis superioribus 88.	
An Merovæi filius fuerit 96. & seqq.	
An filius Regis Francorum à Pannite descripti 104. An Attilæ militaverit. Ibid. Merovingiæ stirpis non fuit 104	
Slavicæ nationes, quando Francis subjec- tæ	309
Spuriorum quibus legibus successio in re- gno Francorum	329
Stemmatibus quæ significatio	117. 128
Sueciæ Reges origines Carolinas ambi- unt	7
Suevia Francorum facta 90. Quando	307
Sunnonis Francorum Regis mors	64
Syagrius militum magister à Chlodovæo sublatus	88
Sygiwaldus Merovingiorum consanguini- neus	109

T.

Tericus filius Nebelongi	205
Testamentum Eccardi 200. 201. & seqq. Ad pias causas conditum	206.
Quando	207
Theobaldus Grimoaldi filius nothus	45
Theo-	

Index.

- Theodemer Rex Francorum cum matre
interfectus 97
- Theodemirus Capetinorum profator fal-
sè habitus 23
- Theodericus Austrasiæ Rex Chlodovæi
filius Mundericum perduellem debel-
lat 39
- Theodericus Camerarius Augustoduncen-
sium Comes 254. 266.
- Theodericus Ostrogothorum Rex regio-
num inter Danubium & Alpes mode-
rator 307.
- Theodericus Richardus Eccardi filius si
fuit, nothus fuisse videtur 204.
- Theodericus & Nivelongus fratres testa-
menti Eccardini executores 202
- Theoderici tres testamento Eccardino
suppeditati 265
- Theodewaldus Pipini Crassi nepos ma-
jor domûs regiæ 194
- Theutberga Lotharii Lothar. Regis uxor
206
- Thuringi Francorum tributarii 88. quan-
do Francis subiecti 308
- Thuringiæ regnum à Francis deletum
90. 308
- Tracta-

Index.

Tractationis præsentis divisio	17.	Me-
thodus		12
Treveri à Francis capti	87.	Francis sub-
jecti		306
Trithemii circa origines Capetinorum		
sententia		23

V.


U	Bii & Mosellani quando Francis sub-	
	jecti	306
Vifigothi	Gallia primùm exuti	89
Urso gener Theoderici Camerarii		265
Urspergensis sententia circa Origines Ro-		
berti Fortis		22

W.

W	Alo Episcopus Tiliniacum Ecclesiæ	
	Augustodunensi transcribit	279
Wicheramnus Abbas		270.

FINIS INDICIS.

ERRA.



ERRATA.

- P**Ag. 54. lin. 22. imminutâ imminuive
aptâ l. imminuta imminuive apta.
- P. 101. lin. 20. ad libidines l. ob libidi-
nes.
- P. 107. lin. 2. post *erepta* add. paravisset.
- P. 111. lin. 8. natelium l. natalium.
- P. 122. lin. 24. abnepos l. atnepos.
- P. 130. lin. 6. potitæ l. potiti.
- P. 132. lin. 11. Galliæ l. Gallia.
- P. 145. lin. 20. hac l. hoc.
- P. 159. lin. 6. Marco l. Marquardo.
- P. 202. lin. 3. uxor l. uxorem.
- P. 207. lin. 8. pro 983. l. 883.
- P. 238. lin. 14. fatagerim l. fategerim.
- P. 266. lin. 8. patrè focero l. patre ac fo-
cero.
- P. 320. lin. 20. allationi l. allectioni.

ANT 1317524









XVII
A 1